



M-20.F.30

A A  
V  
46

D E  
INFINITIS  
PARABOLIS.  
ETC.



STOCK MARKET

1911



# DE INFINITIS PARABOLIS.

DE INFINITISQUE SOLIDIS EX  
varijs rotationibus ipsarum, partiumque  
earundem genitis.

*Vuà cum nonnullis ad prædictarum magnitudinum, aliarumque centra gravitatis attinentibus.*

AVTHORE

F. STEPHANO DE ANGELIS

*Biblioth. Scholar.* VENETO, *Piar. S. Pantalei*

Ordinis Iesuatorum S. HIERONYMI, in Veneta Provincia Definitore Provinciali.



VENETIIS, MDCLIX.

Apud Ioannem La Noù.

SUPERIORUM PERMISSV.

*Ex B. M. Borelli.*



2000. 10. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844.



Illustrissimis & Excellentissimis D. D.

**NICOLAO SAGREDO**

Equiti, & D. Marci Procuratori.

**IOANNI BAPTISTÆ  
NANI, Equiti.**

*Pro Sereniss. VENETA REPUBLICA ad S. M. C.*

**LEOPOLDVM ·I·**

Rom. Imp. Oratoribus in assumptionis gratulationem destinatis.

**F. STEPHANVS ANGELI VENETVS,**  
Ord. Iesuatorum S. Hieronymi, in Veneta Pro-  
uincia Definitor Prouincialis. P.P.P.



**VENETORVM** celsissima Respu-  
blica, quæ Cæli Maiestate insignitur,  
dum quot Senatores, & Patres,  
tot Numina iactat, consultò Vos  
(Equites Illustrissimi, & Excellen-  
tissimi) Mercurios selegit, ut Ger-  
manica aula, quam publico nomine sa-

lutaturi aditis, prælegationis dignissima officio, viros exce-  
pisse

pisse gloriatur, quibus visendis par est ut confluat, & ad-  
uoluatur genibus obsequentissimus Orbis. Profectò in am-  
plissimi muneris pompam corda vobiscum trahitis, omnium-  
què Vos comitantur vota dedita mancipia. Æolus, &  
Neptunus, pro vestri tranquillitate itineris leges ferunt  
ventis, ac undis; humus incundiori amantate leuigatur;  
Maestas currum componit; ducit Virtus; Famaque tubis  
gloriosiorem aduentum personantibus dat auras, ut populos  
cunctos habeatis feliciter obuios. Pariter & ego comitatu  
me adiungere ardentius exoptavi, incunctanter decreui, nè  
quos Mæcenates, & Patromos venerantur animi sensus,  
unquam desererent. Vobis ideò, quos verè Geometrici Or-  
bis Hercules fas est appellare, se sistit mea Mathesis, Vestro  
Nomini præclarissimo, & titulis se inscribit, Vobis se humil-  
lima dicat, arrhamque exhibet deuotissimi studiij. Quot  
igitur exarati apices has qualescumque paginas implent, tot  
Vobis erigunt monumenta, tot vestra probitatis excitant  
testes, tot eximia vestrum nobilitatis, & laudis explicant  
elogia. Exigua sanè hæc elucubratio, & tenuis labor, sed  
quem meritorum amplitudine cumulatis, summaquè vo-  
uentis deuotio complèt, & absolutissimum perficit. Exer-  
piatis conciuis obsequium, quod à patrijs undis erga Vos  
suauiter ebibit, pretiosius meherclè cunctis opibus, dùm ve-  
stra sapientia, & nobilitate ditatur, venerabundi affectus  
pondere non leuiter gravitat. Forsan & hæc opellula car-  
minibus Homeri non inuidet, si vos, qui Macedonis præ-  
stantiam æquatis, urbanitate lenissima ipsi suffragabimini.  
Plura adderem, qui plurima debeo, maximaque libare per-  
cupio. Ast calamo, iter vobis impositum, iamque immi-  
nens

*nens statuit metas. Discessum, & reditum Fata Vobis  
benè fortunent. Ducat sospites Virtus, Fortuna reducat in-  
columes.*



Noi Reformatori dello Studio di Padoa.

**H**Auendo offeruato per fedè del Padre Inquisitore non esserui, nel Libro Intitolato de Infinitis Parabolis Geometricis del Pad. F. Steffano Angeli da Venetia dell'Ordine de Gesuati, cosa contro la Santa Fede; come pure per attestato del Segretario nostro niente contro Principi, è buoni costumi, concedemo licenza, che possi esser stampato, douendo offeruarsi gl'Ordini, & essere presentate doi Copie per le Librarie Publiche di Padoa, e di questa Città. In.

Dat. dal Magistr. nostro 6. Febr. 1658.

{ Andrea Contarini Cau. Proc. Ref.  
Nicolò Sagredo Cau. Proc. Ref.

Alemane Angelo Donini Segr.



# LECTORI BENEVOLO.



VBLCI iuris fecimus elapso  
anno 1658. Libellum quendam,  
cuius titulus . SEXAGINTA  
PROBLEMATA GEOME-  
TRICA. In huius calce appendi-  
culam adiunximus, in qua occurri-

tur P. Mario Bettino, Mathematico melifluo Socie-  
tatis Iesù, Caualeriana indiuisibilia veluti Dæmo-  
nes pauenti. Paucis verò transactis diebus à supra  
dicti libelli impræssione, sortè incidimus Venetijs  
in libraria taberna Mineruæ, in opus aureum P. An-  
dreæ Tacquet, Mathematici disertissimi eiusdem  
societatis. CYLINDRICA, ET ANNVLARIA  
nuncupatum. Cuius operis dum paginas cursim  
volueremus, incidenter inspeximus scholium pro-  
posit. 12. lib. pri. in quo indiuisibilia carpit, talibus  
verbis. *Methodum demonstrandi per indiuisibilia, vel*

b (ut

(*ut ego appellare soleo*) per heterogenea, quam nobilis geometra Bonaventura Caualerius in lucem protulit, pro legitima, ac geometrica admittendam non existimo. &c. Doluimus vehementer, opus tanta eruditione refertum, non prius ad manus nostras peruenisse. Censura autem in ipso contra indiuisibilia pronuntiata, parum, aut nihil nos deturbat. Vetera etenim continet, & non nisi eorum modica, & inbecilliora, quæ prius ab ipsomet Caualerio in præfatione geometricæ indiuisibilium, & à Guldino in Centrobaryca obijciuntur; quibus cum satis, superque occurrerit ipsemet Caualerius, & in eadem præfatione, & in exercitatione 3. contra Guldinum conscripta; nobis non est necesse tempus conterere, eadem repetendo. Leuiter duntaxat aliqua tangemus in censuris Tacquet contenta.

Scholium ergo Tacquet, exordium sumit à nomenclatura indiuisibilium methodi. Caualerius, suam methodum appellauit methodum indiuisibilium. Tacquet verò methodum per heterogenea nunciat. Sic enim loquitur. *Methodum demonstrandi per indiuisibilia, vel (ut ego appellare soleo,) per heterogenea.* Verum enim verò, quoniam omnes illi, qui apud homines nota sapientiæ insigniti sunt, inter quos extant Cratyllus, & Heraclitus apud Ammonium 1. Periher. cap. 2. & Pythagorici apud Dexippum ibidem cap. 6. apertis verbis pronuntiant, sapientis munus esse è rerum naturis nomina extrahere; relinquimus tuæ diligentiae considerandum (benigne lector)



etor) quisnam sapientiore se præbuerit in huiusce  
 nominis impositione, Caualerius, an Tacquet. Me-  
 thodus, de qua nunc est sermo, procedit à lineis ad  
 plana, à planis ad corpora; quidquid enim pronun-  
 tiat de omnibus lineis duorum planorum, intelli-  
 gendum asserit de ipsis planis; & quam proportio-  
 nem reperit inter duorum solidorum omnia plana;  
 affirmat eandem intercedere inter solida ipsa. Cum  
 autem lineæ extent naturæ diuersæ à planis, & plana  
 à solidis; hinc Tacquet videtur methodum hanc per  
 heterogenea nuncupare. Caualerius verò, quia li-  
 neæ sunt indiuisibiles secundum latitudinem, utpotè  
 ipsa carentes & plana sunt indiuisibilia secundum  
 profunditatem, vnde lineæ sunt indiuisibiles secun-  
 dum peculiarem diuisionem superficierum, hæque  
 indiuisibiles pariter secundum propriam diuisionem  
 corporum; methodum præsentem, nomine indiuisibi-  
 lium methodi insigniuit. Vtique Caualerius agno-  
 uit, quod omnibus nimis est obuium, nimirum lineas  
 heterogeneas esse respectu planorum, plana que he-  
 terogenea extare respectu solidorum. At hæc no-  
 menclatura nimis vniuersaliter naturam methodi  
 exprimit, quæ præstius, & specificatius est adnota-  
 da. Vtique probationes per methodum præsentem  
 instituuntur per heterogenea, sed per heterogenea,  
 talis naturæ, quæ sunt indiuisibilia. Heterogeneitas  
 enim dat esse genericum; Indiuisibilitas verò speci-  
 ficum. Sed ad alia transeamus.

Postquam Tacquet affirmauit methodum indiui-

b 2 sibi

sibilium illegitimam censendam esse, quia proce-  
 dit à lineis ad superficies, à superficiebus ad plana,  
 affert exemplum argumentationis per indiuisibilia,  
 exclamans. *Nam, ut rem exemplo declaremus, quem con-  
 uincat isthac ratiocinatio. &c.* Quem conuincat? omnes  
 geometras, qui de ipsa sunt locuti, tribus dumtaxat  
 mathematicis, Societatis lesù exceptis, Guldino,  
 Bettino, & Tacquet. Nos enim alios non vidimus  
 ab his, ipsam non approbantes. Qualiter enim ipsa  
 vsi sint Ioannes de Beugrand, & Ioannes Antonius  
 Roccha, poterit Lector inspicere in exercit Cauale-  
 rij. Qualiter etiam ipsam adhibuerit, ampliauerit-  
 que egregius Euangelista Torricellius, sua perlu-  
 stranti opera, patebit. Inueniet enim ipsum de di-  
 mens. Parab. pag. 55. de tali methodo sic alloquen-  
 tem. *Reliquum est, ut eandem parabola mensuram noua  
 quadam, sed mirabilis ratione aggrediamur; ope scilicet Geo-  
 metria indiuisibilium, & hoc diuersis modis, &c.* Et pag.  
 56. *Quod autem hac indiuisibilium geometria nouum peni-  
 tus inuentum sit, equidem non ausim affirmare. Crediderim  
 potius veteres geometras hac methodo vsos in inuentione  
 theorematum difficillimorum, quamquam in demonstratio-  
 nibus aliam viam magis probauerint, siue ad occultandum  
 artis arcanum, siue nè ulla inuidis detractoribus proferre-  
 tur occasio contradicendi. Quid quid est, certum est hanc  
 geometriam mirum esse pro inuentione compendium, & in-  
 numera quasi imperscrutabilia theoremata, breuibus, dire-  
 ctis, affirmatiuisque demonstrationibus confirmare; quod  
 per doctrinam antiquorum fieri minime potest. Hac enim est*

*in Mathematicis spinetis vltima verè regla, quam primus omnium aperuit, & ad publicum bonum complanauit mirabilium inuentorum machinator (caualerius. Et in appendice de cycloide, pag. 86. ait. Prima, & tertia (intellige, demonstrationes) per nouam Indiuisibilium geometriam nobis amicissimam procedent. Et in proëmio ad Lectorem, in problemate solidi acuti hyperbolici infinitæ longitudinis pag. 94. ait. Quo ad methodum demonstrandi, unicum quidem, & præcipuum theorema duplici conatu ostendemus, & per indiuisibilia, & more veterum. Quamquam (ut vera fateamur) primò inuentum sit per indiuisibilium geometriam, qui sanè verus est demonstrandi modus, scientificus, semper directus, & ipsi nature germanus. Miseret me veteris geometria, qua cum indiuisibilium doctrinam, siuè non nouerit, siuè non admisit, circa dimensionem solidorum adeo paucas veritates inuenit, ut ipsa penuria infelix ad ætatem nostram peruenerit. Antiquorum enim theoremata, circa doctrinam solidorum, quota pars sunt contemplationum, quas mirabilis nostro æuo (caualerius (omissis alijs) instituit, circa tot classes solidorum, specie differentium, multitudine abundantium? Et itidem prosequens suum discursum, dicens; se velle procedere per indiuisibilia curua, quorum nullum exemplum tradidit Caualerius, ait, sibi sufficere quod suum libellum approbauerit doctissimus, & eruditissimus vir Raphael Magiottus. Quibus verbis, nos admonet, etiam Magiottum, vnum ex illis fore, quem ratiocinatio per indiuisibilia, conuincat. Et pagina 116. ait. Tamen ut in hac parte satisfaciam lectori, etiam indi-*

*diuisibilium parum amico, iterabo hanc ipsam demonstrationem in calce operis, per solitam veterum geometrarum viam demonstrandi; longiorem quidem, sed non ideo mihi certior.* Franciscus etiam à Schooten Leydenfis in suo tractatu de organica conicarum sectionum in plano, descriptione, geometriam Indiuisibilium Caualerij passim recipit, & in præfatione ad Lectorem ait. *In quorum demonstrationibus Lectorem monitum velim, me breuitatis causa methodo indiuisibilium; quam subtilissimus Vir Bonauentura Caualerius inuit, fuisse innixum: licet, id alia quoque ratione exhibere potuerim.* Ricardus Albius Anglus, vir nobis facie notus, & amicissimus, in suo hemisphærio dissecto coroll. proposit. 39. ait. *Vnde per Geometriam indiuisibilium à P. Bonauentura Caualerio nuper repertam, faciliè demonstrabitur, &c.* Et Paulò post. *Multa autem sunt, quæ ope huius Geometriæ, facilius in lucem prodeunt, quam veteri Archimedis Methodo, & ideo à geometris non neglegendam censeo.* Ismael Bullialdus in suo tractatu de lineis spiraliibus, in notat. 2. proposit. 42. ait. *Obiter his notabimus tam perperam, ac improprio nomine indiuisibilium Methodum, nouum suum artificium appellauisse Caualerium, quam subtili, ac mirabili sagacitate, profundaue mentis indagine illud inuenisse, &c.* Et paulò post. *Ita ut appositè magis illam excellentissimam Methodum *ἡμετέρου μυστηρίου* appellauisset, quam indiuisibilium. Quod tamen, tanti viri, mihi olim noti, ac amici fama detrahendi animo dictum, nullus credat; illum enim maximi semper feci, & veneratus sum; tam pulchrum verò ipsius inuentum conuenienti nomine appellatum non fuisse, mihi di-*

*spli-*

*splicet; & si immutauero, nec ipse si uineret, molestè latu-  
rus esset, &c.* Hic ut vides (amicè Lector) Bullial-  
dus methodum indiuisibilium approbat, encomiis-  
que extollit, quòd ad nostrum negotium facessit; so-  
lùm contendit haud concinè nomine expressam fuisse,  
ad quod infra. Omnes ergo allatos præclarissim-  
os geometras conuincit ratiocinatio per indiuisi-  
bilia, nullumque vidimus fateri non conuinci,  
nisi tres Iesuitas, Guldinum, Bettinum, & Tac-  
quet; at quo spiritu ductos, ignoramus.

Assignat Tacquet rationem cur collectio per indi-  
uisibilia non conuincat, & aliqua dicit, ad quæ  
egregiè respondet Caualerius ipsemet. Duo autem  
tantùm considerabimus. Primum est, quod com-  
positionem continui ex indiuisibilibus Tacquet om-  
nino respuit; de ipsa enim sic loquitur. *Alterum*  
(subintellige, compositio continui ex indiuisibili-  
bus) *cum geometria sic pugnat, ut nisi illud ipsa destruat,*  
*ipsam destrui, necesse sit.* Quamuis methodo indiuisi-  
bilium parum intersit coalescat continuum ex indi-  
uisibilibus, necnè; & quamuis haud lubeat hic ex-  
plicare propriam sententiam: nihilominus constan-  
ter asserimus, quod si ad approbandam methodum  
indiuisibilium necessariò requireretur cõgumenta-  
tio continui ex indiuisibilibus, hæc nobis ex ista  
methodo dumtaxat roborata, certissima esset. Me-  
thodus etenim comprobari debet ex proprijs, non  
ex alienis, ex fine suo, non ex extrinsecis. Metho-  
di finis est veritatem gignere, ipsa perperam non  
uten-

vtenti, veritas semper fulget; numquam casus est reperibilis, quo errorem produxerit. Quid ergo amplius desideratur? Offendit compositio ex indiuisibilibus? Recipiatur hæc, & huius veritatis cognitio agnoscatur tanquam huiusce sæcundissimæ methodi soboles. At, vt diximus, falsum Tacquet supponit, dum putat Indiuisibilium methodum perire, ablata compositione continui ex indiuisibilibus. Minimè coalescat ex indiuisibilibus continuum, nihilominus indiuisibilium methodus inconcussa manet.

Secundum est, quod methodus præfens egregiè adstruere videtur compositionem continui ex indiuisibilibus. Cupimus Lectorem speculari causam, cur in argumentatione, quam geometræ Archimedeam vocitant, necessariam omnimodè se præbeat ad impossibile deductio. Hæc autem facilis erit intuitu, consideranti modum in simili argumentatione exercendum. Cupiamus ostendere modo Archimedeo æqualitatem duorum corporum; nobis inscribenda erunt, in præfatis corporibus, alia corpora, nimirum, vel cylindri, vel prismata, &c. Ostendendo vnicuique inscripto in vno corpore, æquari aliud in alio corpore inscriptum; vnde tandem colligemus, omnia corpora inscripta in vno corpore, æquari omnibus in alio corpore inscriptis. Verum, quoniam isthæc corpora in illis corporibus inscripta, licet sint partes illorum corporum, attamen, nequaquam sunt omnes partes, minimeque sunt

sunt partes aliquotæ, sed aliquantæ, ideò ad colligendam æqualitatem inter ipsa corpora, deductio ad impossibile omninò necessaria conspicitur. Secùs accideret si partes illæ & aliquotæ, & omnes essent. Statim enim probata æqualitate omnium partium vnius corporis, cum omnibus alterius corporis partibus, clarissima, directaque consequentia, æqualitas corporum innotesceret. Cur ergo ratiocinatio per indiuisibilia semper est regia, semper directæ? Non alia sanè videtur assignabilis germana causa, nisi quia indiuisibilibus vtendo, vtimur omnibus magnitudinum partibus. Hinc ergo oritur, quòd stabilita proportione, æqualitateuè inter ipsa omnia indiuisibilia, statim proportio, æqualitasuè inter ipsas magnitudines, quarum indiuisibilia ipsa omnes sunt partes, elucescat. Hæc autem videtur innuere ipse Bullialdus in loc. cit. dùm ait. *Debuerat Caualerius anima auertiſſe artificium eiufmodi, aliud nihil eſſe, quam eiufdem meſuræ, uel eiufdem proportionis, per omnes duarum poſitarum magnitudinum partes, continuam, ſimilemque in infinitum applicationem.* Per indiuisibilia fit utique omnis applicatio, & in infinitum, & omnium (vt ita loquamur) partium, quæ nequaquam fit, diuisibilia applicando; quia sic, non fit omnium partium applicatio. Quanta autem veritate subiungat Bullialdus hæc verba. *Ita vt appoſitè magis illam excellentiſſimam methodum ὁμοιομετρίας appellauiffet, quam indiuiſibilem*, nobis non conſtat. Vtique methodo indiuiſibilem, fit applicatio per omnes partes, ſed

per

per quas partes, nisi per indiuisibiles? Non est enim, vniuersaliter verum, quòd supra ait Bullialdus. *Nulla enim quantitas continua est indiuisibilis.* Verùm enim est, si loquamur absolutè, minimè, respectiue. Lineæ, etenim, superficieisque sunt diuisibiles: illæ quidem secundum longitudinem, hæ autem secundum latitudinem etiam. Sed lineæ, ad superficiem relatæ, sunt indiuisibiles, iuxta diuisibilitatem peculiarem superficiiei; superficies pariter ad corpora relatæ, sunt indiuisibiles secundum propriam corporum diuisibilitatem. Vnde omnes lineæ superficiiei, omnesque superficies corporum, sunt omnia indiuisibilia immediata, illæ superficiiei, hæ vero corporis. Quia ergo continua, & infinita applicatio est omnium indiuisibilium magnitudinis, in qua fit applicatio; rectè Caualerius hoc expressit, suam methodum indiuisibilium, nuncupando. Sed ad Tacquet redeamus.

Qui in schol. proposit. 2. lib. 2. ait. *Cum theorema iam geometricè demonstratum probare aggredior per heterogenea, in discursum incido, quo omnis illa argumentandi ratio, quam etiam supra negavi esse geometricam, erroris, & falsitatis argui videbatur.* Subiungit aliqua exempla, in quibus ex indiuisibilibus perperam adhibitis, falsum concluditur. Sed in illis identitas transitus adeò à Caualerio inculcata, nequaquam seruatur. Agnouit hoc, post plura profusa verba, ipsemet Tacquet, inquiens. *Respondeo nihilominus ad instantias hætenus allatas, in ijs non seruari equalia indiuisibilium intervalla.*

Nihi-



Nihilominus veritate perspecta, & inefficacia obiectio-  
num animaduersa, Lappæ ad instar propriæ ad-  
hæret opinioni, indiuisibilium methodum illegiti-  
mam, rationibus imbecillis, & enerviis censens.  
Quam verò irrationabiliter opinionem suam tuea-  
tur, ostensum fuit à Caualerio, locis supra citatis, &  
tactum fuit supra à nobis aliquo modo. Relinquamus  
ergo isthæc, & ne quæso similibus nugis patientia  
tua (humanissimè Lector) amplius abutatur. So-  
lùm cupimus admoneri, nos in hoc opere Te suppo-  
nere in mathesi non modicè versatum. Hinc factum  
est, nos quasdam minutias haud curasse. Supponimus  
enim Te versatum in doctrinis Euclidis, Apollonij,  
Archimedis, & aliorum. Quia propter concisè ali-  
quando locuti sumus. Rogamus etiam, atque etiam  
Te, aliqua breuitati temporis condonare: totali enim  
libri compositioni, eiusdemque impræssioni nec an-  
num concessimus. Hoc autem non irrationabiliter  
prodiit. Causam attamen huiusce celeritatis haud  
licet in præsentis tibi aperire. Fruere his, alia expe-  
cta, præcipuè sequenti anno, quo, Deo fauente, Ti-  
bi communicabimus nonnulla circa centrum gra-  
uitatis hyperbolæ, & circa aliqua solida ex ipsa ge-  
nita, & forsitan tractatum de infinitis spiralibus.  
Vale.

# FACULTAS

Reuerendissimi Patris Generalis.

LAVDETVR IESVS CHRISTVS.

**O**PVS inscriptum, De Infinitis Parabolis, &c. compositum ab Admodum Reu. P. Stephano de Angelis Veneto professo Nostri Ordinis Iesuatorum, ac in Provincia Veneta Definitore, concedimus Typis demandari, dummodo habeat necessarias licentias, & approbationes, quae de iure sunt necessariae &c. In quorum fidem praesentes manu propria subscripsimus, ac proprio Nostri Officii sigillo munimus.

Datum Brixiae in Nostro Monasterio Corporis Christi, die quintadecima Januarij 1659.

Fr. Antonius Nouellus Gen. Iesuat.

Locus Sigilli.



# DE INFINITIS PARABOLIS ETC.



## LIBER PRIMVS.



**C**VM, eorum quæ in sequentibus pertractanda sunt, præcipua, principalisque pars versetur circa infinitas parabolas, peroptimum iudicauimus, naturam illarum, ante cætera, explicare. Quod licet egregiè præstitum sit ab eximio viro, præceptoreque nostro sanctissimo Bonauentura Caualerio in suis exercitationibus geometricis exercit. 4. propos. 23. nihilominus, ipsum imitantes, optimum censemus hoc in loco idipsum repetere.

Esto ergo parallelogrammum quodcumque  $BD$ , in quo intelligantur ductæ  $AGC$ ,  $AHC$ ,  $AIC$ ,  $ALC$ , aliæque infinitæ diagonales, hac lege, ut cæta vbicumque libuerit  $EF$ , parallela  $BA$ , diagonales ductas secante in  $G, H, I, L$ , &c. inuenia-

A tur

## 2 DE INFINITIS PARABOLIS ETC.

tur esse, vt DA, ad B

AF, sic CD, seù

EF, ad FG; vt

vero quadratum

DA, ad quadra-

tum AF, sic EF,

ad FH; & vt cu-

bus DA, ad cu-

bum AF, ita EF,

ad FI; vt autem

quadratoquadra-


tum DA, ad qua-

dratoquadratum AF,

sic EF, ad FL; & sic in

infinitum ascendendo continuè per infinitas pote-

states. His explicatis, fit.



## DEFINITIO PRIMA.

Triangulum BAC, duplicatum ad partes BA, vocetur prima parabola, seù parabola linearis.

Spatium BAH C, duplicatum ad partes BA, vocetur secunda parabola, seù quadratica.

B A I C, sic duplicatum, vocetur tertia parabola, seù cubica. B A L C, quadratoquadratica, & sic in infinitum; adeo vt omnia prædicta spatia vocentur infinitæ parabolæ.

## DEFINITIO SECVNDA.

Pariter spatium  $CGAD$ , quod est triangulum,  
 & quo deficit prima parabola à parallelogram-  
 mo, vocetur primum trilineum, seu lineare.  
 $CHAD$ , vocetur secundum trilineum, seu  
 quadraticum.  $CIAD$ , cubicum.  $CLAD$ ,  
 quadratoquadraticum, & sic in infinitum. Adeo  
 ut omnia illa spatia vocentur infinita trilinea.

## DEFINITIO TERTIA.

$CGFD$ , quod est verum trapezium ordinarium,  
 vocetur primum trapezium, seu lineare.  $CHFD$ ,  
 quadraticum.  $CIFD$ , cubicum.  $CLFD$ , qua-  
 dratoquadraticum; & sic in infinitum.

## DEFINITIO QVARTA.

$GAF$ , vocetur trilineum lineare ad verticem.  
 $HAF$ , trilineum quadraticum ad verticem, &  
 sic in infinitum.

## DEFINITIO QVINTA.

$A$ , dicatur vertex tum infinitarum parabolarum,  
 tum infinitorum trilineorum omnium.

## DEFINITIO SEXTA.

$BA$ , dicatur diameter, sicuti  $CB$ , duplicata, basis infinitarum parabolarum.  $CD$ , autem dicatur basis infinitorum trilineorum, & infinitorum trapeziorum.  $AD$ , vero dicatur diameter infinitorum trilineorum, quia est diameter eorundem duplicatorum.

Explicatio horum terminorum sufficiat in præfenti, nam reliqua congruentibus locis explicabuntur.


Verum antequam ad ipsas propositiones deveniamus, notetur vnum principale, quod ex natura, genesique infinitarum parabolarum deducitur. Et est, quod  $EF$ ,  $FG$ ,  $FH$ ,  $FI$ ,  $FL$ , & aliæ infinitæ, sunt continuè proportionales. Hoc manifestè patebit consideranti, ut dixi, genesim, ac naturam ipsarum. Nam cum, ex hypothesi, sit ut  $DA$ , ad  $AF$ , sic  $CD$ , seu  $EF$ , ad  $FG$ ; & ut quadratum  $DA$ , ad quadratum  $AF$ ; hoc est, ut quadratum  $CD$ , seu  $EF$ , ad quadratum  $FG$ , sic  $EF$ , ad  $FH$ ; ergo  $FG$ , erit media proportionalis inter  $EF$ ,  $FH$ . Eodem modo discuretur de cæteris. Imo cum (ut probabimus inferius, quod etiam à nonnullis probatur) excessus quantitatum continuè proportionalium in proportionem maioris inæqualitatis, sint etiam in continua proportionem totarum magnitudinum, sequitur etiam  $EG$ ,  $GH$ ,  $HI$ ,  $IL$ , & cæteras

teras infinitas, esse continuè proportionales in proportionē EF, ad FG. His ergo præmissis ad ipsas propositiones deueniamus.

## PROPOSITIO PRIMA.

*Parallelogrammum circumscriptum cuilibet trilineo, est ad ipsum, ut numerus exponentis trilinei unitate auctus, ad ipsam unitatem.*

**C**onsideretur schema supra explicatum. Dico parallelogrammum BD, esse ad quodlibet ex prædictis trilineis, ut numerus exponentis ipsius unitate auctus, ad ipsam unitatem. V.g. ad primum trilineum CAD, quod est triangulum, ut 2. ad 1. Ad secundum CHAD, ut 3. ad 1. Ad tertium, ut 4. ad 1. & sic in infinitum.



Hæc propositio ostenditur à Cavaliero loco citato. Vbi etiam in corollario eiusdem propositi. ostendit per conuersionem rationis, parallelogrammum esse ad quamlibet ex infinitis parabolis,

## 6. DE INFINIS PARABOLIS ETC.

lis, vt numerus parabolæ vnitate auctus, ad numerum parabolæ. Nempe ad primam parabolam, quæ est triangulum, vt 2. ad 1. Ad secundam, vt 3. ad 2. Ad tertiam, vt 4. ad 3. & sic in infinitum.

### SCHOLIVM I.

Cùm ergo triangulum CAD, fit dimidium parallelogrammi BD, erit ad quodlibet ex prædictis infinitis trilineis, vt dimidium numeri trilinei auctum dimidia vnitate, ad vnitatem; nempe, vt numerus trilinei auctus vnitate, ad binarium. Quare poterit concludi per conuersionem rationis, esse triangulum ad excessum ipsius supra quodlibet ex infinitis trilineis, vt numerus trilinei vnitate auctus, ad excessum ipsius supra binarium; hoc est, vt numerus trilinei vnitate auctus, ad numerum trilinei vnitate minutum. Nempe in secundo trilineo, vt 3. ad 1. In tertio vt 4. ad 2. & sic in infinitum.

### SCHOLIVM II.

Quadraturam infinitorum trilineorum, & infinitarum parabolarum nobis patefecit Caualerius per auream methodum indiuisibilium. Quam quadraturam in præfenti libenter recipimus (quamuis forsitan & nos aliquando de ipsa aliquid dicemus); quia cum in hoc opere intelligamus incidenter  
ampliare



ampliare doctrinam, quam tradidit P. Andreas Tacquet Societatis Iesu in suis cylindrorum, & annularium libris, ostendendo ipsum mancum fuisse, quia nimis quam par erat censuit methodum Indivisibilem illegitimam; quadratura per indivisibilia haud nos prohibet, quin minus intentum consequamur. Nam absque Indivisibilibus poterat Tacquet tradere varias propositiones, & cubare truncos cylindricorum rectorum super parabola varie resectorum; quia parabola quadratica à geometris pluribus modis more antiquorum assignata fuit quadratura. Non ergo Tacquet respuit, quæ ex quadratura ordinariæ parabola dependet. Sed hæc clarius proprijs locis percipientur.


## PROPOSITIO SECVNDA.

*Si qualibet ex infinitis semiparabolis secetur linea basi parallela. Portio semiparabola ad verticem, erit semiparabola eiusdem gradus cum tota.*

**E**Sto quælibet ex infinitis semiparabolis  $ABD$  (quod enim ostendetur de dimidia, intelligendum etiam venit de tota) cuius diameter  $BD$ , & in ipsa sit ordinatim applicata  $EF$ . Dico  $EBF$ , esse semiparabolam eiusdem gradus cum tota  $ABD$ . Sumatur inter  $F, B$ , vbilibet punctum  $K$ ,  
per

# 8 DE INFINITIS PARABOLIS ETC.

per quod ordinatim applicetur HK. Quoniam, ex natura infinitarum parabolarum supra explicata, est ut potestas EF, eiusdem gradus cum semiparabola, ad similem potestatem AD, sic BF, ad BD; pariterque est, ut potestas AD, ad similem potestatem HK, sic DB, ad BK.



Ergo ex æquali, ut potestas EF, ad similem potestatem HK, sic FB, ad BK. At punctum K, sumptum est arbitrarie. Ergo EBF, erit semiparabola, & eiusdem gradus cum ABD. Quod erat ostendendum.

## SCHOLIUM.

Ex præfenti propositione possumus evidenter cognoscere, quod si semiparabolas, ABD, EBF, circumscribantur parallelogramma ND, LF, hæc erunt ad semiparabolas in eadem ratione, quia omnium parabolarum eiusdem gradus, est eadem quadratura. Eandem ergo rationem habebit parallelogrammum ND, ad semiparabolam ABD, quam parallelogrammum LF, ad semiparabolam EBF.

parabolam  $EBF$ . Ex quibus per conuersionem rationis deducetur, esse  $ND$ , ad trilineum  $NBA$ , sicuti  $LF$ , ad  $LBE$ , trilineum ad verticem, quod utique erit eiusdem gradus, cum trilineo  $NBA$ . Imo deducetur, quod cum sit, ut totum parallelogrammum  $ND$ , ad totam semiparabolam  $ABD$ , sic ablatum parallelogrammum  $LF$ , ad ablatam semiparabolam  $EBF$ , etiam reliquum, ad reliquum, erit ut totum, ad totum. Figura ergo  $LEFDAN$ , erit ad segmentum  $Aefd$ , ut numerus parabolæ unitate auctus, ad numerum parabolæ. Et diuidendo, erit segmentum trilinei  $NLEA$ , ad segmentum semiparabolæ  $Aefd$ , ut unitas, ad numerum parabolæ; nempe in prima parabola, ut 1. ad 1. In secunda, ut 1, ad 2. In tertia, ut 1. ad 3. & sic in infinitum.

Pariter si ducantur  $EB$ ,  $AB$ . Quoniam triangula  $EBF$ ,  $ABD$ , sunt dimidia parallelogrammorum  $ND$ ,  $LF$ . Ergo tam ad semiparabolas  $ABD$ ,  $EBF$ , quam ad portiones ipsarum  $AEBA$ ,  $EHB E$ , erunt in eadem ratione.

## PROPOSITIO TERTIA.


*Si qualibet ex infinitis semiparabolis, secetur ut supra. Erit semiparabola tota, ad semiparabolam ad verticem, ut potestas basis semiparabolæ uno gradu altior potestate parabola, ad similem potestatem basis semiparabolæ ad verticem.*

B

Sint

**S**int ergo data eadem, quæ in antecedente propositione. Dico  $ABD$ , esse ad  $EBF$ , ut potestas  $AD$ , vno gradu altior potestate parabolæ, ad similem potestatem  $EF$ . V.g. in prima parabola, nempe in triangulo, ut quadratum  $AD$ , ad quadratum  $EF$ . In secunda, quæ est parabola ordinaria, ut cubus  $AD$ , ad cubum  $EF$ . Et sic in infinitum.

Quoniam enim ex Scholio antec. parallelogrammum  $ND$ , est ad  $ABD$ , semiparabolam, ut  $LF$ , ad semiparabolam  $EBF$ . Ergo, & permutando, erit  $ND$ , ad  $LF$ , ut  $ABD$ , semiparabola, ad semiparabolam  $EBF$ . Sed ratio  $ND$ , ad  $LF$ , componitur ex ratione  $AD$ , ad  $EF$ , & ex ratione  $DB$ , ad  $BF$ ; & ut  $DB$ , ad  $BF$ , sic potestas  $AD$ , eiusdem gradus cum parabola, ad similem potestatem  $EF$ . Ergo & ratio semiparabolæ, ad semiparabolam, componetur ex ijsdem rationibus. Sed illæ duæ rationes componunt rationem potestatis  $AD$ , vno gradu altioris potestate parabolæ, ad similem potestatem  $EF$ . Quare patet propositum.



SCHO-

## SCHOLIUM I.


Ex dictis facile possumus deducere, quod etiam si trilineum  $ANB$ , secetur  $LE$ , basi  $NA$ , parallela, erit trilineum  $NBA$ , ad trilineum  $LBE$ , ut potestas  $NB$ , diametri trilinei vno gradu altior potestate trilinei, ad similem potestatem  $LB$ . Etenim, cum probatum sit, esse, sic tam totum  $ND$ , ad totum  $LF$ , quam ablatam semiparabolam  $ABD$ , ad ablatam  $EBF$ , sicuti potestas  $AD$ , seu  $NB$ , vno gradu altior potestate parabolæ, ad similem potestatem  $EF$ , seu  $LB$ . Ergo, & reliquum trilineum  $NBA$ , erit ad reliquum trilineum  $LBE$ , ut est totum, ad totum, nempe, ut est potestas  $NB$ , vno gradu altior potestate trilinei, ad similem potestatem  $LB$ . Imo ductis, ut factum est prius, rectis  $BE$ ,  $BA$ , erit etiam segmentum  $AEB$ , semiparabolæ, ad segmentum  $EHBE$ , in eadem ratione. Quia in eadem ratione, est tam tota semiparabola, ad totam semiparabolam, & ablatum triangulum  $ABD$ , ad ablatum triangulum  $EBF$ . Quare, & reliquum segmentum, ad reliquum segmentum &c.

## SCHOLIUM II.

Cum autem prædictarum figurarum sit assignata ratio prædicta; nimirum, quod tam semiparabo-

## 12 DE INFINITIS PARABOLIS ETC.

la ad semiparabolam, quam segmentum, ad segmentum, & trilineum, ad trilineum, sint, ut potestas AD, seu NB, vno gradu altior potestate parabolæ, ad similem potestatem EF, seu LB; Et cum, ut talis potestas, ad talem potestatem, ita sit AD, ad ultimum terminum proportionis AD, ad EF, sic continuatæ, ut numerus proportionum superet numerum parabolæ unitate; numerus vero terminorum talium proportionum, excedat numerum parabolæ binario. Ergo, & ratio illarum figurarum, erit ut AD, ad illum ultimum terminum. V.g. in parabola cubica, continuata proportionem AD, ad EF, in quatuor proportionem, & in quinque terminos, erit semiparabola, ad semiparabolam &c. ut AD, ad illum quintum terminum.




## PROPOSITIO QVARTA.

*Tam parabolæ eiusdem gradus, quam trilinea eiusdem gradus, quorum eadem basis, sunt simile, ad simile, in ratione diametrorum.*

Sint

**S**int duæ semiparabolæ  $ABE$ ,  $ADE$ , eiusdem gradus, quarum eadem basis  $AE$ . Dico  $ABE$ , esse ad  $ADE$ , vt  $BE$ , ad  $ED$ . Circumscribantur ipsis parallelogramma  $FE$ ,  $GE$ . Quoniam ex dictis in propositione antecedenti, est vt  $FE$ , ad  $GE$ , sic  $ABE$ , ad  $ADE$ ; & vt  $FE$ , ad  $GE$ , sic  $BE$ , ad  $ED$ . Ergo & vt  $BE$ , ad  $ED$ , sic semiparabola  $ABE$ , ad  $ADE$ .




Sed supponamus  $ABE$ ,  $ADE$ , esse trilinea eiusdem generis, quorum eadem basis  $AE$ . Eodem modo probabitur, esse trilineum  $ABE$ , ad trilineum  $ADE$ , vt diameter  $BE$ , ad diametrum  $ED$ . Quare patet propositum.

## PROPOSITIO QUINTA.

*Si qualibet semiparabola secetur linea basi parallela, & super eadem basi, & circa diametrum segmenti, constitutur alia semiparabola eiusdem generis cum priori. Erit residuum totius semiparabolæ, dempta ab ea secunda semiparabola, ad semiparabolam ad verticem, ut basis, ad parallelam ipsi ductam.*

**E**Sto  $ABE$ , semiparabola, cuius basis  $AE$ , & ipsi ubilibet sit acta  $HD$ , parallela, & intelligamus  $ADE$ , semiparabolam eiusdem gradus, cum  $ABE$ . Dico residuum  $ABDA$ , esse ad  $HBD$ , ut  $AE$ , ad  $HD$ .

Ratio  $AE$ , ad  $HD$ , continuetur in tot terminos, ut numerus eorum excedat numerum parabolæ binario; & sint ultimi termini  $L$ ,  $M$ . Quoniam ex propof. ant.  $ABE$ , est ad  $ADE$ , ut  $BE$ , ad





ad  $ED$ ; Ergo per conuersionem rationis, & conuertendo, erit  $ABDA$ , ad  $ABE$ , vt  $BD$ , ad  $BE$ . Sed ex natura parabolæ, est vt  $BD$ , ad  $BE$ , sic potestas  $HD$ , eiusdem gradus cum parabola, ad similem potestatem  $AE$ ; & vt talis potestas, ad talem potestatem, sic, ex dictis, vltima proportionalium proportionis  $AE$ , ad  $HD$ , continuatæ in tot terminos, vt numerus eorum excedat numerum parabolæ vnitatem, qui terminus, ex constructione, est  $L$ , ad  $AE$ . Ergo & vt  $L$ , ad  $AE$ , sic  $ABDA$ , ad  $ABE$ . At  $ABE$ , est ad  $HBD$ , ex scholio. 2. Propos. 3. vt  $AE$ , ad  $M$ . Ergo ex æquali, erit  $ABDA$ , ad  $HBD$ , vt  $L$ , ad  $M$ . Sed vt  $L$ , ad  $M$ , sic  $AE$ , ad  $HD$ . Quare patet propositum.

## PROPOSITIO SEXTA.

*Si quodlibet trilineum secetur linea basi parallela, & super eadem basi constituatur trilineum circa diametrum trapezij eiusdem generis cum priori. Erit residuum totius, dempto à toto trilineo trilineo constituto, ad trilineum ad verticem, vt basis totius trilinei, ad ipsam altitudinem parallelam.*

**T**Rilineum  $FBA$ , secetur  $DH$ , basi  $FA$ , parallela; & super base  $FA$ , & circa diametrum  $FD$ , sit constitutum aliud trilineum eiusdem generis cum trilineo  $FBA$ . Dico  $DBA$ , esse

16 DE INFINITIS PARABOLIS ETC.

esse ad trilineum ad verticem DBH, vt FA, basis trilinei FBA, ad DH.


Ratio FB, ad DB, continuetur in tot terminos, vt numerus eorum excedat numerum trilinei binario; & sint duo vltimi termini L, & M.

Quoniam, ex Propof. 4. est FBA, ad FDA, vt BF, ad FD; Ergo per conuerfionem rationis, & conuertendo, erit DBA, ad FBA, vt DB, ad BF. Sed ex fcholio 2. propof. 3. est FBA, ad DBH, vt FB, ad vltimum terminum tot proportionalium in ra-

tione continuata FB, ad BD, vt eorum numerus excedat numerum trilinei binario, qualis terminus est M. Ergo erit FBA, ad DBH, vt FB, ad M.

Quare ex æquali, erit DBA, ad DBH, vt DB, ad M. At vt DB, ad M, fic FB, ad L; & vt FB, ad L, fic pote-

ftas FB, eiusdem gradus cum trilineo, ad fimilem poteftatem DB; & vt talis poteftas, ad ralem



lem potestatem, sic, ex genesi parabolæ,  $GD$ , seu  $AF$ , ad  $DH$ . Ergo & vt  $AF$ , ad  $DH$ , sic  $DBA$ , ad  $DBH$ . Quod erat ostendendum.

## PROPOSITIO SEPTIMA.

*Si quotlibet magnitudines, sint continuè proportionales in proportionem maioris inæqualitatis. Erunt etiam illarum excessus continuè proportionales in eadem proportionem totarum magnitudinum.*

**H**Æc propositio ab alijs etiam ostenditur. Sint ergo quotcumque magnitudines  $AB$ ,  $BC$ ,  $BD$ ,  $BE$ , continuè proportionales. Dico, etiam illarum differentias  $AC$ ,  $CD$ ,  $DE$ , esse continuè proportionales in eadem proportionem  $AB$ , ad  $BC$ . Quoniam enim, per hyppothesim, est vt tota  $AB$ , ad totam  $BC$ , sic ablata  $BC$ , ad ablatam  $BD$ . Ergo & reliqua  $AC$ , erit ad reliquam  $CD$ , vt tota  $AB$ , ad totam  $BC$ . Idem de reliquis eodem modo concludetur. Quare patet propositum.

## SCHOLIUM.

Ex dictis etiam obseruetur, quod si sint quotcumque

cumque magnitudines continuè proportionales, erit differentia inter primam, & ultimam, æqualis omnibus differentiis; nempe primæ, & secundæ; secundæ, & tertiæ; & sic deinceps. A E, enim, quæ constat ex differentiis harum proportionalium, est excessus A B, supra B E.

## PROPOSITIO OCTAVA.


*Si semiparabola cuiuscumque generis secetur linea basi parallela; & super eadem basi, & circa diametrum segmenti, sit alia semiparabola, ut dictum est in Propos. 5. Erit segmentum, ad semiparabolam quam includit, ut tot continuè proportionales, in ratione basis, ad ætiam parallelam, & quarum prima, sit dicta basis; quotus est numerus parabola unitate auctus, ad has proportionales, ultima minori excepta. Ad parallelogrammum vero sibi circumscriptum, ut idem antecedens, ad consequens, quod ad primum consequens prædictum, sit ut numerus parabola unitate auctus, ad numerum parabola.*

**A** B E, semiparabola quælibet, secetur ordinatim applicata H D, & super basi A E, sit alia semiparabola A D E, eiusdem gradus cum priori, cui sit circumscriptum parallelogrammum G E. Dico segmentum A H D E, esse ad A D E, ut tot proportionales, in ratione A E, ad H D, quarum prima maior, sit A E, quotus est numerus parabola unitate auctus, ad numerum parabola.

parabolæ vnitate auctus, ad has easdem proportionales, vltima minori excepta. V. g. in parabola lineari, vt duæ **F**  
 $AE, HD$ , ad  $AE$ .

In quadratica, vt tres  
 $AE, HD$ , cum ter-  
 tia  $L$ , ad duas  $AE$ ,  
 $HD$ . In cubica, vt  
 $AE, HD, L$ , &  $M$ ,  
 ad  $AE, HD$ , &  $L$ .  
 Et sic in infinitum.

Pariter  $AHDE$ , erit  
 ad parallelogram-  
 mum  $GE$ , vt idem  
 antecedens, ad con-  
 sequens, quod ad  
 consequens prius in-  
 uentum, sit vt nu-  
 merus parabolæ vni-



tate auctus, ad numerum parabolæ. V. g. in pri-  
 ma parabola, erit trapezium  $AHDE$ , ad paral-  
 lelogrammum  $GE$ , vt duæ  $AE, HD$ , ad duplam  
 $AE$ . In quadratica, vt  $AE, HD$ , &  $L$ , ad ses-  
 quialteram ipsarum  $AE, HD$ . In cubica, vt  $AE$ ,  
 $HD, L$ , &  $M$ , ad sesquiterciam  $AE, HD$ , &  $L$ ,  
 simul. & sic in infinitum.


Continuetur ratio  $AE$ , ad  $HD$ , in tot termi-  
 nos, vt numerus eorum excedat numerum para-  
 bolæ binario; sintque vltimi minimi termini  $L$ , &  $M$ .

**C** 2 Quo-

Quoniam ergo, ex scholio 2. propof. 3. eft femiparabola  $ABE$ , ad  $HBD$ , vt  $AE$ , ad  $M$ . Ergo per conuerfionem rationis, & conuertendo, erit feqmentum  $AHDE$ , ad  $ABE$ , vt exceffus  $AE$ , fupra,  $M$ , ad ipfam  $AE$ . Verum, quoniam vt  $EB$ , ad  $BD$ , fic potestas  $AE$ , eiuſdem gradus cum parabola, ad fimilem potestatem  $HD$ ; & vt talis potestas  $AE$ , ad potestatem  $HD$ , fic  $AE$ , ad penultimam proportionalem inuentam, nempe ad  $L$ . Ergo & per conuerfionem rationis, vt  $BE$ , ad  $ED$ , fic  $AE$ , ad exceffum ipſius fupra  $L$ . Sed ex propof. 4. vt  $BE$ , ad  $ED$ , fic femiparabola  $ABE$ , ad femiparabolam  $ADE$ . Ergo &  $ABE$ , erit ad  $ADE$ , vt  $AE$ , ad exceffum ipſius fupra  $L$ . Cùm autem etiam probatum fit, eſſe  $AHDE$ , ad  $ABE$ , vt exceffus  $AE$ , fupra  $M$ , ad  $AE$ . Ergo ex æquali, erit  $AHDE$ , ad  $ADE$ , vt exceffus  $AE$ , fupra  $M$ , ad exceffum  $AE$ , fupra  $L$ . At exceffus  $AE$ , fupra  $M$ , æquatur, ex ſchol. propof. ant. omnibus exceſſibus, qui tot ſunt, quotus eſt numerus parabolæ vnitæ auctus (quia omnes termini proportionis excedebant numerum parabolæ binario, & ſolus vltimus terminus alium non excedit) & exceffus  $AE$ , fupra  $L$ , continet tot exceſſus, quotus eſt numerus parabolæ; & exceſſus magnitudinum continuè proportionalium, ſunt proportionales continuè in eadem proportionē cum totis magnitudinibus ex propof. ant. vnde vt exceffus  $AE$ , fupra  $M$ , ad exceffum  $AE$ , fupra

pra

pra L, sic AE, HD, & cæteræ tot proportionales, quotus est numerus parabolæ vnitæ auctus, ad AE, HD, & cæteras tot proportionales, quotus est numerus parabolæ. Ergo AHDE, erit ad ADE, vt AE, & cæteræ tot proportionales, quotus est numerus parabolæ vnitæ auctus, ad has easdem proportionales, vltimo minori termino excepto.



Secunda pars propositionis, patebit faciliter. Cum enim, ex proposit. 1. sit ADE, ad GE, vt numerus parabolæ, ad numerum parabolæ vnitæ auctum; nempe vt AE, HD, cum cæteris tot proportionalibus, quotus est numerus parabolæ, ad magnitudinem, quæ ad ipsas sit, vt numerus parabolæ vnitæ auctus, ad numerum parabolæ. Ergo ex æquali, erit AHDE, ad GE, vt AE, & cæteræ tot proportionales, quarum numerus excedat numerum parabolæ vnitæ, ad magnitudinem, quæ ad AE, cum tot cæteris proportionalibus, quotus

## 22 DE INFINITIS PARABOLIS ETC.

quotus est numerus parabolæ, sit ut numerus parabolæ unitate auctus, ad numerum parabolæ. Quare patet propositum.

## COROLLARIUM.

Ex prima parte propositionis inferitur, quod diuidendo, erit  $AHD$ , ad  $ADE$ , ut ultima minima proportionalium antecedentium, ad easdem proportionales consequentes. V. g. in prima parabola, ut  $HD$ , ad  $AE$ . In secunda, ut  $L$ , ad  $AE$ ,  $HD$ . In tertia ut  $M$ , ad  $AE$ ,  $HD$ , &  $L$ . Et sic in infinitum.


## PROPOSITIO NONA.

*Si quodlibet ex infinitis trilineis secetur, ut dictum est in propof. 6.; & fiant eadem, quæ ibidem. Erit trapezium ad trilincum à se inclusum, ut tot proportionales in ratione diametri trilinei, ad diametrum trilinei ad verticem, quarum prima maior sit diameter trilinei, quotus est numerus trilinei unitate auctus, ad diametrum trilinei. Ad parallelogrammum vero sibi circumscriptum, ut idem antecedens, ad tot diametros totius trilinei, quotus est numerus trilinei unitate auctus.*

**I**N schemate propof. 6. Esto trilineum  $FBA$ , cuius basis  $FA$ , cum alio trilineo eiusdem generis



nēris FDA. &c. Dico trapezium FDHA, eſſe ad trilineum FDA, vt tot proportionales continuē in ratione FB, ad BD, quarum maxima ſit FB. quotus eſt numerus trilinei vnitāte auctus, ad FB. V. g. In primo trilineo, vt FB, cum BD, ad FB. In ſecundo, vt FB, cum BD, & L, ad FB. In tertio, vt FB, BD, L, & M, ad FB. & ſic in infinitum. Ad parallelogrammum vero FG, ſibi circumſcriptum, vt idem antecedens, ad tot FB, quotus eſt numerus trilinei vnitāte auctus. V. g. in primo, vt FB, BD, ad duplam FB. In ſecundo, vt FB, BD, & L, ad triplam FB. In quarto, vt FB, BD, L, & M, ad quadruplam FB. & ſic in infinitum.



Continuetur, vt factum eſt in propoſ. ant. Ratio FB, ad BD, in tot terminos, vt numerus eorum excedat numerum trilinei binario, & ſint duo vltimi termini, L; M. Quoniam

24 DE INFINITIS PARABOLIS ETC.

niam ergo, ex Sch. —

2. proposit. 3. est  $\Gamma$

FBA, ad DBH,

vt FB, ad M. Ergo

per conuersionem

rationis, & conuer-

tendo, erit trapez-

ium FDHA, ad

FBA, vt excessus

FB, supra M, ad

FB. At FBA, est

ad FDA, ex propo-

s. 4. vt FB, ad

FD. Ergo ex equali,

erit FDHA, ad

FDA, vt excessus

FB, supra M, ad

FD. At excessus

FB, supra M, æquatur tot excessibus,

quotus est numerus trilinei vnitate auctus;

& FD, est vnicus excessus, nempe maior;

& vt excessus FB, supra M, ad FD,

sic ex proposit. 7. tot illarum

proportionalium, quotus est numerus trilinei vnitate auctus,


ad FB. Ergo & trapezium FDHA,

erit ad trilineum FDA, vt FB;

& cetera tot proportionales, quotus est numerus trilinei vnitate auctus,

ad FB. Vnde patet prima pars.

Secunda pars sic probabitur. Cum enim, ex proposit. prima, sit trilineum FDA, ad FG, vt vnitas



vnitas ad numerum trilinei vnitate auctum; nempe vt FB, ad tot FB, quotus est numerus trilinei vnitate auctus. Ergo ex æquali patebit propositum.

## COROLLARIVM.

Ergo ex prima parte, erit diuidendo, ADH, ad AFD, vt illæ proportionales, FB, excepta, ad ipsam FB. V. g. in primo, vt DB, ad FB. In secundo, vt DB, cum L, ad FB. In tertio vt DB, L, & M, ad FB. & sic in infinitum.

## PROPOSITIO DECIMA.


*Si qualibet semiparabola cum sibi circumscripto parallelogrammo secetur linea diametro parallela. Erit parallelogrammum circumscriptum segmento ad diametrum, ad ipsum segmentum, vt tot bases semiparabole, quotus est numerus ipsius vnitate auctus, ad excessum ipsarum supra ultimam minorem proportionalem, si proportio basis semiparabole, ad interceptam inter diametrum, & ipsi ductam parallelam, continuetur in tot terminos, quotus est numerus parabole vnitate auctus.*

**S**emiparabola ADB, cum sibi circumscripto parallelogrammo BC, secetur MN, diametro  
D metro

26 DE INFINITIS PARABOLIS ETC.

metro AB, parallela; & ratio DB, ad BN, continuetur. in tot terminos, vt numerus eorum excedat numerum parabolæ vnitatem; fitque vltimus terminus K. Affero parallelogrammum MB, esse ad segmentum AONB, vt tot BD, quoruscumque est numerus parabolæ vnitatem auctus, ad excessum ipsarum supra K. Ducatur OP, parallela BD.

Quoniam enim BM, est ad PM, vt BA, ad AP; nempe ex natura parabolæ, vt potestas BD, eiusdem gradus cum parabola; ad similem potestatem PO;



nempe vt BD, ad K; & vt BD, ad K, sic BD, accepta secundum numerum parabolæ vnitatem auctum, ad tot numero K. Ergo & BM, erit ad PM, vt BD, accepta secundum numerum parabolæ vnitatem auctum, ad tot numero K. Sed ex quadratura infinitorum trilineorum, PM, est ad trilineum AMO, vt numerus parabolæ vnitatem auctus, ad vnitatem; nempe vt K, accepta secundum

cundum numerum parabolæ vnitate auctum, ad  $K$ , semel acceptam. Ergo ex æquali, erit  $BM$ , ad trilineum  $AMO$ , vt  $BD$ , accepta secundum numerum parabolæ vnitate auctum, ad  $k$ . Quare & per conuersionem rationis, erit  $BM$ , ad segmentum  $AONB$ , vt tot  $BD$ , quotus est numerus parabolæ vnitate auctus, ad excessum ipsarum supra  $k$ .

## SCHOLIUM I.


Ex dictis ergo potest concludi, quod in parabola quadratica, erit  $BM$ , ad  $AONB$ , vt tripla  $DB$ , ad duplam  $BD$ , cum excessu  $DB$ , supra  $k$ , quæ sit tertia proportionalis ipsarum  $DB$ ,  $BN$ ; & subtriplando terminos, quod erit vt  $DB$ , ad subfèsquialteram  $DB$ , cum tertia parte excessus  $DB$ , supra  $k$ ; quæ tertia pars excessus, æquatur tertiæ parti  $DN$ , & tertiæ parti excessus  $BN$ , supra  $k$ . Cum ergo subfèsquialtera  $DB$ , nempe duæ tertiæ partes  $DB$ , æquentur duabus tertijs partibus  $DN$ , & duabus tertijs partibus  $BN$ ; ergo  $BM$ , efit ad  $AONB$ , vt  $BD$ , ad  $ND$ , cum duabus tertijs partibus  $BN$ , & cum tertia parte excessus  $BN$ , supra  $k$ .

## SCHOLIUM II.

Sed & aliam rationem  $BM$ , ad  $AONB$ , licet vniuersaliter colligere. Nempe, quod sit, vt tot  $AB$ , quotus est numerus parabolæ vnitatis auctus, ad tot  $AB$ , quotus est numerus parabolæ, simul cum  $PB$ , seu  $NO$ . Quod est euidens; quia  $BM$ , est ad  $PM$ , vt  $BA$ , ad  $AP$ ; nempe vt  $BA$ , accepta secundum numerum parabolæ vnitatis auctum, ad tot numero  $AP$ . Parallelogrammum vero  $PM$ , est ad

trilineum  $AMO$ , vt tot  $AP$ , quotus est numerus parabolæ vnitatis auctus, ad  $AP$ . Ergo ex æquali, & per conuersionem rationis, erit

$BM$ , ad  $AONB$ , vt  $BA$ , accepta secundum numerum parabolæ vnitatis auctum, ad excessum supra  $AP$ ; nempe ad tot  $BA$ , quotus est numerus parabolæ, simul cum  $BP$ .



SCHO-

## SCHOLIUM III.

Ex superiori Scholio licet colligere in parabola quadratica,  $BM$ , esse ad  $AONB$ , ut tripla  $BA$ , ad duplam  $BA$ , cum  $BP$ , seu  $NO$ ; nempe subtriplando terminos, ut  $BA$ , ad duas tertias partes  $BA$ , cum tertia parte  $BP$ , seu  $NO$ . In eo ex dictis licet colligere quandam proprietatem parabola cuiuscunque, quam licet iudicemus parum, aut nihil sequentibus inferuire, attamen nobis videtur pulcherrima scitu. Proprietas autem est. Quod.

## PROPOSITIO XI.

*In segmento antecedentis propositionis, tot triangula  $ABN$ , quotus est numerus parabola, cum uno triangulo  $ONB$ , sunt ad segmentum  $AONB$ , ut numerus parabola unitate auctus, ad binarium.*

**Q**Uoniam enim ex dictis,  $BM$ , est ad  $AONB$ , ut  $AB$ , accepta secundum numerum parabola unitate auctum, ad eandem  $AB$ , acceptam secundum numerum parabola, cum  $NO$ ; ut vero tot  $AB$ , quotus est numerus parabola unitate auctus, ad tot  $AB$ , quotus est numerus parabola, una cum  $NO$ , sic tot triangula  $ABN$ , quotus est numerus parabola unitate auctus, ad  
tot

tot triangula  $ANB$ , quotus est numerus parabolæ, simul cum triangulo  $ONB$ . Ergo, & vt tot triangula  $ABN$ , quotus est numerus parabolæ vnitate auctus, ad tot talium triangulorum, quotus est numerus parabolæ, cum triangulo  $ONB$ , sic  $BM$ , ad  $AONB$ . Ergo & permutando, vt tot triangula  $ANB$ , quotus est numerus parabolæ vnitate auctus, ad  $BM$ ; nempe ad duplum triangulum  $ANB$ ; nempe vt numerus parabolæ auctus vnitate, ad binarium, sic tot triangula  $ANB$ , quotus est numerus parabolæ, cum triangulo  $ONB$ , ad segmentum  $AONB$ . Quod &c.

## SCHOLIUM.


Ex quibus licet notare, quod in parabola quadratica dumtaxat, illa triangula, ad segmentum retinent semper eandem rationem, quam habet parallelogrammum  $BC$ , ad semiparabolam; nempe talia triangula, sunt segmenti sesquialtera, vt consideranti patet.

## PROPOSITIO XII.

*Si qualibet semiparabola, cum sibi circumscripto parallelogrammo, secetur duabus lineis diametro parallelis. Parallelogrammum inter has contentum, erit ad segmentum semiparabolæ, quod includit, vt tot bases semiparabolæ, quotus est numerus ipsius vnitate auctus, ad excessum*




excessum ipsarum supra tot numero continuè proportionales in ratione intercepta inter diametrum, & parallelam ab ipsa remotiorem, ad interceptam inter diametrum, & parallelam proximiozem, quarum prima maior sit altera proportionalium in ratione basis semiparabola, ad interceptam inter diametrum, & parallelam ab ipsa remotiorem, ut earum numerus superet numerum parabola unitate.



**B**C, ergo parallelogrammum, cum sibi inscripta semiparabola, secetur MN, FG, diametro AB, parallelis; & ratio DB, ad BG, continuetur in tot terminos, ut numerus eorum exce-

32 DE INFINITIS PARABOLIS ETC.

excedat numerum parabolæ unitate, sitque vltimus terminus minimus  $k$ ; fiat autem ut  $GB$ , ad  $BN$ , sic  $k$ , ad  $H$ ; quæ ratio continetur in tot terminos, ut numerus eorum excedat numerum parabolæ unitate; sitque vltimus minimus termi-



nus  $L$ . Dico  $NF$ , esse ad  $OEGN$ , ut tot  $BD$ , quotus est numerus parabolæ unitate auctus, ad excessum ipsarum sup a  $k, H$ , & cæteras tot proportionales, quot sunt ipsæ. Ducatur  $EQ$ , parallela  $NG$ . Quoniam enim  $NF$ , est ad  $QF$ , ut  $GF$ , ad  $FE$ ; nempe ex genesi parabolæ, ut potestas  $DB$ , congruens parabolæ, ad similem potesta-

potestatem BG; nempe vt DB, ad k; nempe vt DB, accepta secundum numerum parabolæ vnitate auctum, ad tot numero k. Pariterque conuertendo, ex secunda parte propof. 9. est QF, ad trapezium MFEO, vt tot FA, seu GB, quotus est numerus ipsius vnitate auctus, ad tot numero continuè proportionalium in ratione FA, ad AM, seu GB, ad BN; nempe vt tot k, quotus est numerus parabolæ vnitate auctus, ad k, H, & cæteras tot proportionales quot sunt ipsæ (factum est enim supra, vt GB, ad BN, seu FA, ad AM, sic k, ad H. &c.) Ergo ex æquali, erit NF, ad trapezium MFEO, vt tot DB, quotus est numerus parabolæ vnitate auctus, ad k, H, & cæteras tot proportionales quot sunt ipsæ. Quare per conuersionem rationis, erit NF, ad segmentum OEGN, vt tot DB, quotus est numerus parabolæ vnitate auctus, ad excessum ipsarum supra k, H, & cæteras. Quod &c.


## SCHOLIUM I.

In parabola ergo quadratica, erit NF, ad OEGN, vt tripla DB, ad excessum supra tres k, H, L.

## SCHOLIUM II.

Sed & aliam rationem parallelogrammi NF, ad  
E segment-


segmentum OEGN, possumus in parabola quadratica assignare; nimirum quod sit, vt quadratum DB, ad rectangulum BDG, cum rectangulis BGD, BNG, & cum duabus tertijs partibus quadrati NG. Cum enim parallelogrammum NF, sit ad QF, vt GF, ad FF; nempe vt quadratum DB, ad quadratum BG; nempe vt triplum



quadratum DB, ad triplum quadratum BG. Pariterque sit, vt supra dictum est, QF, ad trapezium MFEO, vt tripla GB, ad GB, BN, & R; (tertiā minorem proportionalem GB, BN) nempe ducendo omnia in BG, vt triplum quadratum BG, ad quadratum BG,

$\cdot B G$ , cum rectangulis  $GBN, GB, R$ . Ergo ex æquali, erit  $NF$ , ad trapezium  $MFE O$ , vt triplum quadratum  $DB$ , ad quadratum  $GB$ , cum duobus rectangulis  $GBN, GB, R$ ; nempe ad quadrata  $GB, BN$ , cum rectangulo  $GBN$ ; quia rectangulum extremarum  $GB, R$ , est æquale quadrato mediæ  $BN$ . Ergo per conuerſionem rationis, erit  $NF$ , ad ſegmentum  $OEGN$ , vt triplum quadratum  $DB$ , ad exceſſum ſupra duo quadrata  $GB, BN$ , & ſupra rectangulum  $GBN$ ; nempe vt quadratum  $DB$ , ad tertiam partem huius exceſſus. At tertia pars huius exceſſus, ſunt rectangula  $BDG, BGD, BNG$ , cum duabus tertijs partibus quadrati  $NG$ , vt ſtatim patebit. Quare patet propoſitum.

Quod vero aſſumptum eſt, ſic patebit. Nam quadratum  $BD$ , excedit quadratum  $BG$ , rectangulis  $BDG, BGD$ . Pariter quadratum  $BD$ , excedit quadratum  $BN$ , rectangulis  $BND, BDN$ . Idemque quadratum  $BD$ , excedit rectangulum  $GBN$ , rectangulis  $BGD, BDG, \& BGN$ . Vnde totus talis exceſſus, æquabitur duobus rectangulis  $BDG$ , duobus  $BGD$ , & rectangulis  $BON, BND, BGN$ . At rectangulum  $BON$ , æquatur rectangulis  $BDG, \& BD, NG$ ; quod rectangulum  $BD, NG$ , æquatur rectangulis  $NGD, BNG$ , & quadrato  $NG$ . Ergo rurſum colligendo, prædictus exceſſus æquabitur tribus rectangulis  $BDG$ , duobus  $BGD$ ,



& rectangulis BND, BGN, NGD, BNG,  
 & quadrato NG. Pariter rectangulum BND;  
 æquatur rectangulis BNG; BN, GD; & duo  
 rectangula BN, GD; NGD, faciunt rectan-  
 gulum BGD. Ergo denuo colligendo, prædictus  
 excessus æquabitur tribus rectangulis BDG, tri-  
 bus BGD, duobus BNG, rectangulo BGN,  
 & quadrato NG. Sed pariter rectangulum BGN;  
 æquatur rectangulo BNG, & quadrato NG. Er-  
 go à primo ad ultimum, prædictus excessus æqua-  
 tur tribus rectangulis BDG, tribus BGD, tri-  
 bus BNG, & duobus quadratis NG. Quorum  
 tertia

tertia pars erunt rectangula  $B D G$ ,  $B G D$ ,  $B N G$ ,  
 & duæ tertiæ partes quadrati  $NG$ . Quare &c.


## PROPOSITIO XIII.

*Si cuilibet parabola sit circumscriptum parallelogrammum, quod cum ipsa secetur linea diametro parallela. Erat pars ipsius includens maiorem portionem, ad ipsam, ut tot bases prædictæ portionis, quotus est numerus parabola unitate auctus, ad tot bases semiparabola, quotus est numerus parabola, una cum excessu tot interceptarum inter diametrum, & parallelam ductam, quotus est numerus parabola unitate auctus, supra ultimam minimam continue proportionalem; quarum maxima sit basis semiparabola; secunda intercepta inter diametrum, & parallelam ductam; & quarum numerus excedat numerum parabola binario.*

**E**Sto quælibet parabola  $AED$ , cum sibi circumscripto parallelogrammo  $BD$ , quod cum ipsa secetur  $Gk$ ,  $EF$ , diametro parallela; & ratio  $AF$ , ad  $Fk$ , continuetur in tot terminos, ut numerus eorum excedat numerum parabola binario; sintque duo ultimi minimi termini  $M$ , &  $Q$ . Dico parallelogrammum  $Bk$ , esse ad portionem maiorem  $A E H k$ , ut  $Ak$ , accepta secundum numerum parabola unitate auctum, ad  $AF$ , acceptam secundum numerum parabola, una cum

ex-

excessu tot  $Fk$ , quotus est numerus parabolæ unitate auctus, supra unicam  $Q$ .



Quoniam enim parallelogrammum  $BK$ , est ad parallelogrammum  $GF$ , ut  $Ak$ , ad  $kF$ ; nempe ut  $Ak$ , accepta secundum numerum parabolæ unitate auctum, ad tot numero  $Fk$ ; parallelogrammum autem  $GF$ , est ad segmentum  $EHKF$ , ex propof. 10. ut tot  $AF$ , quotus est numerus parabolæ unitate auctus, ad excessum ipfarum supra  $M$ ; nempe ut tot  $FK$ , quotus est numerus parabolæ unitate auctus, ad excessum ipfarum supra  $Q$ . Ergo ex æquali, erit  $BK$ , ad  $EHKF$ , ut  $Ak$ , accepta secundum numerum parabolæ unitate auctum, ad excessum tot numero  $Fk$ , supra  $Q$ .  
Rursum



Rurſum, eodem modo probabitur,  $kB$ , eſſe ad  $BP$ , vt  $KA$ , accepta ſecundum numerum parabolæ vnitate auctum, ad tot numero  $AF$ . Sed  $BF$ , eſt ad ſemiparabolam  $AEF$ , vt  $AF$ , accepta ſecundum numerum parabolæ vnitate auctum, ad eandem, acceptam ſecundum numerum parabolæ. Quare rurſum ex æquali, erit  $Bk$ , ad ſemiparabolam, vt  $Ak$ , accepta ſecundum numerum parabolæ vnitate auctum, ad  $AF$ , acceptam ſecundum numerum parabolæ. Ergo colligendo ambo conſequentia, erit  $BK$ , ad portionem maiorem  $AEHk$ , vt  $Ak$ , accepta ſecundum numerum parabolæ vnitate auctum, ad  $AF$ , acceptam ſecundum numerum parabolæ, vna cum exceſſu tot  $FK$ , quotus eſt numerus parabolæ vnitate auctus, ſupra  $Q$ . Quod erat oſtendendum.

## SCHOLIUM.

In parabola, ergo quadratica erit  $BK$ , ad  $AEHK$ , vt tres  $KA$ , ad duas  $AF$ , cum exceſſu trium  $Fk$ , ſupra  $Q$ .


## PROPOSITIO XIV.

*Si parallelogrammum cum portione antecedi. propoſit. ſecetur alia linea diametro parallela, adeo vt due parallele includant diametrum. Erit parallelogrammum*  
inter

# 40 DE INFINITIS PARABOLIS ETC.

inter parallelas contentum, ad segmentum parabola, quod comprehendit, ut linea, ad quam basis semiparabola habeat eam proportionem, quam habet una interceptarum inter unam parallelarum, & diametrum, ad aliam, una cum basi semiparabola, acceptis ambabus secundum numerum parabola unitate auctum, ad magnitudinem constantem ex duabus magnitudinibus; quarum una, sit excessus tot basium semiparabola, quotus est numerus ipsius unitate auctus, supra ultimam minorem proportionalem, quarum numerus excedat numerum parabola unitate, & quarum maxima sit basis semiparabola; Secunda intercepta illa inter diametrum, & parallelam, qua erat antecedens primae proportionis: Alia vero magnitudo sit illa, ad quam consequens proportionis basis semiparabola, in ratione interceptarum inter parallelas, & diametrum, accepta secundum numerum parabola unitate auctum habeat eam proportionem, quam habet basis semiparabola accepta secundum numerum ipsius unitate auctum, ad excessum supra ultimam minorem proportionalem, quarum numerus excedat numerum parabola unitate; & quarum maxima sit basis semiparabola; Secunda vero illa intercepta inter diametrum, & parallelam, qua erat consequens primae proportionis.

**P**ortio maior AEHK, cum sibi circumscripto parallelogrammo Bk, secetur NOP, EF, parallela, adeo ut NP, Gk, includant diametrum EF; fiat autem, ut kF, ad FP, sic FD, ad



ad L. Ratio autem DF, ad FK, continuetur in tot terminos, vt numerus eorum excedat numerum parabolæ unitate; sitque vltimus terminus M. Eodem modo, continuetur ratio AF, ad FP; sitque vltimus terminus Q. Tandem fiat vt tot AF, quotus est numerus parabolæ unitate auctus, ad excessum ipsarum supra Q, sic L, accepta secundum numerum parabolæ unitate auctum, ad R. Dico NK, esse ad POEHK, vt L, cum AF, accepta secundum numerum parabolæ unitate auctum, ad R, vna cum excessu tot AF, quotus est numerus parabolæ unitate auctus, supra M.


Quoniam enim ex constructione, conuertendo, est vt PF, ad FK, sic L, ad FD. Ergo componendo,

F

nendo,

# 42 DE INFINITIS PARABOLIS ETC.

nendo, erit PK, ad KF; nempe parallelogrammum Nk, ad parallelogrammum EK, vt L, cum FD, ad FD; nempe vt L, cum FD, acceptis ambabus secundum numerum parabolæ vnitate auctum, ad tot numero FD. Sed ex propof. 10. EK, est, ad EHkF, vt tot FD, quotus est numerus parabolæ vnitate auctus, ad excessum ipsarum supra M. Ergo ex aquali, erit Nk, ad EHkF, vt tot L, cum tot FD, quotus est numerus parabolæ vnitate auctus, ad excessum tot



numero FD, supra M. Rursum eodem modo probabimus, esse parallelogrammum kN, ad parallelogrammum NF, vt tot DF, cum tot L, quotus est numerus parabolæ vnitate auctus, ad tot  
numero

numero L. At NF, est ad POEF, vt tot AF, quotus est numerus parabolæ vnitate auctus, ad excessum ipsarum supra Q; nempe vt tot L, quotus est numerus parabolæ vnitate auctus, ad R. (factum est enim supra, vt tot AF, quotus est numerus parabolæ vnitate auctus, ad excessum ipsarum supra Q, sic tot L, quotus est numerus parabolæ vnitate auctus ad R.) Ergo rursus ex æquali, erit Nk, ad POEF, vt FD, cum L, acceptis ambabus secundum numerum parabolæ vnitate auctum, ad R. Quare colligendo omnia consequentia, erit Nk, ad POEHk, vt tot L, cum tot FD, quotus est numerus parabolæ vnitate auctus, ad R, simul cum excessu tot FD, quotus est numerus parabolæ vnitate auctus supra M. Quod erat ostendendum.

## SCHOLIUM.

Deducemus ergo ex dictis, quod in parabola quadratica, erit Nk, ad POEHk, vt tres L, cum tribus FD, ad duas FD, cum kD, & cum excessu FK, supra M, vna cum R; & subtriplando terminos, vt L, cum FD, ad DK, cum duabus tertijs partibus FK, & cum tertia parte excessus ipsius supra M, vna cum tertia parte R.

## PROPOSITIO XV.

*Si semiparabola quaecumque secetur linea diametro parallela, & portioni ipsius, quæ est minor totius parabole, circumscribatur parallelogrammum. Hoc erit ad portionem, quam includit, ut tot continuè proportionales, in ratione basis semiparabola, ad interceptam inter diametrum, & parallelam ductam, quarum maxima sit basis semiparabola, quotus est numerus parabole; & hæc tot vicibus acceptæ, quotus est numerus parabole unitate auctus, ad easdem proportionales sic acceptas, ut basis semiparabola accipiatur secundum numerum parabole; Secunda, secundum numerum unitate minorem; & sic deinceps.*

**E**sto semiparabola  $BAD$ , quæ sit secta  $NO$ , diametro  $AB$ , parallela; & segmento  $OND$ , sit circumscriptum parallelogrammum  $NE$ . Dico  $NE$ , esse ad  $OND$ , ut tot in proportionem  $DB$ , ad  $BN$ , quantum maxima sit  $DB$ , secunda  $NB$ , quotus est numerus parabole; & hæc, tot vicibus acceptæ, quotus est numerus parabole unitate auctus, ad has easdem proportionales; sed sic acceptas, ut  $DB$ , accipiatur secundum numerum parabole;  $BN$ , secundum numerum parabole unitate minorem; & sic deinceps. V. g. in prima, ut dupla  $DB$ , ad  $DB$ . In secunda, ut tripla  $DB$ , cum tripla  $BN$ , ad duplam  $DB$ , cum vnica  $BN$ .

In




bus acceptus, quotus est numerus parabolæ unitate auctus, ad tot numero DB. At, ex secunda parte propof. 9. conuertendo, NC, est ad trapezium MCDO, vt tot CA, seu DB, quotus est numerus parabolæ unitate auctus, ad tot numero continuè proportionales in ratione CA, ad AM, seu DB, ad BN, quarum maxima sit DB; unde per conuerfionem rationis, est NC, ad NOD, vt illæ tot DB, ad excessum ipfarum supra illas proportionales. Ergo ex æquali, erit NE, ad NOD, vt tot excessus DB, supra K, quotus est numerus parabolæ unitate auctus, ad excessum tot DB, quotus est numerus parabolæ unitate auctus, supra DB, BN, & cæteras tot proportionales, quot sunt ipsæ. At ex scholio propof. 7. excessus DB, supra k, æquatur omnibus excessibus ipfarum proportionalium, qui sunt tot numero, quotus est numerus parabolæ; unde excessus DB, supra K, tot vicibus acceptus, quotus est numerus parabolæ unitate auctus, æquatur tot vicibus omnibus excessibus; Pariterque excessus tot DB, quotus est numerus parabolæ unitate auctus, supra DB, BN, & cæteras tot proportionales, quot sunt ipsæ, æquatur omnibus excessibus, tot vicibus, quotus est numerus parabolæ; omnibus excessibus à primo, tot vicibus, quotus est numerus parabolæ unitate minus; alijs excessibus à primo, & secundo, tot vicibus, quotus est numerus parabolæ binario minutus, & sic deinceps. Ergo

NE,



NE, erit ad OND, vt excessus omnes, tot vicibus accepti, quotus est numerus parabolæ unitate auctus, ad excessum DB, supra BN, acceptum secundum numerum parabolæ; cum excessu BN, supra K, accepto secundum numerum parabolæ unitate minutum; & sic deinceps.

Verum ex præcitata  
proposit. 7. P  
excessus magnitudinum  
cōtinuè proportionaliū,  
sunt in proportionē cō  
tinua eiufdem rationis



cum proportiōe totarum magnitudinum; vnde est, vt excessus DB, supra K, acceptus secundum numerum parabolæ unitate auctum, ad prædictos excessus; sic DB; BN, & cæteræ continuè tot proportionales; quotus est numerus parabolæ, acceptæ secundum numerum parabolæ unitate auctum, ad DB, acceptam secundum numerum parabolæ; cum BN, accepta secundum numerum parabolæ unitate minutum; cum K; accepta secundum numerum parabolæ binario minutum; & sic deinceps. Ergo  
& NE,

#### 48 DE INFINITIS PARABOLIS ETC.

& NE, erit ad OND, vt DB, BN, & ceteræ tot proportionales secundum numerum parabolæ, & hæ acceptæ secundum numerum parabolæ vnitatem auctum, ad easdem proportionales sic acceptas, vt DB, accipitur secundum numerum parabolæ; BN, secundum numerum parabolæ vnitatem minus; & sic deinceps. Quod &c.


### COROLLARIUM.

Ergo per conuersionem rationis, NE, erit ad OED, vt prædictum antecedens, ad excessum ipsius supra tale consequens. V.g. in prima parabola, vt dupla BD, ad BD. In secunda, vt tripla DB, cum tripla BN, ad DB, cum dupla BN. In tertia, vt quadrupla DB, quadrupla BN, & quadrupla K, ad DB, duplam BN, cum tripla K. Et sic in infinitum.

### SCHOLIUM.

Ex dictis facile potest deduci in parabola quadratica, NE, esse ad QND, vt DB, cum BN, addimidiam DB, cum dimidia BN, & cum sexta parte ND. Nam, cum in parabola quadratica, sit NE, ad OND, vt tripla DB, cum tripla BN, ad duas DB, cum BN. Ergo & subtriplicatis terminis, erit vt DB, BN, ad tertiam partem duarum DB, & vnus BN. At tertia pars duarum BD, facit  
duas

duas tertias  
partes BD;  
nempe duas  
tercias par-  
tes BN, &  
duas tertias  
partes ND.  
Ergo NE, e-  
rit ad ONO,  
vt DB, BN,  
ad tres ter-  
cias BN,  
nempe ad  
BN, cum




duabus tertijs partibus ND; nempe cum quatuor  
sextis partibus eiusdem. At BN, cum quatuor sex-  
tis partibus ND, facit dimidiam BN, dimidiam  
BD, & sextam partem ND. Quare patet propo-  
situm. Imo potest deduci per conuersionem ratio-  
nis, esse NE, ad OED, vt DB, BN, ad BN, cum  
tertia parte ND, vt consideranti patebit.

## PROPOSITIO XVI.

*Si quatuor magnitudines sint continuè proportionales. Erit  
ut excessus prima maioris supra secundam, una cum  
duplo excessu secunda supra tertiam, & cum excessu  
tertia supra quartam, ad subsequalteram primam, &  
secunda, cum tertia parte excessus secunda supra quar-  
tam,*

*tam, sic excessus prima supra secundam, ad sui subsesquialteram, cum tertia parte secunda.*



**S**int quatuor magnitudines  $AB$ ,  $BC$ ,  $BD$ ,  $BE$ , continuè proportionales. Dico ut  $AC$ , cum dupla  $CD$ , & cum  $DE$ , ad subsesquialteram  $AB$ ,  $BC$ , cum tertia parte  $CE$ , sic  $AC$ , ad sui subsesquialteram, cum tertia parte  $CB$ . Quoniam enim ex proposit. 7. etiam tres  $AC$ ,  $CD$ ,  $DE$ , sunt continuè proportionales, & in eadem proportionem cum  $AB$ ,  $BC$ , &c. Ergo & ut  $AC$ ,  $CD$ ,  $DE$ , simul; nempe  $AE$ , ad mediam ipsarum  $CD$ , sic tres simul  $CB$ ,  $DB$ ,  $BE$ , ad  $DB$ ; nempe sic tertia pars  $CB$ ,  $DB$ ,  $BE$ , ad tertiam partem  $DB$ . Sed & ut  $AE$ , ad  $CD$ , sic duæ tertiæ partes  $AE$ , ad duas tertias partes  $CD$ . Ergo ut  $AE$ , ad  $CD$ , sic sunt tam duæ tertiæ partes  $AE$ , ad duas tertias  $CD$ , quam tertia pars  $CB$ ,  $BD$ ,  $BE$ , ad tertiam partem  $DB$ . Quare cum magnitudines sint continuè proportionales, erit ut  $AE$ , ad  $CD$ , sic duo tertia  $AE$ , cum tertia parte  $CB$ ,  $DB$ ,  $BE$ , ad duo tertia  $CD$ , cum tertia parte  $DB$ . Et componendo, erit ut  $AE$ , cum  $CD$ , ad  $CD$ , sic duo tertia  $AE$ ,  $CD$ , cum tertia parte  $CB$ ,  $BE$ , & cum duobus tertijs  $DB$ , ad duo tertia  $CD$ , cum tertia parte  $DB$ . Et permutando, ut  $AE$ , cum  $CD$ ,  
ad


ad duo tertia A E, cum duobus tertijs C D, D B; nempe cum duobus tertijs C B, & cum tertia parte C B, B E, sic C D, ad duo tertia C D, cum tertia parte D B. Sed vt C D, ad duo tertia C D, cum tertia parte D B, sic A C, ad duo tertia A C, cum tertia parte C B. Ergo & vt A C, ad duo tertia A C, cum tertia parte C B, sic A E, cum C D, ad duo tertia A E, C B, cum tertia parte C B, B E. At A E, cum C D, est A C, cum dupla C D, & cum D E: pariter duo tertia A E, C B, cum tertia parte C B, B E, faciunt duo tertia A B, B C, cum tertia parte C E; nam tertia pars C B, B E, faciunt duo tertia B E, cum tertia parte C E, & duo tertia A E, E B, faciunt duo tertia A B. Quare patet propositum.

## PROPOSITIO XVII.

*Si in quacumque parabola sit ducta parallela diametro. Erit parallelogrammum contentum sub ducta, & sub basi maioris portionis, ad ipsam maiorem portionem, vt excessus basis portionis supra duas ultimas minores proportionales, si proportio basis semiparabola, ad interceptam inter diametrum, & parallelam, continuetur in tot terminos, vt numerus eorum excedat numerum parabola binario, acceptus secundum numerum parabola unitate auctum, ad tot bases predicta portionis, quotus est numerus parabola, una cum excessu inter-*

52 DE INFINITIS PARABOLIS ETC.

cepta inter diametrum, & parallelam, supra ultimam  
minorem proportionalem.




**I**N parabola  $AED$ , ducatur  $Hk$ , diametro  $EF$ , parallela; & compleatur parallelogrammum  $LK$ ; ratioque  $AF$ , ad  $Fk$ , continuetur in tot terminos, ut numerus eorum excedat numerum parabolæ binario; sintque ultimi minimi termini  $M$ ,  $Q$ . Dico  $LK$ , esse ad  $AEHk$ , ut excessus  $AF$ , supra  $M$ , &  $FK$ , supra  $Q$ , accepti secundum numerum parabolæ unitate auctum, ad  $Ak$ , acceptam secundum numerum parabolæ, una cum excessu  $Fk$ , supra  $Q$ .

Quoniam enim, ex natura parabolæ, est ut  $kG$ , ad  $GH$ , sic potestas  $DF$ , congruens parabolæ, ad si-

ad similem potestatem  $Fk$ ; nempe sic  $DF$ , scilicet  $AF$ , ad  $M$ . Ergo per conuersionem rationis, & conuertendo, erit  $kH$ , ad  $kG$ , ut excessus  $AF$ , supra  $M$ , ad  $AF$ . Cum autem sit ut excessus  $AF$ , supra  $M$ , ad  $AF$ , sic excessus  $Fk$ , supra  $Q$ , ad  $Fk$ . Ergo erit permutando,  $AF$ , ad  $Fk$ , ut excessus  $AF$ , supra  $M$ , ad excessum  $FK$ , supra  $Q$ . Et conuertendo, & componendo, ut  $kA$ , ad  $AF$ , sic excessus  $kA$ , supra  $Q$ , &  $M$ , ad excessum  $AF$ , supra  $M$ . Et rursus permutando, & conuertendo, ut excessus  $AF$ , supra  $M$ , ad  $AF$ , sic excessus  $Ak$ , supra  $M$ ,  $Q$ , ad  $Ak$ . Sed ut excessus  $AF$ , supra  $M$ , ad  $AF$ , sic probatum est esse  $kH$ , ad  $kG$ ; nempe parallelogrammum  $LK$ , ad  $Bk$ . Ergo ut  $LK$ , ad  $Bk$ , sic excessus  $Ak$ , supra  $M$ ,  $Q$ , ad  $AK$ ; nempe sic talis excessus acceptus secundum numerum parabolæ unitate auctum, ad tot numero  $Ak$ . Verum ex propof. 13.  $BK$ , est ad portionem  $A E H k$ , ut  $Ak$ , accepta secundum numerum parabolæ unitate auctum, ad eandem acceptam secundum numerum parabolæ, una cum excessu  $Fk$ , supra  $Q$ . Ergo ex æquali, erit  $Lk$ , ad portionem  $A E H K$ , ut excessus  $Ak$ , supra  $M$ , &  $Q$ , acceptus secundum numerum parabolæ unitate auctum, ad  $AK$ , acceptam secundum numerum parabolæ, una cum excessu  $Fk$ , supra  $Q$ . Quod erat ostendendum.

## SCHOLIUM.

In parabola ergo quadratica, in qua proportionales  $AF$ ,  $Fk$ ,  $M$ , &  $Q$ , sunt tantum quatuor, erit  $Lk$ , ad portionem, ut excessus triplus  $AK$ , supra  $M$ , &  $Q$ , ad duplam  $AK$ , cum excessu  $Fk$ ,



supra  $Q$ ; nempe subtriplando terminos, ut talis excessus vna vice sumptus, ad subsesquialteram  $AK$ , cum tertia parte excessus  $FK$ , supra  $Q$ . Verum excessus  $AK$ , supra  $M$ , &  $Q$ , est excessus  $AF$ , supra  $FK$ , duplus excessus  $FK$ , supra  $M$ , & excessus  $M$ , supra  $Q$ ; quia  $AF$ , excedit  $M$ , excessu  $AF$ , supra  $FK$ , &  $FK$ , supra  $M$ ;  $FK$ , vero excedit  $Q$ ,  
excessu




excessu ipsius supra  $M$ , &  $M$ , supra  $Q$ . Ergo erit  $LK$ , ad  $A E H K$ , vt excessus primæ  $A F$ , supra secundam  $FK$ , cum duplo excessu secundæ  $FK$ , supra tertiam  $M$ , vna cum excessu tertiæ  $M$ , supra quartam  $Q$ , ad subsesquialteram  $AK$ ; nempe compositæ ex prima, & secunda, vna cum tertia parte excessu secundæ  $FK$ , supra quartam  $Q$ . Sed ex propositione antecedente, ostensum est esse in eadem ratione, excessum primæ  $A F$ , seu  $F D$ , supra  $FK$ , secundam, nempe  $K D$ , ad sui subsesquialteram, cum tertia parte  $FK$ , secundæ; nempe ad dimidiam  $DK$ , cum sexta parte  $AK$ : quia duæ tertiæ partes  $DK$ , nempe quatuor sextæ partes  $DK$ , faciunt dimidiam  $DK$ , cum sexta parte eiusdem; & tertia pars  $FK$ , est idem, ac sexta pars duplæ  $FK$ : sexta ergo pars duplæ  $K F$ , cum sexta parte  $K D$ , faciunt sextam partem  $AK$ . Ergo  $LK$ , erit ad  $A F H K$ , vt  $DK$ , ad sui dimidiam, cum sexta parte  $AK$ . Verum cum in scholio propof 15. ostensum sit, quod si portioni  $H K D$ , circumscribatur parallelogrammum, hoc erit, ad portionem, vt  $AK$ , ad dimidiam  $AK$ , cum sexta parte  $K D$ . Ergo ex istis potest deduci hæc regula generalis. Nimirum; Quod si parabola quadratica secetur linea diametro parallela, secante ipsam in duas portiones: erit parallelogrammum, sub parallela ducta, & sub basi vnus portionis, ad illam portionem, vt basis reliquæ portionis, ad sui dimidiam, vna cum sexta parte basis portionis.

## PROPOSITIO XVIII.

*Si qualibet semiparabola secetur duabus lineis diametro parallelis; & segmento intermedio ab illis contento, circumscribatur parallelogrammum. Hoc erit ad dictum segmentum à se inclusum, ut tot excessus basis semiparabolæ, quotus est numerus ipsius unitate auctus, supra ultimam minimam proportionalem; quarum numerus excedat numerum parabolæ unitate, & quarum maxima sit basis semiparabolæ; secunda intercepta inter diametrum, & parallelam proximiorē, ad consequens propos. 12; nempe ad excessum tot basium semiparabolæ, quotus est numerus ipsius unitate auctus, supra tot numero continuè proportionalium, in ratione intercepta inter diametrum, & parallelam remotiorem, ad interceptam inter diametrum, & parallelam proximiorē, quarum maxima sit ultima minor proportionalium, in ratione basis semiparabolæ, ad interceptam inter diametrum, & parallelam remotiorem; & quarum numerus excedat numerum parabolæ unitate.*


**S**emiparabola ABD, secetur duabus lineis ON, EG, AB, diametro parallelis; & segmento OEGN, circumscribatur parallelogrammum NP; ratio autem DB, ad BN, continuetur in tot terminos, ut numerus eorum excedat unitate numerum parabolæ; sitque ultimus minimus terminus R. Eodem modo continuetur ratio DB, ad BG; sitque



fitque vltimus terminus  $k$ ; & fiat vt  $GB$ , ad  $BN$ , sic  $k$ , ad  $H$ ; quæ ratio continuetur in  $L$ , & cæteros tot terminos, vt numerus eorum excedat numerum parabolæ vnitatē. Dico  $NP$ , esse ad  $OEGN$ , vt tot excessus  $DB$ , supra  $R$ , quotus est numerus parabolæ vnitatē auctus, ad excessum tot  $DB$ , quotus est numerus parabolæ vnitatē auctus, supra  $k$ ,  $H$ , & cæteras tot proportionales, quot sunt ipsæ.

Producantur  $NO$ ,  $GP$ , vsque ad  $M$ , &  $F$ . Quoniam enim, vt  $NM$ , ad  $MO$ , sic potestas  $CA$ , seu  $DB$ , eiusdem gradus cum parabola,

$H$                       ad



ad similem potestatem  $MA$ , seu  $BN$ ; nempe ut  $DB$ , ad  $R$ . Ergo per conuersionem rationis, & conuertendo, crit  $ON$ , ad  $NM$ ; nempe parallelogrammum  $NP$ , ad  $NF$ , ut excessus  $BD$ , supra  $R$ , ad  $BD$ ; nempe ut tot tales excessus, quotus est numerus parabolæ unitate auctus, ad tot numero  $DB$ . At ex propof. 12. est  $NF$ , ad segmentum  $OEGN$ , ut tot  $DB$ , quotus est numerus parabolæ unitate auctus, ad excessum ipsarum supra  $K$ ,  $H$ , & cæteras tot porportionales, quot sunt ipsæ. Ergo ex æquali, erit  $OG$ , ad  $OEGN$ , ut tot excessus  $BD$ , supra  $R$ , quotus est numerus para-

parabolæ vnitæ auctus, ad excessum tot DB, quot sunt ipsi, supra K, H, & cæteras tot numero proportionales. Quod erat ostendendum.

## S C H O L I V M.

In parabola ergo quadratica, erit NP, ad OEGN, vt triplus excessus DB, supra R, quæ sit tertia minor proportionalis ipsarum DB, BN, ad excessum triplæ DB, supra tres k, H, L.

## PROPOSITIO XIX.


*Si quæcumque semiparabola secetur linea diametro parallela, & per punctum linea parabolica ubi secatur, ordinatim applicetur linea ad diametrum, adeo vt segmentum ad diametrum, secetur in parallelogrammum, & semiparabolam ad verticem. Erit parallelogrammum ad semiparabolam ad verticem, vt tot differentia inter diametros semiparabolarum, quotus est numerus parabolæ vnitæ auctus, ad tot diametros semiparabolæ ad verticem, quotus est numerus parabolæ.*

**S**emiparabola ABD, secetur ON, diametro AB, parallela; & ordinatim applicetur OP. Erit parallelogrammum PN, ad semiparabolam PAO, vt tot BP, quotus est numerus parabolæ vnitæ auctus, ad tot AP, quotus est numerus

H 2 para-

parabolæ. Quoniam enim parallelogrammum, PN, est ad parallelogrammum PM, vt BP, ad PA; nempe vt tot BP, quotus est numerus parabolæ vnitate auctus, ad tot numero AP. PM, autem, ex

proposit. 1. est ad PAO, vt numerus parabolæ vnitate auctus, ad numerum parabolæ; nempe vt tot PA, quotus est numerus parabolæ vnitate auctus, ad AP, acceptam secundum numerum parabolæ. Ergo ex æquali, erit PN, ad APO, vt tot BP, quotus est numerus parabolæ vnitate auctus, ad tot AP, quotus est numerus parabolæ. Quod &c.



## SCHOLIUM.

Sed & aliam rationem PN, ad APO, licet facile colligere; nempe quod sit, vt tot differentiæ, quotus est numerus parabolæ vnitate auctus, inter

ter DB, & ultimam minorem proportionalem. continuè, quarum prima sit DB, secunda BN, & quarum numerus excedat numerum parabole unitate, ad tot tales ultimas proportionales, acceptas secundum numerum parabole. V. g. in parabola quadratica, erit PN, ad PAO, vel vt tres BP, ad duas PA. Vel vt tres excessus DB, supra K, tertiam minorem proportionalem ipsarum DB, BN, ad duas K.

## PROPOSITIO XX.

*Si quacumque semiparabola, secetur linea diametro parallela. Erit segmentum ad diametrum, ad reliquam portionem, vt rectangulum sub tot basibus semiparabole, quotus est numerus ipsius, & sub intercepta inter diametrum, & parallelam, vna cum rectangulo sub hac intercepta, & sub excessu basis semiparabole supra ultimam minorem proportionalem in ratione basis semiparabole, ad hanc interceptam, quarum numerus excedat numerum parabole unitate, ad rectangulum sub reliqua parte basis semiparabole, & sub excessu, tot basium semiparabole, quotus est numerus ipsius unitate auctus, supra tot illas continuè proportionales.*

**S**emiparabola BAD, cum sibi circumscripto parallelogrammo, secetur MON, diametro AB, parallela; ratioque BD, ad BN, continuetur in tot terminos, vt numerus eorum excedat numerum

## 62 DE INFINITIS PARABOLIS ETC.

rum parabolæ unitate; sitque ultimus terminus  $k$ . Dico segmentum  $AONB$ , esse ad portionem  $ODN$ , ut rectangulum contentum sub  $BN$ , & sub  $BD$ , accepta secundum numerum parabolæ, una cum rectangulo sub eadem  $BN$ , & sub excessu  $DB$ , supra  $k$ , ad rectangulum contentum sub  $ND$ , & sub excessu tot  $DB$ , quotus est numerus parabolæ unitate auctus, supra tot  $DB$ ,  $BN$ , & alias proportionales prædictas. Nam ratio segmenti  $AONB$ , ad portionem  $ODN$ , componitur ex ratione segmenti, ad  $BM$ ; huius ad  $MD$ ; & huius, ad portionem  $ODN$ . Ratio  $AONB$ , ad  $BM$ , est, ex

proposit. 10.

conuerten--

do, eadem

**cum ratione**

excessus tot

**D B, quotus**

est numerus

parabolæ v-

nitrate auc-

tus, supra k,  
ed. 1880. B. D.

ad tot B D,

quod est  
numerus


numerus pa-  
rallelismus

est numerus:

pra k ad id

pra k, ad ioe

**eft**





est eadem cum ratione  $BN$ , ad  $ND$ . Et ratio  $NC$ , ad portionem, est eadem cum ratione tot  $BD$ , quotus est numerus parabolæ unitate auctus, ad excessum ipsarum, supra  $DB$ ,  $BN$ , & alias proportionales, quot sunt ipsæ, ex secunda parte proposit. 9. per conuersionem rationis. Ergo ratio  $AONB$ , ad  $ODN$ , componetur ex iisdem rationibus: nempe ex ratione tot  $DB$ , quotus est numerus parabolæ, una cum excessu  $DB$ , supra  $k$ , ad tot  $DB$ , quotus est numerus parabolæ unitate auctus; harum, ad excessum ipsarum, supra  $DB$ ,  $BN$ , & cæteras tot proportionales, quot sunt ipsæ; &  $BN$ , ad  $ND$ . Sed rationes tot  $DB$ , quotus est numerus parabolæ, cum excessu  $DB$ , supra  $k$ , ad tot  $DB$ , quotus est numerus parabolæ unitate auctus; & harum ad excessum ipsarum supra  $DB$ ,  $BN$ , & cæteras tot proportionales, quot sunt ipsæ, componunt rationem tot  $DB$ , quotus est numerus parabolæ, una cum excessu  $DB$ , supra  $k$ , ad excessum tot  $DB$ , quotus est numerus parabolæ unitate auctus, supra  $DB$ ,  $BN$ , & cæteras tot proportionales, quot sunt ipsæ. Ergo ratio  $AONB$ , ad  $ODN$ , componetur ex antedicta ratione, & ex ratione  $BN$ , ad  $ND$ . Sed ex istis rationibus, componitur quoque ratio rectanguli sub  $BN$ , in  $DB$ , acceptam secundum numerum parabolæ, & rectanguli sub eadem  $BN$ , in excessum  $DB$ , supra  $k$ , ad rectangulum sub  $DN$ , in excessum tot  $DB$ , quotus est numerus parabolæ unitate auctus, supra  $DB$ ,  $BN$ , & cæteras

64 DE INFINITIS PARABOLIS ETC.  
 cæteras prædictas proportionales. Quare patet pro-  
 positum.

## SCHOLIUM.

Ex quibus licet inferre; quod in parabola qua-  
 dratica, erit segmentum  $AONB$ , ad portionem  
 $ODN$ , ut duplum rectangulum  $DBN$ , cum re-  
 ctangulo sub  $BN$ , in excessum  $DB$ , supra  $k$ , quæ  
 sit tertia proportionalis ipsarum  $DB, BN$ , ad qua-  
 dratum  $ND$ , una cum rectangulo sub  $ND$ , & sub  
 excessu  $DB$ , supra  $k$ ; nimirum, ad duplum quadra-  
 tum  $ND$ , cum rectangulo sub  $ND$ , in excessum  
 $BN$ , supra  $k$ .


## PROPOSITIO XXI.

*Si in qualibet parabola, applicentur ordinatim ad diametrum  
 duæ linæ æque remotæ, una à vertice, alia à basi.*

*Harum potestates erunt æquales  
 potestati basis.*

**E**Sto quælibet parabola  $BAC$ , in qua ordinatim  
 applicentur duæ  $EK, GL$ , adeo ut  $Ak, DL$ ,  
 sint æquales. Dico potestates  $EK, GL$ , eiusdem  
 gradus cum parabola, æquari simili potestati  $BD$ .  
 Quoniam enim, ut  $DA$ , ad  $Ak$ , sic potestas  $DB$ ,  
 eiusdem gradus cum parabola, ad similem potesta-  
 tem  $EK$ : & pariter, ut eadem  $DA$ , ad  $AL$ , sic  
 eadem

eadem potestas DB,  
ad similem pote-  
statem GL. Ergo  
vt DA, ad AK,  
AL, simul, sic po-  
testas DB, ad po-  
testates EK, GL,  
simul. At AK, AL,  
sunt æquales ipsi  
DA. Ergo & po-  
testates Ek, GL,  
simul, erunt æ-  
quales potestati DB.




## SCHOLIUM.

Ex hac propositione elicitur illud, quod particu-  
lariter probauimus in nostro libello, cuius titulus.  
Sexaginta Problemata Geometrica, propositione  
posita pagina 114. nimirum in parabola quadra-  
tica, quadrata EK, GL, æquari quadrato BD.

## PROPOSITIO XXII.

*Linea ducta in qualibet parabola diametro parallela, sunt  
inter se, vt excessus potestatis basis semiparabola eius-  
dem gradus cum parabola, supra potestates eiusdem gra-  
dus interceptarum inter ipsas, & diametrum.*

**E**sto quælibet parabola  $ABC$ ; cuius diameter  $BD$ , cui sint ductæ parallelæ  $FE$ ,  $HG$ . Dico  $FE$ , ad  $HG$ , esse ut excessus potestatis  $AD$ , congruentis parabolæ, supra similem potestatem  $ED$ , ad excessum eiusdem potestatis  $AD$ , seu  $DC$ , supra similem potestatem  $DG$ . Ducantur  $Fk$ ,  $LH$ ,  $AC$ , parallelæ. Quoniam ut  $DB$ , ad  $Bk$ , sic potestas



$AD$ , eiusdem gradus cum parabola, ad similem potestatem  $FK$ , seu  $ED$ . Ergo per conuersionem rationis, & conuertendo, erit ut  $Dk$ , seu  $EF$ , ad  $DB$ , sic excessus potestatis  $AD$ , supra similem potestatem  $ED$ , ad similem potestatem  $AD$ . Pariter per conuersionem rationis,  $DB$ , est ad  $DL$ , seu ad  $GH$ , ut potestas  $AD$ , seu  $DC$ , ad excessum illius, supra potestatem similem  $DG$ . Ergo ex æquali, erit  $FE$ , ad  $HG$ , ut primus excessus, ad secundum excessum. Quod &c.

SCHOLIUM.

In parabola ergo quadratica erit  $FE$ , ad  $HG$ , vt rectangulum  $AEC$ , ad rectangulum  $AGC$ .

PROPOSITIO XXIII.

*Si à vertice cuiuscumque trilinei à primo, ducatur linea in basim, secans curuam parabolicam: & per punctum ubi secat curuam, ducatur vsque ad diametrum parallela basi. Erit basis trilinei ad sui partem interceptam inter ductam, & diametrum, vt potestas diametri trilinei vno gradu inferior potestate trilinei, ad similem potestatem diametri trilinei ad verticem.*

**S**It quodlibet trilineum à primo,  $CBA$ , cuius vertex  $B$ , diameter  $BA$ , & à vertice  $B$ , ducatur  $BD$ , in basim, secans curuam in  $E$ ; & per  $E$ , ducatur  $EF$ , parallela  $CA$ . Dico  $CA$ , esse ad  $AD$ , vt potestas  $AB$ , vno gradu inferior potestate trilinei, ad similem potestatem  $BF$ . V. g. in trilineo quadratico, erit  $CA$ , ad  $AD$ , vt  $AB$ , ad  $BE$ . In cubico, vt quadratum  $AB$ , ad quadratum  $BF$ . In quadratoquadratico, vt cubus  $AB$ , ad cubum  $BF$ ; & sic in infinitum. Quoniam enim proportio  $CA$ , ad  $AD$ , componitur ex proportione  $CA$ , ad  $EF$ , & huius ad  $DA$ ;


# 68 DE INFINITIS PARABOLIS ETC.

ex genefi autem parabolarum, eſt vt  $CA$ , ad  $EF$ , ſic poteſtas  $AB$ , eiufdem gradus cum trilineo, ad ſimilem poteſtatem  $BF$ : & vt  $EF$ , ad  $DA$ , ſic  $BF$ , ad  $BA$ . Ergo ratio  $CA$ , ad  $AD$ , componetur ex rationibus poteſtatis  $AB$ , eiufdem gradus cum trilineo, ad ſimilem poteſtatem  $BF$ , & ex ratione  $BF$ , ad  $BA$ . Sed ex iſtis duabus rationibus componitur ratio poteſtatis  $AB$ , vno gradu inferioris poteſtate trilinei, ad ſimilem poteſtatem  $BF$ . Ergo patet propoſitum.

## PROPOSITIO XXIV.

*Si cuiſbet trilineo à primo, ſeſto vt in propoſitione antecedenti, ſit circumſcriptum triangulum. Erit triangulum pars totius, cuius latus non eſt diameter trilinei, ad portionem exceſſus ipſius ſupra portionem trilinei à ſe comprehenſam, vt factum ſub exceſſu poteſtatis diametri trilinei vno gradu inferioris poteſtate trilinei, ſupra ſimilem poteſtatem diametri trilinei ad verticem, in quadratum diametri trilinei, ad tales partes exceſſus poteſtatis diametri trilinei vno gradu altioris poteſtate trilinei ſupra ſimilem poteſtatem trilinei ad verticem, qua ad talem exceſſum ſe habeant, vt numerus trilinei unitate minutus, ad numerum trilinei unitate auſum.*

**D**Vcatur in ſchemate propoſit. ant.  $CB$ . Dico triangulum  $CBD$ , eſſe ad ſpatium  $CBEC$ ,  
compre-




comprehensum à rectis  $AB$ ,  $BE$ , & à curua  $CE$ ,  
 vt factum sub excessu potestatis  $AB$ , vno gradu in-  
 ferioris potestate trilinei supra similem potestatem  
 $BF$ , in quadratum  $BA$ , ad tales partes excessus po-  
 testatis  $AB$ , vno gradu superioris potestate trilinei,  
 supra similem potestatem  $BF$ , quæ se habeant ad  
 talem excessum, vt numerus trilinei vnitate minutus  
 ad numerum trilinei vnitate auctum. V. g. in trili-  
 neo quadratico, erit vt factum sub  $FA$ , in quadra-  
 tum  $BA$ , ad tertiam partem excessus cubi  $BA$ , supra  
 cubum  $BF$ . In cubico, vt factum sub excessu qua-  
 drati  $BA$ , supra quadratum  $BF$ , in quadratum  $BA$ ,  
 ad duas quartas partes excessus quadratoquadrati  
 $AB$ , supra quadratoquadratum  $BF$ . In quadrato-  
 quadratico, vt factum sub excessu cubi  $AB$ , su-  
 pra cubum  $BF$ , in quadratum  $BA$ , ad tresquin-  
 tas partes excessus quadratocubi  $AB$ , supra qua-  
 drato-

dratocubum BF. Et sic in infinitum.

Quoniam enim ex proposito. ant. est CA, ad AD; nempe triangulum CBA, ad triangulum DBA, ut potestas AB, vno gradu inferior potestate trilinei, ad similem potestatem BF. Ergo per conuersionem rationis, & conuertendo, erit triangulum CBD, ad triangulum CBA, ut excessus potestatis AB, vno gradu inferioris potestate trilinei, supra similem potestatem BF, ad potestatem BA. Et ducendo hos terminos in quadratum BA, erit CBD, ad CBA, ut factum sub excessu potestatis AB, vno gradu inferioris potestate trilinei, supra similem potestatem BF, in quadratum BA, ad factum, sub potestate BA, vno gradu inferiore potestate trilinei in quadratum BA; nempe ad potestatem BA, vno gradu superiorem potestate trilinei. At triangulum CBA, est ad excessum ipsius supra trilineum, nempe ad spatium contentum à recta, & curua CB, ut numerus trilinei vnitate auctus, ad numerum trilinei vnitate minutum, ex scholio primo, proposito. prima; nempe ut potestas AB, vno gradu superior potestate trilinei, ad tales sui partes, quæ se habeant ad ipsam, ut numerus trilinei vnitate minutus, ad numerum trilinei vnitate auctum. Ergo ex æquali, erit triangulum CBD, ad spatium contentum à recta, & curua CB, ut factum sub excessu potestatis AB, vno gradu inferioris potestate trilinei supra similem potestatem BF, in quadratum BA, ad tales partes potestatis AB, vno gradu superioris pote-






potestate trilinei, quæ se habeant ad ipsam vt numerus trilinei vnitate minutus, ad numerum trilinei vnitate auctum. Rursum spatium comprehensum à recta, & curua CB, est ad spatium comprehensum à recta, & curua BE, vt potestas AB, vno gradu superior potestate trilinei, ad similem potestatem BF, ex scholio primo, proposit. 3; nempe vt tales partes prædictæ potestatis AB, quæ se habeant ad ipsam, vt numerus trilinei vnitate minutus ad numerum trilinei vnitate auctum, ad similes partes potestatis BF. Ergo per conuersionem rationis, erit spatium comprehensum à recta, & curua CB, ad excessum ipsius supra spatium comprehensum à recta, & curua EB, vt tales partes potestatis AB, vno gradu altioris potestate trilinei, quæ se habeant ad ipsam potestatem AB, vt numerus trilinei vnitate minutus, ad numerum trilinei vnitate auctum, ad excessum ipsa-  
rum

rum supra tales partes potestatis  $BF$ , vno gradu altioris potestate trilinei, quæ se habeant ad ipsam, vt numerus trilinei vnitate minutus, ad numerum trilinei vnitate auctum. Ergo rursus ex æquali, erit triangulum  $CBD$ , ad spatium comprehensum à rectis  $CB$ ,  $BE$ , & à curua  $CE$ , vt factum sub excessu potestatis  $AB$ , vno gradu depræssioris potestate trilinei, supra similem potestatem  $BF$ , in quadratum  $BA$ , ad excessum talium partium potestatis  $AB$ , vno gradu altioris potestate trilinei, quæ se habeant ad ipsam, vt numerus trilinei vnitate minutus, ad numerum trilinei vnitate auctum, supra similes partes potestatis similis  $BF$ ; nempe ad talem partem excessus potestatis prædictæ  $AB$ , supra similem potestatem  $BF$ , quæ se habeant ad ipsum excessum, vt numerus trilinei vnitate minutus, ad numerum trilinei vnitate auctum. Quod ostendere oportebat.

## SCHOLIUM I.

Sed in trilineis quadratico, & cubico, licet compendiosiore rationem, ex dictis, deducere. In trilineo enim quadratico, possumus deducere, triangulum  $CBD$ , esse ad prædictum spatium, vt quadratum  $AB$ , ad rectangulum  $ABF$ , cum tertia parte quadrati  $FA$ . Nam cum sit, vt factum sub  $AF$ , in quadratum  $BA$ , ad tertiam partem excessus cubi  $AB$ , supra cubum  $BF$ ; nempe ad tertiam



tiam partem cubi  $AF$ , vna cum facto sub  $AF$ , in quadratum  $BF$ , cum facto sub  $AF$ , in rectangulum  $AFB$ . (cubus enim  $AB$ , vt ostenditur à multis, sed præcipuè à Caualerio 2. Gem. Ind. prop. 38. æquatur cubis partium  $AF$ ,  $FB$ , tribus factis sub  $AF$ , in quadratum  $BF$ , & tribus factis sub  $BF$ , in quadratum  $AF$ , nempe tribus factis sub  $AF$ , in rectangulum  $AFB$ ,) & cum in omnibus talibus solidis, sit commune latus  $AF$ . Erit triangulum  $CBD$ , ad prædictum spatium, vt quadratum  $AB$ , ad rectangulum  $AFB$ , cum quadrato  $BF$  (nempe ad rectangulum  $ABF$ ) cum tertia parte quadrati  $FA$ .

Pariter in trilineo cubico, erit  $CBD$ , ad prædictum spatium, vt quadratum  $AB$ , ad rectangulum  $ABF$ , cum dimidio quadrati  $AF$ . Nam cum sit, vt factum sub quadrato  $AB$ , in quadratum  $AF$ ,

K & in

& in duo rectangula  $BF^A$  (talibus enim planis, quadratum  $AB$ , excedit quadratum  $BF$ ,) ad duo quarta, nempe ad dimidium excessus quadratoquadrati  $AB$ , supra quadratoquadratum  $BF$ ; nempe ad dimidium factorum sub quadratis  $BA$ ,  $BF$ , in eadem plana; nempe ut quadratum  $BA$ , ad dimidium quadratorum  $AB$ ,  $BF$ ; nempe ad rectangulum  $ABF$ , cum dimidio quadrati  $AF$ . Ergo patet propositum. Forſitam etiam in alijs trilineis prædictæ poteſtates poterunt aliququaliter deprimi, & hoc pro certo ſcimus. Modum autem depræſſionis lector proprio Marte adinueniat; nobis enim ſufficit ſuperiora indicaffe.


## SCHOLIUM II.

Paucis ab hinc diebus; cum Illuſtriſſimus, ac Reuerendiſſimus Dominus Gregorius Barbadicus Patritius Venetus, Bergomique Antiſtes, Venetias petiſſet; accidit, ut benignitate huius præſtantiſſimi præſulis, in quo propemodum impoſſibile videtur ſtatui poſſe quid magis emicet, Sanguinis claritas, Eruditio, Pietas ſue actionum, fuerit permiſſum, frui ſuaui conſuetudine, doctrinaque Perilluſtris Coſmæ Galilei, celeberrimi Galilei nepotis. Ab hoc, inter familiares diſcurſus, excitati fuimus, incumbere ſolutioni cuiuſdam problematis, cuius conſtructio, quamvis impoſterum dicendis, videatur parum, aut nihil inſeruïre; attamen non videtur aliena

aliena infinitarum parabolarum à materia, quam præ manibus habemus. Problema suo loco proponetur, interea conscribemus propositiones, quas ad illius solutionem conducere arbitramur.

## PROPOSITIO XXV.

*Datam rectam lineam taliter producere, ut rectangulum sub data, & sub producta, sit æquale quarta parti quadrati lineæ datæ, assumentis dimidiam producta.*



**E**sto data recta linea AB. Oportet ipsam taliter producere in H, ut rectangulum ABH, sit æquale quartæ parti quadrati AC (diuisa BH, bifariam in G.) Fiat CB, sextupla AB; & super ea fiat semicirculus; ac à puncto B, erigatur normalis BD, æqualis BA; & per D, ducatur DE, parallela CB, occurrens periphæriæ in E;

k 2 di-

dimissaque perpendiculari  $EF$ , fiat  $BG$ , æqualis  $BF$ ; cuius fiat dupla  $BH$ . Dico  $BH$ , esse quadratam. Nam rectangulum  $CFB$ , est æquale quadrato  $EF$ ; nempe quadrato  $DB$ ; nempe quadrato  $AB$ . Quare addito communi quadrato  $FB$ ; rectangulum  $CFB$ , cum quadrato  $FB$ ; nempe rectangulum  $CBF$ ; nempe rectangulum  $CBG$ ; nempe sextuplum rectangulum  $ABG$ , erit æquale quadratis  $AB$ ,  $BG$ . Rursumque additis communibus duobus rectangulis  $ABG$ . Ergo octuplum rectangulum  $ABG$ , erit æquale quadratis  $AB$ ,  $BG$ , & duobus rectangulis  $ABG$ ; nempe quadrato  $AG$ . Quare, & illorum quartæ partes, nempe duo rectangula  $ABG$ ; hoc est vnicum rectangulum  $ABH$ , erit quarta pars quadrati  $AG$ . Producta est ergo, &c. Quod, &c.

## PROPOSITIO XXVI.

*In  $AB$ ,  $CD$ , lineas æquales, & parallelas, incidat  $C B$ ,  
& ducantur  $A E D$ ,  $A F G$ . Erit  $DG$ , ad  $GC$ ,  
ut dupla  $EF$ , ad  $FC$ .*

**Q**uoniam enim triangula  $AEB$ ,  $CFG$ , sunt similia. Ergo ut  $BE$ , ad  $FC$ , sic  $AB$ , seu  $DC$ , ad  $CG$ . Quare & diuidendo, ut excessus  $BF$ , supra  $FC$ , nempe ut dupla  $FE$ , ad  $FC$ , sic  $DG$ , ad  $GC$ , Quod &c.




## PROPOSITIO XXVII.

*In eodem schemate, producta EB, in H, sic, ut diuisa BH, bisariam in K, rectangulum EBH, sit quarta pars quadrati EK. Impossibile est inter C, D, reperire punctum G, ut actis GFA, FD, triangulum GFD, maius sit triangulo, cuius basis CD, altitudo BH.*

**F**lat ergo si est possibile; & sit hoc triangulum GFD; & ipsi CF, fiat æqualis EL. Ergo reliqua LB, erit æqualis reliquæ FE. Quoniam, ex hypothesi, triangulum GFD, cuius basis GD, altitudo CF, maius est triangulo, cuius basis CD, altitudo BH; & ex propoſit. ant. triangulo, cuius basis DG, altitudo CF, est æquale triangulum, cuius basis CG, altitudo dupla FE. Ergo triangulum, cuius basis CG, altitudo dupla FE, erit maius triangulo, cuius basis CD, altitudo BH. Ergo maior erit proportio duplæ FE, ad BH, proportionē DC, ad CG; nempe proportionē AB, ad CG; nempe proportionē BF, ad FC. Quare & componendo, maior erit proportio duplæ FE, seu duplæ (LB) cum BH, ad BH, proportionē BC, ad CF. Quare rectangulum sub extremis, maius erit rectangulo sub medijs. Rectangulum, ergo sub CF, seu sub ei æquali, EL, & sub composita ex dupla LB, cum BH, maius erit rectangulo





gulo CBH. Quare & dimidium, maius erit dimidio. Ergo rectangulum ELK, maius erit rectangulo EBH. Quod est contra hypothesim. Quia supponitur, rectangulum EBH, æquale esse quartæ parti quadrati Ek; hoc est maximo rectangulorum ex partibus Ek. Quare patet propositum.

## COROLLARIUM.

Ex dictis ergo facile patebit, quod si rectangulum

lum  $EBH$ , maius sit quarta parte quadrati  $EK$ , non solum multo minus reperibile esse triangulum, triangulo prædicto maius, sed nec etiam æquale.

## SCHOLIUM.

Notetur tamen, quod quamvis in supra dictis, & in infra dicendis, suppositum videatur, angulos  $B$ , &  $C$ , rectos esse, nihilominus hoc haud est necesse. Nam possunt etiam esse quomodocumque obliqui. At quando non sunt recti, nequaquam debemus considerare  $CF$ ; duplam  $FE$ , &  $BH$ , tamquam altitudines talium trium triangulorum: sed tamquam latera super basibus in eodem angulo inclinata.

## PROPOSITIO XXVIII.

*In eodem schemate, si  $CF$ , supponatur equalis dimidia  $EK$ . Triangulum  $GFD$ , æquabitur triangulo, cuius basis  $CD$ , altitudo  $BH$ .*

**E**Tenim quoniam rectangulum  $EBH$ , est æquale rectangulo  $ELK$  (quia tunc  $EL$ ,  $LK$ , essent æquales). Ergo & duplum rectangulum  $EBH$ ; nempe rectangulum  $CBH$ , erit æquale duplo rectangulo  $ELK$ ; nempe rectangulo sub  $EL$ , in duplam  $LB$ , & rectangulo sub eadem  $EL$ , in  $BH$ ; nempe rectangulo sub  $CF$ , in compositam ex du-  
pla





gulo cuius basis  $CG$ , altitudo dupla  $FE$ ; nempe, ex dictis, triangulo  $GFD$ . Patet deinde rectangulum  $ELk$ , æquari rectangulo  $EBH$ . Etenim rursum, cum factum sit ut  $DC$ , ad  $CG$ ; seu ut  $AB$ , ad  $CG$ ; seu ut  $BF$ , ad  $FC$ , sic dupla  $FE$ , seu  $LB$ , ad  $BH$ . Ergo componendo, ut  $BC$ , ad  $CF$ , seu ad  $EL$ , sic dupla  $LB$ , cum  $BH$ , ad  $BH$ . Ergo rectangulum  $CBH$ , erit æquale rectangulo sub  $EL$ , in duplam  $LB$ , cum  $BH$ . Ergo & dimidium, æquale dimidio; nempe rectangulum  $EBH$ , erit æquale rectangulo  $ELk$ . Vel ergo  $EL$ , est maior  $Lk$ , vel minor; & secundum, quod est maior, vel minor, diuidatur etiam in alio puncto  $L$ , ut rectangula  $ELK$ , sint æqualia, &  $EL$ , fiat æqualis  $CF$ , adeo ut habeamus duo puncta  $F$ , vnum magis, aliud minus distans à  $C$ , & fiat prior constructio, & habebimus triangulum æquale dato triangulo.

## PROPOSITIO XXIX.

*In eodem schemate. Triangula  $CFG$ ,  $AFB$ , minores erunt triangulis  $CED$ ,  $AEB$ .*

**Q**uoniam enim  $AE$ ,  $ED$ , sunt æquales. Ergo triangula  $AFE$ ,  $FED$ , erunt æqualia. Quare trapezium  $FD$ ; maius erit triangulo  $FAE$ . Additisque communibus triangulis  $AEB$ ,  $CFG$ . Ergo duo triangula  $CFG$ ,  $AEB$ , cum trapezio  $FD$ ;

$FD$ ; nempe duotriangula  $CED$ ,  $AEB$ , maiora erunt tribus triangulis  $CFG$ ,  $FAE$ ,  $EAB$ ; nempe triangulis  $CFG$ ,  $AFB$ . Quod &c.

## PROPOSITIO XXX.

*In eodem schemate, supposito  $C.F$ , aequalitate  $FB$ , &  $CG$ , ipsi  $AB$ , & ducta  $AED$ , ubi libet sub  $AFG$ . Triangula  $CED$ ,  $AEB$ , semper erunt maiora triangulis  $CFG$ ,  $AFB$ .*

**Q**uoniam enim  $ED$ , maior est  $EA$ . Ergo, acta  $FD$ , triangulum  $FED$ , maius erit triangulo  $AFE$ . Ergo trapezium  $FD$ , erit multo maius triangulo  $FAE$ . Additis ergo ut prius, triangulis  $CFG$ ,  $AEB$ . Triangula  $CED$ ,  $AEB$ , erunt maiora triangulis  $CFG$ ,  $AFB$ . Quod &c.

## SCHOLIUM.

Patet ergo ex dictis, quod si data  $AB$ , cui  $CD$ , sit parallela, & quibus occurrat  $CB$ , aliquis iubeat ducere  $AFG$ , ut duo triangula  $CFG$ ,  $AFB$ , sint omnium minima, hoc haud præstari à linea cadente sub  $AED$ , secante  $CB$ , bifariam; quia hæc constituit semper triangula maiora triangulis  $CED$ ,  $AEB$ . Hoc ergo non adimplebitur nisi à linea cadente supra  $AED$ . Hæc autem nequit esse nisi  $AFG$ , ducta tali lege, ut triangulum  $GFD$ , sit omnium

omnium maximum ducibilium intra triangulum CED, sic, ut latus GF, pertingat ad A. Ratio autem huius asserti est, quia cum duo triangula CED, AEB, excedant duo triangula CFG, AFB, triangulo FGD; quando excessus erit maximus, nempe triangulum GFD, relinquentur triangula CFG, AFB, minima. Sit ergo.

## PROPOSITIO XXXI.

*Data AB, magnitudine, & CD, ei parallela, quibus occurrat CB. Ducere AFG, ut duo triangula CFG, AFB, sint omnium minima.*

**D**uidatur CB, bifariam in E, & EB, producat in H, ut diuisa BH, bifariam in k, rectangulum EBH, sit æquale quartæ parti quadrati EK; secetur Ek, bifariam in L, & ipsi EL, fiat æqualis CF; & ducatur AFG. Dico triangula CFG, AFB, esse quæsitæ. Demonstratio patet ex dictis.


## SCHOLIUM.

Vt supra innuimus, constructio huius problematis, non est totaliter aliena à materia infinitarum parabolarum. Nam cum triangulis CFG, AFB, possumus intelligere circumscribi semiparabolas cuiuscumque gradus, quarum diametri sint CF, FB, semi-

semibases vero  $CG$ ,  $AB$ , quæ utique relatæ ad alias parabolas eiusdem gradus, erunt vt triangula, ad alia triangula; patet quod semiparabolæ circumscriptæ minimis triangulis, erunt etiam ipsæ minimæ. Vnde ex dictis patet solui posse hoc Problema, nempe. Datis, quæ supra, ducere  $AFG$ , vt semiparabolæ cuiuscumque gradus, quarum diametri  $CF$ ,  $FB$ , semibases vero  $CG$ ,  $AB$ , sint omnium minimæ. Sed Problema de inueniendis duobus minimis triangulis libet vniuersaliter proponere, nimirum. Inuenire duo triangula spatio dato æqualia, seù, quod idem est, ad spatium datum, proportionem datam habentia. Ex cuius resolutionis progressu, patebunt etiam minima triangula. Pro solutione ergo problematis, procedatur per sequentes propositiones.

## PROPOSITIO XXXII.

*Datam rectam lineam sectam bifariam, rursus secare non bifariam, vt rectangulum sub tota, & sub intercepta inter sectiones, sit æquale quartæ parti quadrati maioris segmenti totius lineæ.*




**S**It data recta linea  $AB$ , secta bifariam in  $C$ . Oportet ipsam taliter secare in  $D$ , vt rectangulum



gulum AB, CD, sit æquale quartæ parti quadrati AD. Hæc propositio est ferè eadem cum proposit. 25. Nam si AC, producat in E, ut diuisa CE, bifariam in D, rectangulum ACE, sit æquale quartæ parti quadrati AD. Patet etiam rectangulum AB, CD, æquale rectangulo ACE, esse quartam partem eiusdem quadrati AD.

## PROPOSITIO XXXIII.

*Si AGB, CGH, sint duo triangula rectangula ad vertexem. Erit ut GB, ad BK, dimidiata BA, sic duo quadrata CG, GB, ad ipsa triangula.*



Nam


Nam propter similitudinem triangulorum, vt  $GC$ , ad  $CH$ , nempe vt quadratum  $GC$ , ad rectangulum  $GCH$ , sic  $GB$ , ad  $BA$ ; nempe sic quadratum  $GB$ , ad rectangulum  $GBA$ . Et permutando, & componendo, vt quadrata  $CG$ ,  $GB$ , ad quadratum  $GB$ , sic rectangula  $HCG$ ,  $GBA$ , ad rectangulum  $GBA$ . Et rursus permutando, vt quadrata  $CG$ ,  $GB$ , ad rectangula  $HCG$ ,  $GBA$ , sic quadratum  $GB$ , ad rectangulum  $GBA$ ; nempe sic  $GB$ , ad  $BA$ . Et ad consequentium dimidia, vt quadrata  $CG$ ,  $GB$ , ad triangula  $CGH$ ,  $AGB$ , dimidia illorum rectangulorum, sic  $GB$ , ad  $Bk$ . Quod &c.

## PROPOSITIO XXXIV.

*Si  $AB$ , sit data, &  $CD$ , sit ei parallela, quibus occurrat normaliter  $CB$ , qua sit secta bisariam in  $E$ , & non bisariam in  $F$ , sic vt rectangulum  $CB$ ,  $EF$ , maius sit quarta parte quadrati  $CF$ . Si in  $CF$ , sumatur arbitrariè punctum  $G$ , per quod ducatur  $AGH$ , semper duo triangula ad verticem, erunt maiora rectangulo  $ABF$ .*

**Q**uoniam enim, per hypothesim, rectangulum  $CB$ ,  $EF$ , maius est quarta parte quadrati  $CF$ ; Ergo maius erit rectangulo  $CGF$ . Ergo & duplum, erit maius duplo; nempe duplum rectangulum sub  $CB$ , in  $EF$ , erit maius duplo rectangu-

M                      lo




1o CGF. Addito ergo communi duplo rectangulo CBF: duo rectangula CBE, erunt maiora duobus rectangulis CGF; & duobus rectangulis CBF. Et denuo additis communibus duobus quadratis CG; ergo duo rectangula CBE; nempe quadratum CB, cum duobus quadratis CG, erunt maiora duobus rectangulis CGF, duobus rectangulis CBF, & duobus quadratis CG; nempe erunt maiora duobus rectangulis BCG, & duobus rectangulis GBF (nam duo rectangula CGF, cum duobus quadratis CG, faciunt duo rectangula FCG: duo vero rectangula CBF, diuiduntur in  
duo

duo rectangula  $CG$ ,  $FB$ , & in duo rectangula  $GBF$ : & simul additis duobus rectangulis  $FCG$ , & duobus rectangulis  $BF$ ,  $CG$ , fiunt duo rectangula  $BCG$ ). Ablatis ergo hinc inde duobus rectangulis  $BCG$ , ergo duo quadrata  $CG$ ,  $GB$ , (quæ remanent si à quadrato  $CB$ , cum duobus quadratis  $CG$ , auferantur duo rectangula  $BCG$ ) erunt maiora duobus rectangulis  $GBF$ . Ergo maior erit proportio quadratorum  $CG$ ,  $GB$ , ad duplum rectangulum  $ABF$ , proportionem dupli rectanguli  $GBF$ , ad idem duplum rectangulum  $ABF$ ; nempe proportionem  $GB$ , ad  $BA$ . Et ad consequentium dimidia: Ergo quadrata  $CG$ ,  $GB$ , ad rectangulum  $ABF$ , habebunt maiorem proportionem proportionem  $GB$ , ad  $BK$ . Sed ex prop. ant. ut  $GB$ , ad  $BK$ , sic quadrata  $CG$ ,  $GB$ , ad triangula  $CGH$ ,  $AGB$ . Ergo proportio quadratorum  $CG$ ,  $GB$ , ad rectangulum  $ABF$ , maior erit proportione eorundem quadratorum, ad triangula. Quare triangula maiora erunt rectangulo  $ABF$ . Quod &c.

## S C H O L I U M.

Ex quibus elicitur, quod aliquo iubente ducere  $AGH$ , ut duo triangula ad verticem, sint æqualia rectangulo  $ABF$ ; oportebit  $BF$ , ablatam à  $CB$ , taliter relinquere  $CF$ , ut rectangulum  $CB$ ,  $EF$ , non sit maius quarta parte quadrati  $CF$ . Imo, ex



progressu demonstrationis patet, quod si rectangulum  $CB, EF$ , sit æquale quartæ parti quadrati  $CF$ , & attamen punctum  $G$ , non sit bisecans  $CF$ , nihilominus duo triangula erunt maiora rectangulo  $ABF$ . Nam etiam in hoc casu, rectangulum  $CGF$ , minus erit rectangulo  $CB, EF$ . Vnde sequendo vestigia antecedentis demonstrationis, idem probabitur.

## PROPOSITIO XXXV.

*Si datis ijsdem, quæ in ant. propos. rectangulum CB, EF, a quale sit quarta parti quadrati (CF, & CF, sit secta bisariam in G, & agatur AGH. Triangula ad verticem, erunt aequalia rectangulo ABF.*

**N**Am, cum rectangulum CGF, æquetur rectangulo CB, EF; sequendo vestigia ant. propos. concludemus tandem, quadrata CG, GB, æquari duplo rectangulo GBF. Ergo hæc ad duplum rectangulum ABF, erunt in eadem proportionem. At duo rectangula GBF, sunt ad duo rectangula ABF, vt GB, ad BA. Ergo quadrata CG, GB, erunt ad duo rectangula ABF, vt GB, ad BA. Et ad consequentium dimidia, quadrata erunt ad rectangulum ABF, vt GB, ad Bk; nempe ex proposit. 33. vt eadem quadrata, ad triangula. Ergo triangula erunt aequalia rectangulo. Quod &c.

## PROPOSITIO XXXVI.

*Datis duabus lineis AB, CD, cum CB, vt supra. Ducere AGH, vt triangula CGH, AGB, sint aequalia spatio dato.*


**S**patio dato esto æquale quadratum rectæ Q; & fiat vt AB, ad Q, sic Q, ad aliam. Hæc vel erit

94 DE INFINITIS PARABOLIS. ETC.

erit æqualis dimidiæ  $BC$ , vel minor, vel maior. Si est æqualis  $BG$ , dimidiæ  $BC$ , ducatur  $AGH$ . Dico triangula æquari quadrato  $Q$ . Quod est luce clarius. Nam cum rectangulum  $ABG$ , duplum sit trianguli  $ABG$ . Ergo rectangulum  $ABG$ ; nempe quadratum  $Q$ , erit æquale triangulis, &c.

Si vero illa tertia proportionalis sit minor dimidia  $BC$ , sit hæc  $BF$ , minor  $BE$ , dimidia  $BC$ . Hæc autem, vel est adeo minor  $BE$ , vt rectangulum  $CB$ ,  $EF$ , maius sit quarta parte quadrati  $CF$ : & tunc, vt patet ex schol. proposit. 34. problema nequit construi. Vel rectangulum  $CB$ ,  $EF$ , est æquale quartæ parti quadrati  $CF$ . Fit tunc, diuisa  $CF$ , bifariam in  $G$ , & ducta  $AGH$ ; patet ex prop. ant. duo triangula æqualia esse rectangulo  $ABF$ ; nempe quadrato  $Q$ . Vel tandem illa tertia, est adeo minor, vt rectangulum  $CB$ ,  $EF$ , minus sit quarta parte quadrati  $CF$ . Et tunc, super diametro  $CF$ , facto semicirculo  $CMF$ , & inuenta media proportionali inter  $CB$ ,  $EF$ , erigatur ei æqualis  $FL$ , à puncto  $F$ , perpendicularis super  $CB$ ; & per punctum  $L$ , ducatur  $LM$ , parallela  $CB$ , occurrens periphæriæ in  $M$  (occurreret enim, quia rectangulum  $CB$ ,  $EF$ , nempe quadratum  $FL$ , minus est quarta parte quadrati  $CF$ ; nempe quadrato dimidiæ  $CF$ ) & à puncto  $M$ , cadat  $MG$ , perpendicularis super  $CB$ , ac ducatur  $AGH$ . Dico triangula  $CGH$ ,  $AGB$ , esse quæsitæ.


Nam cum rectangulum  $CGF$ , sit æquale quadrato



drato  $GM$ ; nempe quadrato  $FL$ ; nempe rectangulo  $CB, EF$ . Ergo ad modum superiorum concludemus, triangula esse æqualia rectangulo  $ABF$ ; nempe quadrato  $Q$ .


Si vero illa tertia proportionalis sit maior  $BE$ . Vel erit æqualis  $CB$ , vel minor, vel maior. Si sit æqualis, inter  $BC, CE$ , sit media proportionalis  $CG$ ; & per  $G$ , agatur  $AGH$ . Dico triangula ad verticem, æqualia esse rectangulo  $ABC$ ; nempe quadrato  $Q$ . Nam, cum quadratum  $CG$ , sit æquale rectangulo  $BCE$ . Ergo etiam duo quadrata  $CG$ , erunt æqualia duplo rectangulo  $BCE$ ; nempe  
pc






pe quadrato  $CB$ . Additoque communi alio quadrato  $CB$ . Ergo duo quadrata  $BC$ , erunt æqualia quadrato  $BC$ , & duobus quadratis  $CG$ . Ablatisque hinc inde duobus rectangulis  $BCG$ . Ergo duo rectangula  $CBG$ , erunt æqualia duobus quadratis  $CG$ ,  $GB$ . Ergo concludemus ut prius, duo quadrata  $CG$ ,  $GB$ , & duo rectangula  $CBG$ , ad duo rectangula  $ABC$ , habere eandem rationem. Sed duo rectangula  $CBG$ , sunt ad duo rectangula  $ABC$ , ut  $GB$ , ad  $BA$ . Ergo quadrata  $CG$ ,  $GB$ , erunt ad duo rectangula  $ABC$ , ut  $GB$ , ad  $BA$ . Et ad consequentium dimidia: quadrata  $CG$ ,  $GB$ , erunt ad rectangulum  $ABC$ ; nempe ad quadratum  $Q$ , ut  $GB$ , ad  $BK$ ; nempe, ex supra dictis, ut eadem

dem quadrata, ad triangula. Quare triangula erunt æqualia quadrato Q.



Si vero illa tertia proportionalis sit minor BC, sit hæc BF, quæ diuidatur bifariam in O; erectaque à puncto B, normali BM, æquali mediæ proportionali inter CE, medietatem CB, & FE, iunctaque OM, centro O, intervallo OM, describatur semicirculus secans CB, productam in L. Patet BL, minorem esse EB, dimidia totius CB.

Nam



Nam cum  $BM$ , sit media proportionalis inter  $CE$ ,  $EF$ , erit minor ipsa  $CE$ . Quare  $BL$ , minor  $BM$ , erit multo minor  $CE$ , scilicet  $EB$ . Fiat ergo ipsi  $BL$ , æqualis  $EG$ , & per  $A, G$ , agatur  $AGH$ . Dico triangula  $AGB$ ,  $CGH$ , esse quæsita.

Quoniam enim rectangulum  $NBL$ , est æquale quadrato  $BM$ , & rectangulo  $NBL$ , est æquale rectangulum  $FLB$  (quia tam  $NF$ ,  $BL$ , quam  $NB$ ,  $FL$ , sunt æquales). Ergo rectangulum  $FLB$ , nempe


pc

pe rectangulum  $FB L$ , cum quadrato  $BL$ , erit æquale quadrato  $BM$ . Sed quadratum  $BM$ , ex constructione, est æquale rectangulo  $CE F$ ; & rectangulum  $FB L$ , cum quadrato  $BL$ , est æquale rectangulo sub  $FB$ , in  $EG$ , simul cum quadrato  $EG$  (quia  $EG$ ,  $BL$ , factæ sunt æquale.) Ergo rectangulum  $FB$ ,  $EG$ , cum quadrato  $EG$ , erit æquale rectangulo  $CE F$ . Omnibusque quadruplicatis, quatuor rectangula  $FB$ ,  $EG$ , cum quatuor quadratis  $EG$ , erunt æqualia quatuor rectangulis  $CE F$ ; nempe duobus rectangulis sub  $CB$ , in  $EF$ . Et communibus additis duobus rectangulis  $CB E$ . Ergo quatuor rectangula  $FB$ ,  $EG$ , cum quatuor quadratis  $EG$ , & cum duobus rectangulis  $CB E$ , erunt æqualia duobus rectangulis  $CB$ ,  $EF$ , & duobus rectangulis  $CB E$ ; nempe erunt æqualia duobus rectangulis  $CB F$ . Hinc inde vero ablatis duobus rectangulis sub  $FB$ , in  $CG$ . Ergo duo rectangula  $FB G$  (residuum duorum rectangulorum  $CB F$ ,) erunt æqualia duobus rectangulis  $FB$ ,  $EG$ , quatuor quadratis  $EG$ , & duobus rectangulis  $FCE$ , quæ remanent de illis sex rectangulis, cum quatuor quadratis &c. Nam duo rectangula  $CB E$ , seu  $BCE$ , diuiduntur in duo rectangula  $BF$ ,  $CE$ , & in duo rectangula  $FCE$ ; coniungendo vero simul duo rectangula  $BF$ ,  $CE$ , cum duobus rectangulis  $FB$ ,  $EG$ , fiunt duo rectangula  $FB$ ,  $CG$ . Verum quoniam supra probatum est, rectangulum  $FB$ ,  $EG$ , cum quadrato  $GE$ , æquari rectangulo


CEF. Ergo duo rectangula FB, EG, cum duobus quadratis EG, erunt æqualia duobus rectangulis CEF. Ergo duo rectangula FBG, erunt æqualia duobus rectangulis FCE, duobus rectangulis FEC, (nempe duobus quadratis CE) & duobus quadratis EG. Sed duo quadrata CE, cum duobus quadratis EG, ex proposit. 9. secundi Element. æqualia sunt quadratis CG, GB. Ergo duo rectangula FBG, erunt æqualia quadratis CG, GB. Ergo hæc ad duo rectangula ABF, erunt in eadem ratione. Sed duo rectangula FBG, sunt ad duo rectangula ABF, vt GB, ad BA. Ergo & quadrata CG, GB, erunt ad duo rectangula ABF, vt GB, ad BA. Et ad consequentium dimidia. Ergo quadrata erunt ad rectangulum ABF, nempe ad quadratum Q, vt GB, ad Bk; nempe ex supra dictis, vt eadem quadrata, ad triangula. Ergo triangula sunt æqualia quadrato Q.

Tandem BF, sit maior BC; & FC, secetur bifariam in N; & à puncto C, erigatur normalis CO, ipsi FB, quæ sit media proportionalis inter BC, FE, & iungatur NO. Deinde centro N, interuallo NO, describatur semicirculus secans CB, in G (secabit enim semper, vt probabitur inferius) & ducatur AGH. Dico triangula AGB, CGH, esse quæsita.

Quoniam enim LF, æquatur CG, ergo rectangulum LCG, æquatur rectangulo FGC. Sed rectangulum LCG, est etiam æquale quadrato OC, quod



quod factum est æquale rectangulo sub FE, in CB.  
 Ergo rectangulum FGC, erit æquale rectangulo  
 FE, CB. Duplumque erit æquale duplo. Et com-  
 muni addito duplo rectangulo CBE. Ergo duplum  
 rectangulum FGC, cum duplo rectangulo CBE,  
 erunt æqualia duobus rectangulis CB, FE, & duo-  
 bus CBE, nempe erunt æqualia duobus rectangulis  
 FBC. Et hinc inde ablati duobus rectangulis FB,  
 CG. Ergo residuum duorum rectangulorum FGC,  
 & duorum rectangulorum CBE, seu quadrati CB,  
 æqua-



æqualis prædictis duobus reocrangulis  $CBE$ , ablatis  
 ab his planis prædictis duobus reocrangulis  $FB$ ,  $CG$ ,  
 erit æquale duobus reocrangulis  $FBG$ , quæ reman-  
 ent si à duobus reocrangulis  $FB$ ,  $CG$ , auferantur præ-  
 dicta duo reocrangula  $FB$ ,  $CG$ . Sed residuum duo-  
 rum reocrangulorum  $FGC$ , & quadrati  $CB$ , ab ip-  
 sis demptis duobus prædictis reocrangulis sunt qua-  
 drata  $CG$ ,  $GB$ . Nam quadratum  $BC$ , æquatur  
 duobus quadratis  $BG$ ,  $GC$ , & duobus reocrangulis  
 $BGC$ , quæ duo reocrangula coniuncta cum duobus  
 reocran-

rectangulis  $FGC$ , faciunt prædicta duo rectangula  $FB, CG$ , auferenda. Ergo duo rectangula  $FBG$ , erunt æqualia quadratis  $CG, GB$ . Ergo hæc ad duo rectangula  $ABF$ , erunt in eadem ratione. In reliquis sequantur præcedentes demonstrationes, & eodem modo concludemus triangula ad verticem æquari quadrato  $Q$ . Quare in omnibus casibus constructa sunt triangula æqualia quadrato  $Q$ . Quod erat faciendum.


Quod vero assumptum est, nempe semicirculum semper secare  $CB$ , in  $G$ , seu quod idem est,  $NO$ , minorem esse  $NB$ , patet: quia quadratum  $NO$ , seu quadrata  $NC, CO$ , seu quadratum  $NC$ , cum rectangulo  $FE, CB$ , minora sunt quadrato  $NB$ . Nam rectangulum  $FE, CB$ , diuiditur in rectangulum  $NE, CB$ , & in rectangulum  $FN, CB$ , seu  $NCB$ . Patet autem quadratum  $NC$ , cum rectangulis  $NCB; NE, CB$ , minora esse quadrato  $NB$ .

## SCHOLIUM I.

Ex dictis ergo licuit animadvertere, semper duo triangula ad verticem æqualia probata esse rectangulo sub  $AB$ , in  $BF$ , quæ  $BF$ , est tertia proportionalis ipsarum  $AB$ , &  $Q$ ; quæ cum augeatur ad augmentum dati quadrati  $Q$ , quod postea augeri potest in infinitum; patet etiam duo triangula ad verticem augeri posse in infinitum, adeo ut nunquam deueniatur ad maxima. Secus dicendum est

de





de minimis. Nam cum visum sit, quod si BF, sit  
adeo minor BE, dimidia CB, ut rectangulum CB,  
EF, maius sit quarta parte quadrati CF, problema  
nequeat construi; & tunc solum sit construibile,  
quando BF, est taliter minor BE, ut rectangulum  
CB, EF, sit quarta pars quadrati CF, patet trian-  
gula sic inuenta esse omnium minima. Si quis ergo  
iubeat inuenire minima triangula, ei satisfaciemus  
sic. Diuisa CB, bisariam in E, rursum taliter  
secetur in F, inter E, B, ut rectangulum CB,  
EF, sit quarta pars quadrati CF; diuisaque CF,  
bifa-


bifariam in  $G$ , ducatur  $AGH$ . Hæc constituet triangula minima.

Aduertatur autem, quod licet suppositum sit angulos  $C$ ,  $B$ , rectos esse, nihilominus si etiam sint utcumque obliqui, habebimus intentum, ducendo perpendicularem inter  $CD$ ,  $AB$ , & circa ipsam operando, ut factum est supra; postea  $CB$ , obliquam secando proportionaliter in  $G$ , sicuti fuerit diuisa normalis in simile puncto. Ducendo enim eodem modo  $AGH$ , habebimus intentum.

## SCHOLIUM II.

Ut visum est in scholio antecedenti, duo triangula ad verticem possunt quidem augeri in infinitum, sed non in infinitum minui, quia tandem deuenitur ad triangula minima. Licet tamen notare accidens quodam non spernendum, quod in talibus triangulis reperitur. Et est, quod si  $CB$ , sit secta bifariam in  $E$ , & sit ducta  $AED$ , utique triangula  $CED$ ,  $AEB$ , sunt minora triangulorum omnium, quæ constituerentur à linea secante  $EB$ , & sunt maiora omnium constitutorum à linea secante  $CE$ . At non eodem modo sunt maiora, & minora: nam quo magis linea secans  $EB$ , appropinquatur puncto  $B$ , eo magis triangula  $CED$ ,  $AEB$ , sunt illis triangulis minora: non vero eo fiunt maiora triangulis superioribus, quo magis linea secans  $CE$ , appropinquatur puncto  $C$ ; sed

O                      dum



dum linea secans  $CE$ , discedit ab  $AED$ , semper duo triangula decrescunt, usque dum deueniatur ad duo minima  $CGH$ ,  $AGB$ , (supponendo ipsa minima esse) progrediendo autem versus  $C$ , rursus triangula crescunt usque dum perueniatur ad punctum  $C$ , ubi triangula degenerant in triangulum  $ACB$ , quod utique est æquale triangulis  $AEB$ ,  $CED$ ; quia cum triangula  $CED$ ,  $ACE$ , propter æqualitatem ipsarum  $AE$ ,  $ED$ , sint æqualia, ergo totum triangulum  $ACB$ , erit æquale triangulis  $CED$ ,  $AEB$ . Patet ergo, quod si  $CE$ , intelligatur sic diuisa in  $F$ , ut transeunte linea per  $A$ ,  $F$ , constituentur triangula omnium minima, & diuidatur linea  $AGH$ , secante  $FB$ , quod etiam

etiam potest diuidi linea  $AKL$ , secante  $CF$ , vt duo triangula  $CkL$ ,  $AkB$ , sint æqualia triangulis  $CGH$ ,  $AGB$ . Quod vtique fiet, si ducta  $GD$ , (cum triangulum  $HGD$ , non sit omnium maximum) ex schol. proposit. 28. inueniatur triangulum  $LKD$ , ei æquale. Nam triangula  $CKL$ ,  $AkB$ , erunt æqualia triangulis  $CGH$ ,  $AGB$ . Ratio est, quia duo triangula  $CFD$ ,  $AEB$ , superant duo triangula  $CGH$ ,  $AGB$ , quantitate trianguli  $HGD$ : & pariter superant triangula  $CKL$ ,  $AkB$ , quantitate trianguli  $LkD$ ; cum ergo excessus, ex constructione, nempe triangula  $LKD$ ,  $HGD$ , sint æquales. Ergo etiam reliqua triangula erunt æqualia.

Explicauimus diligenter superiora, quia ex ipsis dependet solutio Problematis non spernendi. Problema autem tale est. Datis omnibus, quæ supra, & ducta  $AGH$ ; ducere  $AkL$ , vt trapezium  $kGHL$ , sit æquale triangulo  $KAG$ . Etenim factis omnibus, quæ supra; cum triangula  $CGH$ ,  $AGB$ , sint æqualia triangulis  $CkL$ ,  $AkB$ ; ablati communibus triangulis  $CkL$ ,  $AGB$ . Ergo reliquum trapezium  $k, GHL$ , erit æquale triangulo  $AkG$ .

### SCHOLIUM III.

Sed tandem vt huic problemati finem imponamus, & simul cum ipso, etiam primo libro infinita-

rum parabolarum, applicentur etiam prædicta nostro instituto. Nempe datis ut supra, ducere AGH, ut quæcumque semiparabolæ, quarum diametri CG, GB, bases CH, AB, sint dato spatio æquales. Nam si fiat ut numerus parabolæ, ad dimidium numeri parabolæ cum dimidia unitate, sic spatium datum, ad aliud: si huic inueniantur triangula æqualia modo prædicto, quibus intelligantur circumscriptæ semiparabolæ; hæ erunt æquales spatio dato. Si vero triangula non sint reperibilia, nec etiam erunt reperibiles semiparabolæ.

**Explicit Liber Primus.**



# DE INFINITIS PARABOLIS, ETC.



## LIBER SECVNDVS.




Sicuti libro superiori explicatæ fuere infinitæ parabolæ, ac infinita trilinea, infinitaque horum segmenta; sic in præsentī explicanda veniunt infinita solida, quæ ex varijs rotationibus prædictarum figurarum ortum ducunt. Concipiamus ergo in schemate posito initio superioris libri, infinitas semiparabolas  $BAC$ ,  $BAHC$ ,  $BAIC$ ,  $BALC$ , &c. rotari circa diametrum  $BA$ , donec redeant ad initium motus.

## DEFINITIO PRIMA.

Talia solida ex tali rotatione genita, vocentur infinita Conoidea parabolica.

DE-



## DEFINITIO SECUNDA.

Sed si tales infinitæ semiparabolæ duplicatæ ad partes BA, concipiantur rotari circa basim BC, duplicatam. Talia solida vocentur infiniti Fusi parabolici.

## DEFINITIO TERTIA.

Si vero concipiamus tales infinitas parabolas rotari circa DA, ipsas in vertice tangentem. Solida genita vocentur infiniti Annuli stricti parabolici secundum rectitudinem basis.

## DEFINITIO QVARTA.

Si autem infinitæ parabola rotentur circa  $CD$ , diametro parallelam. Talia solida vocentur infiniti Annuli parabolici stricti secundum rectitudinem diametri.

## DEFINITIO QVINTA.

Sed concipiamus infinita trilinea  $ACD$ ,  $AHCD$ ,  $AICD$ ,  $ALCD$ , &c. rotari circa diametrum  $AD$ . Talia solida vocentur infiniti Conici circa diametrum.

## DEFINITIO SEXTA.

Si vero rotentur circa basim  $CD$ . Vocentur infiniti Conici circa basim.


Hi sunt termini, qui in præsentī fuerunt explicandi; reliqui vel erunt omnibus obuij, vel explicabuntur proprijs in locis.

## PROPOSITIO I.

*Si quodlibet ex infinitis conoidibus parabolicis feretur plano basi parallelo. Erit totum conoides, ad conoides ad verticem, ut potestas semidiametri circuli suæ basis duplici gradu altior potestate conoidis, ad similem potestatem semidiametri basis conoidis ad verticem.*

Esto






**E** Sto Conoides quodlibet parabolicum  $ABC$ , genitum ex reuolutione semiparabolæ  $BAD$ , circa diametrum  $BD$ ; quod secetur plano  $EFG$ , basi parallelo. Dico conoides  $ABC$ , esse ad conoides  $EBG$ , ad verticem, vt potestas  $AD$ , duplici gradu altior potestate conoidis, ad similem potestatem  $EF$ . V.g. in primo conoide, nempe in cono, vt cubus  $AD$ , ad cubum  $EF$ . In secundo, nempe in conoide ordinario, vt quadratoquadratum  $AD$ , ad quadratoquadratum  $EF$ ; & sic in infinitum. Iphis conoidibus intelligamus circumscriptos cylindros  $NC$ ,  $LG$ . Ergo cylindrus  $NC$ , ad conoides  $ABC$ , erit vt cylindrus  $LG$ , ad conoides  $EBG$ ; quia figuræ eiusdem generis, nempe semiparabolæ, eodem modo reuolutæ, nequeunt

queunt producere nisi solida eiusdem generis, ac proinde cylindri ipsis circumscripti, retinebunt ad ipsas easdem rationes. Ergo & permutando, ut cylindrus NC, ad cylindrum LG, sic conoides ABC, ad conoides EBG. At ratio cylindri NC, ad cylindrum LG, componitur ex ratione quadrati AD, ad quadratum EF, & ex ratione AN, seu DB, ad EL, seu ad BF, ut facile elicietur ex 12. elem. & ut inferius à nobis probabitur in proposit. 9. huius, nempe ex ratione potestatis AD, eiusdem gradus cum conoide, ad similem potestatem EF. Ergo & ratio ABC, ad EBG, componetur ex rationibus quadrati AD, ad quadratum EF, & potestatis AD, eiusdem gradus cum conoide, ad similem potestatem EF. At ex istis duabus rationibus coalescit ratio potestatis AD, duplici gradu altioris potestate conoidis, ad similem potestatem EF. Quare patet propositum. Quod &c.

## S C H O L I V M.

Non solum autem erunt in prædicta ratione talium potestatum AD, EF, solida prædicta, sed etiam solidum ex trilineo NBA, circa BD, ad solidum ex trilineo ad verticem LBE, circa BF. Item solidum ex figura NLEFDA, circa BD, ad solidum ex segmento AEFD, circa FD. Item duobus BE, BA, solidum ex portione contenta sub re-

P      a,



æa, & curua AB, circa BD, ad solidum ex por-  
 tione contenta sub recta, & curua EB, circa BD.  
 Primum patet, quia cum sit ut totus cylindrus ex  
 ND, ad totum cylindrum LG, sic ablatum conoi-  
 des ABC, ad ablatum conoides EBG. Ergo reli-  
 quum, nempe solidum ex trilineo NBA, circa BD,  
 erit ad reliquum, nempe ad solidum ex trilineo ad  
 verticem LBE, circa BD, ut totum ad totum.

Eodem modo patet secundum. Quia cum sit ut  
 totus cylindrus NC, ad totum conoides ABC, sic  
 ablatum cylindrus LG, ad ablatum conoides EBG;  
 ergo & reliquum, nempe solidum ex NLEFDA,  
 circa BD, erit ad reliquum, nempe ad frustum co-  
 noidale AEGC, ut totum ad totum.

Facile etiam patebit tertium. Quia cum sit ut  
 totum


totum conoides  $ABC$ , ad totum conoides  $EBG$ ,  
 sic ablati conus ex triangulo  $ABD$ , circa  $BD$ , ad  
 ablatum conum ex triangulo  $EBF$ , circa  $BF$  (quia  
 conus sunt tertiæ partes cylindrorum;) ergo & reli-  
 quum erit ad reliquum vt totum ad totum; nempe  
 solidum ex figura contenta à recta, & curua  $AB$ , cir-  
 ca  $BD$ , ad solidum contentum à recta, & curua  $EB$ ,  
 circa  $BD$ .

PROPOSITIO II.

*Si quilibet ex infinitis conicis circa diametrum secetur pla-  
 no basi parallelo. Erit totus conicus ad conicum ad  
 verticem, vt potestas diametri conici, cuius numerus  
 sit duplus unitate auctus numeri conici, ad similem  
 potestatem diametri conici ad verticem.*

**E**sto Conicus  $ABC$ , ortus ex rotatione trilinei  
 $ABD$ , circa diametrum  $BD$ , sectus plano  $EG$ ,  
 $AC$ , parallelo Dico conicum  $ABC$ , esse ad conicum  
 $EBG$ , vt potestas  $DB$ , cuius numerus sit duplus uni-  
 tate auctus numeri conici, ad similem potestatem  
 $BF$ . V. g. in primo conico, vt cubus ad cubum. In  
 secundo, vt quadrato cubus ad quadrato cubum. In  
 tertio, vt quadrato quadrato cubus, ad quadrato-  
 quadrato cubum; & sic in infinitum.

Conicis circumscribantur cylindri  $HC$ ,  $LG$ .  
 Eodem modo, quo factum est in proposit. ant. pre-  
 babimus, esse cylindrum  $HC$ , ad cylindrum  $LG$ ,



vt conicus  $ABC$ , ad conicum  $EBG$ . Sed ratio  
 cylindri  $HC$ , ad cylindrum  $LG$ , componitur  
 ex ratione quadrati  $AD$ , seu  $HB$ , ad quadratum  
 $EF$ , seu  $LB$ , & ex ratione  $AH$ , ad  $EL$ . Ergo  
 & ratio conici  $ABC$ , ad conicum  $EBG$ , compo-  
 netur ex ijsdem rationibus. Verum cum sit, ex  
 genesi parabole, vt  $HB$ , ad  $BL$ , sic potestas  
 $HA$ , eiusdem gradus cum parabola, ad similem  
 potestatem  $LE$ . Ergo & vt quadratum  $HB$ , ad  
 quadratum  $LB$ , sic potestas  $AH$ , cuius nume-  
 rus sit duplus potestatis parabole, seu conici, ad si-  
 milem potestatem  $LE$ . Ergo ratio conici ad co-  
 nicum componetur ex ijsdem rationibus. At ex il-  
 lis rationibus, componitur etiam ratio potestatis  
 $HA$ , seu  $BD$ , cuius numerus sit duplus unitate  
 auctus

auctus numeri conici, ad similem potestatem **LE**,  
seu **BF**. Ergo &c. Quod &c.

## SCHOLIUM I.

Etiā in præsentī propositione, non solum erit in eadem ratione prædictæ potestatis **DB**, ad illam potestatem **BF**, conicus **ABC**, ad conicum **EBG**; sed etiam annulus strictus ex semiparabola **HBA**, circa **BD**, ad annulum strictum ex semiparabola **LBE**, circa **BF**. Item solidum ortum ex figura **HLEFDA**, circa **DB**, ad frustum **AEGC**. Pariter, ductis **EB**, **AB**, solidum ex figura contenta à recta, & curua **AB**, circa **BD**, ad solidum ex figura contenta à recta, & curua **EB**, circa **BF**. Quæ etiam eodem modo patebunt sicuti ibidem.

## SCHOLIUM II.

Ex dictis ergo in duabus superioribus propositionibus, & in propositione tertia primi libri, possumus considerare pulcherrimas series, & ordinata incrementa proportionum, quæ reperiuntur inter infinitas parabolas, infinita trilinea, infinita conoidea parabolica, & infinitos conicos. Nam si infinitæ parabola, seu semiparabolæ v.g. **HBA**, secantur **LE**, basi **HA**, parallela semiparabolæ **HBA**, ad semiparabolas **LBE**, retinent talem perennem

## 48. DE INFINITIS PARABOLIS. ETC.

rennem proportionem, vt in prima parabola sit in duplicata ratione  $HA$ , ad  $LE$ . In secunda in triplicata. In tertia in quadruplicata, & sic in infinitum Idem intelligendum est si trilineum  $ABD$ , secetur  $EF$ , respectu proportionis diametri  $DB$ , ad diametrum  $BF$ . In conoide autem genito ex femiparabola  $HBA$ , circa diametrum  $HB$ , & secto vt dictum est. Conoides primum ex  $HBA$ , ad conoides ex  $LBE$ , est in triplicata ratione  $HA$ , ad  $LE$ . Secundum ad secundum in quadruplicata. Tertium ad tertium in quintuplicata, & sic in infinitum. At in conicis ex infinitis trilineis circa diametrum, non seruetur incrementum exponentium per vnitatem, vt in præcedentibus, sed per binarium, adeo vt in primo conico sit, conicus  $ABC$ , ad conicum  $EBG$ , in triplicata ratione  $DB$ , ad  $BF$ . In secundo in quintuplicata. In tertio in septuplicata. Et sic in infinitum.

## SCHOLIUM III.


Verum antequam discedamus ab hac propositione, notetur etiam si placet, quod si quælibet ex infinitis parabolis, vel quodlibet ex infinitis trilineis; Item quodlibet ex infinitis conoidibus parabolicis, seu quilibet ex infinitis conicis circa diametrum, secentur, vt dictum est supra; nec parabola, & trilineum ad verticem, nec conoides, & conicus ad verticem, erunt magnitudines similes suis magnitudinibus,

dinibus, nisi tantum in primo gradu parabolarum,  
 trilineorum, conoidæorum, & conicorum. Ratio  
 est; quia cum nobilis Geometra Bonauentura Ca-  
 ualerius lib. 2. Geomet. Indiuif. proposit. 15. & 17.  
 vniuersalissime ostendet id, quod in aliquibus casi-  
 bus, & in magnitudinibus particularibus ab alijs  
 ostenditur: nimirum, omnia similia plana, esse in  
 duplicata proportione homologorum laterum; om-  
 niaque similia solida esse in triplicata ratione: ex  
 dictis apparet, solam primam semiparabolam,  
 ABH, & solum primum trilineum ABD, nem-  
 pe triangula, esse ad triangula LBE, EBF, vt  
 quadratum HA, seu DB, ad quadratum LE,  
 seu BF. Reliquas vero semiparabolas, sicut reli-  
 qua trilinea, in triplicata, in quadruplicata &c.  
 Item ex dictis apparet, solum primum conoides ex  
 HBA, circa HB, & primum conicum ex ABD,  
 circa BD, nempe conos, esse ad conoides ex LBE,  
 & ad conicum EBG, vt cubus HA, seu DB, ad  
 cubum LE, seu BF. Reliqua vero conoidæa, in  
 quadruplicata, in quintuplicata &c. Item reliquos  
 conicos, in quintuplicata, in septuplicata &c.  
 Quare patet propositum.



## PROPOSITIO III.

*Conoidea parabolica eiusdem generis, & conici eiusdem generis, & circa diametrum, quorum eadem basis, sunt in ratione suarum diametrorum.*



**S**int duo conoidea parabolica eiusdem generis  $ABC$ ,  $ADC$ , quorum eadem basis  $AEC$ . Dico conoides  $ABC$ , esse ad conoides  $ADC$ , ut  $BE$ , ad  $ED$ . Ipsis intelligamus circumscriptos cylindros  $FC$ ,  $GC$ . Facile patebit ex dictis, esse conoides  $ABC$ , ad conoides  $ADC$ , ut cylindrus  $FC$ , ad cylindrum  $GC$ . At cylindrus  $FC$ ,  
est,

est ad cylindrum  $GC$ , vt  $BE$ , ad  $ED$ . Quare patet primum.


Sed supponamus  $ABC$ ,  $ADC$ , esse conicos eiusdem generis, quorum diametri  $BE$ ,  $ED$ . Eodem modo patebit, conicum  $ABC$ , esse ad conicum  $ADC$ , vt  $BE$ , ad  $ED$ . Vnde patebit etiam secundum.

## PROPOSITIO IV.

*Si conoides parabolicum quodcumque secetur plano basi parallelo; & super eadem basi, & circa diametrum frusti conoidalis, sit aliud conoides eiusdem generis. Erit frustum, ad conoides, quod includit, vt tot continuè proportionales in proportione semidiametri maioris basis frusti, ad semidiametrum basis minoris, incipiendo à prima inclusiue, quotus est numerus conoidis auctus binario, ad easdem proportionales, ultimis duabus minoribus exceptis.*

**E**sto conoides parabolicum quodcumque  $ABC$ , quod sit sectum plano  $HDK$ , basi parallelo; & intelligatur aliud conoides  $ADC$ ; ratio autem  $AE$ , ad  $HD$ , continuetur in tot terminos, vt numerus eorum excedat numerum conoidis ternario, sitque  $M$ , ultimus minimus terminus,  $L$ , vero sit terminus superans numerum conoidis vnitatem. Dico frustum  $AHKC$ , esse ad conoides  $ADC$ , vt  $AE$ ,  $HD$ , & cæteræ tot proportionales, quotus est


**Q** numerus



numerus conoidis binario auctus nempe, vt omnes proportionales, vltima M, excepta, ad easdem, duabus vltimis minimis exceptis. V.g. in primo conoide, vt AE, HD, cum tertia proportionali, ad AE. In quadratico, vt AE, HD, cum duabus alijs, ad AE, HD. In cubico, vt AE, HD, cum tribus, ad AE, HD, cum tertia; & sic in infinitum.

Quoniam enim ex proposit. 1. huius, conoides ABC, est ad conoides HBK, vt potestas AE, duplici gradu altior potestate conoidis, ad similem potestatem HD; nempe vt AE, ad M; ergo & per conuersionem rationis, & conuertendo, erit vt excessus AE, supra M, ad AE, sic frustum

stum  $AHKC$ , ad conoides  $ABC$ . Rursus, quoniam conoides  $ABC$ , est ad conoides  $ADC$ , ut  $BE$ , ad  $ED$ ; & quoniam arguendo per conuersionem rationis, est ut  $BE$ , ad  $ED$ , sic potestas  $AE$ , eiusdem gradus cum conoide, ad excessum ipsius supra similem potestatem  $HD$ ; nempe sic  $AE$ , ad excessum ipsius supra  $E$ . Ergo ex æquali, erit frustum  $AHKC$ , ad conoides  $ADC$ , ut excessus  $AE$ , supra  $M$ , ad excessum  $AE$ , supra  $L$ . Verum quoniam ex scholio. proposit. 7. pri. excessus  $AE$ , supra  $M$ , æquatur omnibus excessibus omnium proportionalium; excessus autem  $AE$ , supra  $H$ , æquatur omnibus excessibus, duobus ultimis exceptis; & cum omnes proportionales excedant numerum conoidis ternario, omnes excessus superabunt eundem numerum binario; & cum proportionales usque ad  $L$ , inclusiue, excedant numerum conoidis unitate, excessus  $AE$ , supra  $L$ , æquabitur tot excessibus quotus est numerus conoidis. Ergo  $AHKC$ , erit ad  $ADC$ , ut tot excessus proportionalium, quotus est numerus conoidis binario auctus, ad tot excessus, quotus est numerus conoidis. Verum ex proposit. 7. primi, cum excessus magnitudinum, continuè proportionalium, sint proportionales, & in eadem proportionem cum totis magnitudinibus; unde est ut tot excessus, ad tot excessus, sic tot proportionales homologæ antecedentibus excessibus, ad tot proportionales homologas consequentibus excessibus. Ergo frustum  $AHKC$ , erit ad conoi-



des ADC, vt AE, HD, & ceteræ tot proportionales, quarum numerus excedat numerum conoidis binario, ad illas easdem proportionales, duabus ultimis exceptis; nempe ad tot proportionales, quarum numerus æquetur numero conoidis. Quod, &c.

## COROLLARIUM.

Ergo diuidendo, erit excessus frusti supra conoides, ad ipsum, vt duæ ultimæ minores proportionales, ad alias; nempe ad AE, & ceteras tot numero, quotus est numerus conoidis.

SCHO-

## SCHOLIUM I.

Inferius suo loco etiam assignabitur ratio frusti, ad cylindrum  $GC$ , sibi circumscriptum.

## SCHOLIUM II.

Ex dictis remanet probata propositio, quam habent Lucas Valerius lib. 1. de centro grau. proposuit. 10. & Ricardus Albius in suo hemisphærio dissecto prop. 16. & forsitan alij, quorum non meminimus. Nimirum, frustum conicum  $AHkC$ , esse ad conum  $ADC$ , ut  $AE$ ,  $HD$ , cum tertia proportionali  $L$ , ad  $AE$ . Pariter ex hac probari potest ea, quam habet idem Lucas Valerius lib. 3. proposuit. 10. Nimirum frustum conicum, esse ad conum, ut rectangulum  $AE$ ,  $HD$ , cum tertia parte quadrati  $AO$  (si  $AO$ , sit excessus  $AE$ , supra  $HD$ ), ad tertiam partem quadrati  $AE$ . Cum enim probatum sit, frustum conicum, esse ad conum, ut  $AE$ ,  $HD$ , & tertia proportionalis  $L$ , ad  $AE$ ; ergo & ducendo omnia in  $AE$ , erit frustum ad conum, ut quadratum  $AE$ , rectangulum  $AE$ ,  $HD$ , & rectangulum  $AE$ ,  $L$  (nempe quadratum  $HD$ ) ad quadratum  $AE$ ; nempe quadrata  $AE$ ,  $EO$ , & rectangulum  $AE$ ,  $O$ , ad quadratum  $AE$ . Ergo & frustum, erit ad conum, ut tertia pars antecedentis, ad tertiam partem consequentis. Sed tertia pars quadratorum  $AE$ ,  $EO$ , & rectanguli

anguli  $\triangle E O$ , est rectangulum  $\triangle E O$ , & tertia pars quadrati  $\triangle O$ : (nam cum quadratum  $\triangle E$ , sit æquale rectangulis  $\triangle E O$ ,  $\triangle O E$ , & quadrato  $\triangle O$ ; & cum rectangulum  $\triangle O E$ , cum quadrato  $\triangle O E$ , faciat rectangulum  $\triangle E O$ . Ergo, quadrata  $\triangle E$ ,  $\triangle O$ , & rectangulum  $\triangle E O$ , æquabuntur tribus rectangulis  $\triangle E O$ , & quadrato  $\triangle O$ : quorum tertia pars, erit rectangulum  $\triangle E O$ , & tertia pars quadrati  $\triangle O$ .) Ergo frustum, erit ad conum, ut rectangulum  $\triangle E O$ , seu  $\triangle E$ ,  $H D$ , cum tertia parte quadrati  $\triangle O$ , ad tertiam partem quadrati  $\triangle E$ .

## PROPOSITIO V.

*Si quilibet ex infinitis conicis circa diametrum, secetur plano basi parallelo, & super eadem basi cum ipso, & circa diametrum frustum intelligatur alius conicus eiusdem generis. Erit frustum ad conicum, quem includit, ut tot proportionales continuè in ratione diametri conici, ad diametrum conici ad verticem, quarum maxima sit diameter conici, ut earum numerus excedat duplum numerum conici unitate, ad diametrum conici.*

**S**ed in schemate propositionis antecedentis, intelligamus  $\triangle A B C$ ,  $\triangle A D C$ , esse conicos circa diametros  $B E$ ,  $E D$ . Dico frustum  $\triangle A H K C$ , esse ad conicum  $\triangle A D C$ , ut  $E B$ ,  $B D$ , & ceteræ tot continuè proportionales, ut earum numerus excedat duplum numerum conici unitate, ad  $E B$ . V. g. in pri-

in primo conico, erit vt  $EB, BD$ , cum tertia proportionali, ad  $EB$ . In secundo, vt 5. proportionales, ad  $EB$ . In tertio, vt 7. proportionales, ad  $EB$ ; & sic in infinitum. Ratio  $EB$ , ad  $BD$ , continuetur in tot terminos, vt eorum numerus excedat duplum numerum conici binario; sitque vltimus minimus terminus  $M$ . Quoniam enim exproposit. 2. huius, conicus  $ABC$ , est ad conicum  $HBk$ , vt potestas  $EB$ , cuius numerus excedat duplum numerum conici vnitatem, ad similem potestatem  $BD$ ; nempe vt  $BE$ , ad  $M$ . Ergo per conuersionem rationis, & conuertendo, erit frustum  $AHKC$ , ad conicum  $ABC$ , vt excessus  $BE$ , supra  $M$ , ad  $BE$ . Sed conicus  $ABC$ , est ad conicum  $ADC$ , ex 3. huius. vt  $BE$ , ad  $ED$ . Ergo ex æquali, erit frustum  $AHkC$ , ad conicum  $ADC$ , vt excessus  $EB$ , supra  $M$ , ad  $ED$ . At excessus  $EB$ , supra  $M$ , ex sæpe dictis, æquatur omnibus excessibus omnium proportionalium; qui, cum numerus proportionalium excedat numerum duplum conici binario, excedent duplum numerum conici vnitatem;  $ED$ , vero est excessus primæ  $EB$ , supra secundam  $BD$ ; & cum ex 7. pri. sit vt tot excessus, ad primum excessum, sic  $EB$ , & cæteræ tot proportionales, quarum numerus excedat duplum numerum conici vnitatem, ad  $EB$ . Ergo & frustum  $AHkC$ , erit ad conicum  $ADC$ , vt  $EB$ , cum illis cæteris proportionalibus, ad  $EB$ . Quod ostendere oportebat.



## COROLLARIUM.

Ergo diuidendo, erit excessus frusti supra conicum, ad ipsum, vt cæteræ proportionales absque prima, ad primam.

## SCHOLIUM I.

Etiam frusti ad cylindrum GC, sibi circumscriptum, inferius suo loco assignabitur ratio.


## SCHOLIUM II.

Pariter etiam ex dictis in hac propositione, remanent probatæ propositiones Lucæ Valerij, & Albij, de quibus loquuti sumus scholio 2. proposit. ant. Nam ex dictis, cum frustum conicum, sit ad conum ADC, vt EB, BD, cum tertia proportionali, ad EB; & cum in cono, sit vt EB, ad BD, sic AE, ad HD. Ergo frustum erit ad conum, vt AE, HD, cum harum tertia proportionali, ad AE.

## PROPOSITIO VI.

*Circulus ad quodlibet triangulum reſt angulum, habet rationem compositam, ex ratione semidiametri, ad unum laterum circa reſt um, & ex ratione circumferentia, ad aliud latus circa reſt um.*

Esto




**E** Sto circulus, cuius semidiameter  $AB$ , & triangulum rectangulum, cuius angulus rectus, qui ad  $C$ . Dico circulum, ad triangulum, habere rationem compositam ex ratione  $AB$ , ad alteram ipsarum  $DC$ ,  $CE$ , putà  $CE$ , & ex ratione circumferentiæ, ad  $DC$ .

Si non, vel circulus ad triangulum est in maiori, vel in minori ratione quam sit ea composita. Sit primo in maiori. Ergo aliquid circulo minus, erit ad triangulum in æquali ratione ei compositæ. Sit hoc spatium  $F$ , & in circulo inscribatur figura æqualium laterum, minus deficiens à circulo quam ab ipso deficiat spatium  $F$ . Quomodo autem hoc fiat, geometris est nimis familiare. Sit ergo hæc figura inscripta, nè entia multiplicemus, ipsum quadratum  $GHL$ , &  $AB$ , semidiameter diuidat  $GH$ , bifariam, & ad angulos rectos in  $M$ . Quoniam  
R quadra-

quadratum HL, maius est F, ergo ad triangulum DEC, erit in maiori ratione quam F, ad idem triangulum; nempe, ex hypothesi, in maiori ratione quam sit composita ex BA, ad EC, & ex circumferentia, ad DC. Sed ratio quadrati, ad triangulum (& sic cuiuscunque figuræ inscriptæ euidenter in circulo) componitur ex ratione MA, ad CE, & ex ratione perimetri quadrati, ad DC, ut facile patet. Ergo ratio composita ex MA, ad CE, & ex perimetro quadrati, ad DC, erit maior composita ex BA, ad CE, & ex circumferentia ad DC. At ratio MA, ad CE, minor est ratione BA, ad eandem CE. Ergo ratio perimetri quadrati, ad DC, erit multo maior ratione circumferentiæ circuli, ad DC. Quod nimis implicat. Non ergo circulus, est ad triangulum in maiori ratione quam sit ea composita.

Sed nec in minori. Quia sic aliquid circulo maius, esset ad triangulum in eadem ratione cum ea composita. Sit rursus hoc spatium F. Et circulo circumscribatur, more solito, figura ex æqualibus lateribus constans numero paribus, minori spatio excedens circulum quam ipsum excedat F. Sit hæc quadratum NO. Ergo NO, erit ad triangulum in minori adhuc ratione, quam sit ea composita. Ergo ratio composita ex GA, ad CE, & ex perimetro quadrati NO, ad DC, minor erit composita ex AG, ad CE, & ex circumferentia, ad DC; nempe ratio perimetri quadrati NO, ad DC, minor



minor erit ratione circumferentiæ circuli, ad eandem DC. Quod etiam implicat. Cum ergo non aliquid maius, nec aliquid minus circulo, sit ad triangulum in ea ratione composita. Ergo circulus est ad triangulum, ut est ea ratio composita. Quod &c.

## SCHOLIUM.

Sub hac propositione vniuersali continetur tamquam particularissima, illa, quam ostendit Archimedes lib. de dimens: circul. proposit. 1. Nimirum circulum æquari triangulo rectangulo, cuius vnum laterum circa rectum, sit æquale radio, aliud circumferentiæ circuli. Sed insuper sub hac continentur duæ hac vniuersaliores. Prima est. Quod si vnum latus sit æquale radio circuli: circulus erit ad


R 2 trian-

triangulum, ut circumferentia ad aliud latum circa rectum. Secunda est. Quod si circumferentia sit æqualis uni laterum circa rectum, circulus erit ad triangulum, ut radius ad aliud latum. Notetur etiam quod quamvis comparatus sit circulus cum triangulo rectangulo, licebat etiam illum comparare cum triangulo quocumque, adhibendo vice laterum circa rectum, basim, & altitudinem trianguli, ut consideranti patebit. Insuper notetur, quidquid dictum est de toto circulo respectu trianguli, posse etiam eodem modo probari de quolibet eius sectore, respectu eiusdem trianguli.

## PROPOSITIO VII.

*Armilla circularis, ad trapezium ordinarium rectangulum, cuius duo opposita latera sint parallela, habet rationem compositam ex ratione circumferentia maioris, vel minoris, armilla, ad latus maius, vel minus parallelorum trapezij, & ex ratione latitudinis armilla, ad altitudinem trapezij. Dummodo latitudo armilla, & altitudo trapezij sint partes proportionales, illa semidiametri totius circuli, hæc vero altitudinis trianguli, cuius est trapezium.*

**E**Sto Armilla circularis, cuius latitudo AB, & triangulum rectangulum DHG, à quo intelligatur ablatum trapezium DF, cuius latera EF, DG, sint parallela, & FG, sit proportionalis



nalis  $AB$ , hoc est, eadem sit ratio  $CA$ , ad  $AB$ ,  
 quam  $HG$ , ad  $GF$ . Dico rationem armillæ, ad  
 trapezium, componi ex ratione vel circumferentiæ  
 $ALO$ , ad  $DG$ , vel circumferentiæ  $BkP$ , ad  $EF$ ,  
 & ex ratione  $AB$ , ad  $GF$ . Quoniam enim, ex hy-  
 pothesi, est  $GH$ , ad  $HF$ , vt  $AC$ , ad  $CB$ ; & vt  
 $GH$ , ad  $HF$ , sic  $DG$ , ad  $EF$ ; & pariter vt  $AC$ ,  
 ad  $CB$ , sic circumferentia  $ALO$ , ad circumfe-  
 rentiam  $BkP$ ; ergo facile concludemus permu-  
 tando, esse vt  $AC$ , ad  $GH$ , sicutam  $BC$ , ad  $HF$ ,  
 quam  $AB$ , ad  $GF$ , quam circumferentia  $ALO$ ,  
 ad  $DG$ , & quam circumferentia  $BkP$ , ad  $EF$ .  
 Cum ergo rationes tam circuli, cuius semidiameter  
 $AC$ , ad triangulum  $DHG$ , quam circuli, cuius  
 semidiameter  $BC$ , ad triangulum  $EHF$ , compo-  
 nantur ex ijsdem rationibus, nempe circumferen-  
 tiarum  $ALO$ ,  $BkP$ , ad  $DG$ , &  $EF$ ; &  $AC$ ,  
 vel

vel BC, ad GH, vel HF. Ergo etiam ratio armillæ ad trapezium, componetur ex iisdem rationibus; nempe ex ratione alterutrius circumferentiæ, ad alteram ipsarum DG, EF; nempe homologæ ad homologam, & ex ratione AB, ad GF. Quod &c.

## SCHOLIUM I.

Etiam ergo sub hac propositione vniuersali continetur cæu particularissima hæc. Nimirum, quod si circumferentia ALO, æquetur DG, & AB, æquetur GF, etiam armillam æquari trapezio. Sed etiam aliæ duæ hac vniuersaliores continentur. Prima est, quod si AB, GF, sint æquales, armilla erit ad trapezium, vt circumferentia ALO, ad DG; si vero circumferentia ALO, sit æqualis DG, armilla erit ad trapezium vt AB, ad GF.

## SCHOLIUM II.

Facile etiam ex dictis patebit, quod si ductis NM, CPO, & NG, MF, sint proportionales circumferentijs AO, BP, sectorum ACO, BCP; ratio portionis armillæ ABPO, ad trapezium NF, componetur ex proportionibus circumferentiarum AO, seu BP, ad homologam ipsarum NG, MF, & ex ratione AB, ad FG. Imo deducuntur ea omnia, quæ supra deducta sunt. Nimirum

fi

fi  $AO$ , &  $AB$ , sint æquales  $NG$ ,  $GF$ , portionem armillæ  $ABPO$ , æquari  $NF$ , &c. Deducetur etiam faciliter, eandem esse rationem vel armillæ, vel totius circuli, ad portionem  $ABPO$ , armillæ, cum ratione vel trapezij  $DF$ , vel trianguli  $DHG$ , ad trapezium  $NF$ , & sic de alijs partibus homologis circuli, & trianguli. Hæc enim omnia sunt nimis obuia, ut circa ipsa tempus conteramus, quamvis necessaria pro impoſterum dicendis.

### SCHOLIUM III.



Ex dictis etiam facile patebit, quod si ſupponamus  $AC$ , duplam  $CB$ , & æqualem  $HG$ ; &  $DG$ , æqualem eſſe circumferentiæ  $BkP$ ; rectangulum duplum trianguli  $DHG$ , æquale erit circulo, cuius ſemidiameter  $AC$ . Nam cum triangulum,  $DHG$ , ſit duplum circuli  $BC$ , quia  $HG$ , æqualis diametro circuli, &  $DG$ , eius circumferentiæ; & cum circulus  $AC$ , ſit quadruplus circuli  $BC$ ; ergo talis circulus  $AC$ , erit duplus trianguli  $DHC$ ; & conſequenter æquale rectangulo duplo trianguli  $DHG$ . Rectangulum ergo, cuius vnum latuſ æquatur diametro, & aliud circumferentiæ circuli, æquatur circulo, cuius ſemidiameter æquetur diametro prioris circuli.



## PROPOSITIO VIII.

*(cuiuscumque cylindri recti superficies, exceptis basibus, ad rectangulum quodcumque, habet rationem compositam ex ratione lateris cylindri, ad unum latus rectanguli, & ex ratione circumferentiae basis cylindri, ad aliud latus.*

**E**Sto cylindrus rectus, cuius rectangulum per axim  $AD$ , datumque sit aliud rectangulum quodcumque  $EH$ . Dico superficiem cylindri  $AD$ , basibus exceptis, ad rectangulum  $EH$ ; habere rationem compositam ex ratione lateris  $AC$ , ad  $EB$ , & ex ratione circumferentiae, cuius diameter  $CD$ , ad  $BH$ . Inter  $AC$ ,  $CD$ , sit media proportionalis  $k$ , & exponatur rectangulum  $EF$ , cuius latus  $BF$ , æquetur circumferentiae circuli, cuius diameter  $EB$ . Ex Archim. lib. 1. de sphær. & & cylin. proposit. 13. superficies cylindri  $AD$ , est æqualis circulo, cuius radius  $K$ . At talis circulus, est ad circulum, cuius radius  $EB$ , ut quadratum  $k$ , ad quadratum  $EB$ . Ergo etiam superficies cylindri  $AD$ , est ad circulum, cuius radius  $EB$ , ut quadratum  $k$ , seu ut rectangulum  $AD$ , ei æquale, ad quadratum  $EB$ . At ratio rectanguli  $AD$ , ad quadratum  $EB$ , componitur ex rationibus  $AC$ , &  $CD$ , ad  $EB$ ; & ut  $CD$ , ad  $EB$ , sic circumferentia, cuius diameter  $CD$ , ad circumferentiam,





tiam, cuius diameter EB. Ergo etiam ratio superficiei cylindri AD, ad circum, cuius radius EB, componetur ex rationibus AC, ad EB, & circumferentiæ circuli, cuius diameter CD, ad circumferentiam circuli, cuius diameter EB. Verum  
S circu-

circulo, cuius radius  $EB$ , ex scholio 3. proposit. ant. est æquale rectangulum  $EF$ . Ergo ratio superficiei cylindri  $AD$ , ad rectangulum  $EF$ , componetur ex rationibus  $AC$ , ad  $EB$ , & circumferentiæ, cuius diameter  $CD$ , ad circumferentiam circuli, cuius diameter  $EB$ , nempe ex ratione circumferentiæ, cuius diameter  $CD$ , ad  $BF$ , quia ex constructione  $BF$ , supponitur æqualis circumferentiæ, cuius diameter  $EB$ . Rursum rectangulum  $EF$ , est ad rectangulum  $EH$ , ut  $FB$ , ad  $BH$ . Quare cum ratio superficiei cylindri  $AD$ , ad rectangulum  $EH$ , de foris sumpto rectangulo  $EF$ , componatur ex ratione ipsius, ad rectangulum  $EF$ , & huius ad rectangulum  $EH$ ; componetur quoque ex rationibus  $AC$ , ad  $EB$ ; circumferentiæ, cuius diameter  $CD$ , ad  $BF$ ; & huius ad  $BH$ ; nempe ex solis duabus rationibus  $AC$ , ad  $EB$ ; & circumferentiæ, cuius diameter  $CD$ , ad  $BH$ . Quare &c. Quod &c.

## SCHOLIUM I.

Ex dictis nullo negotio deducitur, quod si  $AC$ , sit æqualis  $EB$ , superficies cylindri  $AD$ , basibus exceptis, erit ad rectangulum  $EH$ , ut circumferentia, cuius diameter  $CD$ , ad  $BH$ . Si vero prædicta circumferentia sit æqualis  $BH$ , etiam superficies prædicta, erit ad  $EH$ , ut latus  $AC$ , ad  $EB$ . At si latus  $AC$ , sit æquale  $EB$ , & circumferentia præ-



prædicta sit æqualis BH, etiam superficies cylindrica æquabitur rectangulo EH. Vnde deducitur quod superficies cuiuscunque cylindri recti, basibus exceptis, est æqualis rectangulo, cuius vnum latus æquatur lateri cylindri, aliud circumferentiæ basis ipsius.

## SCHOLIUM II.


Possset etiam ex prædictis facile deduci, superficiem cuiuscumque cylindri recti, exceptis basibus, esse ad circulum suæ basis, vt latus cylindri, ad quartam partem diametri basis. Ex quibus postea deduceretur quod si latus cylindri, & diameter basis æquarentur, superficiem cylindricam esse quadruplam suæ basis; & consequenter superficiem cylindricam quadruplam esse circuli maximi sphaeræ sibi inscriptæ. Sed quia hæc non pertinent ad rem, ideo ex industria reliquuntur.

## PROPOSITIO IX.

*Cylindrici quicumque habent inter se rationem compositam ex ratione basium, & altitudinum, seu laterum æqualiter super basibus inclinorum,*

**C**ylindricum vocamus cum Caualerio lib. 1. Geome. Indiuif. def. 3. omne corpus columnare, quæcumque figuræ sint eius oppositæ bases. Quod si oppositæ bases sint circuli, vocabimus illud, consuetæ modo, cylindrum.

Sint quilibet cylindrici  $ABC$ ,  $PF$ , quorum bases  $BC$ ,  $DEFG$ , altitudines, seu latera æqualiter inclinata,  $AB$ ,  $OF$ . Dico rationem cylindrici  $ABC$ , ad cylindricum  $PF$ , componi ex ratione  
 $AB$ ,



$AB$ , ad  $OF$ , & ex ratione basis  $BC$ , ad basim  $DEFG$ . Si  $DEFG$ , non est æqualis basi  $BC$ , concipiamus illum augeri, minuiue ut fiat æqualis  $BC$ , & sit hæc  $HEF$ ; & super illa concipiamus cylindricum eiusdem inclinationis cum  $PF$ , qui sit  $NF$ , cuius latus  $MF$ , æquetur  $AB$ . Cylindrici  $AC$ ,  $NF$ , sunt æquales; cum enim bases, & altitudines ipsorum sint æquales, nequeunt producere nisi solida æqualia, ut bene ait P. Tacquet lib. 1. Cylind. & annul. parte 1. proposit. 5. & probari potest ex 12. Element. Unde cylindrici  $AC$ ,  $NF$ , ad cylindricum  $PF$ , habebunt eandem rationem. Verum ratio cylindrici  $NF$ , ad cylindricum  $PF$ , componitur ex rationibus cylindrici  $NF$ , ad cylindricum  $LF$ ;

LF; & huius ad cylindricum PF. Ergo & ratio cylindrici AC, ad cylindricum PF, componetur ex iisdem rationibus. At cylindricus NF, est ad cylindricum LF, vt basis HEF, seu ei equalis BC, ad basim DEFG; & cylindricus LF, est ad cylindricum PF, vt MF, seu AB, ad FO, (quæ omnia facile patent, & deduci possunt ex 12. Element.) Ergo ratio cylindrici AC, ad cylindricum PF, componetur ex rationibus AB, ad OF, & BC, ad DEFG. Quod erat ostendendum.




## PROPOSITIO X.

*Si cylindricus rectus existens super qualibet figura circa axim, secetur diagonaliter plano transeunte per puncta extrema opposita axium planorum oppositorum, adeo vt communes sectiones plani secantis, & oppositarum basium sint perpendiculares oppositis axibus. Quilibet truncus huius cylindrici, erit ad solidum rotundum ortum ex eius basi rotata circa communem sectionem figuræ, & plani secantis, vt latus cylindrici, ad circumferentiam circuli, cuius semidiameter axis figuræ.*

**F**igura circa axim, vel habet basim, vt ABC, in prima figura, cuius axis BD, basis AC. Vel non habet basim, vt AFB, in secunda, cuius axis AB. Vel tandem habet duas bases oppositas, & parallelas, vt ABCD, in tertia, cuius axis ET, bases vero BC, AD. Primi generis possunt esse, vel quod-

quodlibet ex infinitis trilineis duplicatum; vel quodlibet his simile; vel quælibet figura, cuius perimenter claudatur à linea recta AC, & à curva ABC; seu à curuis AB, BC; cuius possunt esse species innumeræ. Secundi generis possunt esse vel figuræ, quæ clauduntur à linea curva, vt sunt circuli, & ellipses; vel à duabus lineis curuis, vt sunt duæ similes, & æquales portiones circulo- rum, ellipsium; duæ Parabolæ, Hyperbolæ, cycloides, harum portiones, &c. Quarum communis basis AB, consideratur vt axis. Tandem tertij generis possunt esse rectangulum; quodlibet ex infinitis du-

E H B G




plica-



plicatis trapezijs, vel quodlibet his simile; & alia innumerabilia segmenta clausa à duabus lineis rectis, & à duabus curuis &c. In omnibus istis propemodum infinitis figuris propositio proposita verificatur eadem demonstratione, & eadem cōstructione, vel parum diuersa, vt consideranti patēbit; adeo vt propositio sit vniuersalissima. Quamuis nos confusionis cuitandæ gratia simus adhibaturi figuram basim vnicam habentem.

Est ergo figura  $ABC$ , cuius axis  $BD$ , basis  $AC$ ; super qua intelligatur cylindricus rectus, cuius plana opposita  $ABC$ ,  $FEG$ , qui sectus plano transeunte per  $AC$ , & per punctum  $E$ , diuidetur in duo segmenta, seu in duos truncos, nempe  $AECGF$  (qui deinceps facilitatis gratia appellabitur truncus dexter) &  $ABCE$ , (qui pariter vocabitur truncus sinister). Dico truncum sinistram  $ABCE$ , esse ad solidum rotundum ortum ex rotatione figure  $ABC$ , circa



$AC$ , vt  $EB$ , latus cylindrici, ad circumferentiam circuli, cuius radius  $BD$ . Pariter truncum dexterum


rum AECGF, esse ad solidum rotundum ortum ex rotatione figure  $EGE$ , seu  $ABC$ , rotate circa ductam per  $E$ , vel per  $B$ ,  $GF$ , vel  $AC$ , parallelam, ut  $EB$ , ad eandem circumferentiam.

Ad evitandam confusionem, ostendemus hoc in trunco sinistro, & in solido rotundo ex figura  $ABC$ , circa  $AC$ . Nam eadem erit demonstratio in alio trunco, ut consideranti patebit. Meliusque erit si hoc ostendatur in dimidio trunco  $ABDE$ , existente super dimidia figura  $ABD$ , comparando illum cum solido orto ex rotatione  $ABD$ , circa  $AD$ . Quodenim de dimidij dicetur verificabitur etiam de duplis. Exponatur ergo predictus truncus solitariè sumptus, & sit  $ABDE$ ; ductaque  $DE$ , erit triangulum  $EBD$ , erectum ad planum  $ABD$ , & erit sectio maxima totius trunci sinistri, & imposturum vocabitur triangulum maximum omnium sibi parallelorum in trunco ducibilium. Sumatur in  $BD$ , ubi libet punctum  $G$ , & agantur  $GF$ , parallela  $AD$ , &  $FH$ , parallela  $BD$ ; & à puncto  $F$ , erigatur  $FK$ , pars lateris cylindrici. Pariter per punctum  $G$ , ducatur in triangulo maximo  $GL$ , parallela  $EB$ . Patet duas  $FH$ ,  $FK$ , esse parallelas duabus  $GD$ ,  $GL$ ;  $FH$ ,  $GD$ , ex constructione;  $FK$ ,  $GL$ , vero, quia ambę parallele  $EB$ ;  $FK$ , quia latus cylindrici;  $GL$ , vero ex constructione. Ergo & plana transsectio per  $HF$ ,  $Fk$ , & per  $DG$ ,  $GL$ , erunt parallela. Verum cum hæc secantur à plano  $AED$ ; & communes sectiones sint

T

HK,

HK, DL. Ergo etiam hæ erunt parallelæ. Quare cum tres Hk; HF, Fk; sint parallelæ tribus DG, DL, GL. Ergo & triangu-  
 gula HFk, DGL, erunt similia. At latus homolo-  
 gum FH, est æquale late-  
 ri homologo GD, quia ex  
 constructione FD, est pa-  
 rallelogrammum. Ergo  
 Fk, erit æqualis GL. Ve-  
 rum cum sit vt BE, ad GL,  
 sic BD, ad DG; & vt BD,  
 ad DG, sic circumferentia  
 circuli, cuius radius BD,  
 ad circumferentiam cir-  
 culi, cuius radius DG. Er-  
 go & vt EB, ad GL, sic



circumferentia circuli, cuius radius BD, ad circum-  
 ferentiam circuli, cuius radius DG. Quare & per-  
 mutando, vt EB, ad circumferentiam circuli, cuius  
 radius BD, sic LG, seu ei æqualis Fk, ad circum-  
 ferentiam circuli, cuius radius GD, seu FH Sed vt  
 kF, ad circumferentiam circuli cuius radius FH, sic  
 (ducta KI, parallela FG, utpote iungentes æqua-  
 les, & parallelas Fk, GL) parallelogrammum FL,  
 ad superficiem cylindricam descriptam à parallelo-  
 grammo FD, reuoluto circa AD, ex scholio primo,  
 pro-

proposit. 8. huius; & puncta G, F, sumpta sunt arbitrarie. Ergo & vt vnum ad vnum, ita omnia ad omnia. Ergo & vt EB, ad circumferentiam descriptam à radio BD, sic omnia parallelogramma trunci ABDE, ad omnes superficies cylindricas plani ABD, circa AD, rotati; nempe sic truncus ABDE, ad solidum rotundum ex eadem figura sic rotata, genitum. Quod &c.

## SCHOLIUM I.

Vt supra innuimus, eadem demonstratio currit in omnibus figuris, sed constructio est in quibusdam parum diuersa ab assignata. Quando enim figura prima in schemate initio propositionis posita, rotatur circa EBG; & in secunda circa EAG, vel EBG, tunc FH, debet produci vsque ad lineam circa quam fit rotatio. Idem dicendum esset si figura ABC, esset talis conditionis, vt AC, vel non esset maxima, vel non æqualis maximæ parallelarum sibi ducibilium intra figuram interceptarum, nam tunc FH, esset producenda vsque ad AC, hinc inde productam.

## SCHOLIUM II.


Ostendimus autem præsentem propositionem per viam regalem indiuisibilem, cum quia propositio elegantior euadit, cum vnica propositione,

T 2 vnica-

vnicaque demonstratione comprehendantur fere infinitæ figuræ, casusque innumeri; tum quia P. Tacquet opere supra citato lib. 1. & 2. demonstrat eam in quibusdam casibus, demonstrationibus peculiaribus modo Archimedeo; & in casibus, in quibus eam non ostendit, ipse non dubitabit, nec aliquis alius potest rationabiliter dubitare, posse ostendi eodem modo, quo ipse ibidem ostendit (adhibitis tamen congruenti præparatione, & argumentatione;) Vnde qui plura desiderat, addeat ipsum Tacquet. Verum vt omnibus aqualiter satis faciamus, trademus & nos vnica demonstrationem modo Archimedeo; quæ cum comprehendat omnes figuras prædictas in alteram partem deficientes, & parum ei deerit vt sit vniuersalissima, & poterit lectori pro exemplo inferuire. Demonstratio autem conueniens cum ipsis Tacquet, sit sequens.


## A L I T E R.

**B**D, diameter diuidatur in quocumque partēs BF, FG, GC, CD, & per puncta F, G, C, &c. ducantur FH, GK, CI, &c. AD, parallelæ; & à punctis H, k, l, erigantur HM, kL, lZ, latera cylindrici; & per puncta F, G, C, ducantur in triangulo maximo EDB, FO, GN, CR, parallelæ EB. Eodem modo, quo patuit supra, patebit FO, MH; GN, kL; CR, lZ, æquales esse, ac parallelas; ac proinde, si ducantur MO, LN, ZR, patebit



rebit  $MF$ ,  $LG$ ,  $ZC$ , esse parallelogramma. Pariter à punctis  $H$ ,  $k$ ,  $I$ , ducantur  $HPS$ ,  $kQ$ ,  $IY$ , parallelæ  $DB$ ; ac in plano  $LG$ , ducatur  $PV$ , parallela  $GN$ , vel  $Lk$ ; & pariter in plano  $ZC$ , ducatur  $TX$ , parallela  $CR$ . Ergo in trunco habemus inscripta prismata  $ZD$ ,  $LC$ ,  $MG$ ; quorum  $ZD$ , habet plana opposita triangula  $ZQI$ ,  $DRC$ ; reliqua vero habent plana opposita, quæ sunt trapezia, vt patet in schemate. Quod vero de istis dicitur, intelligendum veniret etiam de alijs, quæ inscriberentur, si  $BD$ , diuisa fuisset in plura, pluraque puncta, & per puncta

puncta diuisionum constructa essent prismata, vt factum est in prædictis: semper enim prismatis  $ZD$ , essent plana opposita triangula; reliquorum vero trapezia. Intelligamus figuram  $ABD$ , cum sibi inscriptis parallelogrammis  $HG$ ,  $kC$ , &  $ID$ , rotari circa  $AD$ . A parallelogrammo ergo  $ID$ , constituetur cylindrus; à parallelogrammis vero  $kC$ ,  $HG$ , tubi cylindrici, quorum crassities erunt  $KT$ ,  $PH$ . Facile probabitur, vt factum est supra, esse vt  $EB$ , ad circumferentiam circuli, cuius radius  $BD$ , sic  $FO$ , seù  $MH$ , ad circumferentiam, cuius radius  $FD$ , seù  $HS$ : & pariter sic  $GN$ , seù  $Lk$ , ad circumferentiam, cuius radius  $GD$ , seù  $kQ$ : necnon sic  $CR$ , seù  $IZ$ , ad circumferentiam, cuius radius  $CD$ , seù  $IY$ . Tunc. Quoniam habemus duos cylindricos, nempe prisma  $ZD$ , & cylindrum ex  $ID$ , circa  $AD$ , quorum est eadem altitudo  $IC$ . Ergo prisma, erit ad cylindrum, vt basis ad basim, ex proposit. 9. huius; nempe vt triangulum  $RC D$ , ad circulum, cuius radius  $DC$ . At triangulum, est ad circulum, ex scholio proposit. 6. huius, vt  $RC$ , ad circumferentiam, cuius radius  $DC$ ; nempe sic  $EB$ , ad circumferentiam, cuius radius  $BD$ . Quare & prisma, erit ad cylindrum; vt  $EB$ , ad circumferentiam, cuius radius  $BD$ . Pariter quoniam habemus duos cylindricos, nempe prisma  $LC$ , & tubus ex  $kC$ , circa  $AD$ , quorum eadem altitudo  $Gk$ . Ergo, ex dictis, prisma erit ad tubum, vt basis ad basim; nempe vt trapezium  $CRNG$ , ad armillam




armillam ex  $GC$ , reuoluta circa  $AD$ ; nempe ex scholio 1. proposit. 7. huius, vt  $NG$ , ad circumferentiam, cuius radius  $GD$ ; hoc est, vt  $EB$ , ad circumferentiam, cuius radius  $DB$ . Idem ostendetur de prismatico  $MG$ , & de tubo ex  $HG$ , circa  $AD$ . Quare vt  $EB$ , ad circumferentiam circuli, cuius radius  $BD$ , sic omnia prismata inscripta in trunco  $DABE$ , ad cylindrum cum reliquis tubis cylindricis inscriptis in solido rotundo ex figura  $ABD$ , circa  $AD$ .

Quod vero probatum est de prismaticis inscriptis



ptis in trunco, & de cylindro, & tubis inscriptis in solido rotundo, probaretur etiam de prismatibus, & de cylindro, & tubis circumscriptis trunco, & solido rotundo. Hoc est si prisma  $ZD$ , intelligeretur produci, ut eius altitudo esset  $AD$ ; tunc prisma esset circumscriptum trunco; & pariter si cylindrus ex  $DD$ , intelligeretur produci, ut eius altitudo esset eadem  $DA$ , cylindrus esset tunc circumscriptus solido rotundo. Eodemque modo, quo supra factum est, probaremus, prisma esse ad cylindrum, ut  $EB$ , ad circumferentiam circuli, cuius radius  $BD$ . Idem probaretur si prisma  $LC$ , cum tubo ex  $kC$ , intelligerentur produci, ut eorum communis altitudo esset  $Ch$ , & idem de alijs. Vnde eodem modo ostenderetur omnia prismata trunco circumscripta, esse ad cylindrum, & ad tubos circumscriptos solido rotundo, ut  $EB$ , ad circumferentiam, cuius radius  $BD$ .

Sed insuper dico, quod erit ut  $EB$ , ad sepe dictam circumferentiam, sic truncus, ad illud solidum rotundum. Nam si non est, vel truncus erit in maiori, vel in minori ratione ad illud solidum rotundum, quam  $EB$ , ad illam circumferentiam. Si dicatur esse in maiori. Ergo aliquid trunco minus, erit ad solidum rotundum in eadem ratione cum  $EB$ , ad illam circumferentiam. Sit ex his, quo truncus hoc excedit, penes  $\ast$ , magnitudinem; & facilitatis gratia, exposita basi  $ABD$ , seorsim, ipsi circumscribatur  $ND$ , parallelogrammum, &  $bD$ , secetur




secetur bifariam in G, & rursus partes eius bifariam in F, C, & sic semper donec tandem deueniamus ad talem partem BF, vt factis parallelogrammis NF, & reliquis, æqualibus, parallelogrammum NF, sit talis conditionis, vt super eo intellecto parallelepipedo recto, in altitudine EB, hoc sit minus magnitudine ✱. Ergo si à trunco ADBE, intelligamus ablatum illud parallelepipedum, adhuc residuum, erit ad illud solidum rotundum in maiori ratione quam EB, ad illam circumferentiam. Tunc in figura trunci ratiocinetur sic. Pars trunci FHBEMO, minor est parallelepipedo, cuius altitudo EB, basis parallelogrammum HB, in secunda figura, Pariter pars trunci PKHLMV, est mi-

V

nor

nor parallelepipedo, cuius basis  $kH$ , in secunda, seu ei æquale  $LH$ , altitudo eadem  $EB$ , quia & basis  $kPH$ , est minor parallelogrammo  $kH$ , & etiam  $HM$ , maior altitudo trunci, minor est  $EB$ . Eodem modo patebit partem trunci  $ITkLZX$ , minorem esse parallelepipedo, cuius basis parallelogrammum  $Ik$ , in secunda, seu ei æquale  $LO$ : partemque trunci  $AYIZ$ , minorem esse parallelepipedo, cuius basis parallelogrammum  $AI$  seu  $ON$ , altitudo eadem  $EB$ . Et idem eodem modo ostenderetur de cæteris partibus, si adessent. Ergo excessus trunci super omnia prismata prædicta in trunco inscripta, minor erit parallelepipedo super basi parallelogrammo  $NF$ , in altitudine  $EB$ . Ergo multo minor magnitudine  $*$ . Ergo omnia prismata in trunco inscripta, erunt ad solidum rotundum ex basi circa  $AD$ , adhuc in maiori ratione quam  $EB$ , ad circumferentiam ex radio  $BD$ . Sed supra probatum est ut  $EB$ , ad illam circumferentiam, sic esse omnia prismata in trunco inscripta, ad cylindrum, & tubos cylindricos inscriptos in solido rotundo ex basi. Ergo omnia prismata in trunco inscripta, habebunt ad solidum rotundum prædictum maiorem rationem quam ad cylindrum, & tubos cylindricos in ipso solido rotundo inscriptos. Quod utique implicat. Ergo truncus ad solidum rotundum non erit in maiori ratione, quam  $EB$ , ad illam circumferentiam.

Sed nec in minori. Nam aliquid truncus maius,   
 **erit**



erit ad solidum rotundum in eadem ratione cum EB, ad illam circumferentiam. Sit excessus, quo talis magnitudo superat truncum, corpus  $\ast$ : & facta superiori constructione, parallelepipedum super NF, in altitudine EB, sit minus corpore  $\ast$ . Ergo truncus cum tali parallelepipedo, erit ad solidum rotundum adhuc in minori ratione EB, ad illam circumferentiam. Tunc discutatur sic. Prisma, cuius basis esset parallelogrammum HB, altitudines vero BE, FO, quod esset vnum ex prismatibus trunci circumscriptis, excedit partem trunci HFBEMO,


V 2      minori.

minori magnitudine quam sit parallelepipedum, cuius basis parallelogrammum  $HB$ , altitudo  $EB$ , ut clare patet. Eodem modo patebit, prisma, cuius basis parallelogrammum  $kF$ , altitudines  $FO$ ,  $GN$ , excedere partem trunci  $kHFGNLMO$ , minori magnitudine, quam sit parallelepipedum, cuius basis parallelogrammum  $kH$ , seu  $HL$ , altitudo  $EB$  (ipsum enim excedit prismate), cuius basis excessus parallelogrammi  $KH$ , supra portionem basis  $KHP$ , altitudines  $FO$ ,  $GN$ ): & eodem modo patebit omnes excessus simul prismatum trunco circumscriptorum, minores esse parallelepipedo, cuius basis parallelogrammum  $NF$ , altitudo  $EB$ . Ergo omnia prismata trunco circumscripta, erunt multo minora trunco, & si trunco. Ergo omnia prismata trunco circumscripta, erunt in multo minori ratione, ad solidum rotundum ex basi, quam sit  $EB$ , ad circumferentiam ex radio  $BD$ . Sed ut  $EB$ , ad illam circumferentiam, sic omnia prismata trunco circumscripta, ad cylindrum, & tubos cylindricos solido rotundo circumscriptos. Ergo omnia prismata trunco circumscripta, erunt ad solidum rotundum ex basi in minori ratione quam ad cylindrum, & tubos cylindricos solido rotundo circumscriptos. Quod rursum implicat. Cum ergo truncus non sit ad illud solidum rotundum ex basi nec in maiori, nec in minori ratione  $EB$ , ad illam circumferentiam. Ergo in æquali. Quod &c.

## SCHOLIUM III.

Ex præfenti propositione sic vniuersaliter propo-  
fita, ex hacque vniuersa-  
lissima doctrina emanant  
quamplures veritates, qua-  
rum aliquæ sunt diligenter  
adnotandæ, quia plurimum  
inferuiunt inferius dicen-  
dis.

Emanat ergo primo, quod si cylindricus super  
ABC, sit sectus primo vt  
dictum est; postea sumpto  
in BE, vbilibet puncto K,  
intelligamus aliud planum  
transire per AC, & per ip-  
sum, adeo vt constituentur  
(ducto plano KLO, ipsi  
ABC, parallelo) alij trunci, vt in schemate  
præfenti; truncus ABCE, sinister, erit ad trun-  
cum ABCK, sinistrum, vt EB, ad BK. Idem  
intelligendum est etiam de truncis dexteris ad inui-  
cem. Ratio est, quia quilibet horum similium trun-  
corum, est ad solidum idem rotundum genitum ex  
eadem figura eodem modo reuoluta, vt sua altitudo,  
ad eandem circumferentiam. Vnde cum sit V. g.  
EB,




EB, ad circumferentiam, cuius radius BD, ut truncus ABCE, ad solidum rotundum ex basi; & cum sit conuertendo, ut solidum rotundum ex basi, ad truncum ABCK, sic talis circumferentia, ad BK ex aequali patebit propositum.

Emanat secundo, quod si cylindrici predicti sectentur ut dictum est, trunci dexteri, ad truncos sinistros erunt in eadem ratione. Ratio est, quia cum truncus dexter maior, sit ad solidum rotundum ex figura CBA, circa ipsam tangentem in B, seu ipsi AC, parallelam, ut HD, seu EB, ad circumferentiam, cuius radius BD; & pariter truncus sinister maior sit ad solidum rotundum ex eadem figura circa AC, ut EB, ad eandem circumferentiam: sequitur esse truncum dexterum maiorem, ad suum solidum rotundum, ut truncus sinister maior, ad suum solidum rotundum. Quare permutando, erit truncus dexter maior, ad truncum sinistram maiorem, ut solidum ex figura CBA, cuius centrum rotationis sit B, ad solidum rotundum ex eadem figura, cuius centrum rotationis sit D. Eodem modo probabitur esse ut solidum ex figura ABC, cuius centrum rotationis sit B, ad solidum ex eadem figura, cuius centrum rotationis sit D, sic truncum dexterum minorem, ad truncum sinistram minorem. Quare erit truncus dexter maior, ad truncum sinistram maiorem, ut truncus dexter minor, ad truncum sinistram minorem.

Emanat tertio id quod sequentibus quamplurimum

mum, inseruit, & ideo diligenter me-  
 moria est comen-  
 dandum; & est,  
 quod si circa eun-  
 dem axim  $BE$ , in-  
 telligantur duę quę  
 cumque figurę  
 $ABD$ ,  $AFC D$ ,  
 quarum vel sit ea-  
 dem basis  $AD$ , vel  
 vna sit maior alia,  
 dummodo axis  $BE$ ,  
 sit eadem; super  
 quibus intelliga-  
 mus cylindricos re-  
 ctos æquealtos, se-  
 ctos diagonaliter  
 plano transeunte  
 per  $AD$ , & per  
 $G H K$ , vt dictum  
 est, & vt apparet in  
 schemate: erit vt  
 truncus sinister v-  
 nius, ad solidum rotundum suę basis circa  $AD$ , sic  
 truncus sinister alterius, ad solidum rotundum suę  
 basis circa eandem  $AD$ . Vnde & permutando, erit  
 vt truncus sinister ad truncum sinistram, sic solidum  
 rotundum ad solidum rotundum. Quod autem di-  
 ctum





ctum est de truncis sinistris respectu solidorum suorum basium, intelligendum etiam est de truncis dexteris, & de solidis rotundis suorum basium ipsis correspondentibus. Ratio huius asserti est manifestissima; quia cum sit truncus sinister cylindrici super  $AFC D$ , ad solidum rotundum ex eadem figura circa  $AD$ , ut  $HB$ , ad circumferentiam, cuius radius  $BE$ ; & pariter cum sit ut  $HB$ , ad talem circumferentiam, sic truncus sinister cylindrici super  $ABD$ , ad solidum ex  $ABD$ , circa  $AD$ : Erit & ut primus truncus, ad primum solidum, sic secundus truncus, ad secundum solidum. Quare & permutando, ut primus truncus, ad secundum truncum, sic primum solidum, ad secundum solidum. Eodem modo discureretur in truncis dexteris respectu suorum solidorum. Quare patet propositum.

Particulariter ergo habemus, quod si  $ABD$ , sit quælibet figura circa axem  $BE$ , cui sit circumscriptum parallelogrammum  $FD$ , & tam super parallelogrammo, quam supra figura concipiantur cylindrici secti, ut dictum est. Erit prisma dimidium cylindrici super parallelogrammo, ad truncum sinistram cylindrici super  $ABD$ , ut cylindrus ex parallelogrammo circa  $AD$ , ad solidum rotundum ex eadem figura  $ABD$ , circa eandem  $AD$ . Eodem modo erit prisma dimidium cylindrici super parallelogrammo, ad truncum dexterum cylindrici super  $ABD$ , ut cylindrus ex  $FD$ , circa  $FC$ , ad solidum rotundum ex  $ABD$ , circa eandem  $FC$ .


PRO-

## PROPOSITIO XI.

*Si super eadem basi sint duæ qualibet figura circa axim, talis conditionis, ut duplicatis figuris ad alteras partes basis, hæc euadat communis axis duplicatarum figurarum. Solida rotunda orta ex rotatione talium figurarum circa parallelam axi ductam per extremitatem basis, erunt ad inuicem ut ipse figura.*

**S**int duæ quælibet figuræ  $ABC$ ,  $A EFC$ , quarum communis basis  $AC$ , & sint circa axim, qui sit vel idem  $DB$ , vel vnus maior alio (propositio enim verificabitur siue axes sint æquales, siue inæquales, dummodo basis sit eadem) & hæ figuræ sint talis conditionis, ut duplicatæ ad partes  $AC$ , ut in schemate,  $AC$ , euadat axis duplicatarum figurarum; & concipiamus  $A EFC$ ,  $ABC$ , rotari circa parallelam ipsi  $DB$ , ductam per punctum  $C$ , quæ sit V. g.  $CF$ . Dico solidum rotundum ortum ex figura  $A EFC$ , esse ad solidum rotundum ortum ex figura  $ABC$ , ut figura  $A EFC$ , ad figuram  $ABC$ . Super figuris concipiamus cylindricos rectos æquealtos  $HC$ , &  $ABCLMG$ , sectos diagonaliter plano transeunte per  $CF$ , & per  $HG$ , diuidente ambos in duos truncos, ut in schemate, & ut sæpe dictum est. Ergo quilibet illorum diuidetur in truncos æquales, ut clare patet. Cum ergo cylindrici prædicti, quia æquealti, sint ut bases, ergo

PROPOSITIO XI.



& illorum dimidij erunt vt bases. Sed vt truncus si-  
nister.  $CAEFHG$ , cylindrici super  $AF$ , ad  
truncum sinistram  $CBAG$ , cylindrici super fi-  
gura, sic ex scholio 3. proposit. anteced. solidum ex  
figura  $AF$ , circa  $FC$ , ad solidum ex figura  $ABC$ ,  
circa

circa F C. Ergo & vt solidum, ad solidum, sic figura ad figuram. Quod erat ostendendum.

## SCHOLIUM.

Vniuersalitas huius propositionis, & quot propositiones ex ipsa veluti corollaria deducantur, vnusquisque potest cognoscere. Verum harum aliquas & nos subiungemus. Sit ergo.


## COROLLARIUM I.

Quod si supponamus A F, esse parallelogrammum, & A B C, esse quamlibet ex infinitis parabolis; dabitur ratio cylindri, ad infinitos annulos strictos parabolicos, iuxta rectitudinem axis acceptos, quos stringit. Hæc autem dabitur tali ordine, vt in prima parabola sit vt 2. ad 1. In secunda, vt 3. ad 2. In tertia, vt 4. ad 3. & sic in infinitum. Item per conuersionem rationis dabitur ratio eiusdem cylindri, ad solidum ex excessu parallelogrammi supra parabolam. Et hæc tali ordine, vt in prima parabola sit vt 2. ad 1. In secunda vt 3. ad 1. In tertia vt 4. ad 1. & sic in infinitum. Rationes petantur ex prima propos. lib. primi.

## COROLLARIUM II.

Infertur secundo. Quod si B A N, sit figura

X 2 con-



constans ex duabus quibuscumque semiparabolis  
eiusdem gradus; & aequalibus sic dispositis, vt basis  
AD, sit axis ambarum simul sumptarum. Dabitur  
ratio cylindri ex parallelogrammo EN, ipsis cir-  
cumscripto reuoluto circa ON, ad solidum ortum  
ex fi-

ex figura  $BAN$ , circa eandem  $ON$ . Hæc autem dabitur tali ordine, vt in prima parabola sit vt 2. ad 1. In secunda vt 3. ad 2. &c. Imo per conuersionem rationis, dabitur etiam ratio prædicti cylindri, ad solidum ex excessu parallelogrammi supra figuram, constantem ex semiparaboliis sic dispositis; & ordine, vt in antecedenti scholio. Ratio est, quia parallelogrammum  $EN$ , ad figuram  $BAN$ , retinet eandem rationem, quam habet parallelogrammum  $AF$ , ad  $ABC$ . Tamenim parallelogramma  $EN$ ,  $AF$ , quam figuræ  $ABC$ ,  $BAN$ , sunt æquales inter se.

### COROLLARIUM III.

Inferitur tertio; quod in præcedenti casu, quam rationem habet cylindrus ex  $EC$ , circa  $FC$ , ad solidum ex  $ABC$ , circa  $FC$ , eandem habeat cylindrus ex  $EN$ , circa  $ON$ , ad solidum ex  $BAN$ , circa  $ON$ : & quam habet cylindrus ex  $EC$ , circa  $FC$ , ad solidum ex  $AEBFC$ , circa  $FC$ , eandem habeat cylindrus ex  $EN$ , circa  $ON$ , ad solidum ex figura  $BEAON$ , circa  $ON$ . Ratio est, quia vtræque ratio horum cylindrorum ad prædicta solida, est eadem cum vtræque ratione parallelogrammorum ad figuras; quæ rationes, propter æqualitatem parallelogrammorum, & figurarum, æquales sunt. Ex quibus postea consequenter deducitur, quod solidum ex parabola  $ABC$ , circa  $CF$ ,  
erit


erit ad solidum ex  $BAN$ , circa  $ON$ , vt  $AD$ , ad  $BD$ . Et pariter ratio solidi ex figura  $AEBFC$ , circa  $FC$ , ad solidum ex figura  $BEAON$ , circa  $ON$ , erit vt  $AD$ , ad  $DB$ . Ratio est, quia cum sit vt cylindrus ex  $EC$ , circa  $FC$ , ad solidum ex  $ABC$ , circa  $FC$ , sic cylindrus ex  $EN$ , circa  $ON$ , ad solidum ex  $BAN$ , circa  $ON$ ; erit etiam permutando, vt cylindrus ad cylindrum, sic solidum ad solidum. Sed cylindrus ad cylindrum, est vt  $AD$ , ad  $DB$  (Nam ratio cylindri ad cylindrum, componitur ex ratione basis ad basim; nempe ex ratione quadrati  $AC$ , ad quadratum  $BN$ ; nempe ex ratione quadrati  $AD$ , ad quadratum  $DB$ ; nempe ex duplici ratione  $AD$ , ad  $DB$ , & ex ratione altitudinum; nempe ex ratione  $DB$ , ad  $DA$ : at duæ rationes  $AD$ , ad  $DB$ , cum ratione  $DB$ , ad  $DA$ , faciunt solam rationem  $AD$ , ad  $DB$ ). Quare, & vt  $AD$ , ad  $DB$ , sic solidum ex  $ABC$ , ad solidum ex  $BAN$ . Eodem modo argumentabitur in solidis ex figuris  $AEBFC$ ,  $BEAON$ , reuolutis, vt dictum est.

## COROLLARIUM IV.

Inferitur quarto, quod si  $ABC$ , sit cylois primaria, cylindrus ex  $EC$ , circa  $FC$ , erit ad solidum ex  $ABC$ , circa  $FC$ , in ratione sesquitertia. Ratio est, quia ex Torricellio de dimentione cycloidis, & ex Tacquet in dissertatione de circularum volu-  
tatio.

tationibus, proposit. 20. (pulcherrima quidem demonstratione) parallelogrammum, est sesquitertium cycloidis. Per quod patet id, quod habet Torricellius lib. 1. de motu grauium descendendum in calce schol. proposit. 18. Nempe. *Clarissimus vir Antonius Nardius ostendit, quod si cyclois circa tangentem axi parallelam conuertatur, solidum ad suum cylindrum erit sub sesquitertium.* Discurendo autem ut factum est in parabola, & supponeudo figuram BAN, constare ex duabus semi cycloidibus, concludemus etiam cylindrum ex EN, circa ON, esse ad solidum ex BAN, circa ON, in ratione sesquitertia: & etiam solidum ex ABC, circa CF, esse ad solidum ex BAN, circa ON, ut AD, ad DB; nempe in ratione semiperipheriæ circuli genitoris ad suum diametrum; ac proinde in ratione non data, sed proxime in ratione 11. ad 7. Quare si daretur ratio horum solidorum, daretur etiam circuli quadratura. Imo ex doctrinis Torricellij, & Tacquet locis supra citatis, possumus inferre, quod si ABC, non solum sit cyclois primaria, sed quælibet ex infinitis cycloidibus, cylindrum ex parallelogrammo EC, circa CF, ad solidum ex cycloide ABC, circa EC; vel cylindrum ex parallelogrammo EN, circa ON, ad solidum ex figura BAN, circa ON, esse ut quadrupla AC, ad duplam AC, cum peripheria circuli genitoris. Sed pro is inferendis, & alijs videantur supradicti auctores locis citatis.






## COROLLARIUM V.

Inferitur quinto. Quod si quodlibet ex infinitis trilineis  $BCF$ , duplicetur ut fiat  $CBQ$ , & ei sit circumscriptum parallelogrammum  $CP$ . Dabitur ratio cylindri ex parallelogrammo  $CP$ , circa  $DC$ , ad solidum ex duplici trilineo, hoc est ex trilineo  $CBQ$ ,

CBQ, circa eandem DC. Hæcque dabitur tali ordine, vt in primo trilineo sit vt 2. ad 1. In secundo, vt 3. ad 1. In tertio vt 4. ad 1. & sic in infinitum. Ex quibus sequitur, quod per conuersionem rationis, dabitur ratio eiusdem cylindri ad solidum ortum ex reuolutione figuræ QPBCD, circa DC; & tali ordine; vt in primo trilineo sit vt 2. ad 1. In secundo vt 3. ad 2. In tertio vt 4. ad 3. & sic in infinitum. Quare sequitur, quod cum parallelogramma EN, PC, sint æqualia, & pariter cylindri ex ipsis circa ON, DC, sint æquales, quod etiam solida ex BAN, circa ON, & ex QPBCB, circa DC, sint æqualia. Rationes petantur ex quadraturis trilineorum, & parabolarum.

## COROLLARIUM VI.

Infertur sexto; quod si quodlibet ex infinitis trilineis duplicetur in BCR, vt in schemate, & ei sit circumscriptum parallelogrammum BG; cylindrus ex eo circa RG, ad solidum ex BCR, circa RG, erit in ratione data tali ordine, vt in primo trilineo sit vt 2. ad 1. In secundo, vt 3. ad 1. In tertio, vt 4. ad 1. & sic in infinitum. Ex quibus sequitur, quod per conuersionem rationis, idem cylindrus ad solidum ortum ex figurâ BDCRG, circa RG, in primo trilineo erit vt 2. ad 1. In secundo vt 3. ad 2. In tertio vt 4. ad 3. & sic in infinitum. Ex quibus etiam sequitur, quod etiam solida ex ABC, circa Y FC,



FC, & ex BDCGR, circa RG, sint æqualia. Nam etiam cylindri ex parallelogrammis æqualibus, nempe EC, circa CF, & BG, circa RG, sunt æquales. Rationes dependent ex proposit. 1. primi libri.

## COROLLARIUM VII.

Infertur septimo. Quod quæcumque dicta sunt in duobus superioribus corollarijs de trilineis infinitarum parabolarum, verificantur etiam de trilineis cycloidis primariæ, & aliarum. Nempe si cyclois  $ABC$ , disponatur quatuor modis, ut in schemate sunt dispositæ parabolæ. Sed rationes cylindrorum ad solida ex trilineis in primaria, erunt ut 4. ad 1. Ad solida vero ex figuris, ut 4. ad 3. nempe in eadem ratione sicuti ad parabolam cubicam. In alijs vero cycloidibus, ad solida ex trilineis, ut quadrupla  $AC$ , ad excessum ipsius supra duplam  $AC$ , & supra circumferentiam circuli genitoris. Ad solida vero ex figuris, ut quadrupla  $AC$ , ad duplam  $AC$ , cum circumferentia circuli genitoris.

## COROLLARIUM VIII.


Infertur octauo; quod si  $ABC$ , non sit parabola, sed figura quædam constans ex duabus portionibus minoribus, & æqualibus eiusdem parabolæ, resectis lineis  $BD$ , diametro parallelis, & sic dispositis, ut  $BD$ , cocant, & sint axis totius figuræ; dabitur ratio cylindri ex  $EC$ , circa  $CF$ , ad annulum strictum ex illis portionibus circa  $CF$ . Hæc autem dabitur tali ordine, ut in prima parabola sit ut dupla basis semiparabolæ, cuius  $ABD$ ,  $DBC$ , sunt portiones,

Y      2      tiones,

tiones, ad eandem basim. In secunda, vt tripla basis semiparabolæ, cum tripla differentia inter  $CD$ , & basim prædictam, ad duplam basim, cum vnica dicta differentia. In tertia, vt quadrupla basis, cum quadrupla prædicta differentia, & cum quadrupla harum tertia minori proportionali continuè, ad triplam basim semiparabolæ, duplam dictam differentiam, & vnicam tertiam proportionalem. Et sic in infinitum. Ex quibus per conuersionem rationis, facile patebunt proportionales cylindri ad solida ex figuris  $AEBFC$ , circa  $CF$ . Rationes petantur ex proposit. 15. primi lib. Imo, quæcumque dicta sunt in corollarijs superioribus, patet faciliter posse applicari suo modo cylindris, & solidis ex portione  $ABD$ , quatuor modis disposita vt dictum est.

## COROLLARIUM IX.

Inferitur nono. Quod si  $ABC$ , sit figura constans ex duabus portionibus  $ABD$ ,  $CBD$ , maioribus, & æqualibus eiusdem parabolæ resectæ lineis  $BD$ , diametro parallelis, cui sit circumscriptum parallelogrammum  $EC$ ; dabitur ratio cylindri ex  $EC$ , circa  $CF$ , ad solidum ex figura  $ABC$ , circa  $CF$ . Imo, etiam per conuersionem rationis, dabitur proportio quæ reperitur inter prædictum cylindrum, & solidum ex figura  $AEBZFC$ , circa  $FC$ . Ordo autem proportionum, & asserti ratio, petantur ex proposit. 13. primi lib. Imo quæcumque



cumque dicta sunt in corollarijs superioribus de figuris illis quatuor modis dispositis , patet posse etiam accomodari figuræ ABD.

## COROLLARIVM X.

Infertur decimo ; quod si quælibet parabola secetur duabus lineis HML, SBD, diametro Ik, parallelis, adeo vt intercipient segmentum parabolæ LMBD, & segmento sit circumscriptum

## 174 DE INFINITIS PARABOLIS ETC.


prout parallelogrammum  $HD$ , quod cum segmento intelligatur duplicatum quatuor modis sæpe dictis. Dabitur ratio cylindri ad solida. V.g. ex parallelogrammo  $HV$ , circa  $TV$ , ad solidum ex segmento circa  $TV$ . Ratio, & ordo dependent à proposito. 14. primi libri.

## COROLLARIUM XI.

Infertur undecimo; quod si  $ABCD$ , sit quodlibet ex infinitis segmentis parabolæ resectæ  $BC$ , basi  $AD$ , parallela, cui sit circumscriptum parallelogrammum  $DG$ , quod cum segmento vertetur circa  $HD$ : non solum dabitur ratio cylindri ex  $GD$ , ad annulum ex figura  $ABCD$ , circa  $HD$ , sed etiam per conuersionem rationis, & reliqua de  $ABEF$ , quatuor modis disposita concludentur, ut prius. Ratio autem, & ordo proportionis cylindrorum ad prædicta solida petantur ex secunda parte proposito 8. primi lib.

## COROLLARIUM XII.

Infertur duodecimo; quod si in eodem schemate supponamus  $ABCD$ , esse quodlibet ex infinitis duplicatis trapezijs, resectum  $BC$ , basi  $AD$ , parallela, & supponantur reliqua ut in schemate. Dabitur ratio cylindri ex  $GD$ , circa  $HD$ , ad solidum ex trapezio circa  $HD$ . Patet etiam, quod de solidis.



solidis trapezij  $AB EF$ , quatuor modis dispositi poterimus ratiocinari ad modum superiorum. Ordo vero, & ratio petantur ex proposit. 9. primi libri.

### COROLLARIUM XIII.

Inferitur tertiodecimo; quod si  $AB EF$ , sit segmentum semiparabolæ resectum linea  $BE$ , diametro  $AF$ , parallela, quod segmentum intelligatur dispositum quatuor modis ut sæpe dictum est, & ut in schemate. Dabuntur rationes cylindrorum ad solida



lida orta ex rotationibus illarum figurarum ad modum superiorum. Et ratio, ordoque proportionum continentur in propof. 10. primi lib.

## COROLLARIUM XIV.

Inferitur quartodecimo; quod si  $AF$ , non sit diameter semiparabolæ, sed utraque  $BE$ ,  $AF$ , sint diametro parallelæ, adeo ut  $ABEF$ , sit segmentum semiparabolæ intermedium, & reliqua disponantur ad modum superiorum. Nihilominus dabitur ratio cylindri ex  $GD$ , circa  $HD$ , ad annulum strictum ex figura  $ABCD$ , circa  $HD$ . Ratio vero, ordoque deducuntur ex propofit. 12. primi libri.

In omnibus ergo figuris, & magnitudinibus superiorum corollariorum patuit verum esse, rationem quatuor cylindrorum ad solida ex suis figuris eandem esse; nempe eam, quam habent quatuor parallelogramma, quæ sunt æqualia, ad figuras quatuor modis dispositas, quæ sic dispositæ semper sunt æquales.

Patuit ergo ex supradictis fecunditas antecedentis propositionis, & quot solidorum ex ea habemus mensuram. Sed etiam eius fecunditas ex infra dicendis magis, magisque patebit.

PRO-


## PROPOSITIO XII.

*Si super qualibet figura circa axim in alteram partem deficientem, quæ resecta per lineas basi parallelas, semper parallelogramma circumscripta figuris ad verticem retineant ad eas eandem rationem, concipiatur cylindricus rectus quicumque sectus diagonaliter per verticem figure, & per basim figuræ oppositæ. Erit truncus dexter inferior, ad truncum sinistrum superiorem, ut parallelogrammum circumscriptum figuræ, ad ipsam figuram.*

**S**It quælibet figura  $CAB$ , cuius vertex  $A$ , axis  $AB$ , adeo ut figura  $CAB$ , nobis representet dimidiam figuram (quod enim dicetur de dimidia intelligendum parebit de tota) super qua intelligamus cylindricum rectum  $GC$ , cuius plana opposita  $ABC$ ,  $GIL$ , qui sectus diagonaliter plano  $IAL$ , transeunte per  $IL$ , & per  $A$ , dirimatur in duos truncos. Dico truncum dexterum  $AILCB$ , esse ad truncum sinistrum  $GILA$ , ut parallelogrammum  $DB$ , circumscriptum figuræ  $ABC$ , ad ipsam figuram.

Axis  $AB$ , secetur bifariam in  $F$ , & rursus partes bifariam in  $S$ , &  $K$ , & sic usque libuerit, per quæ ducantur  $KN$ ,  $FE$ ,  $SZ$ , parallelæ  $BC$ , per quas in trunco dextero, & inferiori transeant plana  $KQ$ ,  $FO$ ,  $ST$ , parallelæ plano  $BL$ . Pariter per

$Z$        $R$   $T$ ,



$\& T$ ,  $MO$ ,  $PQ$ , communes sectiones horum planorum, & plani  $IAL$ , diagonaliter ducti, ducantur plana  $\& TX$ ,  $MHO$ ,  $PRQ$ , parallela plano  $ABC$ , seu  $GIL$ . Facile patebit  $\& Z$ ,  $ME$ ,  $PN$ , esse parallelogramma similia parallelogrammo  $IC$ ; & pariter figuras  $X\& T$ ,  $HMO$ ,  $RPQ$ , esse figuras

guras similes, & similiter positas figuris  $GIL$ ,  $ABC$ ; & probatur à Caualerio lib. 1. Geometr. radiu. proposit. 19. vbi ostendit. Si conicus quicumque plano secetur basi æquidistante, concepta in eo figura erit similis basi, & similiter posita. Quare etiam  $BS$ ,  $MF$ ,  $Pk$ , erunt parallelæ  $IB$ ; & pariter  $X\mathfrak{B}$ ,  $HM$ ,  $RP$ , erunt parallelæ  $GI$ ; &  $BT$ ,  $MO$ ,  $PQ$ , erunt parallelæ  $IL$ . Ergo cum in triangulo  $AIB$ , sit vt  $AB$ , ad  $BS$ , sic  $AI$ , ad  $I\mathfrak{B}$ ; & in triangulo  $AIG$ , vt  $AI$ , ad  $I\mathfrak{B}$ , sic  $AG$ , ad  $GX$ . Erit & vt  $AB$ , ad  $BS$ , sic  $AG$ , ad  $GX$ . Et permutando vt  $AB$ , ad  $AG$ , sic  $BS$ , ad  $GX$ . Eodem modo ostenderetur vt  $AB$ , ad  $AG$ , sic esse  $BE$ , ad  $GH$ ,  $Bk$ , ad  $GR$ ; & consequenter faciliter ostenderetur  $GX$ ,  $XH$ ,  $HR$ ,  $RA$ , æquales esse, sicuti  $BS$ ,  $SF$ ,  $Fk$ ,  $kA$ , æquales supponuntur. Quod notetur.


Quoniam autem parallelogrammum  $IC$ , ad parallelogrammum  $\mathfrak{B}Z$ , habet rationem compositam ex ratione  $IB$ , ad  $\mathfrak{B}S$ ; nempe ex ratione  $IA$ , ad  $A\mathfrak{B}$ ; hoc est ex ratione  $IG$ , ad  $X\mathfrak{B}$ ; & ex ratione  $IL$ , ad  $\mathfrak{B}T$ ; duæ vero rationes  $IG$ , ad  $X\mathfrak{B}$ , &  $IL$ , ad  $\mathfrak{B}T$ , componunt rationem parallelogrammi circumscripti figuræ  $GIL$ , seu  $ABC$ , hoc est parallelogrammi  $DB$ , ad parallelogrammum circumscriptum figuræ  $X\mathfrak{B}T$ , seu  $ASZ$ ; & per suppositionem, vt parallelogrammum  $DB$ , ad figuram  $ABC$ , sic parallelogrammum circumscriptum figuræ  $ASZ$ , ad ipsam; vnde & permutando, vt

$Z$      2     paral-

parallelogrammum ad parallelogrammum, sic figura ad figuram. Ergo & vt parallelogrammum  $IC$ , ad parallelogrammum  $ST$ , sic figura  $ABC$ , seu  $GIL$ , ad figuram  $ASZ$ , seu  $X\&Z$ . Quare & permutando, parallelogrammum  $IC$ , erit ad figuram  $GIL$ , vt parallelogrammum  $ST$ , ad figuram  $X\&T$ . Eodem modo ostendetur vt parallelogrammum  $IC$ , ad figuram  $GIL$ , sic  $FO$ , ad  $HMO$ , &  $PN$ , ad  $RPQ$ ; idemque ostenderetur de alijs si adessent. Quod pariter notetur.

Tunc si super parallelogrammis  $ST$ ,  $FO$ ,  $KQ$ , concipiantur parallelepipeda, quorum altitudines  $KF$ ,  $FS$ ,  $SB$ , & quorum tantum vnum  $BT$ , ad euitandam confusionem, delineauimus; erit in trunco dextero inferiori inscriptum quodam solidum ex parallelepipedis sibi superimpositis constans. Pariter si super  $X\&T$ ,  $HMO$ ,  $RPQ$ , intelligantur cylindrici, quorum altitudines  $GX$ ,  $XH$ ,  $HR$ , & quorum tantum  $TG$ , delineauimus; erit in trunco superiori sinistro inscriptum quodam solidum ex talibus prismatibus sibi superimpositis constans.

Quoniam autem parallelepipedum  $BT$ , ad prisma  $TG$ , habet, ex propof. 9. huius, rationem compositam ex ratione parallelogrammi  $ST$ , ad figuram  $X\&T$ , ( quæ supra probata est esse eadem cum ratione  $IC$ , ad  $GIL$  ) & ex ratione  $SB$ , ad  $GX$ ; nempe ex supra dictis, ex ratione  $AB$ , ad  $AG$ . Ergo tale parallelepipedum ad tale prisma habebit



habet rationem compositam ex ratione  $IC$ , ad  $GIL$ , & ex ratione  $AB$ , ad  $GA$ . Eodem modo ostendetur ex iisdem rationibus componi rationem parallelepipedii, cuius basis  $ME$ , altitudo  $FS$ , ad prisma, cuius basis  $HMO$ , altitudo  $XH$ ; pariter parallelepipedii, cuius basis  $PN$ , altitudo  $kF$ , ad prisma,

prisma, cuius basis  $RPQ$ , altitudo  $HR$ . Quare, & colligendo ut vnum ad vnum, ita omnia ad omnia. Ergo etiam ratio omnium parallelepipedorum inscriptorum in trunco dextero, ad omnes cylindricos inscriptos in trunco sinistro componetur ex iisdem rationibus parallelogrammi  $IC$ , ad figuram  $GIL$ , &  $AB$ , ad  $GA$ . Sed ut omnia parallelepipeda prædicta, ad omnes prædictos cylindricos, sic truncus dexter ad truncum sinistram, ut statim ostendetur. Quare ratio trunci dexteri ad truncum sinistram componetur ex iisdem rationibus. Sed ex iisdem rationibus componitur ratio parallelepipedi, cuius basis parallelogrammum  $IC$ , altitudo  $AB$ , quod idem est cum parallelepipedo, cuius basis  $BD$ , altitudo  $IB$ , ad cylindricum, cuius basis  $GIL$ , seu  $ABC$ , altitudo  $GA$ , seu  $IB$ ; & propter eandem altitudinem  $IB$ , parallelepipedum est ad cylindricum, ut basis  $DB$ , ad basim  $ABC$ . Ergo truncus dexter erit ad truncum sinistram ut  $DB$ , ad  $ABC$ . Quod erat ostendendum.

Quod vero ut omnia parallelepipeda inscripta in trunco dextero ad omnes cylindricos inscriptos in trunco sinistro ita sit truncus dexter, ad truncum sinistram, sic patet. Si non est, vel truncus ad truncum est in maiori ratione, vel in minori. Sit primo in maiori. Ergo aliquid trunco dextero minus, erit ad truncum sinistram in eadem ratione. Sit excessus penes  $M$ . (Licet sculptor non expresserit in schemate.) Diuidamus  $AB$ , bifariam, & rursum partes

partes bifariam, & hoc semper fiat donec tandem  
 deueniamus ad partem  $SB$ , adeo uo parallelepipedum,  
 cuius basis  $IC$ , altitudo  $BS$ , sit minus  $V$ , &  
 per puncta diuisionum fiat constructio, quæ prius  
 dicta est. Pariter super planis  $IC$ ,  $ST$ ,  $FO$ ,  $PN$ ,  
 in altitudinibus  $Ak$ ,  $kF$ ,  $FS$ ,  $SB$ , thente concipiamus parallelepipeda trunco, dextero, circumscripta.  
 Horum excessus supra parallelepipeda in trunco inscripta, erit æqualis parallelepipedo, cuius basis  $IC$ , altitudo  $BS$ , ut atente consideranti patebit; hoc enim schemate representare pareret nimiam confusionem. Patebit autem, quia sicut parallelepipedum, cuius basis  $IC$ , altitudo  $BS$ , superat parallelepipedum  $BT$ , quantitate duorum parallelepipedorum, quorum vnus est basis  $CT$ , seu  $BZ$ , altitudo  $IC$ , alterius, uero est basis  $ZC$ , altitudo  $IB$ ; sic aliud parallelepipedum circumscriptum, cuius basis  $TS$ , altitudo  $BS$ , superaret parallelepipedum inscriptum, cuius basis  $ME$ , altitudo  $FS$ , duobus solidis similibus prioribus, qui excessus traslatus ad parallelepipedum  $BT$ , relinqueret nobis de ipso parallelepipedum æquale parallelepipedo, cuius basis  $ME$ , altitudo  $FS$ . Hoc autem semper continuando, tandem de parallelepipedo  $BT$ , nobis relinqueretur vltimum parallelepipedum circumscriptum, nempe cuius basis  $PN$ , altitudo  $Ak$ ; quod tandem traslatum ad parallelepipedum  $BT$ , ipsum expleret. Redeamus ergo ad ordinem demonstrationis. Ergo, ex dictis, patet solida  
 cir-



circumscripta trunco dextero superare parallelepipedam ipso inscripta minori quantitate quam sit V. Ergo truncus dexter superabit ipsa solida inscripta multo minori quantitate quam sit VI. Ergo parallelepipedam in trunco dextero inscripta erunt ad truncum sinistrum adhuc in maiori ratione DB, ad ABC. Sed ut DB, ad ABC, sic probata sunt parallelepipedam in trunco dextero inscripta, ad cylindricos inscriptos in trunco sinistro. Ergo parallelepipedam inscripta in trunco dextero, ad truncum sinistrum erunt in maiori ratione quam ad cylindricos in ipso inscriptos. Quod implicat. Non ergo truncus ad truncum erit in maiori ratione. Idcirco, nulloque possit. Sed nec in minori. Nam tunc; ergo conuertendo truncus sinister erit ad truncum dexterum in maiori ratione quam ABC, ad DB. Ergo aliquid ipso minus erit ad truncum dexterum in eadem ratione. Sit rursus excessus penes V: & constructio, quæ facta fuit in trunco dextero fiat in trunco sinistro, adeo ut cylindricus, cuius basis GIL, altitudo GX, minus sit V. Ergo truncus sinister minus hoc cylindrico, erit ad truncum dexterum adhuc in maiori ratione: ABC, ad DB. At cylindrici in trunco sinistro inscripti minus deficiunt ab ipso, cylindrico cuius basis GIL, altitudo GX. Ergo cylindrici in trunco sinistro inscripti ad truncum dexterum sunt in multo maiori ratione, quam sit ea, quam habet ABC, ad DB; nempe quam sit eorundem, ad parallelepipedam in trunco dextero inscriptam. Quod

rursus

rursum implicat. Ergo in omnibus, & per omnia patuit truncum dexterum, esse ad truncum sinistrum vt DB, ad ABC. Quod erat ostendendum.

## SCHOLIUM.

Ex dictis ergo in præfenti propositione, & in proposit. 1. lib. primi, ac in schol. eiusdem, infertur quod si super qualibet infinitarum parabolarum, vel super quolibet infinitorum trilineorum concipiatur cylindricus rectus sectus diagonaliter, vt dictum est, infertur inquam truncum dexterum, esse ad truncum sinistrum, vt parallelogrammum parabolæ, seu trilineo circumscriptum, ad ipsam parabolam, seu trilineum. Hoc autem ostenditur etiam à Cavalerio exerc. 5. proposit. 16. Sed per egregiam indiuisibilium viam, & in quodam cylindrico particulari, in quo latus, seu altitudo ipsius æquetur diametro parabolæ, seu trilinei. Quæ proposit. ex schol. 3. proposit. 10. huius, potest ad vniuersalitatem reduci; quia cylindricorum rectorum super eadem basi existentium, cuiuscumque sint altitudinis, eodem modo diagonaliter resectorum, omnes trunci sunt ad inuicem in eadem ratione. Ex dictis ergo, & ex proposit. 1. lib. 1. habemus rationem horum truncorum ad inuicem. Truncus enim dexter cylindrici super parabola, ad truncum sinistrum, est in prima vt 2. ad 1. In secunda, vt 3. ad 2. In tertia vt 4. ad 3. & sic

Aa in in-


in infinitum: nempe ut numerus parabolæ unitate auctus, ad numerum parabolæ. Ex quibus potest concludi, quod componendo, totus cylindricus erit ad truncum sinistram, ut duplus numerus parabolæ unitate auctus, ad numerum parabolæ. Nempe in 1. ut 3. ad 1. In secunda ut 5. ad 2. In tertia ut 7. ad 3. & sic in infinitum.

Pariter truncus dexter cylindrici, super trilineo, erit ad truncum sinistram, ut numerus trilinei unitate auctus, ad unitatem. Nempe in primo, ut 2. ad 1. In secundo ut 3. ad 1. In tertio ut 4. ad 1. Vnde componendo, totus cylindricus erit ad truncum sinistram, ut numerus trilinei binario auctus ad ipsam unitatem, &c. ut clare patet.

### PROPOSITIO XIII.

*Si qualibet ex figuris antecedentis propositis, rotetur circa basim, alia circa basi parallelam ductam per verticem, Solidum rotundum circa tangentem in vertice, ad solidum rotundum circa basim, erit ut parallelogrammum circumscriptum figuræ, ad ipsam figuram.*

**R**otetur ergo figura  $ABC$ , circa basim  $BC$ , & circa  $AD$ , tangentem in vertice  $A$ . Dico solidum ex rotatione circa  $AD$ , esse ad solidum ex rotatione circa  $BC$ , ut  $DB$ , ad  $ABC$ . Nam super figura concepto cylindrico secto ut prius. Ergo truncus dexter, erit ad truncum sinistram ut  $DB$ ,  
ad



ad  $ABC$ . Sed ut truncus dexter ad truncum sinistrum, sic ex schol. 3. proposit. 10. huius, solidum ex figura  $ABC$ , circa  $AD$ , ad solidum ex eadem circa  $BC$ . (Nam truncus dextertalis sectionis, est æqualis trunco dextero eiusdem cylindrici secti pla-

Аз 2 по

no transeunte per BC, & per G, & truncus sinister, est æqualis trunco sinistro.) Ergo & ut DB, ad ABC, sic solidum ex ABC, circa AD, ad solidum ex eadem circa BC. Quod &c.


## SCHOLIUM I.

Cum ergo, ut supra dictum est, tam infinitæ parabolæ, quam infinita trilinea circa diametrum, sint figuræ conditionis supra expositæ, sequitur ex supra dictis, & ex quadratura infinitarum parabolarum, & infinitorum trilineorum à Cavalerio tradita, in parabolis annulum strictum parabolæ acceptum secundum rectitudinem basis, esse ad fustum parabolicum, ut numerus parabolæ unitate auctus, ad numerum parabolæ: nimirum in parabola lineari, esse ut 2. ad 1. In quadratica ut 3. ad 2. In cubica ut 4. ad 3. & sic in infinitum. Pariter in trilineis, solidum circa AD, ad solidum circa BC, erit ut numerus parabolæ unitate auctus, ad ipsam unitatem. Nempe in trilineo lineari ut 2. ad 1. In quadratico ut 3. ad 1. In cubico ut 4. ad 1. & sic in infinitum.

## SCHOLIUM II.

Cum ex scholio antecedenti habeamus modum compendiosum ostendendi cylindrum triplum esse coni super eadem basi, & circa eandem diametrum  
cum

cum ipso, ideo placet hunc modum in præsentī subnectere.



Est ergo rectangulum, cuius diameter AC, & triangulum ADC, rotetur circa DC, ut fiat conus ACE; rectangulumque AC, rotetur circa AB, ut fiat cylindrus FC. Conus GAC, ortus ex rotatione trianguli BAC, circa AB, est æqualis cono ACE; quia ambo coni oriuntur ex rotatione simili triangulorum æqualium, & similium. Sed solidum rotundum excautum CDAFG, ex schol. ant. est duplum conī ACE. Ergo erit duplum conī GAC. Ergo componendo cylindrus FC, erit triplus conī GAC. Quod &c.


-dub i n o l e r i q n i m b e r a n d t e n i q o e b i e t p a r t o  
**PROPOSITIO XIV.**

*Cylindrus circumscriptus fuso parabolico, est ad ipsum, ut rectangulum contentum sub dimidio numeri parabole unitate aucto, & sub duplo numero parabole unitate aucto, ad quadratum numeri parabole. Vel ut rectangulum contentum sub numero parabole unitate aucto, & sub numero parabole aucto dimidia unitate, ad idem quadratum numeri parabole. Ad annulum vero strictum eiusdem parabole acceptum secundum rectitudinem basis, ut numerus parabole auctus dimidia unitate, ad numerum parabole.*

**E**sto quaelibet semiparabola  $ABF$ , cuius axis  $BF$ , & ei sit circumscriptum parallelogrammum  $DBF$ , quod cum ipsa intelligatur rotari circa  $AF$ . Dico cylindrum ex  $DBF$ , esse ad semifusum  $BAF$ , in rationibus praedictis, & ut exemplificabitur in sequentibus. Et pariter sic esse ad solidum ex eadem semiparabola circa  $DB$ . Quod enim hic dicetur de semifolidis, verificabitur etiam de integris solidis iuxta titulum propositionis.

Tam super parallelogrammo, quam super semiparabola intelligantur cylindrici  $kF$ ,  $BAFEOC$ , qui intelligantur secti plano diagonaliter transeunte per  $AF$ , & per  $kO$ . Ergo uterque cylindricus diuidetur in duos truncos, quorum illi cylindrici super parallelogrammo erunt prismata aequalia. Quoniam

niam prisma  $AFBDKO$ , nempe truncus sinister cylindrici super parallelogrammo, ad truncum  $ABFO$ , sinistram cylindrici super semiparabola, habet rationem compositam ex ratione prismatis ad totum cylindricum super semiparabola, & huius ad suum truncum sinistram; & ut prisma ad talem cylindricum, sic dimidium numeri parabole aucti unitate ad numerum parabole (quia cum totus cylindricus  $kF$ , sit ad talem cylindricum ut basis  $DF$ , ad basim  $ABF$ ; nempe ut numerus parabole unitate auctus, ad numerum parabole; erit etiam dimidium cylindrici  $kF$ , nempe prisma predictum, ad cylindricum super  $ABF$ , ut dimidium numeri parabole aucti unitate, ad numerum parabole.) Pariter cylindricus super  $ABF$ , ad suum truncum sinistram, est ex schol. proposit. 12. huius; ut duplus numerus parabole auctus unitate, ad ipsum numerum parabole. Ergo ratio prismatis ad truncum fini-






sinistrum cylindrici super  $ABF$ , componetur ex  
ijfdem rationibus; nempe ex ratione dimidij n  
umeri parabolæ aucti vnitate, ad numerum parabolæ; &  
ex ratione dupli nu-

meri parabolæ aucti  
vnitate, ad ipsum nu-  
merum parabolæ. At  
ex ijfdem rationibus  
componitur ratio et-  
iam rectanguli conten-  
ti sub dimidio numeri  
parabolæ vnitate au-  
cti, & sub duplo nu-  
mero parabolæ aucto  
vnitate, ad quadratum  
numeri parabolæ. Er-  
go & prisma ad illum  
truncum sinistrum, e-  
rit vt rectangulum præ-  
dictum, ad prædictum  
quadratum. At ex  
schol. 3. propof. 10. hu-

ius, etiam prisma est ad illum truncum sinistrum, vt  
cylindrus ex  $DF$ , circa  $AF$ , ad solidum rotun-  
dum ex  $ABF$ , circa  $AF$ . Ergo & cylindrus cir-  
cumscriptus fuso parabolico, erit ad ipsum vt prædi-  
ctum rectangulum ad quadratum numeri parabolæ.  
Paret ergo primum.

Secundum facilliter probatur: Quia rectangu-  
lum




lum sub dimidio numeri parabolæ aucti vnitare, & sub duplo numero parabolæ aucto vnitare, æquatur rectangulo sub numero parabolæ aucto vnitare, & sub eodem numero parabolæ aucto dimidia vnitare. Quare patet secundum.

Tertium sic probatur. Quoniam enim in antec. propos. & in schol. i. ei annesso probatum est, fustum ex  $BAF$ , circa  $AF$ , ad annulum strictum ex eadem circa  $DB$ , esse vt numerus parabolæ, ad numerum parabolæ auctum vnitare: & vt numerus parabolæ ad numerum parabolæ auctum vnitare, sic quadratum numeri parabolæ ad rectangulum sub numero parabolæ vnitare aucto, & sub numero parabolæ. Ergo & fustus ad annulum, erit vt quadratum numeri parabolæ, ad rectangulum sub numero parabolæ vnitare aucto, & sub numero parabolæ. Sed in secunda parte propositionis probatum est, cylindrum ex  $DF$ , circa  $AF$ , esse ad fustum vt rectangulum sub numero parabolæ vnitare aucto, & sub eodem numero parabolæ aucto dimidia vnitare. Ergo ex æquali, cylindrus ex  $DF$ , circa  $AF$ , seu  $DB$  (quia idem cylindrus oritur) erit ad annulum strictum ex  $BAF$ , circa  $DB$ , vt rectangulum sub numero parabolæ aucto vnitare, & sub numero parabolæ aucto dimidia vnitare, ad rectangulum sub numero parabolæ, & sub numero parabolæ aucto vnitare; nempe propter commune latius numerum parabolæ auctum vnitare, vt numerus parabolæ auctus dimidia vnitare, ad numerum

parabolæ. Quare patet tertium, &c. Quod  
&c.

## SCHOLIUM I.

Sed expedit in numeris rem exemplificare, ut eliciamus ex dictis, pulchram seriem, quæ reperitur in proportione cylindri ad prædictos annulos strictos. In prima ergo parabola, numerus parabolæ est 1, qui auctus unitate facit 2; cuius dimidium est 1, duplus autem numerus parabolæ unitate auctus facit 3, qui ductus in 1, facit 3; quadratum vero numeri parabolæ est 1. Ergo cylindrus erit ad primum fustum, qui est Rhombus conicus, & primus semicylindrus ad primum semifusum, qui est conus, ut 3. ad 1. Ex quibus patet etiam nunc cylindrum triplum esse conii &c. In secunda dimidium numeri parabolæ aucti unitate est 1, cum dimidio, duplus



numerus parabolæ auctus vnitatem est 5. rectangulum sub his est 7. cum dimidio: quadratum numeri parabolæ est 4. Ergo cylindrus erit ad secundum fustum, ut 7. cum dimidio ad 4; nempe ut 15. ad 8. In tertia dimidium est 2; duplus 7. rectangulum 14; quadratum 9. Ergo cylindrus erit ad tertium fustum ut 14. ad 9. Et sic poterimus in infinitum procedere. Eadem rectangula antecedentia colligemus si iuxta secundam partem propositionis multiplicabimus numerum parabolæ auctum vnitatem, in numerum parabolæ auctum dimidia vnitatem, ut clare patet.

## SCHOLIUM II.

Ex dictis licet colligere, quod in proportionibus cylindri ad fustum non habemus aliquam pulchram seriem, quam tamen habemus in proportionibus cylindri ad annulum. Hæc autem talis est; quod series rationum proportionum est ut series omnium numerorum imparium incipientium ab vnitatem exclusivè, ad omnes numeros pares incipientes à binario inclusivè; adeo ut consequens proportionis deficiat à suo antecedenti vnitatem. Ita ut cylindrus ad annulum primum sit ut 3. ad 2. Ad secundum ut 5. ad 4. Ad tertium ut 7. ad 6. Ad quartum ut 9. ad 8. & sic in infinitum. Quod facile conspicietur ex tertia parte presentis propositionis. Cum enim probatum sit cylindrum esse ad annulum ut numerus parabolæ auctus


dimidia vnitate, ad ipsum numerum parabolæ. Ergo & vt duplum ad duplum. Nempe cylindrus erit ad annulum, vt duplus numerus parabolæ auctus vnitate, ad duplum numerum parabolæ. Verum cum progressio parabolarum sit vt series numerorum naturalium incipientium ab vnitate inclusiue 1. 2. 3. 4. &c. Patet seriem dupli numeri parabolæ esse 2. 4. 6. 8. &c. Et seriem dupli numeri parabolæ aucti vnitate esse 3. 5. 7. 9. &c. Quare patet propositum.

### SCHOLIUM III.

Ex dictis in antec. schol. faciliter possumus deducere, & inuenire rationem cylindri circumscripti ad omnes conicos ortos ex reuolutione infinitorum trilineorum ABD, circa diametrum BD. Cum enim probatum sit, cylindrum ex parallelogrammo DF, circa DB, esse ad annulos ex figura ABF, circa DB, vt omnes numeri impares incipientes ab vnitate exclusiue, ad omnes numeros pares incipientes à binario inclusiue. Etiam per conuersionem rationis, cylindrus ad conicos infinitorum trilineorum ABD, circa BD, erit vt omnes prædicti numeri impares, ad vnitatem. Ergo cylindrus erit ad primum conicum, qui est conus vt 3. ad 1. Ad secundum vt 5. ad 1. Ad tertium vt 7. ad 1. & sic in infinitum: nempe vt duplus numerus conici vnitate auctus, ad vnitatem.

SCHO-

## SCHOLIUM IV.



PROPOSITIO XVII

Ex doctrina tradita in scholio antec. possumus  
 supplere eo, in quo deficit propositio. 5. huius; nem-  
 pe possumus assignare rationem, quam habet quod-  
 libet ex prædictis segmentis conicis, ad cylindrum  
 sibi circumscriptum. Ratio autem, quæ reperitur  
 inter prædicta solida est, quod segmentum ad cy-  
 lindrum sibi circumscriptum sit ut tot continuè pro-  
 portionales in ratione diametri totius conici, cuius  
 est segmentum, ad diametrum conici ad verticem,  
 incipiendo à diametro totius conici, ut earum nu-  
 merus sit duplus unitate auctus numeri conici, ad tot  
 diame-

diametros totius conici, quot sunt ipsæ. V.g. in  
 schema proposit. 5. In primo conico, segmentum  
 AHkC, erit ad cylindrum GC, vt EB, BD,  
 cum L, ad tres EB. In secundo vt EB, BD,  
 cum tribus alijs harum continuè proportionalibus,  
 ad 5. EB. In tertio vt EB, BD, cum alijs 5. pro-  
 portionalibus ad 7. EB, & sic in infinitum. Ratio  
 est, quia ex præcitata proposit. frustum ad conicum  
 ADC, est vt numerus illarum proportionalium  
 ad EB. Ex conuerso autem scholij antecedentis,  
 conicus ADC, est ad cylindrum GC, sibi cir-  
 cumscriptum, vt vnitas ad omnes numeros impares  
 successiuè, nempe 3. 5. 7. &c. nempe ad duplum  
 numerum conici vnitate auctum; nempe vt BE, ad  
 3. 5. 7. BE, &c. Ergo ex æquali patet propo-  
 situm.

## PROPOSITIO XV.

Cylindrus circumscriptus qualibet conoidi parabolico, est ad  
 ipsum, vt numerus parabole auctus binario, ad nume-  
 rum parabole. Aut solidum vero ortum ex revolutione  
 semiparabole circa parallelam ipsius axi ductam per ex-  
 tremum punctum basis, erit vt numerus rectanguli  
 contenti sub numero parabole aucto vnitate, & sub nu-  
 mero parabole aucto binario, ad numerum minorem se bi-  
 nario.






verò super semiparabola in sinistrum ABFO, & dexterum OCEFA. Prisma verò, seu truncus sinister cylindrici super parallelogrammo, est æqualis duobus truncis sinistris simul; nempe cylindricorum super trilineo, & super semiparabola; sicuti etiam prisma dexterum æquatur duobus truncis dexteris prædictorum cylindricorum; ut clare patet. Quoniam autem cylindricus super parallelogrammo, est ad cylindricum super trilineo, ut basis ad basin; nempe ut parallelogrammum ad trilineum; nempe ut numerus parabolæ auctus unitatē ad unitatem; ergo & prisma, quod est dimidium cylindrici super parallelogrammo, erit ad cylindricum super trilineo, ut dimidium numeri parabolæ aucti unitate, ad unitatem. Pariter cylindricus super trilineo, est ad eius truncum sinistru, ut numerus parabolæ binario auctus; ad numerum parabolæ auctum unitate; ut elicitur ex proposit. 12. huius, & eius scholio; quia truncus sinister huius casus, est truncus dexter illius; ut consideranti patet. Quare cum ratio prismatis ad truncum sinistru cylindrici super trilineo componatur ex ratione prismatis ad cylindricum super trilineo, & huius ad suum truncum sinistru, componetur quoque ex ratione dimidij numeri parabolæ aucti unitate ad unitatem, & ex ratione numeri parabolæ aucti binario, ad numerum parabolæ auctum unitate; nempe prisma erit ad tale truncum, ut rectangulum sub dimidio numeri parabolæ aucti unitate, & sub numero parabolæ

aucto

aucto binario ( hoc est vt rectangulum contentum sub numero parabolæ aucto vnitare , & sub dimidio numeri parabolæ aucti binario ) ad rectangulum sub vnitare , & sub numero parabolæ aucto vnitare

Sed talia rectangula propter æquale latus numerum parabolæ auctum vnitare , sunt ad inuicem vt dimidium numeri parabolæ aucti binario , ad vnitatem ; nempe vt numerus parabolæ auctus binario ad binarium . Ergo & prisma erit ad truncum sinistrum cylindrici super trilineo , vt numerus parabolæ auctus binario , ad ipsum binarium . Quare & per

conuersionem rationis , prisma idem ad truncum sinistrum cylindrici super semiparabola , erit vt numerus parabolæ auctus binario , ad ipsum numerum parabolæ . Sed ex schol. 3. proposit. 10. huius , vt tale prisma ad talem truncum sinistrum , sic cylindrus ex DF, circa AF, ad conoides parabolicam ex BAF , circa AF. Quare , & cy-




Cc

lindrus

lindrus erit ad conoidem vt numerus parabole auctus binario, ad numerum parabole. Quod primo probandum erat.

Secunda pars probatur retenta eadem constructione. Prisma dexterum ad truncum dexterum cylindrici super trilineo, habet rationem compositam ex ratione ipsius ad cylindricum super trilineo; & huius ad suum truncum dexterum. Prisma ad cylindricum super trilineo, probatum est esse vt dimidium numeri parabole aucti vnitate ad vnitatem; cylindricus vero super trilineo est ad suum truncum dexterum, ex dictis in proposit. 12. & in schol. eiusdem (quia truncus dexter huius casus est sinister illius propositionis) vt numerus parabole auctus binario, ad vnitatem. Ergo ratio prismatis ad illud truncum dexterum componetur etiam ex prædictis rationibus. Sed ex dictis rationibus componitur etiam ratio rectanguli contenti sub dimidio numeri parabole aucti vnitate, & sub numero parabole aucto binario (nempe rectanguli sub numero parabole aucto vnitate, & sub dimidio numeri parabole binario aucti) ad quadratum vnitatis; nempe ad vnitatem. Quare illud prisma erit ad truncum dexterum cylindrici super trilineo vt rectangulum sub numero parabole aucto vnitate, & sub dimidio numeri parabole aucti binario, ad vnitatem; nempe vt rectangulum contentum sub numero parabole aucto vnitate, & sub eodem numero aucto binario (quod rectangulum est duplum prioris) ad bina-

binarium . Ergo & per conuerſionem rationis , priſma erit ad truncum dexterum cylindrici ſuper parabola , vt numerus reſtanguli contenti ſub numero parabola aucto vnitare , & ſub numero parabola aucto binario , ad numerum minorem ſe binario . At ruruſum ex ſchol. 3. propoſit. 10. huius , vt priſma ad truncum dexterum cylindrici ſuper ſemiparabola , ſic cylindrus ex  $DF$  , ad ſolidum ex  $BAF$  , reuolutis ambabus figuris circa  $DB$  . Ergo patet etiam ſecundum .



## SCHOLIUM I.

Ex prima parte propoſitionis præſentis remanent probatæ duæ concluſiones , quæ ab Archymede , & ab alijs authoribus particulariter probantur : nimirum cylindrum triplum eſſe coni , & duplum conoidis parabolici quadratici , quorum eadem baſis ,

Cc 2

idem-

idemque axis cum cylindro, vt clare patet. Imo cylindrum triplum esse coni, probatur etiam ex secunda parte propositionis.

## SCHOLIUM II.

Pariter etiam in præsentî proposit. habemus modum, quo satisfaciamus eo, in quo deficit proposit. 4. huius. Nimirum habemus modum assignandi rationem, quæ reperitur inter quodlibet segmentum cuiuscumque conoidis parabolici comprehensum duobus planis basi parallelis, & inter cylindrum ei circumscriptum. Cum enim ibidem probatum sit frustum quodcumque tale, ad illud conoides eiusdem generis, quod includit, esse vt tot continuè proportionales in proportionē semidiametri maioris basis frusti ad semidiametrum minoris basis, incipiendo à prima, quotus est numerus conoidis auctus binario, ad tot talium proportionalium incipiendo itidem à prima, quotus est numerus conoidis duabus ultimis minoribus exceptis; hoc est ad tot proportionales quotus est numerus conoidis: & cum in præsentî proposit. probatum sit conoides parabolicum esse ad cylindrum sibi circumscriptum, vt numerus parabolæ, ad numerum parabolæ auctum binario; nempe vt sunt prædictæ proportionales ad talem magnitudinem, quæ ad ipsas sit vt numerus parabolæ binario auctus ad ipsum numerum parabolæ. Sequitur ex æquali, segmentum, seu frustum

stum esse ad cylindrum sibi circumscriptum, ut tot proportionales in proportionē prædicta, quotus est numerus conoidis binario auctus, ad magnitudinem, quæ sit ad easdem proportionales, duabus ultimis minoribus exceptis, ut numerus parabolæ binario auctus ad numerum parabolæ. V. g. conuertendo, in primo conoide, frustum  $AHKC$ , erit ad cylindrum  $GC$ , ut  $AE$ ,  $HD$ , cum tertia proportionali, ad tres  $AE$ . In secundo, ut  $AE$ ,  $HD$ , cum duabus alijs harum continuè proportionalibus, ad duas  $AE$ , cum duabus  $HD$ . In tertio ut  $AE$ ,  $HD$ , cum tribus proportionalibus ad magnitudinem, quæ sit ad  $AE$ ,  $HD$ , cum tertia proportionali ut  $1$ , ad  $3$ . Et sic in infinitum.

### SCHOLIUM III.

Per ea ergo, quæ vsque modo ostensa sunt, patet in parte ampliari posse doctrinam Andreæ Tacquet nobilis, & acutissimi Geometræ, traditam in suo opere supra citato. Cum enim lib. 1. part. 2. proposit. 32. patefaciat, portionem cylindrici parabolici per axem baseos, & punctum in latere abscissam, pyramidis sibi inscriptæ sesquialteram esse; ac proinde tradat cubationem talis portionis; haud postea nobis manifestat proportionem portionis cylindrici per basim parabolæ, & punctum in latere, ad pyramidem sibi inscriptam. Et hoc fortassis, quia nequaquam habebat proportionem cylindri  
ad

ad fufum parabolicum quadraticum ; quam proportionem fubtiliffimus Keplerus geometris propofuit Inueftigandam in fua ſteriomertia doliorum , & quam primus omnium adinuenit Caualerius, quamque nos docuit in exercit. 4. propofit. 24; quæ proportio forſitam erat Tacquet neceſſaria ſcitu pro cubanda tali portione cylindrici . Vel ergo Tacquet haud vidit exercitationes Caualerij impræſſas anno 1647 (ſicuti nec nos vidimus opus Tacquet impræſſum anno 1651, niſi anno 1658:) Vel ſi vidit, attamen Caualerianam doctrinam non approbavit, vtpote per indiuiſibilia procedentem . Cum ergo fortaffis careret modo ipſam oſtendendi more antiquorum (vt ſæpe accidit, quia non omnes poſſunt omnia adinuenire) vt factis comprobaret, quæ verbis expreſſit de indiuiſibilibus in ſchol. propofit. 12. primæ partis lib. 1. & alibi, eam libenter omiſit. Si ergo Tacquet recepiffet doctrinam Caualerij per indiuiſibilia procedentem, potuiſſet non modo cubare portionem cylindrici parabolici ſuper quacumque infinitarum parabolarum per baſim parabolæ, & punctum in latere ; ſed etiam exijs, quæ in eadem exercit. 4. Caualerij tradunt ipſe, & Beugrand, potuiſſet cubare ſegmenta portionis cuiuſcumque cylindrici parabolici reſectæ planis ſectioni maximæ parallelis. Imo ex doctrina tradita à Caualerio potuiſſet etiam cubare, & portionem cylindrici ſuper hyperbola per baſim hyperbolæ, & punctum in latere ; & ſegmenta huius portionis reſectæ planis

planis sectioni maxime parallelis ( supponendo tamen hyperbolę quadraturam , vt facit Caualerius ; de quibus fortassis & nos aliquando , dum assignabimus centrum grauitatis hyperbolę , & in qualinea diametro parallela sit centrum grauitatis semihyperbolę supposita hyperbolę quadratura , de quibus nullus geometra , quod sciamus , vsque modo locutus est ; quibus in cubationibus videtur deficere opus Tacquet ; nam in suo opere de propositionibus , & cubationibus prædictis verba non habet . Sed etiam , per à nobis ostensa , partim potest suppleri multis , & pluribus satisfiet ex dicendis imposterum . Imo multis etiam satisfiet , quibus non licet satisfacere ex traditis à Caualerio , vt patebit inferius . Ex dictis autem à nobis , & ex dicendis magis habet Tacquet vnde sibi satisfaciat , quam ex traditis à Caualerio . Nam in parabola quadratica non est opus per indiuisibilia procedere . Cum enim ea omnia , quę circa illa solida à nobis ostensa sunt dependeant à quadratura infinitarum parabolarum ; & omnia , præter parabolarum quadraturam , ostensa sint à nobis more antiquorum , & parabolę quadraticę habeamus penes innumeras quadraturas ab authoribus more antiquorum assignatas . Ergo ea omnia , quę à nobis ostensa sunt , in parabola quadratica tradita fuere more antiquorum ; nec de ipsis potest Tacquet hæsitare . Cum ergo veterum more teneamus rationem cylindri ad fustum parabolicum quadraticum , & ad segmentum conoidis parabolici quadratici ,



tici, more etiam veterum habebimus cubationem  
portionis cylindrici parabolici per basim parabolæ,  
& punctum in latere abscissæ. Item cubationem  
portionis cylindrici super segmento parabolæ con-  
tento inter duas lineas basi parallelas abscissæ per  
axim segmenti, & punctum in latere. Sed hæc, &  
alia proprijs parebunt locis.

**Explicit Liber Secundus.**



# DE INFINITIS PARABOLIS, ETC.



## LIBER TERTIVS.



**C**avalierius in sæpe citatis exercitationibus geometricis, exerc. 5. explicando naturas, passionisque infinitarum parabolarum, ulterius procedit, variaque de attrinentibus ad earum centra gravitatis pronuntiat: ex quibus plurima colligit pro sua doctrina de vniuniformiter difformiter grauibz, &c. Sed ante omnia, præmittit insignem quandam propositionem, & à se per indiuisibilia, & ab eximio Torricellio sine indiuisibilibz, ostensam: Propositio Cavalierij est vniuersalior, sed vt ipsemet bene aduertit, etiam propositio Torricellij ad eandem vniuersalitatem potest reduci. Propositio ergo ista, quam habet Cavalierius exercit. 5. proposit. 17. quam & nos probabimus, demonstrationem Torricel-

Dd

lij

lij repetendo, eamque vniuersalissime proponendo, sequens est.


## PROPOSITIO I.

*Si super qualibet figura circa diametrum intelligatur cylindricus rectus, sectus diagonaliter modo saepe supra explicato. Truncus dexter, erit ad truncum sinistrum reciproce ut partes diametri figura resecta à centro grauitatis.*

**S**uper qualibet figura OFG, circa diametrum FN, siue sit in alteram partem deficiens, siue in ambas, siue in nullam, sit cylindricus rectus.

ABCGOF, sectus diagonaliter plano transeunte per AC, & per F, & sint E, P, centra grauitatis figurarum oppositarum. Dico truncum dexterum, esse ad truncum sinistrum reciproce ut FP, ad PN. Ducantur rectæ BF, EP, DN, DF, & à medijs punctis ipsarum BF, DN, nempe I, k, rectæ ID, kF, nec-

non



non Ik, secans EP, in L. Erunt itaque BF, EP, DN, inter se parallelæ, quia iungunt æquales, & parallelas. Ob eandem rationem, erunt parallelæ BD, IK; IK, FN; DI, kF. Quoniam vero DI, bifariam fecit BF, & ideo bifariam quoque secabit omnes in triangulo DBF, ipsi BF, æquidistantes, quæ sunt diametri parallelogrammorum in solido ABCF, plano AG, parallelorum, ut clare patet. Ergo ID, transibit per centrum gravitatis vniuscuiusque illorum; ac proinde in eadem ID, erit centrum gravitatis trunci sinistri ABCF. Hoc supponatur esse M. Eodem modo ostendemus in FK, esse centrum gravitatis trunci dexteri. Cum ergo L, medium punctum EP, sit centrum gravitatis, totius cylindrici; ergo si ab M, per L, producat MLH, usque ad Fk, cui incidat in H, erit H centrum gravitatis trunci dexteri, ut elicitur ex Archi. p. æquip. proposit. 8. Quia ergo triangula MIL, LHk, sunt similia, propter parallelas DI, kF, ideo ut ML, ad LH, ita IL, ad Lk. Sed ut ML, ad LH, sic reciproce truncus dexter, ad truncum sinistram, ex eodem Archi. ibidem proposit. 6. & 7. Ergo & ut FP, ad PN, sic reciproce truncus dexter, ad truncum sinistram. Quod &c.

## SCHOLIUM.


Vt diximus supra, hæc propositio est vniuersalissima, adeo vt comprehendat omnes figuras circa diametrum. Quamuis autem supposuerimus planum transire per  $AC$ , & per  $F$ , nihilominus idem concludetur etiam si planum secans transeat per  $OG$ , & per  $B$ ; truncus enim dexter, erit ad truncum sinistrum reciproce vt  $FP$ , ad  $PN$ . Cylindricus enim sectus siue vno, siue altero modo, semper secatur in truncos, quorum dexter, sicuti & sinistri, sunt inter se æquales. Notetur autem, non modo hanc propositionem veram esse, sed etiam eius conuersam, vt ait Caualerius ibidem in corollario; nimirum, quod centrum grauitatis figuræ circa diametrum sic diametrum secat, vt partes ipsius, sint in ratione reciproce cum truncis cylindrici.

## PROPOSITIO II.

*Centrum grauitatis figuræ propositæ. 12. secundi libri, sic diuisio eius axim, vt pars ad verticem, sit ad reliquam vt parallelogrammum circumscriptum figuræ ad ipsam figuram.*

**S**it quælibet talis figura  $ABD$ , cuius diameter  $BE$ , centrum grauitatis  $O$ . Dico esse vt  $BO$ ,

BO, ad OE, sic  
 parallelogrammum  
 FD, ad figuram  
 ABD. Hoc faci-  
 le patet; quia ex  
 prædicta proposi-  
 parallelogrammum  
 FD, est ad figu-  
 ram, ut truncus  
 dexter ad truncum  
 sinistram. Sed ex  
 proposi. anteced.  
 ut truncus dexter  
 ad truncum sini-  
 strum, sic BO,  
 ad OE. Ergo ut  
 BO, ad OE, sic  
 FD, ad ABD.  
 Quod &c.




# SCHOLIUM I.

Cum ergo ex dictis in primo, & secundo libro,  
 tam infinitæ parabolæ, quam infinita trilinea, sint  
 figuræ

figuræ prædictæ conditionis; ergo centra granitatis, seu æquilibrj ipsarum, secabunt earum axes in prædicta ratione. Hanc propositionem probat etiam Caualerius, loco supra citato, particulariter in parabolis, & trilineis; ex quibus, & ex quadratura infinitarum parabolarum, & infinitorum trilineorum, deducit in primo corollario id, quod etiam nos possumus deducere. Nimirum in primo trilineo, centrum grauitatis eius duplicati ad partes diametri, seu centrum æquilibrj eiusdem, sic secare eius diametrum, vt pars ad verticem, sit ad reliquam, vt 2. ad 1. In secundo, vt 3. ad 1. In tertio vt 4. ad 1. & sic deinceps in infinitum aucto antecedente vnitate, & retenta vnitate pro consequente. In prima vero parabola sic diuidit diametrum, vt pars ad verticem, sit ad reliquam vt 2. ad 1. In secunda, vt 3. ad 2. In tertia vt 4. ad 3. & sic in infinitum, auctis semper tam antecedente, quam consequente vnitate. Vnde in trilineo, est pars diametri ad verticem terminata, ad reliquam, vt numerus trilinei vnitate auctus, ad vnitatem. Et componendo, tota diameter est ad eius partem ad basim terminatam, vt numerus parabolæ binario auctus, ad vnitatem. In parabola autem, est pars diametri terminata ad verticem, ad reliquam, vt numerus parabolæ vnitate auctus, ad numerum parabolæ. Et componendo, tota diameter est ad partem ad basim terminatam, vt duplus numerus parabolæ vnitate auctus, ad numerum parabolæ.

SCHO-

## SCHOLIUM II.



His probatis ulterius pergit Cavalierius, ostendens in proposit. 20. in qua linea sit centrum gravitatis cuiuslibet semiparabolæ. Inquit ergo, quod si H, sit centrum gravitatis duplicati trilinei FAD, seu



scû æquilibrij solius trilinei ADE (quod enim est centrum gravitatis duplicati, est centrum æquilibrij simpli) & DC, sic diuidatur in K, vt sit sicut AE, cum EH, ad AH, sic Dk, ad kC, quod k, erit centrum æquilibrij semiparabolæ; & consequenter, quod in linea ducta per k, AC, parallela, erit centrum gravitatis semiparabolæ. Ex quibus potest concludi, quod in prima parabola, erit DK, ad KC, vt 4. ad 2. In secunda vt 5. ad 3. In tertia vt 6. ad 4. & sic deinceps in infinitum, auctis vtrisque terminis vnitate; vnde antecedens talis proportionis, erit numerus parabolæ auctus ternario, consequens vero erit numerus parabolæ auctus vnitate. Ex quibus patet, quod iunctis simul ambabus partibus basis DC, ipsa erit ad Ck, vt duplus numerus parabolæ quaternario auctus, ad numerum parabolæ auctum vnitate. Vnde in vnaquaque semiparabola, eius semibasis talium partium, in quas diuiditur à centro æquilibrij semiparabolæ, aptè explicatur per duplum numerum parabolæ quaternario auctum, & eius dimidia per numerum parabolæ binario auctum. In prima enim parabola 4. & 2. faciunt 6; nempe duplum numerum parabolæ cum quaternario. In secunda 5. & 3. faciunt 8. In tertia 6, & 4, faciunt 10. qui numeri continent numerum parabolæ duabus vicibus, & quaternarium; & sic in infinitum.


## PROPOSITIO III.

*Si circa eundem axim sint due figurae, quae rotentur sic ut radius figura sit axis rotationis, Ratio unius solidi orti ex tali rotatione, ad solidum aliud ex eadem genitum, componetur ex ratione figurae ad figuram, & ex ratione interceptae inter centra rotationis, & gravitatis unius figurae, ad similem interceptam alterius figurae.*

**S**int quaelibet figurae  $ABD$ ,  $FCD A$ , circa axem  $BE$ , quarum centra gravitatis  $P$ ,  $O$ ;  $P$ , quidem ipsius  $FD$ ;  $O$ , vero ipsius  $ABD$ . Dico rationem solidi ex  $FD$ , circa  $DA$ , ad solidum ex figura  $ABD$ , circa  $DA$ , componi ex ratione  $FD$ , ad  $ABD$ , & ex ratione  $EP$ , ad  $EO$ . Et pariter rationem solidi ex  $FD$ , circa  $FC$ , ad solidum ex  $ABD$ , circa  $FC$ , componi ex ratione figurae ad figuram, & ex ratione  $BP$ , ad  $BO$ . Super figuris intelligantur cylindrici recti æquealti secti diagonaliter plano transeunte per  $AD$ , & per  $Gk$ , more solito. Hoc planum secabit duos cylindricos in truncos dexteros, & sinistros ut patet. Tunc, quoniam ratio trunci  $AFCDKG$ , ad truncum  $ABDH$ , componitur ex ratione ipsius ad cylindricum super  $FD$ ; huius ad cylindricum super  $ABD$ ; & huius ad prædictum suum truncum sinistram: & cum sit ut prædictus truncus fini-

E c      ster

ster  $AFC DKG$ , ad truncum sinistrum  $ABDH$ ,  
 sic ex scholio 3. proposit. 10. secundi huius, soli-  
 dum ex figura  $FD$ ,  
 circa  $AD$ , ad so-  
 lidum ex  $ABD$ ,  
 circa eandem. Er-  
 go, & rationes ho-  
 rum solidorum ro-  
 tundorum compo-  
 nentur ex iisdem  
 rationibus. Verum  
 quoniam ex pro-  
 posit. 1. huius. com-  
 ponendo, & con-  
 uertendo, truncus  
 sinister cylindrici  
 super  $FD$ , est ad  
 totum cylindricum  
 super  $FD$ , vt  $PE$ ,  
 ad  $BE$ ; & cylin-  
 dricus super  $FD$ ,  
 est ad cylindricum  
 super  $ABD$ , vt  
 $FD$ , ad  $ABD$ ;  
 & pariter cylindri-  
 cus super  $ABD$ , est  
 ad suum truncum sinistrum ex præcitata proposit. 1.  
 componendo, vt  $BE$ , ad  $EO$ . Ergo solidum ex  
 figura  $FD$ , ad solidum ex figura  $ABD$ , ambabus  
 reuo-



reſolutis circa  $AD$ , habebit rationem compoſitam  
ex rationibus  $PE$ , ad  $EB$ ; huius ad  $EO$  (nempe  
ex ratione ſola  $PE$ , ad  $EO$ ) & ex ratione  $FD$ , ad  
 $ABD$ . Eodem modo probaretur ſolidum ex  $FD$ ,  
circa  $FC$ , ad ſolidum ex figura  $ABD$ , circa  $FC$ ,  
componi ex ſupra dictis rationibus. Quare patet  
propoſitum.

## SCHOLIUM I.


Patet ergo ex dictis, quod ſi  $FD$ , ſit parallelogram-  
mum: cylindrus ex ipſo erit ad ſolidum ex altera fi-  
gura in ratione compoſita ex ratione parallelogram-  
mi ad figuram; & ex ratione dimidij parallelo-  
grammi ad prædictam interceptam; quia centrum  
grauitatis parallelogrammi eſt in medio axis. Vel  
aliter, ratio cylindri ad ſolidum componetur ex ra-  
tione dimidij parallelogrammi, ad alteram figuram,  
& ex ratione totius axis, ad illam interceptam.  
Nam priores rationes ſunt eadem cum poſteriori-  
bus, vt clare patet.

## SCHOLIUM II.

Ex dictis ergo in præſenti propoſitione licet no-  
bis animaduvertere, tres eſſe proportionem, duabus  
quarum datis, ſtatim altera elicitur. Hæ autem ſunt;  
ratio cylindri ex  $FD$ , circa  $AD$ , vel  $FC$ , ad alte-  
rum ſolidorum rotundorum ex figura  $ABD$ , vno,

Ec 2 vel

vel altero modo reuoluta; ratio parallelogrammi ad figuram; & ratio EB, ad EO, vel BO; vel ratio dimidiæ BE, ad EO, vel BO. Datis enim rationibus parallelogrammi ad figuram, & dimidiæ BE, ad alteram ipsarum EO, BO, statim datur ratio cylindri ex FD, ad alterutrum solidorum rotundorum ex figura. Pariter datis rationibus cylindri ad solidum rotundum ex figura, & parallelogrammi ad figuram, si hæc subtrahatur à ratione cylindri ad solidum rotundum; relinquetur ratio dimidiæ EB, ad BO, vel OE; & consequenter dabitur centrum gravitatis figuræ. Si vero dentur rationes cylindri ad solidum, & dimidiæ



EB, ad BO, vel EO, quæ subtrahatur à ratione cylindri-

cylindri ad solidum ; relinquetur ratio parallelogrammi ad figuram , & consequenter figuræ quadratura . Imo ex dictis aduertatur etiam , quod si dentur proportionēs parallelogrammi  $FD$ , ad figuram  $ABD$ , & dimidiæ  $BE$ , ad  $OB$ , vel  $OE$ ; dabuntur etiam cubationes truncorum cylindrici super figura . Nam cum, datis explicatis, detur etiam ratio cylindri ad solidum rotundum ex figura ; & cum hæc ratio sit eadem ex schol. 3. proposit. 10. huius, cum ratione prismatis, nempe dimidij cylindrici super parallelogrammo, ad alterutrum truncorum cylindrici super figura: patet dari talium truncorum cubationes .

### SCHOLIUM III.

Ex supradicta ergo doctrina, & ex dictis in scholijs antecedentis proposit. patet quomodo possimus habere rationem cylindrorum circumscriptorum omnibus fuis parabolicis : omnibus annullis strictis infinitarum parabolarum acceptis iuxta rectitudinem basis : omnibus conoidibus parabolicis : omnibus annullis strictis ortis ex rotatione semiparabolarum circa ductam per extremitatem basis diametro parallelam : omnibus solidis ex rotatione infinitarum trilineorum circa basim : omnibus solidis ex iisdem reuolutis circa parallelam basi ductam per verticem : omnibus conicis : & omnibus solidis ex iisdem circa basim semiparabolæ, ad ipsa solida . Sed  
quia

quia hæ rationes in superiori libro patefactæ sunt, & ex dictis in præfenti eadem colligerentur, ideo scienter hoc relinquimus industriæ lectoris.

## PROPOSITIO IV.

*Solida rotunda, genita ex duplici revolutione cuiuslibet figure plane circa axim taliter reuoluta, ut in utraque revolutione axis figura sit radius rotationis, & axis extremitates centra. Sunt adinuicem in ratione partium axis figurae scilicet à centro gravitatis figure, & terminatæ termino ad centra revolutionum.*

**E**sto quælibet figura  $ABD$ , in sch. prop. ant. circa axim  $BE$ , cuius centrum gravitatis  $O$ . Dico solidum rotundum ex figura  $ABD$ , circa  $AD$ , nempe cuius radius rotationis  $BE$ , centrum  $E$ , ad solidum rotundum ex eadem figura circa  $FC$ , nempe cuius radius rotationis  $BE$  centrum  $B$ , esse ut  $EO$ , ad  $OB$ . Figuræ intelligatur circumscriptum parallelogrammum  $FD$ . Quoniam enim ratio solidi rotundi ex figura  $ABD$ , circa  $AD$ , ad solidum ex eadem figura circa  $FC$ , componitur ex ratione ipsius ad cylindrum ex  $FD$ , siue circa  $AD$ , siue circa  $FC$ , quia oritur idem cylindrus; & huius ad solidum ex figura circa  $FC$ ; & ex schol. præposit. anteqd. ratio solidi ex figura  $ABD$ , circa  $AD$ , ad cylindrum componitur ex ratione figure ad parallelogrammum, & ex ratione  $EO$ , ad dimi-

dimidiam  $EB$ ; & pariter ex eodem scholio, ratio cylindri ex parallelogrammo, ad solidum ex figura circa  $FC$ , componitur ex ratione parallelogrammi ad figuram, & ex ratione dimidiæ  $BE$ , ad  $BO$ . Ergo & ratio solidi ex figura  $ABD$ , circa  $AD$ , ad solidum ex figura  $ABD$ , circa  $FC$ , componetur ex ratione figuræ ad parallelogrammum, & parallelogrammi ad figuram (que proportio ex his composita, est æqualitatis) & ex proportionibus  $EO$ , ad dimidiam  $BE$ , & huius dimidiæ ad  $BO$ , (nempe ex ratione  $EO$ , ad  $OB$ ). Ergo solidum ex figura circa  $AD$ , ad solidum ex figura circa  $FC$ , erit vt  $EO$ , ad  $OB$ . Quod erat ostendendum.

## A L I T E R.

**S**uper figura  $ABD$ , concipiatur cylindricus rectus sectus diagonaliter plano transeunte per  $AD$ , & per  $H$ . Quoniam ex proposit. 10. secundi, tam truncus dexter est ad solidum ex  $ABD$ , circa  $FC$ , quam truncus sinister ad solidum ex eadem figura circa  $AD$ , vt  $HB$ , ad circumferentiam circuli, cuius radius  $BE$ . Ergo & truncus dexter erit ad solidum circa  $FC$ , vt truncus sinister ad solidum circa  $AD$ . Quare & permutando, vt truncus dexter ad truncum sinistram, nempe ex proposit. 1. huius, vt reciproce  $BO$ , ad  $OE$ , sic solidum ex figura circa  $FC$ , ad solidum ex eadem figura circa  $AD$ . Quod &c.

SCHO-



## S C H O L I V M.

Quam vero fecundæ sint superiores propositiones, & quam copiosi sint fructus, quos ex ipsis colligere licet, in sequentibus patebit. Interea sit.

## C O R O L L A R I V M I.

Quod si  $ABD$ , sit quælibet ex infinitis parabolis: solidum ex ipsa circa  $FC$ , nempe annulus strictus secundum rectitudinem basis, erit ad solidum ex eadem figura circa  $AD$ , nempe ad fustum parabolicum, ut numerus parabolæ auctus unitate ad numerum parabolæ. Nempe in prima parabola ut 2. ad 1. In secunda ut 3. ad 2. &c.

## C O R O L L A R I V M II.

Si vero  $BCD$ , quodlibet infinitorum trilineorum rotetur primo circa  $BE$ , deinde circa  $CD$ : solidum ex trilineo circa  $BE$ , ad solidum ex trilineo circa  $CD$ , erit ut numerus trilinei unitate auctus ad unitatem.

## C O R O L L A R I V M III.

Verum si semiparabola  $BDE$ , rotetur prius circa  $CD$ , postea circa  $BE$ , ut fiat conoides parabolicum:

*Cuiuscumque semiparabola centrum gravitatis  
invenire.*

cetur in E, vt CE, sit ad EA, vt numerus parabolæ ternario auctus, ad numerum parabolæ vnitatem auctum. Ergo ex scholio 2. eiusdem propositi. E, erit centrum æquilibrij semiparabolæ acceptæ secundum rectitudinem AC. Ergo si ducatur EL, BA, parallela, in ipsa erit, centrum grauitatis semiparabolæ. Sed & in DF. Ergo erit punctum H. Inuentum est ergo centrum grauitatis semiparabolæ. Quod &c.

## PROPOSITIO VI.

*Si per centrum grauitatis cuiuscumque semiparabolæ, & per verticem ducatur linea secans basim. Hæc eam taliter secabit vt pars ad diametrum, sit ad reliquam vt duplus numerus parabolæ vnitatem auctus ad ternarium.*


**S**int eadem, quæ in antecedenti propositi. & sit ducta BHK. Dico AK, esse ad KC, vt duplus numerus parabolæ auctus vnitatem, ad ternarium. V.g. in prima parabola vt 3. ad 3. In secunda vt 5. ad 3. In tertia vt 7. ad 3. In quarta vt 9. ad 3. & sic in infinitum. Semiparabolæ circumscribatur parallelogrammum AM, & EG, producatursque ad L. Quoniam enim triangulum BHL, ad verticem simile est triangulo EHk; ergo vt LH, ad HE, sic BL, seu AE, ad Ek. Sed LH, est ad HE, vt numerus parabolæ vnitatem auctus ad

ad numerum parabolæ. Ergo & AE, erit ad Ek, vt numerus parabolæ vnitate auctus ad numerum parabolæ. Sed AE, ex dictis, erat ad totam EC, vt numerus parabolæ vnitate auctus ad numerum parabolæ auctum ternario. Ergo AE, erit ad reliquam kC, vt numerus parabolæ vnitate auctus ad ternarium; & Ek, erit ad eandem KC, vt numerus parabolæ ad ternarium. Ergo componendo ambas simul AE, Ek, erit Ak, ad kC, vt duplus numerus parabolæ vnitate auctus ad ternarium. Quod erat ostendendum.

## PROPOSITIO VII.

*Residui cuiuscumque semiparabolæ, dempto ab ea triangulo inscripto, centrum grauitatis assignare.*

**D**eterminamus & in superiori propositione, & in præfenti, & in aliquibus ex sequentibus procedere per modum problematis, ob euitandam titulorum longitudinem, & prolixitatem, quæ



Ff 2 est

est inevitabilis si tales propositiones proponantur per modum Theorematis. Sit ergo quaecumque semiparabola, prima excepta,  $ADC$ , in qua sit inscriptum triangulum  $ADC$ . Oportet reliquæ figuræ contentæ sub recta, & curvæ  $AC$ , centrum gravitatis assignare.

Dividatur  $CD$ , in punctis  $F$ , &  $E$ ; in  $F$ , vt  $CF$ , sit dupla  $FD$ ; in  $E$ , vero, vt  $CE$ , sit ad  $ED$ , vt numerus parabolæ ternario auctus, ad numerum parabolæ auctum vnitæ. Fiat deinde vt numerus parabolæ vnitæ minutus, ad numerum parabolæ vnitæ auctum sic  $FE$ , ad  $EG$ ; & per  $G$ , ducatur  $Ghk$ , parallela diametro  $AD$ , secans rectam  $AC$ , in  $H$ , curvæ in  $k$ , &  $AR$ , latus parallelogrammi circumscripti in  $T$ . Pariter  $AD$ , secetur in  $L$ , vt  $AL$ , sit dupla  $LD$ ; & in  $M$ , vt  $AM$ , sit ad  $MD$ , vt numerus parabolæ auctus vnitæ, ad numerum parabolæ; & fiat vt  $FE$ , ad  $EG$ , sic  $LM$ , ad  $MN$ ; & per  $N$ , ducatur  $NQP$ , parallela  $DC$ , secans  $GT$ , in puncto  $Q$ . Dico  $Q$ , esse centrum gravitatis figuræ prædictæ. Quoniam enim  $CF$ , est dupla  $FD$ . Ergo ex schol. 1. propos. 2. huius,  $F$ , erit centrum æquilibrij trianguli  $ADC$ , iuxta rectam  $DC$ , appensi. Pariter quoniam  $CE$ , est ad  $ED$ , vt numerus parabolæ auctus ternario, ad numerum parabolæ auctum vnitæ; ergo ex schol. 2. eiusd. propos. erit  $E$ , centrum æquilibrij totius semiparabolæ acceptæ secundum rectitudinem  $DC$ . Cum ergo factum sit  $FE$ , ad  $EG$ , vt numerus parabolæ




iuxta eandem rectitudinem, ac proinde in  $NP$ , esse centrum gravitatis figuræ  $APC$ . Sed & in  $GK$ . Ergo in  $Q$ . Repertum est ergo, &c. Quod &c.

## SCHOLIUM I.

Sed ex dictis possumus deducere, excessum semiparabolæ supra triangulum sibi inscriptum, in nulla parabola esse parabolam eiusdem rationis cum tota, nisi in sola parabola quadratica. Quod enim sit vera parabola in quadratica, probatur ab Appollonio primo Conic. prop. 46. Quod vero in nulla alia sit, patet. Nam si talis esset, eius centrum gravitatis esset in linea secante  $AC$ , bifariam, quæ esset eius diameter. Sed  $KH$ , in qua est eius centrum gravitatis, in nulla alia parabola à quadratica secatur  $AC$ , bifariam. Ergo non erit vera parabola. Quod vero  $KH$ , non secet  $AC$ , bifariam, quilibet poterit experiri methodo, qua nos deinceps experiemur in parabola cubica. Experietur enim, quod quo magis progredimur versus parabolas altiorum potestatum, eo magis linea  $Gk$ , accedit ad  $CR$ , sed taliter ut semper  $CG$ , sit maior dimidia  $DG$ ; quia solum in triangulo  $ARC$ ,  $CG$ , est dimidia  $GD$ . Centra ergo æquilibrij infinitarum figurarum  $APC$ , continentur omnia in linea, quæ sit sexta pars  $DC$ , ordine quarta à  $D$ .

Modus autem patefaciendi  $GT$ , in nulla parabola à quadratica secare  $AC$ , bifariam, & experiendi,




riendi, quę dicta sunt, sequens est in parabola cubica. Quoniam ex schol. 2. proposit. 2. huius, qualium  $CE$ , est 6, talium  $DE$ , est 4. Ergo qualium  $CE$ , est 9, talium  $DE$ , erit 6. Tota  $CD$ , 15. &  $DF$ , quę erat tertia pars  $DC$ , 5;  $FE$ , 1; &  $FC$ , 10. Cum autem parallelogrammum  $DR$ , sit sesquitergium semiparabolę; ipsa erit sesquialtera trianguli. Vnde diuidendo, figura  $APC$ , erit dimidia trianguli  $ADC$ . Et consequenter ex supradictis, quarum  $FE$ , est 1; talium  $EG$ , erit 2. Sed talium  $DF$ , erat 5, & tota  $DC$ , 15. Ergo talium  $DG$ , erit 8, &  $GC$ , 7. Eodem modo procedemus in alijs parabolis, in quibus semper inueniemus  $GT$ , magis accedere ad  $RC$ , vt dictum est. Sed cum talis methodus inueniendi tale centrum æquilibrij non contineat aliquam determinatam progressionem,



232 DE INFINITIS PARABOLIS ETC.  
nem, ideo de tali methodo amplius verba non facimus.

## SCHOLIUM II.

Si quis vero scire cupiat in qua proportionē secetur  $KH$ , à centro gravitatis figurę  $APC$ , id ei licebit inuenire operando congruenter vt nos statim faciemus in parabola cubica, in qua. Quoniam ducta  $Sk$ , parallela  $DC$ , est  $DA$ , ad  $AS$ , vt cubus  $DC$ , ad cubum  $Sk$ : cubus autem  $DC$ , quia  $DC$ , est 15, est 3375, & cubus.  $DG$ , seu  $Sk$ , quia  $DG$ , est 8, vt dictum est, est 512. Ergo  $DA$ , ad  $AS$ , erit vt 3375. ad 512. Ergo per conuersionem rationis, erit  $AD$ , ad  $DS$ , seu ad  $Gk$ , vt 3375. ad 2863. Verum in triangulo  $ADC$ , vt  $DC$ , ad  $CG$ , nempe vt 15. ad 7. sic  $AD$ , ad  $HG$ . Ergo qualium  $AD$ , est 15, talium  $HG$ , erit 7. Ergo qualium  $AD$ , est 3375, talium  $GH$ , erit 1575. Sed talium erat tota  $Gk$ , 2863. Ergo talium erit  $KH$ , 1288. Pariter quoniam qualium  $AM$ , est 4, talium  $MD$ , est 30. Ergo qualium  $AM$ , est 12. talium  $MD$ , erit 9. & tota  $AD$ , 21. Sed talium &  $DL$ , est 7. Ergo  $DL$ , erit 7.  $LM$ , 2.  $MA$ , 12. in eadem mensura. Quoniam autem parallelogrammum est sesquitercium semiparabolę, & semiparabola sesquialtera trianguli, &  $APC$ , subdupla trianguli, si  $N$ , sit centrum equilibrium  $APC$ , quarum  $LM$ , erit 2, talium  $MN$ , erit 4. Ergo reliqua



liqua NA, erit 8, qualium tota DA, est 21. Ergo qualium DA, est 3375, talium AN, erit 1285, cum quindecim vigesimisprimis. Sed talium AS, erat 512. Ergo talium reliqua SN, seu KQ, erit 773, cum 15. vigesimisprimis. Talium autem erat tota kH, 1288. Ergo talium erit QH, 518, cum 6. vigesimisprimis. Eodem modo licet discurre in reliquis. Sed cum non contineant aliquam seriem, ideo omittuntur.

## PROPOSITIO VIII.


*Cuiuslibet infinitorum trilineorum centrum  
grauitatis reperire.*

**E**Sto quodlibet trilineum  $BMC$ , cuius oporteat centrum grauitatis reperire. Sit ei circumscriptum parallelogrammum  $AM$ , &  $BM$ , sic diuidatur in  $N$ , vt  $BN$ , sit ad  $NM$ , vt numerus parabolæ vnitate auctus ad vnitatem. Ergo  $N$ , erit centrum æquilibrj trilinei accepti secundum  $BM$ , ex schol. 1. proposit. 2. huius. Ducatur  $NOP$ , parallela  $BA$ . Ergo in ipsa erit centrum grauitatis trilinei  $BMC$ . Diameter  $BA$ , semiparabolæ diuidatur bifariam in  $Q$ , & in  $D$ , vt  $BD$ , sit ad  $DA$ , vt numerus parabolæ vnitate auctus ad numerum parabolæ. Deinde fiat vt vnitas ad numerum parabolæ, sic  $DQ$ , ad  $QR$ , & per  $R$ , ducatur  $RGT$ , parallela  $AC$ , secans  $NP$ , in  $G$ . Dico  $G$ , esse centrum grauitatis trilinei  $BMC$ . Quoniam enim  $Q$ , est centrum æquilibrj parallelogrammi  $AM$ , accepti secundum  $AB$ , &  $D$ , est centrum æquilibrj semiparabolæ  $ABC$ , ex schol. 1. secundæ huius, &  $DQ$ , ad  $QR$ , facta est vt vnitas ad numerum parabolæ; nempe reciproce vt trilineum  $BMC$ , ad semiparabolam  $ABC$ . Ergo  $R$ , erit centrum æquilibrj trilinei  $BMC$ . Ergo in  $RT$ , erit centrum grauitatis talis trilinei. Sed & in  $NP$ . Ergo in puncto

æto G. Repertum est ergo centrum gravitatis prædicti trilinei. Quod erat faciendum.

## SCHOLIUM.

Ex dictis facile possumus deducere, centrum æquilibrij trilinei  $BMC$ , accepti secundum  $AB$ , seu  $CM$ , sic secare v. g.  $CM$ , in  $T$ , vt  $CT$ , sit ad  $TM$ , vt triplus numerus parabolæ vnitate auctus, ad nume-



rum parabolæ vnitate auctum. Quoniam enim  $BD$ , est ad  $DA$ , vt numerus parabolæ vnitate auctus ad numerum parabolæ; nempe vt duplus numerus parabolæ binario auctus, ad duplum numerum parabolæ. Ergo qualium  $BA$ , est quadruplus numerus parabolæ binario auctus, & talium  $AD$ , duplus numerus parabolæ, &  $BQ$ , seu  $AQ$ , duplus numerus vnitate auctus,  $DQ$ , erit vnitas. Sed cum qualium  $DQ$ , est vnitas talium  $QR$ , sit numerus parabolæ. Ergo talium reliqua  $BR$ , erit numerus parabolæ vnitate auctus, &  $AR$ , triplus numerus parabolæ vnitate auctus.  $AR$ , ergo erit ad  $RB$ , seu

$Gg$  2  $CT$ , ad


C T, ad T M, vt triplus numerus parabolę vnitate auctus, ad numerum parabolę vnitate auctum. Ex quibus potest esse corollarium quartum ad proposit. 4. huius, quod si trilineum B M C, rotetur prius circa A C, postea circa B M: solidum ex trilineo circa A C, erit ad solidum ex trilineo B M C, circa B M, vt triplus numerus parabolę vnitate auctus, ad numerum parabolę vnitate auctum. V.g. in primo trilineo vt 4. ad 2. In secundo vt 7. ad 3. In tertio vt 10. ad 4. & sic in infinitum.

## PROPOSITIO IX.

*Si per centrum grauitatis cuiuslibet trilinei, & per verticem ipsius ducatur linea secans basim. Hęc eam taliter secabit, vt pars ad curuam, sit ad reliquam ad diametrum vt triplus numerus trilinei ad numerum trilinei auctum binario.*

**E**Sto trilineum vt in antecedenti propositione, & per B, & G, ducatur B G V, secans basim M C, in V. Dico C V, esse ad V M, vt triplus numerus trilinei, ad numerum trilinei binario auctum. Nempe in primo vt 3. ad 3. In secundo vt 6. ad 4. In tertio vt 9. ad 5. & sic in infinitum. Quoniam enim triangulum B R G, ad verticem est simile triangulo T G V. Ergo B R, scđ M T, erit ad T V, vt R G, ad G T; scđ vt B N, ad N M; nempe vt numerus para-

parabolæ, seu trilinei vnitate auctus ad vnitatem. Sed ex scholio anteced. CT, est ad TM, vt triplus numerus trilinei vnitate auctus, ad numerum trilinei vnitate auctum. Ergo qualium CT,



est triplus numerus trilinei vnitate auctus, & MT, numerus trilinei vnitate auctus, TV, erit vnitas. Ergo reliqua CV, erit triplus numerus trilinei, & MV, erit numerus trilinei binario auctus. Quod erat ostendendum.


## COROLLARIUM.

Ergo in trilineo quadratico, CV, erit sesquialtera VM. Ex quibus constat, propositionem 21. Lucæ Valerij lib. 3. de cent. graui: sol. in qua hoc demonstrat, esse nostræ corollarium; sicuti est corollarium præsentis, & 6. huius propositio 13. Archimedis 1. Equipon. & omnium illorum, qui probant centrum grauitatis trianguli esse in linea, quæ ducta à vertice secatur basim bifariam.

PRO-

## PROPOSITIO X.


*Frusti cuiuscumque parabole contenti duabus lineis basi  
parallelis, centrum gravitatis assignare.*



**E**sto quælibet parabola  $ABC$ , in qua sit ducta  $HK$ , basi parallela. Oporteat assignare centrum gravitatis frusti  $AH KC$ . Secetur  $BE$ , in  $Q$ , ut  $BQ$ , sit ad  $QE$ , ut numerus parabolæ unitate auctus ad numerum parabolæ; in tali ratione dividantur  $DE$ , in  $P$ , &  $BD$ , in  $S$ ; deinde super

per basi  $AC$ , & circa diametrum  $DE$ , concipiatur parabola  $ADC$ , eiusdem gradus cum  $ABC$ ; fiatque ut  $BD$ , ad  $DE$ , sic  $SD$ , ad  $QR$ , auferrendam à  $QS$ , incipiendo à  $Q$ ; deinde fiat ut  $AO$ , quæ sit differentia inter  $AE$ ,  $HD$ , ad  $HD$ , sic  $SR$ , ad  $RT$ . Tandem ratio  $AE$ , ad  $HD$ , continuetur in tot terminos, ut numerus eorum excedat unitate numerum parabolæ; & sit  $L$ , ultimus terminus;  $TP$ , autem sic secetur in  $V$ , ut  $PV$ , sit ad  $VT$ , ut  $L$ , ad reliquas proportionales. Dico  $V$ , esse centrum grauitatis, frusti  $AHkC$ . Quoniam enim  $BE$ , diuisa fuit in  $Q$ , ut  $BQ$ , sit ad  $QE$ , ut numerus parabolæ unitate auctus, ad numerum parabolæ. Ergo ex schol. 1. proposit. 2. huius,  $Q$ , erit centrum grauitatis parabolæ  $ABC$ . Eodem modo patebit  $S$ , &  $P$ , esse centra grauitatis parabolæ  $HBK$ ,  $ADC$ . Verum quoniam eadem pars est tota  $EQ$ , totius  $EB$ , sicuti pars  $EP$ , partis  $ED$ ; ergo & reliqua  $PQ$ , erit eadem pars reliquæ  $DB$ , sicuti tota  $EQ$ , totius  $EB$ . Sed & qualis pars erit  $EQ$ , ipsius  $EB$ , talis pars est etiam  $DS$ , eiusdem  $DB$ . Ergo duæ  $PQ$ ,  $DS$ , erunt æquales. At quoniam ex prop. 4. lib. primi, ut  $BE$ , ad  $ED$ , sic parabola  $ABC$ , ad parabolam  $ADC$ . Ergo & diuidendo, ut  $BD$ , ad  $DE$ , sic  $ABCD$ , ad parabolam  $ADC$ . Sed ut  $BD$ , ad  $DE$ , sic ex constructione,  $SD$ , seu ei æqualis  $PQ$ , ad  $QR$ . Ergo & ut  $PQ$ , ad  $QR$ , sic reciprocè figura  $ABCD$ , ad parabolam  $ADC$ .






ADC. Sed, ex dictis, Q, est centrum grauitatis totius parabolæ ABC, P, parabolæ ADC. Ergo ex Archimede, R (vbicumque cadat) erit centrum grauitatis figuræ ABCD. Pariter quoniam ex proposit. 5. lib. 1. diuidendo, vt AO, ad HD, sic segmenta AHD, DkC, ad parabolam HBK; & supra factum est vt AO, ad HD, sic SR, ad RT. Ergo vt SR, ad RT, sic reciprocè segmenta AHD, DkC, ad parabolam HBK. At R, est centrum figuræ ABCD, S, parabolæ HBK. Ergo ex Archimede, T, erit centrum segmentorum AHD, DKC, simul sumptorum. At quoniam ex corollar. pre-

proposit. 8. lib. prim. talia segmenta sunt ad parabolam  $ADC$ , ut ultima proportionalium inuenta  $L$ , ad summam reliquarum; & ut talis proportionalis ad talem summam sic facta est  $PV$ , ad  $VT$ . Ergo ut  $PV$ , ad  $VT$ , sic talia segmenta ad  $ADC$ . Ergo conuertendo, erit reciproce ut  $TV$ , ad  $VP$ , sic parabola  $ADC$ , ad segmenta  $AHD$ ,  $DkC$ . Verum  $T$ , est centrum segmentorum;  $P$ , parabola  $ADC$ . Ergo  $V$ , erit centrum totius frusti  $AHkC$ .

## SCHOLIUM I.

Ex supradicta nostra methodo vniuersali inueniendi centrum grauitatis omnium segmentorum parabolarum inclusorum inter duas lineas basi parallelas, potest deduci id, quod particulariter Archim. lib. 1. *Equip. proposit. 15.* & alij ostendunt. Nempe  $V$ , centrum grauitatis trapezij  $AHkC$ , cuius opposita latera  $AC$ ,  $Hk$ , sunt parallela sic diuidere  $TP$ , mediam tertiam partem  $DE$ , ut  $TV$ , sit ad  $VP$ , ut  $AE$ , ad  $HD$ : & ut dupla  $AE$ , cum  $HD$ , ad duplam  $HD$ , cum  $AE$ , sic  $DV$ , ad  $VE$ . Quod vero res sic se habeat statim patebit. Quoniam enim in trapezio,  $PE$ , est tertia pars  $DE$ , quia  $ADC$ , est triangulum, &  $QP$ , ex ostensis, æquatur  $SD$ , quæ est tertia pars  $BD$ , &  $BS$ , est duæ tertiæ partes eiusdem  $BD$ ; ergo  $SQ$ , æqualis  $DP$ , erit duæ tertiæ partes  $DE$ . Cum ve-




ro QR, sit tertia pars eiusdem DE (quia factum est vt BD, ad DE, sic SD, tertia pars BD, ad QR). Ergo SR, erit tertia pars DE. Item cum factum sit vt AO, ad HD, nempe vt ED, ad DB, sic SR, nempe tertia pars DE, ad RT. Ergo RT, erit tertia pars BD; nempe equalis SD. Tunc punctum R, vel cadit in D, vel supra, vel infra, sed semper supra T, vt clare patet. Si cadit in D (Quod tunc accidit quando punctum D, secatur bifariam. BE) cum TR, æquetur SD; erit TD, tertia pars DE. Si vero cadit supra (quod accidit quando ED, est maior DB) quoniam TR, est æqualis SD; com-  
muni

mani ablata  $RD$ , (supponitur enim  $R$ , supra  $D$ , licet scultor non expresserit) remanet  $SR$ , tertia pars  $DE$ , æqualis  $DT$ . Si vero tandem  $R$ , cadit inter  $T$ ,  $D$ , (nempe quando  $BD$ , est maior  $DE$ ). Tunc, quoniam  $TR$ , æquatur  $SD$ ; communi addita  $DR$ . Ergo  $TD$ , æquabitur  $SR$ ; nempe tertiæ parti  $DE$ . Patet ergo semper  $DT$ , esse tertiam partem  $DE$ : sed etiam, per nostram regulam,  $TP$ , quæ est tertia pars  $DE$ , sic diuiditur in  $A$ , vt  $TV$ , sit ad  $VP$ , vt  $AE$ , ad  $HD$ . Ergo statim ad modum, quo facit Archimedes, concludemus esse  $DV$ , ad  $VE$ , vt dupla  $AE$ , cum  $HD$ , ad duplam  $HD$ , cum  $AE$ . Quare &c.

## SCHOLIUM II.

Sed ex superioribus propositionibus quam plurima possumus assignare. Nam primo circumscripto segmento  $AHkC$ , parallelogrammo  $GC$ , reuolutoque hoc cum segmento vel circa  $AC$ , vel circa  $Hk$ ; possumus assignare rationem cylindri ex  $GC$ , ad solidum ex segmento  $AHkC$ , reuoluto vel circa  $AC$ , vel circa  $Hk$ . Nam ex conuerso secundæ partis proposit. 8. p. habemus rationem parallelogrammi ad segmentum; & ex hac habemus rationem  $DV$ , ad  $VE$ , & consequenter dimidiæ  $DE$ , ad alterutram ipsarum  $DV$ ,  $VE$ . Ex quibus rationibus componitur, ex schol. prim. proposit. 3. huius, ratio cylindri ex  $GC$ , ad alterutrum solidorum rotundorum

Hh 2 ex



ex segmento circa  $AC$ , vel  $Hk$ .

Ratio ergo cylindri ex  $GC$ , ad alterutrum solidorum ex  $AHkC$ , siue circa  $AC$ , siue circa  $Hk$ , componetur ex ratione dimidiæ  $DE$ , ad alterutram ipsarum  $DV$ ,  $VE$ , & ex ratione magnitudinis, quæ ad  $AE$ ,  $HD$ , & cæteras tot proportionales quotus est numerus parabolæ se habeat ut numerus parabolæ unitate auctus ad numerum parabolæ, ad  $AE$ ,  $HD$ , & cæteras tot proportionales quotus est numerus parabolæ unitate auctus.

Quod si  $AHkC$ , sit primum segmentum, nempe

nempe trapezium ordinarium. Erit cylindrus ex  $GC$ , ad alterutrum solidorum ex trapezio, vt quadratum  $AE$ , simul cum rectangulo  $AE$ ,  $HD$ , ad rectangulum  $AE$ ,  $HD$ , vna cum tertia parte quadrati vel  $AE$ , vel  $HD$ , circa quam fit reuolutio, & cum subfesquialtero quadrati  $AE$ , vel  $HD$ , circa quam non fit reuolutio. Quod sic patebit. Nam ratio cylindri ex  $GC$ , ad solidum ex trapezio v. g. circa  $AC$ , componitur ex ratione duplæ  $AE$ , ad  $AE$ ,  $HD$ , ex 8. pri. huius, & ex ratione, dimidiæ  $DE$ , ad  $EV$ . Verum, vt dimidia  $DE$ , ad  $EV$ , sic sesquialtera  $AE$ , cum sesquialtera  $HD$ , ad duplam  $HD$ , cum  $AE$ . (Cum enim ex schol. anteced. sit vt  $DV$ , ad  $VE$ , sic dupla  $AE$ , cum  $HD$ , ad duplam  $HD$ , cum  $AE$ . Ergo & componendo, erit vt tripla  $AE$ , cum tripla  $HD$ , ad duplam  $HD$ , cum  $AE$ , sic  $DE$ , ad  $EV$ . Et antecedentium dimidia. Ergo vt sesquialtera  $AE$ , cum sesquialtera  $HD$ , ad duplam  $HD$ , cum  $AE$ , sic dimidia  $DE$ , ad  $EV$ .) Ergo ratio cylindri ad solidum ex trapezio circa  $AC$ , componetur quoque ex rationibus duplæ  $AE$ , ad  $AE$ ,  $HD$ , & sesquialteræ compositæ ex  $AE$ ,  $HD$ , ad duplam  $HD$ , cum  $AE$ . Sed ex istis rationibus componitur quoque ratio rectanguli sub dupla  $AE$ , in illam sesquialteram; nempe rectanguli ei æqualis, sub  $AE$ , in triplam  $AE$ , & in triplam  $HD$ , ad rectangulum sub composita ex  $AE$ ,  $HD$ , in duplam  $HD$ , & in  $AE$ . Ergo cylindrus erit ad illud solidum vt  
rectan-

rectangulum sub  $AE$ , in triplam  $AE$ , & in triplam  $HD$ ; nempe vt triplum quadratum  $AE$ ; cum triplo rectangulo  $AE$ ,  $HD$ , ad rectangulum sub composita ex  $AE$ ,  $HD$ , in duplam  $HD$ , cum  $AE$ ; nempe ad triplum rectangulum  $AE$ ,  $HD$ , cum duplo quadrato  $HD$ , & cum quadrato  $AE$ . Ergo & cylindrus erit ad solidum vt tertiæ partes horum planorum ad inuicem; nempe vt quadratum  $AE$ , cum rectangulo  $AE$ ,  $HD$ , ad rectangulum  $AE$ ,  $HD$ , cum tertia parte quadrati  $AE$ , & cum tertia parte duorum quadratorum  $HD$  (nempe cum subscquialtero quadrati  $HD$ .) Eodem modo ostendetur cylindrum esse ad solidum ex trapezio circa  $Hk$ , in præfata ratione.

Secundo si concipiamus tam super parallelogrammo, quam super segmento cylindricos rectos æque altos sectos plano transeunte per  $AC$ , & per latus oppositum ipsi  $GF$ ; habebimus cubationem vtrorumque truncorum. Nam ex schol. 3. proposit. 10. sec. huius. prisma, quod est dimidium cylindrici super parallelogrammo, est ad alterutrum truncorum cylindrici super segmento, vt cylindrus ex parallelogrammo  $GC$ , circa  $AC$ , vel  $GF$ , ad alterutrum solidorum ex segmento circa  $AC$ , vel  $GF$ .

Tertio ex proposit. 4. huius, habemus rationem solidi ex segmento circa  $HK$ , ad solidum ex eodem segmento circa  $AC$ . Imo particularius in trapezio habemus, quod solidum ex trapezio  $\triangle HkC$ ,  
circa

circa  $HK$ , ad solidum ex eodem trapezio circa  $AC$ , erit ut dupla  $AE$ , cum  $HD$ , ad duplam  $HD$ , cum  $AE$ .

### SCHOLIUM III.

Segmenti  $AHKC$ , inuentum est  $V$ , centrum grauitatis modo explicato, ut simul explicaremus ea, quæ explicata sunt; cæterum tale centrum compendiosius potest reperiri, inueniendo, ut factum est,  $S$ , &  $G$ , centra grauitatis parabolæ  $ABC$ ,  $HBk$ : deinde rationem  $AE$ , ad  $HD$ , continuando in tot terminos, ut numerus eorum excedat numerum parabolæ binario, adeo ut ultimus minimus terminus sit  $L$ : tandem faciendo ut excessus  $AE$ , supra  $L$ , ad  $L$ , sic  $SQ$ , ad  $QV$ .  $V$ , enim erit centrum quaesitum. Nam ut excessus  $AE$ , supra  $L$ , ad  $L$ ; nempe ex schol. 2. proposit. 3. lib. prim. diuidendo, ut segmentum  $AHkC$ , ad  $HBk$ , sic reciprocè  $SQ$ , ad  $QV$ . Ergo ex Archim.  $V$ , est centrum quaesitum.

### PROPOSITIO XI.

*Segmenti cuiuscumque semiparabolæ contenti duabus lineis basi parallelis, centrum æquilibrij in basi assignare.*

PRO-



**E**sto quodlibet segmentum cuiuscumque semiparabolæ  $ABCD$ , adeo ut  $BC$ ,  $AD$ , sint basi parallelæ;  $BA$ , sit diameter segmenti, &  $AD$ , sit maior  $BC$ . Oportet in  $AD$ , reperire centrum æquilibrij segmenti  $ABCD$ . Compleatur semiparabola  $AED$ , & tam  $DA$ , quam  $CB$ , diuidantur in  $F$ , &  $G$ , ut tam  $DF$ , ad  $FA$ , quam  $CG$ , ad  $GB$ , sint ut numerus parabolæ ternario auctus ad numerum parabolæ auctum vnitatem; & per punctum  $G$ , ducatur  $GH$ , parallela  $EA$ ; ratio  $DA$ , ad  $BC$ , continuetur in tot terminos, ut numerus eorum excedat numerum parabolæ binario, & sit ultimus terminus  $L$ ; & fiat ut differentia inter  $DA$ , &  $L$ , ad  $L$ , sic  $HF$ , ad  $FO$ . Dico  $O$ , esse centrum æquilibrij segmenti  $ABCD$ , accepti secundum  $AD$ ; seu esse centrum gravitatis duplicati segmenti  $ABCD$ , ad partes  $AD$ . Quoniam enim, tam  $DA$ , quam  $BC$ , sectæ sunt in punctis  $F$ , &  $G$ , sic ut tam  $DF$ , ad  $FA$ , quam  $CG$ , ad  $GB$ , sint ut numerus parabolæ ternario auctus ad numerum parabolæ vnitatem auctum; ergo ex schol. 2. proposit. 2. huius,  $F$ , &  $G$ , erunt centra æquilibrij semiparabolarum  $AED$ ,  $BEC$ . Ergo &  $H$ , erit centrum æquilibrij semiparabolæ  $BEC$ : idem enim est siue suspendatur ex  $G$ , siue ex  $H$ . Verum quoniam ex proposit. 3. primi, semiparabola  $AED$ , est ad semiparabolam  $BEC$ , ut potestas  $AD$ , vno gradu altior potestate parabolæ, ad similem potestatem  $B$ ; nempe, ut  $AD$ , ad  $L$ . Ergo & diuidendo, erit excessus



## SCHOLIUM II.

Sed etiam in hac propositione, ex superius dictis, tria faciliter possumus assignare. Nam segmento circumscripto parallelogrammo  $AR$ ; & reuoluto ipso cum segmento siue circa  $BA$ , siue circa  $RD$ : habebimus rationem cylindri ex parallelogrammo ad alterutrum solidorum ex segmento. Nam ex proposit. 8. p. habemus rationem parallelogrammi  $AR$ , ad ipsum segmentum. Quæ autem sit talis ratio, recolenti schol. 2. anteced. proposit. patebit.


Secundo, si tam super parallelogrammo, quam super segmento concipiamus cylindricos rectos æquales sectos diagonaliter plano transeunte per  $AB$ , & per latus oppositum  $DR$ : habebimus cubationem amborum truncorum cylindrici super segmento. Ratio autem huius asserti recolenti superiora facile innotescet.

Tertio dabitur ratio solidi rotundi ex segmento reuoluto circa  $RD$ , ad solidum ex eodem segmento reuoluto circa  $BA$ .

## PROPOSITIO XII.

*Cuiuslibet trapezii centrum æquilibrij inuenire  
in diametro.*

**S**It quodlibet ex infinitis trilineis, cuius trapezium resectum  $DE$ , basi  $AC$ , parallela, sit  $ADEC$ ; & oporteat huiusmodi trapezii cẽtrum æquilibrij in diametro  $EC$ , reperire. Super basi  $AC$ , & circa diametrum  $EC$ , concipiatur trilineum  $AEC$ , eiusdem generis cum  $ABC$ ; diuidaturque  $BC$ , in  $F$ ,  $EC$ , in  $G$ , &  $BE$ , in  $H$ , sic vt  $BF$ , ad  $FC$ ;  $BH$ , ad  $HE$ ; &  $EG$ , ad  $GC$ , sint vt nũmerus trilinei vnitate auctus, ad vnitatem. Ergo ex schol. 2. proposit. 2. huius,  $F$ ,  $G$ , &  $H$ , erunt centra æquilibrij trilineorum  $ABC$ ,  $DBE$ ,  $AEC$ , secundum  $BC$ . Postea fiat vt  $BE$ , ad  $EC$ , sic  $HE$ , ad




FK, auferrendam ab FH, incipiendo ab F. Deinde fiat vt AL, excessus AC, supra DE, ad DE, sic Hk, ad FM. Tandem MG, sic secetur in N, vbicumque cadat punctum N, vt GN, sit ad NM, vt tot continuè proportionales in ratione CB, ad BE, quotus est numerus parabolæ vnitatis auctus, prima maiori excepta, nempe CB, ad ipsam CB. Dico punctum N, esse centrum quæsitum. Huius asserti demonstratio est fere eadem cum demonstratione proposit. 10. huius. Nam eodem modo demonstrabimus GF, EH, æquales esse. Item quoniam F, est centrum æquilibrij totius trilinei ABC, & G, partis eius; nempe trilinei AEC, & factum est vt BE, ad EC; nempe diuidendo, ex proposit. 4. lib. 1. vt ABE, ad AEC, sic HE, seu ei æqualis GF, reciproce, ad Fk; ergo k, erit centrum æquilibrij figuræ ABE. Pariter quoniam factum est vt AL, ad DE; nempe ex proposit. 6. prim. lib. diuidendo, vt ADE, ad BDE, sic reciproce Hk, ad kM; ergo M, erit centrum æquilibrij figuræ ADE. Tandem, quoniam factum est vt tot continuè proportionales in ratione CB, ad BE (ipsa CB, excepta) quarum numerus excedat numerum trilinei vnitatis, ad ipsam CB; nempe ex corol. proposit. 9. lib. pri. vt ADE, ad AEC, sic GN, ad NM; ergo N, erit centrum æquilibrij trapezij ADEC; & consequenter grauitatis eiusdem trapezij duplicati ad partes QE. Quod erat ostendendum.

SCHO-

## SCHOLIUM I.

Cum in serie infinitorum trapeziorum sit primum trapezium, quod est idem cum dimidio primi segmenti parabolici proposit. 10. huius; & cum hæ methodi inveniendi centra gravitatis, seu æquilibrij primi trapezij, & primi segmenti parabolici conveniant, ac sint vnum, & idem, ut experiēti utrasque methodos patebit; sequitur, quod cum in schol. 1. proposit. 10. ostensum sit methodum illam convenire cum methodo Archimedis, & aliorum, qui reperiunt centrum gravitatis trapezij, etiam præsens cum illa conveniat.



## SCHOLIUM II.

Sed etiam trapezij ADEC, licet centrum æquilibrij

librij compendiosius reperire. Inuentis enim  $H$ , &  $F$ , centris trilineorum  $ABC$ ,  $DBE$ , & ratione  $CB$ , ad  $BE$ , continuata in tot terminos vt numerus eorum excedat numerum trilinei binario, fitque ultimus terminus  $CG$ ; si fiat vt excessus  $CB$ , supra  $CG$ , nempe  $BG$ , ad  $GC$ , sic  $HF$ , ad  $FN$ . Erit  $N$ , centrum quæsitum. Est enim ex schol. pri. & 2. proposit. 3. lib. prim. diuidendo  $ADEC$ , ad  $BDE$ , vt  $BG$ , ad  $GC$ ; nempe reciprocè vt  $HE$ , ad  $FN$ .

### SCHOLIUM III.

Tria autem, quæ diximus in superioribus propositionibus deduci ex prædictis, deducuntur etiam in hac. Nam primo si trapezio  $ADEC$ , intelligamus circumscribi parallelogrammum  $OC$ , quod cum trapezio voluatur siue circa  $AC$ , siue circa  $DE$ , habebimus rationem cylindri ex parallelogrammo, ad solidum ex trapezio. Nam ex proposit. 9. pri lib. habemus rationem talis parallelogrammi ad trapezium.

Ratio ergo cylindri ex  $OC$ , ad solidum ex trapezio reuoluto siue circa  $CA$ , siue circa  $OE$ , erit eadem cum ratione rectanguli contenti sub dimidia  $EC$ , & sub tot  $CB$ , quotus est numerus trilinei unitate auctus, ad rectangulum sub altera ipsarum  $EN$ ,  $NC$ , secundum quod fit reuolutio, & sub  $CB$ ,  $BE$ , & cæteris tot proportionalibus, quotus est

est numerus trilinei unitate auctus.

Deducitur secundo, quod si tam super parallelogramo, quam super trapezio intelligantur cylindrici æquealti secti diagonaliter plano transeunte per  $AC$ , & per latus oppositum ipsi  $DE$ , habebimus cubationes utrorumque truncorum cylindrici super trapezio.

Deducitur tertio dari rationem solidi rotundi ex trapezio circa  $AC$ , ad solidum rotundum ex eodem trapezio circa  $DE$ .

## PROPOSITIO XIII.

*Trapezj cuiuscumque, centrum æquilibrij in basi assignare.*

**E**Sto trapezium quodcumque  $ABCD$ ; & oporteat eius centrum æquilibrij in basi  $AD$ , reperire. Compleatur trilineum  $AED$ , cuius ipsum est trapezium; & tam  $AD$ , quam  $BC$ , sic diuidantur in  $F$ , &  $G$ , ut tam  $AF$ , ad  $FD$ , quam  $BG$ , ad  $GC$ , sit ut triplus numerus trilinei unitate auctus, ad numerum trilinei unitate auctum. Ergo ex schol. proposit. 8. huius: tam  $F$ , quam  $G$ , erunt centra æquilibrij trilineorum  $BEC$ ,  $AED$ : & si ipsi  $CG$ , fiat æqualis  $DH$ ; etiam  $H$ , erit centrum æquilibrij trilinei  $BEC$ , appensi secundum  $AD$ . Ratio  $DE$ , ad  $EC$ , continuetur in tot terminos ut numerus eorum excedat numerum trilinei binario;



binario; sitque ultimus minimus terminus  $k$ . Ergo trilineum  $AED$ , erit ad trilineum  $BEC$ , ex schol. 2. proposit. 3. lib. pri. ut  $DE$ , ad  $K$ . Et diuidendo, erit trapezium  $ABCD$ , ad trilineum  $BEC$ , ut excessus  $DE$ , supra  $K$ , ad  $k$ . Fiat ergo ut excessus  $DE$ , supra  $k$ , ad  $k$ , sic  $HF$ , ad  $FL$ . Dico punctum  $L$ , esse centrum æquilibrij trapezij secundum  $AD$ , appensi. Quod facile patet, quia cum  $F$ , &  $H$ , sint centra æquilibrij trilineorum  $AED$ ,  $BEC$ , & factum sit reciproce, ut excessus  $DE$ , supra  $k$ , ad  $k$ , nempe ut  $ABCD$ , ad  $BEC$ , sic  $HF$ , ad  $FL$ . Ergo  $L$ , erit requisitum centrum. Quod erat inueniendum.

## SCHOLIUM I.

Si ergo per punctum  $L$ , ducatur  $LO$ , parallela  $DE$ , & per proposit. anteced. inueniatur  $M$ , centrum æquilibrij trapezij appensi secundum  $CD$ , & ducatur  $MN$ , parallela  $AD$ :  $N$ , erit centrum grauitatis prædicti trapezij.

Item si trapezio circumscribatur parallelogrammum  $PD$ , quod cum ipso reuoluatur circa  $CD$ , seu circa  $PA$ ; ex dictis patet primo dari rationem cylindri ex  $PD$ , ad alterutrum solidorum ex trapezio siue circa  $CD$ , siue circa  $PA$ .

Patet secundo dari cubationes truncorum cylindrici super trapezio resecti plano transeunte per  $CD$ , & per latus oppositum ipsi  $PA$ .

Patet




partes  $kC$ . Semiparabolæ circumscribatur parallelogrammum  $DE$ ; &  $KH$ , producaturs vsque ad  $G$ ; & diuidatur  $KC$ , bifariam in  $L$ ; & ex proposito. 12. huius, inueniatur  $M$ , centrum æquilibrij trapezij  $GHCE$ ; & fiat  $CN$ , æqualis  $EM$ . Ducatur  $HA$ , parallela  $DC$ , & fiat vt differentia inter tot  $EB$ , quotus est numerus parabolæ vnitate auctus, & inter  $EB$ ,  $BG$ , & ceteras tot continuè proportionales in harum ratione quotus est numerus parabolæ vnitate auctus, ad has continuè proportionales, sic  $NL$ , ad  $LO$ . Dico  $O$ , esse centrum æquilibrij portionis  $HkC$ . Cum enim  $L$ , sit centrum æquilibrij parallelogrammi  $kE$ , &  $N$ , trapezij  $HGE C$ ; & cum factum sit  $NL$ , ad  $LO$ , vt excessus tot  $EB$ , quotus est numerus parabolæ vnitate auctus supra  $EB$ ,  $BG$ , & ceteras tot proportionales quot sunt ipsæ, ad easdem proportionales; nempe ex secunda parte propositi. 9. lib pri. conuertendo, & diuidendo, sic reciproce  $HkC$ , ad  $HGEC$ . Ergo ex Archim.  $O$ , erit centrum quæsitum. Quod &c.

## SCHOLIUM I.

Verum cum indigeamus, pro dicendis in sequenti libro, centris æquilibrij talis portionis, & aliorum segmentorum in parabola quadratica; particularius explicabimus in ipsa & nunc, & in sequentibus, regulas vniuersales inueniendi talia centra æquilibrij.

In



In parabola ergo quadratica punctum, quod est centrum, est in basi  $KC$ , portionis, prius secta bifariam in  $L$ , & in  $N$ , secundum centrum gravitatis excessus parallelogrammi  $GC$ , supra portionem, in eo puncto, in quo  $Lk$ , sic diuiditur, ut  $NL$ , sit ad  $NO$ , ut excessus triplæ  $CD$ , supra  $GD$ ,  $Dk$ , & harum tertiam minorem continuè proportionalem, ad has tres continuè proportionales.

## SCHOLIUM II.

Si vero portioni circumscribatur parallelogrammum  $kA$ , tria colliguntur. Primum est ratio cylindri

$Kk$  2 lindri

lindri ex  $kA$ , ad solidum rotundum ex portione, siue reuoluantur circa  $Hk$ , siue circa  $AC$ . Hæc autem eadem erit cum ratione rectanguli sub  $kL$ , & sub composita ex  $CD$ ,  $Dk$ , & cæteris tot continuè proportionalibus quotus est numerus parabolæ, accepta secundum numerum parabolæ vnitate auctum, ad rectangulum contentum vel sub  $kO$ , vel sub  $OC$ , secundum quod fit reuolutio siue circa  $Hk$ , siue circa  $AC$ , & sub composita ex ijsdem proportionalibus, sed sic acceptis, vt  $CD$ , accipiat secundum numerum parabolæ;  $Dk$ , secundum numerum parabolæ vnitate minutum; tertia proportionalis, secundum numerum parabolæ binario minutum; & sic deinceps. Ratio huius asserti principaliter dependet ex prop. 15. lib. p.


Imo ex scholio eiusdem particularius colligitur in parabola quadratica, esse cylindrum ad illud solidum rotundum, vt rectangulum contentum sub  $KL$ , vel  $LC$ , & sub composita ex  $CD$ ,  $Dk$ , ad rectangulum contentum sub  $kO$ , vel  $OC$ , & sub composita ex dimidijs  $CD$ ,  $Dk$ , & ex sexta parte  $kC$ .

Secundum quod colligitur est, quod si super portione concipiatur cylindricus rectus, sectus diagonaliter plano transeunte per  $HK$ , & per latus oppositum ipsi  $AC$ , haberi cubationes vtrorumque truncorum.

Tertium est, haberi rationem solidi ex portione circa  $AC$ , ad solidum ex portione circa  $Hk$ .

## PROPOSITIO XV.

*Eiusdem portionis centrum æquilibrij secundum lineam diametro parallelam assignare.*



**S**ed oporteat eiusdem portionis  $HKC$ , centrum æquilibrij in  $HK$ , assignare. Ducatur per  $H$ ,  $HF$ ,  $DC$ , parallela; &  $BF$ ,  $BD$ , secentur in  $A$ ,  $L$ , ut  $BL$ ,  $BA$ , sint ad  $LD$ ,  $AF$ , ut numerus parabolæ unitate auctus, ad numerum parabolæ. Ergo ex schol. p. proposit. 2. huius,  $A$ , &  $L$ , erunt centra æquilibrij semiparabolarum  $FBH$ ,  $DBC$ .  
Pari-


Pariter si  $FD$ , secetur bifariam in  $M$ , erit  $M$ , centrum æquilibrij parallelogrammī  $FK$ . Diuidatur  $AM$ , sic in  $N$ , ut  $AN$ , sit ad  $NM$ , ut tot  $DF$ , quotus est numerus parabolæ unitate auctus, ad tot  $BF$ , quotus est numerus parabolæ; nempe ex proposit. 19. lib. pri. reciprocè ut parallelogrammum  $DH$ , ad semiparabolam  $FBH$ . Ergo  $N$ , erit centrum æquilibrij segmenti  $DBHK$ . Tunc ratio  $CD$ , ad  $DK$ , continuetur in tot terminos, ut numerus eorum excedat numerum parabolæ unitate, & sit ultimus minimus terminus  $O$ ; & fiat ut tot rectangula  $CDK$ , quotus est numerus parabolæ, una cum rectangulo sub  $Dk$ , in excessum  $CD$ , supra  $O$ , ad rectangulum sub  $kC$ , & sub excessu tot  $CD$ , quotus est numerus parabolæ unitate auctus supra  $CD$ ,  $DK$ , & alias proportionales reperiuntur; nempe ex proposit. 20. lib. prim. ut segmentum  $DBHk$ , ad portionem  $KHC$ , sic  $NL$ , reciprocè, ad  $LP$ . Ergo  $P$ , erit centrum æquilibrij portionis  $HkC$ , acceptæ secundum  $DB$ . Si ergo fiat  $kQ$ , æqualis  $DP$ . Patet inuentum esse  $Q$ , centrum æquilibrij portionis  $HkC$ , acceptæ secundum  $kH$ . Quod erat faciendum.

## SCHOLIUM I.

Si ergo ducatur  $QR$ , parallela  $KC$ , & per  $S$ , centrum æquilibrij portionis  $KHC$ , appensæ, ex proposit. anteced. secundum  $KC$ , ducatur  $ST$ , paral-

parallela HK, occurrens QR, in T; patet T, esse  
centrum grauitatis prædictæ portionis.

## SCHOLIUM II.



Sed insuper patet ad modum superiorum tria col-  
ligi. Primum est, ratio cylindri ex KV, ad alteru-  
trum solidorum ex HKC, reuoluta cum kV, siue  
circa kC, siue circa HV.

Secundum est, cubatio truncorum cylindri-  
ci recti super portione, resecti plano transeunte  
diagonaliter per kC, & per latus oppositum ip-  
se HV.

Tertium est, ratio solidi ex portione circa HV,  
ad



264 DE INFINITIS PARABOLIS ETC.  
ad solidum rotundum ex eadem portione circa  $C$ ,  
quod erit segmentum fusi parabolici.

### SCHOLIUM III.

Imo licet notare, quomodo in progressu demon-  
strationis inuentum sit  $N$ , centrum equilibrij seg-  
menti ad diametrum  $DBH^k$ . Quo centro inuen-  
to tria pariter licet colligere. Quorum primum, est  
ratio cylindri ex parallelogrammo  $DG$ , ad alte-  
rutrum solidorum rotundorum ex segmento reuolu-  
to cum parallelogrammo siue circa  $BG$ , siue circa  
 $D^k$ . Talis ergo ratio erit eadem cum ratione rectan-  
guli contenti sub dimidia  $BD$ , & sub tot  $CD$ ,  
quotus est numerus parabolæ unitate auctus, ad re-  
ctangulum sub alterutra ipsarum  $BN$ ,  $ND$ , se-  
cundum quod fit reuolutio, & sub composita ex tot  
 $CD$ , quotus est numerus parabolæ, & ex excessu  
 $CD$ , supra  $O$ , vt clare colligitur ex proposit. 10.  
lib. prim. Sicuti ex schol. 1. eiusdem prop. colligitur  
particulariter in parabola quadratica, esse prædi-  
ctum cylindrum, ad alterutrum prædictorum solido-  
rum, vt rectangulum sub dimidia  $DB$ , & sub  $CD$ ,  
ad rectangulum sub alterutra ipsarum  $BN$ ,  $ND$ ,  
& sub composita ex  $C^k$ , ex duabus tertijs parti-  
bus  $D^k$ , & ex tertia parte excessus  $D^k$ , su-  
pra  $O$ .

Imo ex schol. 2. eiusdem propositionis licet vni-  
uersaliter colligere, prædictum cylindrum esse ad  
vnum,




litum ipsi BG. Talis enim cubatio habetur omnibus modis, quibus in præsentī scholio explicata fuit ratio cylindri ad solida rotunda ex segmento correspondentia truncis.

tertium demum, quod colligitur, est ratio solidi ex segmento circa BG, quod est pars annuli stricti secundum rectitudinem basis, ad solidum ex eodem segmento circa DK; quod est segmentum fusi parabolici.

## PROPOSITIO XVI.

*Segmenti semiparabola cuiuscumque ad diametrum, centrum æquilibrij in basi assignare.*

**V**erum oporteat segmenti DBHk, centrum æquilibrij in basi Dk, assignare. Dk, secetur bifariam in A, & BG, sic secetur in F, ut BF, sit ad FG, ut numerus parabolæ unitate auctus ad unitatem; & fiat kL, æqualis GF. Ergo tam F, quam L, erunt centra æquilibrij trilinei BGH, appensi secundum Dk, ex schol. pri. proposit. 2. huius. Ut ergo factum est in anteced. proposit. ratio CD, ad Dk, intelligatur continuata usque ad O, adeo ut numerus proportionalium excedat numerum parabolæ unitate; & fiat, ut excessus totius QD, quoruscumque sit numerus parabolæ unitate auctus supra O, ad Q, sic LA, ad AM. Dico pun-



co punctum M, esse centrum æquilibrij quæsitum. Nam A, est centrum totius parallelogrammi DG, & L, trilinei BGH: cum autem factum sit ut excessus tot DC, quotus est numerus parabolæ unitate auctus supra O, ad O, nempe exproposit. 10. primi diuidendo, ut segmentum DBHK, ad trilineum BGH, sic reciproce LA, ad AM. Patet M, esse centrum æquilibrij segmenti BHkD. Quod &c.

## SCHOLIUM I.

Si ergo inuento N, centro æquilibrij segmenti,  
 Ll 2 ducan-

ducantur NP, MQ, parallelæ DC, BD, simul conuenientibus in Q; patet Q, esse centrum grauitatis prædicti segmenti.

In segmento ergo parabolæ quadraticæ, centrum æquilibrij segmenti DBHK, seu grauitatis duplicati segmenti ad partes Dk, est in basi Dk, prius bifariam secta in A, deinde AK, bifariam in L; tandem DA, in M, tali puncto, in quo DA, sic diuiditur, vt LA, quarta pars Dk, sit ad AM, vt dupla CD, cum excessu CD, supra O, ad O.

Sed alia ratio inueniendi centrum æquilibrij prædicti segmenti in Dk, potest haberi ex schol. 2. & 3. citatæ proposit. & hæc tam vniuersalis in segmentis parabolæ cuiuscumque, quam particularis in segmento parabolæ quadraticæ, quæ ex industria relinquitur diligentie lectoris.


## SCHOLIUM II.

Imo ad modum superiorum etiam nunc licet tria colligere. Nempe ratio cylindri ex DG, ad solida ex segmento reuoluto tam circa Hk, quam circa BD. Cubatio truncorum cylindrici recti super segmento, resecti plano diagonaliter transeunte per BD, & per latus oppositum ipsi HK. Et ratio solidi ex segmento reuoluto circa DB, ad solidum ex eodem segmento reuoluto circa HK.

PRO-

## PROPOSITIO XVII.

*Segmenti intermedij semiparabolæ cuiuscumque re-  
sectæ duabus lineis diametro parallelis, cen-  
trum æquilibrj in basi assignare.*




**S**Ed semiparabolæ DBC, secetur GH, LM, diametro BD, parallelis, & oporteat segmenti HGLM, centrum æquilibrj in basi HM, reperire. Semiparabolæ, cuius est segmentum, intelligatur circumscriptum parallelogrammum DE; & HG, ML, intelligantur produci vsque ad F, K: HM, autem secetur bifariam in N, & ex pro-

proposit. 12. huius, inueniatur in  $Fk$ ,  $O$ , centrum æquilibrij trapezij  $GFKL$ ; & ipsi  $KO$ , fiat æqualis  $MP$ . Iam patet  $N$ ,  $P$ , esse centra æquilibrij,  $N$ , quidem parallelogrammi  $Hk$ ,  $P$ , vero trapezij  $GFKL$ , secundum  $HM$ , appensorum. Tunc ratio  $CD$ , ad  $DM$ , continuetur in tot terminos, vt numerus eorum excedat numerum parabolæ vnitate, sitque vltimus minimus terminus  $R$ : fiat autem vt  $MD$ , ad  $DH$ , sic  $R$ , ad  $S$ ; quæ ratio continuetur in tot terminos, vt numerus eorum itidem excedat numerum parabolæ vnitate; sitque vltimus minimus terminus  $T$ . Fiat vero, vt excessus tot  $DC$ , quotus est numerus parabolæ vnitate auctus supra  $R$ ,  $O$ , & cæteras tot proportionales quot sunt ipsæ, ad has proportionales, sic  $PN$ , ad  $NQ$ . Dico punctum  $Q$ , esse quæsitum centrum. Nam ex proposit. 12. lib. pri. est diuidendo, & conuertendo, vt prædictus excessus ad prædictas proportionales; nempe vt  $PN$ , ad  $NQ$ , sic reciprocè segmentum  $HGLM$ , ad trapezium  $GFKL$ . Quare patet propositum.

## SCHOLIUM I.

In segmento ergo parabolæ quadraticæ, centrum æquilibrij, erit in  $HM$ , prius secta bifariam in  $N$ ; deinde secta  $NM$ , in  $P$ , secundum centrum æquilibrij trapezij  $FGkL$ ; & in dimidia  $HN$ , & in eiusdem tali puncto  $Q$ , vt  $PN$ , sit ad  $NQ$ , vt excessus



cessus triplæ  $CD$ , supra tres  $R, S, T$ , ad ipsas. Vel ex schol. 2. præcit. proposit. possumus inferre, esse in  $Q$ , sic, ut  $PN$ , sit ad  $NQ$ , ut rectangula  $DCM, DMC, DHM$ , cum duobus tertijs quadrati  $HM$ , ad rectangulum  $MDH$ ; cum tertia parte quadrati  $HM$ . Hoc autem lector ex schol. citato, facile proprio Marte eliciet.

## SCHOLIUM II.

Tria autem solita etiam in hac propositione licet colligere. Primum est, circumscripto segmento parallelogrammo  $HA$ , ratio cylindri ex parallelogrammo, ad alterutrum solidorum ex segmento reuo-



reuoluto tam circa  $HG$ , quam circa  $ML$ . Hæc autem ratio sic colligetur. Ratio  $CD$ , ad  $DH$ , continuetur in tot terminos vt numerus eorum excedat numerum parabolæ unitate, sitque vltimus minimus terminus  $V$ : Eodem modo continuetur ratio  $CD$ , ad  $DM$ ; sitque vltimus minimus terminus  $R$ ; & fiat vt  $MD$ , ad  $DH$ , sic  $R$ , ad  $S$ : quæ ratio continuetur pariter in tot terminos  $T$ , &c. vt numerus eorum excedat numerum parabolæ unitate. Colligetur ergo, his peractis, exproposit. 8. lib. pri. cylindrum ex  $HA$ , esse ad solida ex segmento modo antedicto reuoluto, vt rectangulum sub dimidia  $MH$ , & sub tot excessibus  $CD$ , supra  $V$ , quotus est numerus parabolæ unitate auctus, ad rectangulum, vel sub  $MQ$ , vel sub  $HQ$ , & sub excessu tot  $CD$ , quotus est numerus parabolæ unitate auctus, supra  $R$ ,  $S$ , & ceteras tot numero proportionales.

Secundum, quod colligitur, est solita cubatio truncorum cylindrici recti super segmento, resecti plano transeunte per  $HG$ , & per latus oppositum ipsi  $ML$ .


Tertium est ratio solidi ex segmento circa  $GH$ , ad solidum ex eodem segmento circa  $ML$ .

## PROPOSITIO XVIII.

*Predicti segmenti, in maiori linea diametro parallela centrum æquilibri reperire.*

Sed

**S**ed oporteat talis segmenti  $HGLM$ , inuenire centrum æquilibrij in  $GH$ . Sece-  
tur  $FH$ , in  $A$ , bifariam & ex prop. 13. huius. inueniatur in basi  $kL$ ,  $V$ , centrum æquilibrij trapezij  $GFkL$ , & ipsi  $KV$ , fiat æqualis  $FO$ . Ergo  $A$ , erit centrum æquilibrij parallelogrammi  $Hk$ , &  $O$ , pariter erit centrum æquilibrij trapezij



$GFkL$ , si ambo intelligantur appensa secundum  $FH$ . Fiat ergo vt excessus tot  $DC$ , quorus est numerus parabolæ vnitate auctus (facta prius constructione proposit. anteced.) supra  $R$ ,  $S$ ,  $T$ , &c. sic  $OA$ , ad  $AN$ .  $N$ , erit centrum æquilibrij quæsitum. Ratio asserti est clarissima; quia  $OA$ , est ad  $AN$ , vt ille excessus ad illas proportionales; nempe reciproce, vt  $HGLM$ , ad  $GFkL$ . Quare &c.

## SCHOLIUM.

Si ergo ducatur  $NP$ , parallela  $DC$ , & per  $Q$ , centrum æquilibrij eiusdem segmenti in basi ducatur  $Mm$  tur


tur  $QX, BD$ , parallela,  $NP$ , in  $X$ , occurrens.  $X$  erit centrum grauitatis segmenti.

Segmento autem circumscripto parallelogrammo  $HZ$ , concludentur tria solita. Nempe ratio cylindri ex parallelogrammo ad solida ex segmento siue circa  $HM$ , siue circa  $GZ$ . Cubatio truncorum cylindrici recti super segmento, resecti plano transeunte per  $HM$ , & per latus oppositum ipsi  $GZ$ . Et ratio solidi ex segmento circa  $HM$ , ad solidum ex eodem segmento circa  $GZ$ .

## PROPOSITIO XIX.

*Portionis maioris parabola cuiuscumque resecta linea diametro parallela, centrum æquilibrij in basi assignare.*

**E**Sto quælibet portio maior  $ARGC$ , parabola cuiuscumque, resecta  $CG$ , diametro  $RD$ , parallela, & oporteat eius centrum æquilibrij in  $AC$ , basi adinuenire. Portioni ipsi circumscribatur parallelogrammum  $EC$ , &  $AC$ , secetur bifariam in  $H$ . Erit ergo punctum  $H$ , centrum æquilibrij parallelogrammi  $EC$ . Iterum secentur  $RE, RF$ , in  $k$ , &  $L$ , sic ut  $Rk$ , ad  $kE$ , &  $RL$ , ad  $LF$ , sint ut numerus parabola vnitate auctus ad vnitatem. Ergo ex schol. pri. proposit. 2. huius.  $k$ , &  $L$ , erunt centra æquilibrij trilineorum  $AER$ ,  $RFG$ . Cum ergo ex schol. pri. proposit. 3. lib. pri. sit



fit trilineum REA, ad trilineum RFG, ut potestas ER, vno gradu altior potestate parabolæ, ad similem potestatem F, si KL, taliter secetur in M, ut LM, sit ad Mk, ut reciprocè potestas ER, vno gradu altior potestate parabolæ, ad similem potestatem RF: ex Archim. sæpe citato, M, erit centrum æquilibrij duorum trilineorum simul vnitorum: & si AN, fiat equalis EM; etiam N, erit centrum æquilibrij talium trilineorum secundum AC, appensorum. Fiat ergo ut dictum est; & ratio AD, ad DC, continuetur in tot terminos ut numerus eorum excedat numerum parabolæ binario, & sit vltimus minimus terminus Q. Cum ergo ex proposit. 13. lib.

Mm 2 prim.


prim. diuidendo, & convertendo, sit portio  $ARGC$ , ad trilinea  $AER$ ,  $RFG$ , vt tot  $AC$ , quotus est numerus parabolæ, vna cum excessu  $DC$ , supra  $Q$ , ad  $AC$ , minus excessu  $DC$ , supra  $Q$ ; nempe vt dictum antecedens, ad  $AD$ , &  $Q$ . simul; si fiat in prædicta ratione reciproce  $NH$ , ad  $HO$ . Erit  $O$ , centrum æquilibrij quæsitum. Quod erat inueniendum.

## SCHOLIUM I.

In maiori ergo portione parabolæ quadraticæ, centrum æquilibrij est in basi prius secta bisariam in  $H$ , & deinde in  $B$ , &  $Z$ , sic, vt  $DB$ , &  $DZ$ , sint triplæ ipsarum  $AB$ ,  $ZC$ ; tertio sic diuisa  $ZB$ , in  $N$ , vt  $ZN$ , sit ad  $NB$ , vt cubus  $AD$ , ad cubum  $DC$ , s. v. vt  $AD$ , ad  $Q$ , quartam proportionalem ipsarum  $AD$ ,  $DC$ ; tandem in  $N$ , & in eiusdem puncto  $O$ , taliter constituto, vt  $NH$ , sit ad  $HO$ , vt dupla  $AC$ , cum differentia inter  $DC$ , &  $Q$ , ad  $AD$ , cum  $Q$ .

## SCHOLIUM II.

Tria autem solita deduci ex similibus antecedentibus propositionibus elicientur pariter ex præsentibus. Quorum primum est ratio cylindri ex parallelogrammo  $EC$ , ad solida ex portione, reuolutis ambobus tam circa  $AE$ , quam circa  $FC$ . Hæc vero



vero ratio, est eadem cum ratione rectanguli, cuius vnum latus sit  $AH$ , aliud tot  $AC$ , quoruscumque numerus parabolæ unitate auctus, ad rectangulum, cuius vnum latus sit altera ipsarum  $AO$ ,  $OC$ , aliud composita ex  $AC$ , accepta secundum numerum parabolæ, & ex excessu  $DC$ , supra  $Q$ , ut elicitur ex præcitata prop. 13. p.

Secundum est cubatio truncorum cylindrici recti resecti plano diagonaliter transeunte per  $CF$ , & per latus oppositum ipsi  $AE$ . Tertium est ratio solidorum ex segmento ad inuicem reuoluto circa  $AE$ ,  $CG$ .

PRO-


## PROPOSITIO XX

*Prædictæ portionis centrum æquilibrij in linea diametro parallela reperire.*

**S**ed oporteat prædictæ portionis centrum æquilibrij reperire in CG, parallela BD, etiam producta si opus sit. FC, diuidatur bifariam in T, adeo ut T, sit centrum æquilibrij parallelogrammi EC. AE, vero, & GF, sic secantur in H, & K, ut AH, GK, sint ad HE, FK, ut triplus numerus trilinei unitate auctus, ad numerum trilinei unitate auctum. Ergo ex schol. proposit. 8. huius. H, & k, sunt centra trilineorum AEB, BFG, in basibus: & si fiat FL, æqualis EH, erit L, centrum æquilibrij trilinei AEB, appensi secundum FC. Quoniam autem trilineum AEB, est ad trilineum BFG, ut supra dictum est, ut AD, ad Q, si KL, sic diuidatur in O, ut sit ut AD, ad Q, sic reciprocè kO, ad OL. Ergo O, erit centrum æquilibrij amborum trilineorum simul coniunctorum, & ex O, appensorum. Cum vero etiam T, sit centrum æquilibrij totius parallelogrammi EC, sit fiat ut ABGC, ad trilinea, nempe in ratione dicta in superiori propositione, sic OT, ad TM. Patet M, esse centrum quæsitum. Quod &c.

SCHO.

## SCHOLIUM.



Ducta ergo  $TN$ , parallela  $AC$ , & per  $P$ , centrum æquilibrij segmenti in basi, ducta  $PR$ , parallela  $BD$ , occurrens  $TN$ , in  $R$ ; patet  $R$ , esse centrum gravitatis prædicti segmenti. Tria autem ordinariè collecta in superioribus propositionibus, etiam nunc colliguntur; quod indicasse lectori sufficiat.


PRO-



## PROPOSITIO XXI.

*Segmenti parabola cuiuscumque resecta duabus lineis  
diametro parallelis includentibus diametrum,  
centrum æquilibrij in basi  
reperire.*

**E**Sto qualibet parabola, quæ resecta lineis  $AE$ ,  $CG$ , diametro  $BH$ , parallelis, & ipsam intercipientibus, exhibeat segmentum  $AEBGC$ . Oportet talis segmenti centrum æquilibrij in basi  $AC$ , reperire. Segmento circumscribatur parallelogrammum  $DC$ , &  $AC$ , diuidatur bifariam in  $K$ , adeo ut  $k$ , sit centrum æquilibrij parallelogrammi  $DC$ . Ad modum autem propositionis 19. inueniatur  $M$ , vel  $N$ , centrum æquilibrij trilineorum  $EDB$ ,  $BFG$ , simul coniunctorum; sit  $OH$ , basis semiparabolæ, & fiat ut  $CH$ , ad  $HA$ , sic  $OH$ , ad  $PL$ ; & fiat ut vnitas ad numerum parabolæ, sic  $PL$ , ad  $LS$ ; ratio autem  $OH$ , ad  $HC$ , continuetur in tot terminos, quorum vltimus minimus sit  $Q$ , ut numerus eorum excedat numerum parabolæ vnitate, & in totidem terminos continuetur ratio  $OH$ , ad  $HA$ , sitque vltimus minimus terminus  $R$ . Denuo fiat ut tot  $OH$ , quotus est numerus parabolæ vnitate auctus ad excessum ipsarum supra  $R$ , sic  $PS$ , ad  $ST$ . Tandem fiat ut  $ST$ , vna cum tot  $OH$ , quotus est numerus parabolæ,



la, & cum excessu OH, supra Q, ad TP, & Q, sic Nk, ad KI. Affirmo punctum I, esse centrum æquilibrij segmenti AEBGC, in basi AC. Nam vt dictum est, k, & N, sunt centra æquilibrij totius parallelogrammi, & trilineorum simul coniunctorum. Cum ergo ex proposit. 14. lib. pri. sit vt parallelogrammum AF, ad segmentum AEBGC, sic PS, (quæ est PL, accepta secundum numerum parabolæ unitate auctum) vna cum tot OH, quotus est numerus parabolæ unitate auctus, ad ST, vna cum excessu tot OH, quotus est numerus parabolæ

Nn      vni-


vinitate auctus supra Q. Ergo & diuidendo, trilinea erunt ad segmentum vt PT, & Q, ad TS, cum tot HO, quotus est numerus parabolæ, vna cum excessu OH, supra Q. Quare conuertendo, erit segmentum AEBGC, ad trilinea EDBFG, vt TS, vna cum HO, accepta secundum numerum parabolæ, & cum excessu OH, supra Q, ad PT, simul cum Q; nempe ex constructione, reciproce vt NK, ad KI. Erit ergo I, centrum quæsitum. Quod &c.

## SCHOLIUM I.

In segmento ergo parabolæ quadraticæ, erit centrum æquilibrj in basi AC, prius secta bifariam in k; deinde in V, & X, sic, vt HV, HX, sint triplæ ipsarum VA, XC: denuo sic in N, vt VN, sit ad NX, vt cubus CH, ad cubum HA: tandem in Ak, dimidia totius attingente minorem EA, diametro parallelam, & in eiusdem puncto I, vbi sic diuiditur, vt Nk, sit ad KI, vt ST, cum dupla HO, & cum excessu ipsius supra Q, quæ sit tertia minor proportionalis ipsarum OH, HC, ad PT, vna cum Q.

## SCHOLIUM II.

Sed & tria ordinaria colligentur. Solum adnotetur, rationem cylindri ex parallelogrammo ad solida ex segmento reuoluto cum ipso tam circa DA, quam circa FC, esse eandem cum ratione rectanguli sub



li sub  $Ak$ , & sub composita ex  $PS$ , & ex tot  $OH$ ,  
 quotus est numerus parabolæ unitate auctus, ad re-  
 ctangulum vel sub  $AI$ , vel sub  $IC$ , & sub composita  
 ex  $TS$ , ex  $HO$ , accepta secundum numerum pa-  
 rabolæ, & ex excessu  $OH$ , supra  $Q$ .

## PROPOSITIO XXII.

*Eiusdem segmenti centrum æquilibrij reperire in alte-  
 rutra diametro parallela.*


**S**ed oporteat segmenti  $AEBGC$ , reperire centrum æquilibrium alterutra ipsarum  $AE, CG$ , etiam producta si opus sit. Verum cum talis modus non differat à modo inveniendi tale centrum in portione maiori parabole, qui explicatus fuit proposit. 20. huius; ideo lector ad ipsius imitationem tale centrum reperiet, adhibendo congruam proportionem segmenti ad trilinea, in antecedent. proposit. usam. Sicuti etiam ad modum eorum, quæ dicta sunt tot vicibus adinueniet centrum gravitatis prædicti segmenti; pariterque etiam agnoscet, tria solita deduci, etiam elici in præsentiarum.

## SCHOLIUM.

Quam longe, lateque pateat usus trium proportionum initio huius libri explicatarum, lector ex supra dictis, potuit animadvertere. Verum etiam alijs inservire possunt. Ipsis enim medijs possumus reperire centra gravitatis partium circuli methodo diuersa ab ea, qua ipsa inuenerunt acutissimi geometre Ioannes della Failla, Guldinus, & forsitan alij, & varia tradere circa solida quædam rotunda ex circuli partibus reuolutis varie genita. Sit ergo.

## PROPOSITIO XXIII.

*Si cuilibet sectori circuli minori semicirculo sit circumscriptum rectangulum, quod cum sectore rotetur circa suum latus transiens per centrum sectoris. Cylindrus ex rectangulo erit sesquialter solidi ex sectore.*




**S**It sector minor semicirculo HDE, cuius axis BD, & cui sit circumscriptum rectangulum kN. Dico cylindrum ex kN, circa MN, esse sesquialterum solidi ex sectore HBED, circa MN. Compleatur semicirculus ABC, & ei sit circumscriptum rectangulum FC, & hæc omnia intelligantur rotari circa AC. Sector solidus genitus à sectore HBED, erit æqualis cono, cuius basis sit æqualis superficiei sphaericæ ipsius (quæ superficies erit quædam zona) altitudo vero æqualis semidiametro BD, ut facile elicitur ex Archim. pri. de sphaer. & cylin. pro-

proposit. 42. Sed ut deducitur ex eodem ibidem proposit. 31. & 32. etiam sphaera est equalis cono, cuius basis aequetur superficiei sphaericae, altitudo vero sit aequalis semidiametro. Ergo sphaera erit ad talem sectorem solidum, ut superficies sphaerae, ad superficiem sectoris solidi. Sed superficies sphaerae, est ad superficiem sphaericam talis sectoris solidi ut AC, ad MN, ut elicitur ex eodem Archim. supra citato proposit. 40. & 41. Ergo & ut AC, ad MN, sic sphaera ad talem sectorem solidum. Sed ut AC, ad MN, sic cylindrus ex rectangulo FC, circa AC, ad cylindrum ex rectangulo KN, circa MN. Ergo & ut cylindrus ad cylindrum, sic sphaera ad solidum ex sectore. Et permutando, ut cylindrus ex FC, ad sphaeram, sic cylindrus ex KN, circa MN, ad solidum ex sectore HDEB, circa MN. Sed cylindrus, ex Archim. citato proposit. 32. est sesquialter sphaerae. Ergo & cylindrus ex KN, erit sesquialter solidi ex sectore, &c. Quod &c.

## PROPOSITIO XXIV.

*Si semicirculi, seu sectoris eius cuiuscumque semidiameter sic secetur in puncto, ut sit sicut dimidia peripharia semicirculi, seu sectoris ad tertiam partem chordae eiusdem, sic semidiameter ad sui partem abscindendam incipiendo à centro. Tale punctum erit centrum gravitatis semicirculi, seu sectoris.*

Esto



**E**sto  $ABCD$ , vel semicirculus, vel quilibet circuli sector, cuius centrum  $D$ , axis  $BD$ ; & intelligamus esse ut  $AB$ , circumferentia, ad  $AE$ , quæ sit tertia pars chordæ  $AC$ , sic  $BD$ , ad  $DF$ . Dico  $F$ , esse centrum grauitatis semicirculi, seu sectoris.


Probatur primo in semicirculo, cui circumscribatur rectangulum  $GC$ , quod cum semicirculo rotetur circa  $AC$ . Ergo ex Archim. cita. cylindrus erit sesquialter sphaeræ. Quare cum  $AE$ , sit duo tertia  $AD$ , quia est vnum tertium  $AC$ ; ergo cylindrus erit ad sphaeram, ut  $DA$ , ad  $AE$ . At ratio  $DA$ , ad  $AE$  (de foris sumpta circumferentia  $AB$ ,) componitur ex rationibus  $DA$ , ad  $AB$ , circumferentiam,



rentiam, & huius ad  $AE$ . Ergo & ratio cylindri ad sphaeram componetur ex iisdem rationibus. Verum ex schol. prim. proposit. 3. huius. ratio cylindri ad sphaeram componitur quoque ex ratione rectanguli  $GD$ , ad  $ABC$ , semicirculum, & ex ratione  $BD$ , ad interceptam inter  $D$ , & centrum gravitatis semicirculi. Ergo rationes  $DA$ , ad circumferentiam  $AB$ , & huius ad  $AE$ , æquales erunt rationibus  $GD$ , ad semicirculum, &  $BD$ , ad interceptam inter  $D$ , & centrum gravitatis semicirculi. Verum quoniam, ut elicitur ex Archim. de circuli quadratura, & ex nobis proposit. 6. lib. 2. rectangulum  $GD$ , est ad semicirculum, ut  $DA$ , ad circumferentiam  $AB$ . Ergo si hæ duæ rationes æquales subtrahantur, remanebunt etiam aliæ duæ rationes æquales. Ergo ratio circumferentiæ  $AB$ , ad  $AE$ , æqualis erit rationi  $BD$ , ad interceptam inter  $D$ , & centrum gravitatis semicirculi. Sed ex constructione, factum est ut circumferentia  $AB$ , ad  $AE$ , sic  $BD$ , ad  $DF$ . Ergo  $F$ , erit centrum gravitatis semicirculi.

In sectore minori, ei circumscripto rectangulo  $GL$ , erit fere eadem demonstratio. Quia in proposit. anteced. ostensum est cylindrum ex parallelogrammo,  $GL$ , esse sesquialterum solidi ex sectore, revolutis ambobus circa  $KL$ ; & etiam facile deducetur tam ex Archim. quam ex nobis, rectangulum  $GD$ , esse ad sectorem ut  $GB$ , seu  $AM$ , ad  $AE$ . Vnde eodem modo concludetur  $F$ , esse centrum graui-

grauitatis sectoris. At in sectore maiori compleatur  
 circulus, cuius est sector, cuius diameter sit  $Bk$ , i. e.



etorisque minoris  $ADCK$ , sit centrum grauitatis  
 $L$ ; & fiat vt  $BA$ , dimidia periphēria sectoris maioris,  
 ad  $Ak$ , dimidiam minoris, sic  $LD$ , ad  $DF$ . Erit  
 vt  $LD$ , ad  $DF$ , sic sector maior  $ABCD$ , ad secto-  
 rem minorem  $AKCD$ , quia sector, est ad secto-  
 rem, vt circumferentia, ad circumferentiam, seu vt  
 dimidia circumferentia ad dimidiam circumferen-  
 tiam. Sed  $D$ , est centrum totius circuli,  $L$ , sectoris  
 minoris; ergo ex Archimede sæpe citato,  $F$ , erit  
 centrum sectoris maioris. Quod vero punctum  $F$ ,  
 sic inuentum, sit idem cum puncto  $F$ , prius inuen-  
 to, sic patebit. Nam quoniam per constructionem,  
 est vt circumferentia  $AB$ , ad circumferentiam  
 $Ak$ , sic  $LD$ , ad  $DF$ ; ergo & permutando, vt pe-  
 riphēria  $BA$ , ad  $LD$ , sic periphēria  $Ak$ , ad  $DF$ .


Oo Sed

Sed vt ostensum est supra conuertendo, vt  $AE$ , ad circumferentiam  $Ak$ , sic  $DL$ , ad  $Dk$ . Ergo ex æquali in perturbata analogia, vt periphæria  $AB$ , ad  $Dk$ , sic  $AE$ , ad  $DF$ . Et permutando, vt circumferentia  $AB$ , ad  $AE$ , sic  $kD$ , seu  $BD$ , ad  $DF$ . Ergo patet propositum. Quod &c.

## SCHOLIUM.

Ex præfenti propof. & ex proposit. 4. huius. possumus inferre dari rationem solidi rotundi vel ex semicirculo  $ABC$ , vel ex quolibet sectore  $ABCD$ , reuoluto circa  $GH$ , ipsos tangentem in  $B$ , ad solidum ex iisdem reuolutis circa  $AC$ ,  $KL$ . In semicirculo ergo, & in sectore minori, ratio talis eadem erit cum ratione  $BF$ , ad  $FD$ ; seu cum ratione excessus circumferentiæ  $AB$ , supra  $AE$ , ad  $AE$ . In sectore vero maiori semicirculo, eadem erit cum ratione  $BF$ , ad  $FG$ .

Insuper notetur qualiter dentur cubationes trunci sinistri cylindri recti tam super semicirculo, quam super sectore minori resecti plano transcurrente, in semicirculo per  $AC$ , & per latus oppositum ipsi  $GH$ ; in sectore vero minori, per  $KL$ , & per latus oppositum ipsi  $GH$ . Ratio est, quia cum in semicirculo, ex Archimede, cylindrus ex parallelogrammo  $GC$ , sit ad spheram ex semicirculo in ratione sesquialtera; & cum ex supra dictis, sit truncus sinister cylindrici super parallelogrammo, nempe prisma, ad trun-



truncum finistram cylindri, quem alij vngulam vo-  
cant, vt cylindrus ad sphæram. Ergo tale prisma,  
erit sesquialterum talis vngulæ. Idem probabitur in  
sectore minori, quia supra probatum est cylindrum  
sesquialterum esse solidi ex sectore. Et vt patet, ta-  
les cubationes habentur sine circuli quadratura.  
Non sic habentur cubationes truncorum dextro-  
rum talium cylindricorum; quæ tamen etiam ha-  
bentur, supposita circuli quadratura, quia suppo-  
sita circuli quadratura, habentur rationes cylin-  
drorum ex GC, in semicirculo, & ex GL, in  
sectore minori ad annulos strictos ex semicirculo, &  
ex sectore minori, reuolutis circa GH. Ratio au-  
tem

tem hæc in semicirculo est eadem cum ratione  $A D$ , semidiametri, ad excessum circumferentiæ  $A B$ , supra  $A E$ . In sectore autem, est eadem cum ratione  $k D$ , ad illum excessum: nempe est eadem cum ratione dimidiæ chordæ ad excessum dimidiæ circumferentiæ supra tertiam partem eiusdem chordæ. Nam, cum sit cylindrus ex parallelogrammo sesquialter solidi ex semicirculo, vel ex sectore circa  $A C$ , seu  $k L$ , nempe ad ipsum, ut sesquialtera  $F D$ , ad  $F D$ : solidum vero circa  $A C$ , vel  $k L$ , sit ad solidum circa  $G H$ , ut  $D F$ , ad  $F B$ . Ergo ex æquali, erit cylindrus ex parallelogrammo, ad solidum ex semicirculo, vel ex sectore circa  $G H$ , ut sesquialtera  $F D$ , ad  $F B$ ; nempe ut  $A D$ , vel  $k D$ , ad excessum circumferentiæ  $A B$ , supra  $A E$ .

## PROPOSITIO XXV.

*Sector circuli, est ad suum triangulum, ut quadratum semidiametri, ad rectangulum sub altitudine trianguli, & sub sesquialtera interceptæ inter centrum circuli, & centrum gravitatis sectoris.*

**S**Int sectores minor  $A k C D$ , & maior  $A B C D$ , in fig. seq. quorum triangulum  $A D C$ , quo minor excedit portionem  $A k C$ , maior vero deficit à portione  $A B C$ , centra vero gravitatis ipsorum, sint  $F$ ,  $L$ ;  $F$ , quidem maioris,  $L$ , vero minoris. Di-

co sectorem  $AkCD$ , esse ad triangulum  $ADC$ ,  
 vt quadratum  $kD$ , ad rectangulum sub  $GD$ , in  
 sesquialteram  $DL$ : sectorem vero  $ABCD$ , esse  
 ad idem triangulum, vt idem quadratum ad rectan-  
 gulum sub  $GD$ , in sesquialteram  $FD$ .


Quoniam enim, vt deducitur ex schol. proposit.  
 6. lib. 2. sector  $AkCD$ , est æqualis triangulo, cuius  
 basis est æqualis circumferentiæ  $AKC$ , altitu-  
 do  $kD$ ; & triangulorum proportio adinuicem com-  
 ponitur ex ratione basium, & altitudinum. Ergo ra-  
 tio sectoris  $AkCD$ , ad triangulum  $ADC$ , com-  
 ponitur ex ratione circumferentiæ  $AKC$ , ad  $AC$ ,  
 seu circumferentiæ  $Ak$ , ad  $AG$ , & ex ratione  
 $kD$ , ad  $DG$ . Verum quoniam, ex proposit. an-  
 teced. patet esse vt circumferentiæ  $Ak$ , ad  $AE$ , sic  
 $kD$ , ad  $DL$ . Ergo, & vt circumferentiæ  $Ak$ , ad  
 $AG$ , sesquialteram  $AE$ , sic  $kD$ , ad sesquialteram  
 $DL$ . Ergo & ratio sectoris  $AKCD$ , ad triangu-  
 lum  $ADC$ , componetur ex ratione  $kD$ , ad  $DG$ ,  
 & ex ratione  $kD$ , ad sesquialteram  $DL$ . Sed ex  
 ijsdem rationibus componitur ratio quadrati  $kD$ ,  
 ad rectangulum sub  $GD$ , & sub sesquialtera  $DL$ .  
 Ergo sector erit ad triangulum vt illud quadratum  
 ad illud rectangulum. Eodem modo demonstra-  
 bitur etiam in sectore maiori. Quare patet pro-  
 positum.

## COROLLARIUM.

Ergo diuidendo, portio minor  $AKC$ , erit ad triangulum  $ADC$ , vt excessus quadrati  $kD$ , supra sesquialterum rectanguli  $GDL$ , ad ipsum sesquialterum rectanguli  $GDL$ . Componendo vero, portio maior  $ABC$ , erit ad idem triangulum, vt quadratum  $BD$ , cum sesquialtero rectanguli  $GDF$ , ad tale sesquialterum rectanguli  $GDF$ .

## SCHOLIUM I.

His præstentis, facile adinueniemus centrum grauitatis cuiuslibet portionis circuli: si enim inueniamus  $L$ , centrum grauitatis sectoris minoris  $ADKC$ , &  $O$ , centrum grauitatis trianguli  $ADC$ , & fiat vt excessus quadrati  $kD$ , supra sesquialterum rectanguli  $GDL$ , ad idem rectangulum; nempe vt portio  $AKC$ , ad triangulum  $ADC$ , sic reciproce  $OL$ , ad  $LP$ .  $P$ , erit centrum grauitatis portionis  $AKC$ . Pariter si  $FO$ , sic diuidatur in  $Q$ , vt sit sicut quadratum  $BD$ , ad sesquialterum rectanguli  $GDF$ , nempe vt sector maior, ad triangulum, sic reciproce  $OQ$ , ad  $QF$ . Patet  $Q$ , esse centrum grauitatis portionis maioris  $ABC$ . Immo patet qualiter etiam possumus habere centrum grauitatis cuiuslibet segmenti circuli resecti duabus chordis parallelis. Cum enim segmentum tale  
aliud



aliud non fit quam differentia duarum portionum, & quidem circa eundem axim cum ipsis; patet ex centrīs gravitatis ipsarum, licere adinuenire centrum gravitatis segmenti.


## PROPOSITIO XXVI.

*Si super basi, & circa axim maioris portionis circuli fiat re-  
ctangulum, quod simul cum portione voluatur circa ba-  
sim ipsius portionis. Cylindrus ad solidum ex portione,  
erit ut parallelepipedum sub quadrato axis portionis, &  
sub sesquialtera interceptæ inter centrum circuli, & cen-  
trum gravitatis sectoris, ad parallelepipedum sub qua-  
drato semidiametri in interceptam inter centrum gravi-  
tatis, & basim portionis, una cum parallelepipedo sub  
eadem intercepta, & sub rectangulo, cuius unum latus,  
sit altitudo conī sectoris, aliud vero, sesquialtera inter-  
ceptæ*



cepta inter centrum circuli, & centrum gravitatis sectoris.

**E**Sto ABC, quaelibet portio circuli maior, cuius centrum E, L, centrum gravitatis, H, vero centrum gravitatis ABCE, sectoris, & EK, sit sesquialtera EH. Dico cylindrum ex parallelogrammo FC, circa AC, ad solidum ex portione ABC, circa AC, esse ut parallelepipedum sub quadrato BD, in Ek, ad factum sub quadrato BE, in LD, vna cum parallelepipedo sub eadem DL, in rectangulum DEk. Nam ex schol. pri. proposit. 3. huius, ratio cylindri ad tale solidum componitur ex ratione parallelogrammi FD, ad portionem ABC, & ex ratione BD, ad DL; portio autem constat ex sectore, & ex triangulo; inveniendæ ergo sunt rationes illius parallelogrammi ad sectorem, & ad triangulum, ut inde compendiosius eliciatur ratio parallelogrammi ad portionem. Ex schol. proposit. 6. lib. 2. sector est æqualis rectangulo, cuius vnum latus BE, aliud circumferentia AB; & cum rationes rectangulorum componentur ex rationibus laterum. Ergo ratio rectanguli FD, ad sectorem, componetur ex ratione DB, ad BE, & ex ratione AD, ad circumferentiam AB. Verum, quoniam ex supra ostensis, cum H, sit centrum gravitatis sectoris, est ut AD, ad circumferentiam AB, sic Ek, sesquialtera EH, ad EB. Ergo ratio rectanguli FD, ad sectorem, componetur ex  
ratio-



ratione DB, ad BE, & ex ratione Ek, ad eandem BE; nempe erit ad sectorem, vt rectangulum sub DB, Ek, ad quadratum EB. Pariter rectangulum FD, est ad triangulum AEC, vt BD, ad DE; nempe vt rectangulum sub DB, EK, ad rectangulum DEk. Ergo colligendo ambo consequentia, erit FD, ad portionem, vt rectangulum sub BD, EK, ad quadratum BE, cum rectangulo DEk. Quare ratio cylindri ex parallelogrammo FC, ad solidum ex portione, ambobus reuolutis circa AC, componetur ex ratione rectanguli DB, EK, ad quadratum BE, cum rectangulo DEK, & ex ratione DB, ad DL. Erit ergo cylindrus ad illud solidum vt parallelepipedum, cuius basis quadratum DB, altitudo EK, ad parallelepipedum sub quadrato BE, in DL, vna cum parallelepipedo sub DL, in rectangulum DEk.


P p      SCHO-

## SCHOLIUM I.

Ex dictis facile possumus elicere, cylindrum ex parallelogrammo  $FC$ , circa  $FG$ , esse ad annulum strictum ex portione circa  $FG$ , vt idem antecedens, ad parallelepipedum sub  $BL$ , in quadratum  $BE$ , & in rectangulum  $DEK$ . Nam ex proposit. 4. huius, solidum ex portione circa  $AC$ , est ad solidum ex portione circa  $FG$ , vt  $DL$ , ad  $LB$ ; nempe vt parallelepipedum sub quadrato  $BE$ , & sub rectangulo  $DEK$ , & sub altitudine  $DL$ , ad parallelepipedum sub iisdem planis, & sub  $LB$ . Ergo ex equali, patet propositum. Notetur tamen, in progressu presentis propositi. probatum esse, rectangulum  $FD$ , esse ad portionem, vt rectangulum  $DB$ ,  $EK$ ; ad quadratum  $BE$ , cum rectangulo  $DEK$ . Ex quibus deducetur, totum rectangulum  $FC$ , esse ad portionem, vt duplum rectangulum  $DB$ ,  $EK$ ; nempe vt triplum rectangulum  $DB$ ,  $EH$ , ad eadem consequentiam. Vnde subtriplando terminos, erit idem parallelogrammum ad eandem portionem, vt rectangulum  $DB$ ,  $EH$ , ad tertiam partem quadrati  $BE$ , cum dimidio rectangulo  $DEH$ .

## SCHOLIUM II.

Sed rationem cylindri ex  $FC$ , ad solidum ex portione circa  $AC$ , possumus aliter proponere; nempe esse



esse ut idem antecedens præsentis propositionis, ad parallelepipedum sub quadrato semidiametri BE, in HD, interceptam inter basim portionis, & centrum gravitatis sectoris, una cum parallelepipedo sub quadrato DE, altitudine coni, in dimidiam EH, interceptam inter centrum circuli, & centrum gravitatis sectoris. Hæc vero ratio deducetur comparando cylindrum ex FC, ad solida ex sectore, & ex cono circa AC. Nam ratio cylindri, ad solidum ex sectore ABCE, circa AC, componitur extractione rectanguli FD, ad sectorem, nempe ut notatum est in schol. antec. ex ratione rectanguli BD, EK, ad quadratum BE, & ex ratione BD, ad DH. Ex istis vero rationibus componitur ratio parallelepipedum sub quadrato DB, in EK, ad parallelepipedum sub quadrato BE, in HD. Ergo cylindrus erit ad solidum ex sectore in ratione prædicto-

Pp 2 rum

rum solidorum. Pariter idem cylindrus, est ad Rhombum ex triangulo  $\triangle E C$ , circa  $A C$ , ut quadratum  $B D$ , ad tertiam partem quadrati  $D E$ ; nempe ut solidum sub quadrato  $B D$ , in  $E K$ , ad solidum sub tertia parte quadrati  $D E$ , in  $E K$ , quod æquatur solido sub quadrato  $D E$ , in dimidiam  $E H$ . Ergo colligendo, cylindrus erit adambo solida, nempe ad solidum ex portione, circa  $A C$ , ut parallelepipedum sub quadrato  $B D$ , in  $K E$ , ad parallelepipedum sub quadrato  $B E$ , in  $H D$ , una cum parallelepipedo sub quadrato  $D E$ , in dimidiam  $E H$ .

Notetur tamen in progressu huius scholij, probatum esse cylindrum ex  $F C$ , ad solidum ex sectore circa  $A C$ , esse ut parallelepipedum sub quadrato  $B D$ , in  $E k$ , ad parallelepipedum sub quadrato  $B E$ , in  $H D$ . Ex quo facile potest concludi, cylindrum ex eodem parallelogrammo circa  $F G$ , esse ad solidum ex eodem sectore circa  $F G$ , ut idem antecessens, ad factum sub quadrato  $B E$ , in  $B H$ .

Ex omnibus ergo dictis licuit animadvertere, qualiter supposita circuli quadratura, dentur cubationes truncorum omnium cylindricorum rectorum tam super portione  $A B C$ , quam super sectore  $A B C E$ , consueto modo resectorum.

## PROPOSITIO XXVII.


*Si cuilibet portioni minori circuli sit circumscriptum rectangulum, quod cum ipsa voluatur circa chordam portionis. Erit cylindrus ex rectangulo ad solidum ex portione, ut antecedens propositionis antecedentis; ad parallelepipedum sub intercepta inter cordam, & centrum gravitatis portionis in rectangulum contentum sub semidiametro, & sub excessu ipsius supra sesquialteram intercepta inter centrum circuli, & centrum gravitatis sectoris, una cum parallelepipedo sub eadem intercepta inter cordam, & centrum gravitatis portionis, in rectangulum, cuius unum latus sit axis portionis, aliud sesquialtera intercepta inter centra circuli, & gravitatis sectoris.*

**E** Sto portio minor circuli  $ABC$ , cum sibi circumscripto rectangulo  $FC$ , & cum suo sectoris  $ABCE$ ; sit autem  $H$ , centrum gravitatis sectoris  $ABCE$ ,  $E_k$ , sit sesquialtera  $EH$ ,  $L$ , vero sit centrum gravitatis portionis, & intelligamus ambas figuras rotari circa  $AC$ . Dico cylindrum ex  $FC$ , esse ad solidum ex portione ut parallelepipedum sub quadrato  $DB$ , in  $E_k$ , ad parallelepipedum sub  $LD$ , & sub rectangulo  $E_kB$ , una cum parallelepipedo sub eadem  $LD$ , in rectangulum  $DB$ ,  $kE$ .

Quoniam enim ex schol. pri. proposit. 3. huius, cylindrus ex parallelogrammo ad solidum ex portione

tione habet rationem compositam ex ratione re-  
ctanguli  $FD$ , ad portionem, & ex ratione  $BD$ ,  
ad  $DL$ : ratio vero rectanguli ad portionem com-  
ponitur ex ratione rectanguli ad sectorem, & huius  
ad portionem. Ergo & ratio cylindri ad solidum  
componetur ex iisdem rationibus. At ratio rectan-  
guli  $FD$ , ad sectorem  $ABCE$ , componitur ex  
ratione  $AD$ , ad circumferentiam  $AB$ , & ex ra-  
tione  $DB$ , ad  $EB$ ; & ut deducitur ex proposit.  
24. huius. est ut  $AD$ , ad circumferentiam  $AB$ , sic  
 $KE$ , ad  $EB$ ; unde ratio rectanguli  $FD$ , ad se-  
ctorem componitur ex ratione  $KE$ , ad  $EB$ , & ex  
ratione  $DB$ , ad  $EB$ ; nempe rectangulum  $FD$ ,  
est ad sectorem ut rectangulum  $EK$ ,  $DB$ , ad qua-  
dratum  $BE$ . Pariter sector est ad portionem ut qua-  
dratum  $BE$ , ad excessum ipsius supra rectangu-  
lum  $DEK$ , ex conuersione rationis proposit. 25.  
huius. Ergo ratio  $FD$ , ad portionem  $ABL$ , com-  
ponetur ex ratione rectanguli  $EK$ ,  $DB$ , ad qua-  
dratum  $BE$ ; & huius ad excessum eiusdem supra  
rectangulum  $DEK$ ; nempe  $FD$ , erit ad  $ABC$ ,  
ut rectangulum  $BD$ ,  $EK$ , ad excessum quadrati  
 $EB$ , supra rectangulum  $DEK$ . Cum ergo talis ex-  
cessus sit rectangulum  $kBE$ , cum rectangulo  $kE$ ,  
 $DB$  (quia quadratum  $BE$ , æquatur rectangulis  
 $kBE$ ,  $kEB$ , quod rectangulum  $KEB$ , diuiditur  
in rectangula  $kED$ , &  $kE$ ,  $DB$ .) Ergo  $FD$ , erit  
ad  $ABC$ , ut rectangulum  $KE$ ,  $DB$ , ad rectan-  
gula  $kBE$ ;  $kE$ ,  $DB$ .

Ergo



Ergo à primo ad vltimum, ratio cylindri ex  $FC$ , circa  $AC$ , ad solidum ex  $ABC$ , circa  $AC$ , componetur ex ratione rectanguli  $BD$ ,  $KE$ , ad rectangula  $KBE$ ;  $KE$ ,  $DB$ , & ex ratione  $BD$ , ad  $DL$ . Sed ex iisdem rationibus componitur ratio parallelepipedum sub rectangulo  $BD$ ,  $KE$ , in  $BD$ ; nempe sub quadrato  $BD$ , in  $KE$ , ad duo parallelepipeda, quorum altitudo sit  $DL$ , bases vero rectangula  $KBE$ ;  $BD$ ,  $KE$ . Ergo cylindrus est ad solidum ut illud parallelepipedum, ad hæc parallelepipeda. Quod erat ostendendum.

## SCHOLIUM I.

Sed etiam in hac propositione facile possumus deducere, rationem cylindri ex eodem rectangulo circa  $FG$ , ad annulum strictum ex eadem portione circa  $FG$ . Hanc autem facilliter patebit, esse eandem cum ratione prædicti antecedentis ad parallelepipedum.



lepipeda, quorum altitudo sit  $BL$ , bases vero prædicta rectangula.

Notetur tamen in progressu demonstrationis superioris ostensum esse,  $FD$ , esse ad portionem, ut rectangulum  $kE$ ,  $DB$ , ad idem rectangulum, cum rectangulo  $EBk$ . Ex quibus deducitur, rectangulum  $FC$ , esse ad eandem portionem, ut duplum rectangulum  $BD$ ,  $kE$ , ad eadem rectangula consequentia.

## SCHOLIUM II.

Verum aliam rationem cylindri ex  $FC$ , ad prædicta solida possumus assignare. Nimirum quod sit, ut prædictum antecedens ad parallelepipeda, quorum altitudo sit  $LD$ , bases vero rectangula  $DBE$ ;  $DE$ ;  $kB$  (si cylindrum referatur ad solidum ex portione circa  $AC$ ) vel quorum altitudo sit  $BL$ , bases vero eadem rectangula (si cylindrus compareretur cum solido ex portione circa  $FG$ ). Ratio est, quia quadratum  $EB$ , non solum excedit rectangulum  $DEk$ , rectangulis  $EBk$ ;  $E^k$ ,  $DB$ , ut dictum est; sed etiam rectangulis  $DBE$ ;  $ED$ ,  $kB$ , ut consideranti patebit.

Ex dictis ergo licet animadvertere, qualiter etiam, supposita circuli quadratura, dentur cubationes truncorum amborum cylindrici recti super qualibet circuli portione existentis, & consueto modo diagonaliter resecti, &c.

Verum


Verumantequam finem huic tertio libro imponamus, ut magis, magisque appareat fecunditas propositionum supra explicatarum, non erit inutile aliquid circa solida cycloidalia pronuntiare. Torricellius lib. pri. de motu gra schol. proposit. 18. ait. *Satis sit interea lectorem hic admonuisse quod si cycloidis spatium circa basim convertatur, erit solidum ad cylindrum circumscriptum ut 5. ad 8. si vero circa tangentem basi parallelam ut 7. ad 8. centrum cycloidis axem secat ut partes sint ut 7. ad 5.* Tria ergo pronuntiat Torricellius, quorum vno dato, reliqua nequeunt latere, ut patebit. Supponendo ergo centrum grauitatis cycloidis secare axim, ut pars ad verticem sit ad reliquam ut 7. ad 5. sit.

## PROPOSITIO XXVIII.

*Si cycloide primaria sit circumscriptum parallelogrammum, quod cum ipsa rotetur circa basim. Erit cylindrus ad fusum cycloidalem ut 8. ad 5. si vero conuertantur ambo circa latus tangens, & basi parallelum. Erit cylindrus ad solidum ut 8. ad 7.*

**E**Sto cyclois primaria ABC, cum sibi circumscripto rectangulo GC, & cuius axis BD. Dico quod si ambo rotentur circa AC, erit cylindrus ad solidum ex cycloide (quod ad imitationem antecedentium vocamus fusum cycloidalem) ut 8.

Qq ad 5.



ad 5. Ad annulum vero strictum ex cycloide circa GH, vt 8. ad 7.

Probatur prima pars. Quia ex eodem Torricellio in appendice de cycloide, & ex Tacquet in differt. de motu, &c. theor. 20, parallelogrammum GC, est sesquitertium cycloidis, vnde est ad ipsam vt 4. ad 3. sed ex proposit. 3. huius, ratio cylindri ad fusum cycloidalem componitur ex ratione GC, ad cycloidem, & ex ratione ED, (supponendo ED, esse dimidiam BD) ad FD (supponendo F, esse centrum grauitatis cycloidis) quæ ratio ED, ad DF, est vt 6, ad 5. Ergo ratio cylindri ad fusum componitur ex rationibus 4. ad 3. & 6. ad 5. Sed ex istis rationibus componitur quoque ratio 24, ad 15. Ergo cylindrus erit ad fusum. vt 24. ad 15. nempe vt 8. ad 5.

Secunda pars facile patebit, quia ex proposit. 4. huius, fusus ex cycloide, est ad annulum strictum ex eadem circa GH, vt DF, ad FB; nempe vt 5. ad 7. Quare ex æquali, patet etiam secundum. Quod &c.

SCHO.

## SCHOLIUM.

Ex dictis patet, qualiter habeamus cubationes truncorum cylindrici recti super cycloide existentis resecti ut sæpe dictum est.

## PROPOSITIO XXIX.

*Fusus cycloidalis est ad annulum strictum ex circulo genitore. ut 5. ad 2.*

**S**Ed supponamus cycloidem cum circulo genitore rotari circa  $AC$ . Dico fustum cycloidalem esse ad annulum strictum ut 5. ad 2. Patet facilliter, quia fusus ad illum annulum habet rationem compositam, ex 3. huius, ex ratione cycloidis ad circulum; nempe ex ratione 3. ad 1. & ex ratione  $DF$  ad  $DE$ ; nempe ex ratione 5. ad 6. Sed ex istis rationibus componitur ratio 15. ad 6. Ergo fusus erit ad illum annulum strictum ut 15. ad 6; nempe ut 5. ad 2. Quod &c.

## COROLLARIUM.

Ergo annulus strictus ex cycloide circa  $GH$ , erit ad annulum strictum ex circulo prædicto ut 7. ad 2.

## S C H O L I U M.

Toricellius in præcitato loco de motu grauium, subiungit. *Demonstratur etiam ratio solidi circa axem ad cylindrum circumscriptum; item in qua linea axi parallela sit centrum semicycloidis.* Patet ex dictis, vno, vel altero dato, statim aliud innotescere. Nos in præsentī nec vnum, nec aliud habemus, nec tempus adēst hæc ipsa rimandi. Plura indigesta, immaturaque phantasiā occupant circa cycloidem ordinariam, & alias infinitas diuersi generis illarum, quæ circumferuntur; quæ forsitan aliquando, si Deus vitam, sanitatem, & maius comodum præstabit, lectori communicabimus. Interea, antequam huic tertio libro finem imponamus, notetur, non solum, inuenta esse centra grauitatis prædictarum figurarum, quarum inuenta sunt, sed etiam facile haberi posse centra grauitatis omnium cylindricorum super iisdem existentibus. Si enim linea centra grauitatis oppositarum basium, coniungens bifecetur, punctum bisectionis præstabit centrum grauitatis cylindrici. Quod indicasse lectori sufficiat.

Explicit Liber Tertius.



# DE INFINITIS PARABOLIS, ETC.



## LIBER QVARTVS.




Cutissimus Caualerius in suis exercitationibus geometricis exercit. 5. nouum modum instituit considerandi grauitatem, vel in eam habentibus, vel in eam habere conceptis. Cum enim (vt ipsemet ait in præfatione eiusdem exercitationis) geometria ad sua tempora vsque grauitatem non nisi vniformem in eadem quantitate agnouerit, licet in diuersis corporibus varios gradus eiusdem admiserit, ipse deinceps Caualerius rerum pulcherrimarum indagator, cepit philosophari circa diuersa symptomata, quæ tunc acciderent si eadem quantitas non supponatur vniformiter grauis, sed vniformiter cum difformitate quadam. Inter cætera principia, quæ iecit  
pro

pro huiusmodi speciosi aedificij mole fulcienda, extant tamquam principalia definitio 12. & proposit. 9. Verum quia hæc, sicuti & alia, constructa sunt incomparabili methodo indiuisibilium, per quam (licet à nobis regalem prospectam) non intelligimus procedere in sequentibus; ideo cum præ citatis principijs indigeamus pro aliquibus tradendis, ferè eadem explicabimus, licet methodo à caualeriana diuersa. Procedemus autem absque in diuisibilibus, & grauitatem tantum vniformem in eadem quantitate considerabimus. In præsentem autem ex definitione Caualerij, eliciemus & nos definitionem quandam pro nostro instituto, vniuersaliori tamen modo propositam. Sit ergo.

## DEFINITIO.

Plana, vel solida proportionaliter analogæ in magnitudine, dicentur, in quibus ductis lineis, vel planis, lineæ, vel plano præ regula inseruiente, parallelis, & lineam quandam, quæ sit vel altitudo, vel veluti altitudo figurarum proportionaliter secantibus, semper secabunt plana, vel solida proportionaliter, scè in partes proportionales.

Verum, ut hæc definitio clarius explicetur, dentur duo plana, vel solida, vel vnum planum, alterum solidum  $ACB$ ,  $D F E$ , quorum altitudines, seu veluti altitudines  $AB$ ,  $DE$ , siue sint æquales, siue inæquales, secantur proportionaliter in quibuslibet



bet punctis  $L, K, P, R$ , lineis, vel planis  $LM, PS$ ;  $kN, RV, BC, EF$ , parallelis, adeo vt sit vt  $BA$ , ad  $AL$ , sic  $ED$ , ad  $DP$ ; vel vt  $BA$ , ad  $Ak$ , sic  $ED$ , ad  $DR$ . Si quam proportionem habet segmentum  $LMCB$ , ad segmentum  $AML$ , hanc eandem habeat segmentum  $PSFE$ , ad segmentum  $DSP$ ; vel segmentum  $KNCB$ , sit ad segmentum  $ANK$ , vt segmentum  $REFV$ , ad segmentum  $DVR$ , & sic semper, vbicumque plana, vel solida ducta fuerint. Plana, vel solida  $ACB, DFE$ , dicentur plana, vel solida proportionaliter analogia in magnitudine.


PRO-



## PROPOSITIO I.

*Si datis duabus seriebus continentibus antecedentia, & consequentia quocumque magnitudinum numero equalium, sint magnitudines primæ seriei proportionales singillatim magnitudinibus secundæ seriei; sintque omnia antecedentia primæ seriei proportionalia cum omnibus antecedentibus secundæ seriei. Erunt collectivè omnia antecedentia primæ seriei, ad omnia consequentia eiusdem seriei, ut omnia antecedentia secundæ seriei, ad omnia consequentia eiusdem seriei.*

**S**Int datæ duæ series continentes quocumque magnitudines; in prima sint A, B, C, antecedentes, & D, E, F, consequentes; in secunda antecedentes sint G, H, K, consequentes L, M, N; sitque ut A, ad D, sic G, ad L; & ut B, ad E, sic H, ad M, &c. Pariter sit ut A, ad B, sic G, ad H; & ut B, ad C, sic H, ad K. Dico colligendo, A, B, C, esse ad D, E, F, ut G, H, K, ad L, M, N. Quoniam enim ut A, ad B, sic G, ad H; erit componendo, A, cum B, ad B, ut G, cum H, ad H. Vel conuertendo, & componendo, B, cum A, ad A, ut H, cum G, ad G. Cum vero sit A, ad D, ut G, ad L. Ergo ex æquali, erit ut B, cum A, ad D, sic H, cum G, ad L. Pariter cum sit ut B, ad E, sic H, ad M. Ergo item ex æquali, erit ut A, cum B, ad E, sic G, cum H, ad M. Quare etiam  
colli-




colligendo, erit ut A, cum B, ad D, cum E, sic G, cum H, ad L, cum M. Denuò, cum sit ut A, cum B, ad B, sic G, cum H, ad H; & pariter sit ut B, ad C, sic H, ad k. Ergo ex æquali, & componendo, erit ut A, B, C, ad C, sic G, H, K, ad k. Vel ex æquali, conuertendo, & componendo, ut C, B, A, ad B, A, sic k, H, G, ad H, G. At ut B, A, ad E, D, sic H, G, ad M, L. Ergo ut C, B, A, ad D, E, sic k, H, G, ad L, M. Pariter cum sit ut C, ad F, sic K, ad N. Ergo rursum ex æquali, erit ut A, B, C, ad F, sic G, H, k, ad N. Ergo denuò colligendo, erit A, B, C, ad D, E, F, ut G, H, k, ad L, M, N. Quod erat ostendendum.

## PROPOSITIO II.

*Sit una series continens quocumque continuè proportionales A, B, C, & sit alia series continens alias continuè proportionales, D, E, F, G, H, K, quæ sint numero dupla magnitudinum primæ seriei, sed sint in subduplicata proportionē magnitudinum primæ seriei; sit autem alia magnitudo L, quæ ad A, B, & ceteras proportionales, si sint, ultima semper excepta, habeat eandem rationem quam numerus omnium proportionalium ad numerum unitate minorem: item M, ad D, E, &c. duabus ultimis exceptis, habeat eandem rationem quam numerus omnium proportionalium ad numerum minorem se binario. Erit L, ad omnes proportionales primæ seriei, ut M; ad omnes proportionales secundæ seriei.*

**Q**Uoniam enim, D, E, F, & ceteræ magnitudines secundæ seriei sunt subduplicatæ in proportionē cum magnitudinibus A, B, C, primæ seriei; ergo erit ut A, ad B, sic D, ad F, & ut B, ad C, sic E, ad H. Pariter ut A, ad B, sic E, ad G, & G ad k. Vnde D, F, H, sicuti etiam E, G, k, erunt proportionales cum A, B, C. Erit ergo ut A, ad A, B, C, simul, sic tam D, ad D, F, H, simul, quam E, ad E, G, k, simul. Quare erit etiam ut A, ad A, B, C, simul, sic D, & E, simul ad D, E, F, G, H, k, simul. Eodem modo probabitur esse ut B, ad A, B, C, simul, sic tam F, ad D, F, H, simul, quam G, ad



G, ad E, G, K, simul: & pariter probabitur vt B, ad A, B, C, simul, sic ambas F, G, ad omnes. Quare probabitur etiam vt A, cum B, ad A, B, C; nempe omnes proportionales primæ seriei, vltima excepta, ad omnes proportionales primæ seriei, sic D, E, F, G, ad D, E, F, G, H, K; nempe omnes proportionales secundæ seriei duabus vltimis exceptis, ad omnes proportionales eiusdem seriei. Verum cum L, ad A, B,


Rr 2 fit

fit ex hypothesi, ut numerus proportionalium primæ seriei ad numerum unitate minorem; & cum sit ut numerus proportionalium primæ seriei ad numerum unitate minorem, sic numerus proportionalium secundæ seriei ad numerum binario minorem (est enim ex hypothesi numerus proportionalium secundæ seriei duplus numeri proportionalium primæ seriei) & cum pariter sit ex hypothesi, ut numerus proportionalium secundæ seriei ad numerum binario minorem, sic M, ad D, E, F, G. Ergo erit ut L, ad A, B, sic M, ad D, E, F, G. Sed etiam supra probatum est, esse A, B, ad A, B, C, ut D, E, F, G, ad D, E, F, G, H, K. Ergo ex æquali, erit L, ad A, B, C, ut M, ad D, E, F, G, H, K. Quod erat ostendendum.

### PROPOSITIO III.

*Cylindrus circumscriptus cuiuslibet conoidi parabolico, cuius exponens sit numerus par, est ad ipsum, ut parallelogrammum circumscriptum parabole, cuius exponens sit subduplus numeri conoidis, ad ipsam parabolam, & hoc tam secundum totum, quam secundum partes proportionales.*

**E**STO quodlibet conoides parabolicum ABC, cuius exponens sit numerus par, nempe sit vel quadraticum, vel quadratoquadraticum, vel cubo-cubicum &c. cui sit circumscriptus cylindrus EC; suppo-




supponatur autem  $ABC$ , esse etiam parabolam,  
 cum sibi circumscripto parallelogrammo  $EC$ , cu-  
 ius exponens sit subduplus exponētis numeri conoi-  
 dis. V. g. si conoides sit quadraticum, parabola sit li-  
 nearis. Si conoides sit quadratoquadraticum, pa-  
 rabola sit quadratica. Si conoides sit cubocubicum,  
 parabola sit cubica, &c. Dico cylindrum  $EC$ , esse  
 ad conoides  $ABC$ , vt parallelogrammum  $EC$ , ad  
 parabolam  $ABC$ . Pariter si diametri  $DB$ , in vtra-  
 que figura secentur proportionaliter in  $F$ , adeo vt  
 $DB$ , ad  $BF$ , in conoide sit vt  $DB$ , ad  $BF$ , in pa-  
 rabola, & in conoide ducatur planum  $GH$ ,  $AC$ ,  
 parallelum, in parabola vero linea itidem  $AC$ , pa-  
 rallela. Dico esse cylindrum  $AH$ , ad frustum  
 $AkLC$ ,

### 318 DE INFINITIS PARABOLIS ETC.

A k L C, vt parallelogrammum A H, ad segmentum A k L C. Idem intelligatur de alijs partibus proportionalibus. Diametri D B, secantur proportionaliter in punctis F, M, &c. & per illa transeant in conoide, plana A C, parallela, in parabola vero lineæ; & in cylindro intelligantur cylindri G O, N C, partes cylindri; in parallelogrammo verò, parallelogramma ipsius partes. Item in conoide intelligantur super basibus k L, P Q, cylindri k R, P S; in parallelogrammo parallelogramma, vt in schemate. Tunc. Quoniam in conoide vt potestas A D, congruens conoidi ad similem potestatem P M, sic D B, ad B M; & vt D B, ad B M, in conoide, sic D B, ad B M, in parabola; & vt D B, ad B M, in parabola, sic potestas A D, congruens parabolæ ad similem potestatem P M. Ergo vt in conoide potestas A D, ipsi congruens ad similem potestatem P M, sic in parabola potestas A D, ipsi congruens ad similem potestatem P M. At proportionales potestatum conoidis sunt duplicatæ potestatum parabolæ; nempe exponentes potestatum conoidis tot vicibus continent binarium, quot vicibus exponentes potestatum parabolæ continent unitatem. Ergo & vt primæ potestates conoidis ad se inuicem, sic primæ potestates parabolæ ad se inuicem; nempe vt quadratum A D, seu N M, in conoide ad quadratum P M, sic linea A D, seu N M, in parabola, ad P M.

Quæ vsque modo dicta sunt conseruentur, quia  
licet




licet certè teneamus hæc viris geometris clara esse, attamen libet exemplo explicare quid per superiora intellexerimus. Exemplificetur autem in conoide cubocubico, & in parabola cubica. Quoniam enim exponens, seu numerus conoidis cubocubici est 6. exponens vero parabola cubicæ 3. & quoniam probatum est esse ut cubocubus AD, seu NM, ad cubocubum PM, sic in parabola cubus AD, seu NM, ad cubum PM. Ergo & subtriplicando proportionem, illæ proportionem subtriplicatae erunt æquales; nempe erit ut in conoide quadratum NM, ad quadratum PM, sic in parabola latus NM, ad latus PM. Sicuti enim proportio quadratorum est subtriplicata proportionis cubocuborum, sic proportio



portio laterum est subtriplicata proportionis cuborum. Sed ad ipsam demonstrationem redeamus.

Sed ut quadratum  $NM$ , in conoide, ad quadratum  $PM$ , sic cylindrus  $NC$ , ad cylindrum  $PS$ : & ut  $NM$ , ad  $PM$ , in parabola, sic parallelogrammum  $NC$ , ad parallelogrammum  $PS$ . Ergo & ut cylindrus ad cylindrum, sic parallelogrammum ad parallelogrammum. Eodem modo ostenderetur cylindrum  $GO$ , esse ad cylindrum  $KR$ , ut parallelogrammum  $GO$ , ad parallelogrammum  $KR$ . Idemque ostenderetur de omnibus alijs, si diametri in plures, pluresque partes proportionales essent sectæ. Et cum sit ut cylindrus  $AO$ , ad cylindrum  $NH$ , sic parallelogrammum  $AO$ , ad parallelogrammum  $NH$ . Ergo, ex prima huius, ut omnes cylindri antecedentes ad omnes cylindros consequentes, sic omnia parallelogramma antecedentia, ad omnia parallelogramma consequentia; nempe sic cylindrus  $GC$ , ad cylindros  $KR, PS$ , ut parallelogrammum  $GC$ , ad parallelogramma  $KR, PS$ . Cum autem sit etiam cylindrus  $EC$ , ad cylindrum  $GC$ , ut parallelogrammum  $EC$ , ad parallelogrammum  $GC$ . Ergo ex æquali, cylindrus  $EC$ , erit ad omnes cylindros in conoide inscriptos, ut parallelogrammum ad omnia parallelogramma in parabola inscripta. Facile autem probabitur modo Archimedeo, esse cylindrum ad conoides, ut parallelogrammum ad parabolam: quia in conoide inscribetur solidum constans ex cylindris sibi superimpositis defi-



deficiens à conoide defectu quocumque dato minori : pariter in parabola possunt inscribi parallelogramma deficientia à parabola defectu minori quacumque magnitudine data . Quare per deductionem ad impossibile, concludetur propositum . Cum autem hæc sint nimis Geometris familiaria, & nimis viris Euclideanis, & Archimedeis obuia, & cum huius deductionis ad impossibile sint nonnulla exempla in secundo libro, ideo propter tedij ablationem, ex industria relinquuntur .

Non dissimili Methodo patebit, quamlibet partem cylindri circumscripti conoidi, esse ad partem conoidis, quam includit, vt quælibet pars parallelogrammi circumscripti parabolæ, ad portionem ipsius,

Sf      sius,

sius, quam includit, dum tamen antecedentia sint proportionalia suis consequentibus. Quare probatum est, quod probandum erat.


Notandum tamen est, cum hoc etiam probatum esse per conuersionem rationis, excessum cylindri supra conoides, esse ad ipsum tam secundum totum, quam secundum partes sicuti excessus parallelogrammi supra parabolam ad ipsam.

## SCHOLIUM I.

Ex dictis facile eliciemus talia conoidea esse magnitudines proportionaliter analogas cum ipsis parabolis, iuxta sensum definitionis prius traditæ, tam secundum totum quam secundum partes proportionales. Nam cum sit v. g. conuertendo, segmentum conoidis  $AkLC$ , ad cylindrum  $GC$ , ut segmentum parabolæ  $AKLC$ , ad parallelogrammum  $GC$ : & cum ut cylindrus  $AH$ , ad cylindrum  $HE$ , sic parallelogrammum  $AH$ , ad parallelogrammum  $HE$ : & pariter cum sit cylindrus  $EH$ , ad conoides  $kBL$ , ut parallelogrammum  $EH$ , ad parabolam  $kBL$ . Ergo ex æquali, erit segmentum conoidis  $AkLC$ , ad conoides ad verticem  $kBL$ , ut segmentum parabolæ  $AkLC$ , ad parabolam ad verticem  $kBL$ . Eodem modo probabitur excessum cylindri supra conoides, esse magnitudinem proportionaliter analogam cum excessu parallelogrammi supra parabolam, tam secundum totum, quam secundum partes proportionales.

SCHO-

## SCHOLIUM II.



Etiam ergo ex dictis in hac propositione, patet qualiter habeamus non modo rationem cylindrorum circumscriptorum conoidibus parabolicis, quorum exponentes sint pares, ad ipsa conoidea, sed etiam rationem cylindrorum circumscriptorum frustis eorum, plano basi parallelo resectorum. Nam ex dictis in primo lib. proposit. pri. & 8. habemus quadraturas infinitarum parabolarum, & rationem, quam habet in qualibet parabola parallelogrammum circumscriptum segmento parabola resecta linea basi parallela, ad ipsum segmentum. Erit ergo

Sf 2      cylin.

cylindrus ad primum conoides par, nempe ad quadraticum, vt 2. ad 1. Ad secundum, nempe ad quadratoquadraticum, vt 3. ad 2. Ad tertium, nempe ad cubocubicum vt 4. ad 3. Et sic in infinitum. Nempe cylindrus est ad conoides tale, vt dimidium numeri conoidis vnitate auctum, ad dimidium numeri conoidis. Quæ concordant cum dictis in vltima proposit. 2. libri huius, vt experienti patebit, quia eadem est ratio prædicta cum ratione ibidem assignata; nempe, quam habet numerus conoidis auctus binario ad numerum conoidis. Pariter erit v. g. cylindrus  $GC$ , ad segmentum conoidis  $AkLC$ , vt magnitudo, quæ ad  $AD$ ,  $KF$ , & cæteras tot continuè in harum proportionem, vt numerus earum æquetur numero parabolæ, sit vt numerus parabolæ vnitate auctus ad numerum parabolæ, ad  $AD$ ,  $kF$ , & cæteras tot continuè proportionales, vt earum numerus excedat numerum parabolæ vnitate. Nam sic ex proposit. 8. lib. prim. est parallelogrammum  $AH$ , ad segmentum parabolæ  $AKLC$ . Et hæc concordant cum dictis in scholio 2. proposit. vltimæ 2. libri. Nam eadem est ratio hic assignata, cum ratione ibidem assignata. Eandem enim rationem in parabola habet magnitudo, quæ ad  $AD$ ,  $KF$ , & cæteras tot proportionales quotus est numerus parabolæ sit vt numerus parabolæ, vnitate auctus ad numerum parabolæ, ad  $AD$ ,  $kF$ , & cæteras tot proportionales quotus est numerus parabolæ vnitate auctus, quam habeat in conoide, cuius exponens sit


fit duplus exponentis parabolæ, magnitudo, quæ ad  $AD$ ,  $kF$ , & cæteras tot proportionales quotus est numerus conoidis, fit vt numerus conoidis vnitate auctus ad numerum conoidis, ad  $AD$ ,  $kF$ , & cæteras tot proportionales vt numerus earum excedat numerum conoidis binario. Quod patet ex proposit. 2. huius.

## PROPOSITIO IV.

*Cylindrus circumscriptus cuilibet infinitorum conicorum, est ad ipsum, vt parallelogrammum circumscriptum trilineo, cuius exponens sit duplus exponentis conici, ad ipsum, tam secundum totum, quam secundum partes proportionales.*

**E**Sto quodlibet infinitorum trilineorum  $ABD$ , ex cuius reuolutione circa diametrum  $BD$ , fit ortus conicus  $ABC$ , cui sit circumscriptus cylindrus  $EC$ : item supponamus  $ABD$ , aliud esse trilineum, cuius exponens sit duplus exponentis conici  $ABC$ ; sitque ei circumscriptum parallelogrammum  $ED$ . Affero cylindrum  $EC$ , esse ad conicum  $ABC$ , vt parallelogrammum  $ED$ , ad trilineum  $ABD$ , & hoc tam secundum totum, quam secundum partes proportionales, iuxta explicata in antecedenti proposit.

Diametri  $BD$ , secentur proportionaliter in qui-




quibuslibet punctis  $F, G$ , &c. & per illa transeant in conico, & cylindro, plana  $HFk, LGM$ , plano  $ADC$ , parallela; in trilineo vero, & parallelogrammo,  $HF, LG$ , basi  $AC$ , parallelae. In conico autem intelligantur cylindri  $NO, PQ$ , inscripti; in trilineo vero parallelogramma  $NG, PD$ , pariter ipsi inscripta. Tunc. Quoniam  $BD$ , sectae supponuntur proportionaliter in  $G$ ; ergo ut  $DB$ , ad  $BG$ , in conico, sic  $DB$ , ad  $BG$ , in trilineo. Quare & in trilineo, ut potestas  $DB$ , eiusdem gradus cum trilineo ad similem potestatem  $BG$ ,  
 sic

fic in conico similis potestas DB, ad similem potestatem BG. At vt potestas DB, in trilineo eiusdem cum ipso gradu, ad similem potestatem BG, sic ex natura parabolæ, & trilineorum, linea AD, ad lineam PG; & pariter vt in conico potestas DB, eiusdem gradus cum potestate trilinei ABD, ad similem potestatem BG, sic in conico quadratum AD, ad quadratum PG (nam potestas in conico hæc DB, ad BG, supponitur duplicata potestatis DB, eiusdem gradus conici, ad similem potestatem BG: cumque sit vt potestas DB, eiusdem gradus conici ad similem potestatem BG, sic AD, ad PG. Erit etiam vt potestas DB, gradus duplicati ipsius conici, ad similem potestatem BG, sic quadratum AD, ad quadratum PG.) Ergo vt in trilineo, AE, seu LG, ad PG; seu vt parallelogrammum LD, ad parallelogrammum PD; sic in conico, quadratum AD, seu quadratum LG, ad quadratum PG; seu cylindrus LC, ad cylindrum PQ. Quæ vsque modo dicta sunt, patent ex exemplificatis in ante. propos. Eodem modo probabitur cylindrum HM, esse ad cylindrum NO, vt parallelogrammum HG, ad parallelogrammum NG. Et eodem modo probaretur in omnibus alijs. Quare etiam ad modum antecedentis propositionis concludetur, cylindrum EC, esse ad conicum ABC, vt parallelogrammum ED, ad trilineum ABD, & hoc tam secundum totum, quam secundum partes proportionales.

CO-



## COROLLARIUM.



Ergo & per conuersionem rationis, erit cylindrus  $EC$ , ad annulum strictum ortum ex reuolutione semiparabolæ  $EBA$ , reuolutæ circa  $BD$ , ut parallelogrammum  $ED$ , ad semiparabolam  $EBA$ , & hoc tam secundum totum, quam secundum partes proportionales.

SCHO-

## SCHOLIUM I.


Patet ergo ex dictis, conicos prædictos esse magnitudines proportionaliter analogas cum supradictis trilineis. Item prædictos annulos strictos ortos ex reuolutione semiparabolarum circa ipsas tangentes in vertice, esse magnitudines proportionaliter analogas cum prædictis parabolis.

## SCHOLIUM II.

Patet etiam quomodo ex hac proposit. non modo habeamus rationem cylindrorum circumscriptorum infinitis conicis, & infinitis annulis prædictis, ad ipsos; sed etiam rationem cylindrorum circumscriptorum omnibus frustis prædictorum solidorum resectorum planis basi parallelis, ad ipsa. Sed hæc sunt diligentius explicanda.

Habemus ergo in primis rationem cylindrorum circumscriptorum infinitis conicis, ad ipsos. Nam ex dictis in proposit. pri. lib. pri. habemus quadraturas infinitorum trilineorum; nimirum quod parallelogramma ipsis circumscripta, sint ad ipsa vt numerus trilinei vnitate auctus, ad vnitatem. Ergo & cylindrus circumscriptus cuilibet conico, erit ad ipsum, vt numerus trilinei, cuius exponens sit duplex exponentis conici vnitate auctus, nempe vt duplex numerus conici vnitate auctus, ad vnitatem. Quæ

T t con-



concordant cum dictis in schol. 3. proposit. 14. secundi libri.

Habemus secundo rationem cylindrorum circumscriptorum infinitis frustis conicis resectis plano basi parallelo. Nam ex proposit. 9. pri. lib. habemus, parallelogrammum  $LD$ , circumscriptum cuilibet trapezio  $APGD$ , esse ad ipsum, ut  $DB$ , accepta secundum numerum trilinei unitate auctum, ad eandem  $DB$ , & ad  $GB$ , diametrum trilinei ad verticem, una cum tot cæteris harum continuè proportionalibus, ut numerus omnium excedat numerum

rum trilinei vnitate. Quæ concordant cum dictis in schol. 3. proposit. 14. 2. lib. In hoc enim scholio ostenditur cylindrum circumscriptum frusto conico, esse ad ipsum, vt tot diametri conici, cuius est frustum, vt earum numerus accipiatur secundum duplum numerum conici vnitate auctum, ad tot continuè proportionales quot sunt tales diametri, & quarum prima maior sit diameter DB, secunda diameter GB, nempe diameter conici ad verticem.

Habemus tertio rationem, quam habet cylindrus EC, ad annulos strictos infinitos ex semiparabolis EBA, circa BD, genitos. Nam ex proposit. 1. lib. 1. habemus parallelogrammum ED, esse ad semiparabolam EBA, vt numerus parabolæ vnitate auctus ad numerum parabolæ: cumque numerus parabolæ supponatur duplus numeri annuli, sicuti etiam numerus trilinei supponitur duplus numeri conici; erit parallelogrammum ED, ad semiparabolam EBA, vt duplus numerus conici, seu annuli vnitate auctus, ad duplum numerum conici, seu annuli. Ergo & cylindrus EC, erit ad prædictum annulum ex EBA, circa BD, vt duplus numerus conici, seu annuli vnitate auctus ad duplum numerum annuli: nempe vt numerus annuli auctus dimidia vnitate, ad numerum annuli. Quæ concordant cum dictis in sec. parte prop. 14. sec. libri.

Habemus 4. rationem, quam habet v. g. cylindrus HC, ad frustum annuli ex portione HNA,

reuoluta circa  $BD$ . Ratio est, quia cum habeamus ex *proposit. 9. pri. lib.* per conuersionem rationis, rationem parallelogrammi  $HD$ , ad portionem parabolæ  $HNA$ ; nempe quod sit vt  $DB$ , accepta secundum numerum trilinei, seu parabolæ vnitate auctum, ad excessum ipsius supra  $DB$ ,  $BF$ , & cæteras tot proportionales vt pariter earum numerus excedat numerum trilinei vnitate; erit etiam cylindrus  $HC$ , ad prædictum annulum in eadem ratione: nempe erit in conico vt tot  $DB$ , quotus est duplus numerus conici vnitate auctus, ad excessum ipsarum supra  $DB$ ,  $BF$ , & cæteras tot proportionales quot sunt ipsæ. Quæ concordant cum *schol. 4. proposit. 14. lib. 2.* arguendo per conuersionem rationis.

Habemus quinto rationem cuiuslibet cylindri intermedij  $HM$ , ad annulum latum ex segmento intermedio  $HNPL$ , circa  $BD$ . Quia ex *proposit. 12. prim. huius*, habemus rationem parallelogrammi  $HG$ , in parabola, ad segmentum  $HNPL$ . Hæc autem cum sit eadem cum ea, quam habet  $DB$ , accepta secundum numerum parabolæ vnitate auctum, ad excessum ipsius supra tot numero proportionales in rationem  $GB$ , ad  $BF$ , quarum prima maxima, sit vltima minima proportionis  $DB$ , ad  $BG$ , continuatæ in tot terminos, vt numerus eorum excedat numerum parabolæ vnitate; erit etiam cylindrus  $HM$ , ad annulum latum ex segmento  $HNPL$ , circa  $BD$ , vt  $DB$ , accepta secundum  
duplum



tate auctum, ad excessum ipsius supra vltimam minorem proportionalem proportionis DB, ad BF, continuatæ in tot terminos, vt numerus eorum excedat numerum parabolæ vnitæ; ergo etiam cylindrus EK, erit ad prædictum annulum, vt DB, accepta secundum duplum numerum conici, seu annuli vnitæ auctum, ad excessum ipsius supra vltimam minorem proportionalem proportionis DB, ad BF, continuatæ in tot terminos vt numerus eorum sit duplex vnitæ auctus numeri conici, seu annuli.

### SCHOLIUM III.

Sed non solum ea, quæ vsque modo dicta sunt verificantur, sed etiam, ex dictis, alia possunt colligi; nempe non modo eandem esse rationem cylindri EC, ad annulum strictum ex semiparabola EBA, circa BD, reuoluta, cum ratione parallelogrammi ED, ad semiparabolam EBA, cuius exponentis sit duplex exponentis prioris semiparabolæ, & hoc tam secundum totum, quam secundum partes proportionales; verum etiam completis integris parabolis, & duplicatis trilineis, parallelogrammis, conicis, & cæteris, eandem esse rationem (vt manifeste patet) parallelogrammi ad duos trilineos, tam secundum totum, quam secundum partes proportionales, ac cylindri, ad duos conicos. Item, eandem esse rationem parallelogrammi ad integram parabolam.


tam



tam secundum totum, quam secundum partes proportionales, ac totius cylindri ad annulum strictum ex tota parabola: & consequenter tam totum annulum esse magnitudinem proportionaliter analogam cum tota parabola, quam duos conicos inuersè positos, esse magnitudines proportionaliter analogas cum duobus trilineis itidem inuersè positis. Ex quibus.

Habemus primo, quod si diuisis  $SD$ , proportionaliter in  $G$ , & in cylindro ducto plano  $LG M$ ,  $ADC$ , parallelo, in parallelogrammo vero ducta  $LG$ ,  $AD$ , parallela; habebimus rationem cylindri  $RM$ , ad annulum strictum ex maiori portione  $RBPL$ , reuoluta circa  $SD$ . Nam ex proposit. 13. lib. 1. facile deducemus, cylindrum  $RM$ , esse ad prædictum annulum, ut  $SG$ , accepta secundum duplum numerum annuli vnitate auctum, ad  $SG$ , acceptam secundum duplum numerum annuli, vna cum excessu  $BG$ , supra vltimam minorem proportionalem proportionis  $SB$ , ad  $BG$ , continuatæ in tot terminos, ut eorum numerus excedat duplum numerum annuli binario. Patet, quia loco citato probatum est, parallelogrammum  $RG$ , esse ad portionem maiorem parabolæ  $RBPL$ , ut  $SG$ , accepta secundum numerum parabolæ vnitate auctum, ad  $SG$ , acceptam secundum numerum parabolæ, vna cum excessu  $BG$ , supra vltimam minorem proportionalem proportionis  $SB$ , ad  $BG$ , continuatæ in tot





in tot terminos , ut numerus eorum excedat numerum parabolæ binario .

Habemus secundo, quod si ductis plano  $ITVX$ , & linea  $TV$ , parallelis ut supra, secantibus pariter  $SD$ , proportionaliter in  $V$ ; habebimus rationem cy'indri  $IM$ , ad annulum strictum ex segmento  $ITBPL$ , revoluto circa  $SD$ . Hæc autem sic obtinebitur. Fiat ut  $VB$ , ad  $BG$ , sic  $SB$ , ad  $F$ ; ratio verò  $SB$ , ad  $BV$ , continuetur in  
tot

tot terminos vt numerus eorum excedat duplum numerum annuli vnitate, fitque vltimus minimus terminus H. Eodem modo continuetur ratio DB, ad BG, fitque vltimus minimus terminus N. Tandem fiat vt tot SB, quotus est duplus numerus annuli vnitate auctus, ad excessum ipsarum supra N, sic F, accepta secundum duplum numerum annuli vnitate auctum, ad O. Ex propofit. 14. lib prim. haurietur, esse cylindrum IM, ad prædictum segmentum annuli, quod includit, vt F, cum SB, acceptis ambabus secundum duplum numerum annuli vnitate auctum, ad O, vna cum excessu tot SB, quotus est duplus numerus annuli vnitate auctus supra H.

## SCHOLIUM IV.

Sed hic libet lectori considerandum proponere accidens quodam circa hæc solida contingens, quod vtique nobis videtur admirabile, & consideratione dignum. Non est difficultas, quod quot sunt parabolæ, tot sunt & trilinea, & conoidea, & conici: Vel vt melius fortassis loquamur, cuiuslibet parabolæ, correspondent suum conoides, suum trilineum, & suus conicus. Quapropter, cum ad mensuranda infinita conoidea, adhibitæ sint ipsæmet infinitæ parabolæ, quæ tot sunt, quot sunt ipsa conoidea; vtique ex analogia infinitarum parabolarum, nempe ex proportionem parallelogrammi circumscripti infinitis

Vu para-

parabolis ad ipsas, videtur conueniens esse colligere proportionem cylindri circumscripti omnibus conoidibus parabolicis, ad ipsa conoidea. Quod attamen ex superioribus patuit haud verificari. Nam ex proportione parallelogrammi ad infinitas parabolas, non elicimus nisi proportionem cylindrorum ad omnia conoidea, quorum exponentes sint numeri pares: adeo ut inter qualibet duo conoidea, quorum analogia assignatur, mediet conoides. Verum enim vero quamuis eodem modo se videantur haberi infinitæ parabolæ respectu infinitorum conoideorum, sicuti infinita trilinea respectu infinitorum conicorum, quia ex reuolutione infinitarum parabolarum, & infinitorum trilineorum oriuntur infinita conoidea, & infiniti conici; attamen non eodem modo ex proportione parallelogrammi ad plana, elicimus analogiam proportionis cylindri ad solida. Nam ex proportione omnium parallelogrammorum ad infinitas parabolas, non colligimus nisi rationem cylindrorum ad aliqua conoidea; in præsentī vero proposit. ex proportione parallelogrammorum ad aliqua tantum trilinea, nempe ad ea, quorum exponentes sunt numeri pares, elicimus analogiam proportionis infinitorum cylindrorum ad infinitos conicos. At quod vsque modo videbatur admirabile, videbitur admirabilius, si consideretur hanc diuersitatem reperiri etiam in solidis genitis ex reuolutionibus diuersis earundem numero figurarum. Nam ex infinitis parabolis rotatis circa diametros, generantur in-

finita

finita conoidea ; ex iisdem vero rotatis circa ipsas in vertice tangentes , oriuntur infiniti annuli stricti . Modo si adhibeamus proportionem , quæ reperitur inter parallelogramma & infinitas parabolas , non possumus assignare nisi rationem cylindrorum ad conoidea , quorum exponentes sint numeri pares : at vice versa , adhibendo proportionem , quæ reperitur inter parallelogramma , & parabolas , quarum exponentes sint numeri pares , elicimus proportionem cylindrorum ad infinitos annulos prædictos . Sed hæc & similia , sunt de numero illorum mirabilium , de quibus loquitur Galileus in postremis Dialogis , Dial.p. pag. apud nos , 24.

## SCHOLIUM V.

Initio huiusce operis , supposuimus infinitarum parabolarum quadraturam assignatam à Caualerio per indiuisibilia . Reliqua omnia , vsque modo ostensa , methodo antiquorum processere . Sed ex vsque modo dictis , possumus deducere , methodo antiquorum , quadraturam omnium illarum parabolarum , quarum exponentes constituunt progressionem duplicam , ab vnitatem inclusivè , incipientem : nempe , quarum exponentes sunt 1 . 2 . 4 . 8 . 16 . 32 . &c. Quod sic patebit . Nam parabolas , quarum exponentes sunt 1 . & 2 . nempe triangulum & parabolam quadraticam , more antiquorum quadrari , etiam modicè in geometria versatis , patet . De alijs sic pate-


V u 2 bit.

bit. Data parabolæ quadraticæ quadratura, habetur ratio cylindri circumscripti conico quadratico ad ipsum. Habita hac, habetur etiam ratio parallelogrammi ex proposit. antec. circumscripti trilineo quadratoquadratico, cuius exponens 4. ad ipsum. Hac ob-  
tenta, obtinetur etiam ratio cylindri circumscripti conico ex ipso, ad ipsum conicum. Ex hac deducitur ratio parallelogrammi circumscripti trilineo, cuius exponens 8. ad ipsum. Et consequenter ratio cylindri ad conicum. Ex qua ratione hauritur ratio parallelogrammi ad trilineum, cuius exponens 16. Et sic in infinitum.

## PROPOSITIO V.

*Si parabola quadratica sit circumscriptum parallelogrammum, quod cum ipsa secetur duabus lineis basi parallelis, æqualiter distantibus, una à vertice, altera à basi. Rectangulum contentum sub partibus unius resectæ à curva parabolica, erit æquale quadrato dimidiæ alterius ordinatim applicatæ ad diametrum parabolæ.*

**H**Oc idem ostenditur à nobis in nostro libello Venetijs impresso, cuius titulus. Sexaginta problemata Geometrica, in appendice pro indivisibilibus. Sit ergo parabola quadratica  $BAC$ , cui sit circumscriptum parallelogrammum  $HC$ , quod cum parabola sit sectum duabus  $DG$ ,  $kN$ , ipsi  $BC$ , parallelis, talilege, ut  $AF$ ,  $MO$  sint æquales.



les. Dico rectangulum  $DEG$ , æquale esse quadrato  $LM$ ; vicissimque rectangulum  $kLN$ , æquale esse quadrato  $EF$ . Quoniam enim ex schol. proposit. 2. lib. prim. quadratum  $BO$ , seu  $DF$ , æquatur quadratis  $EF$ ,  $LM$ , & pariter æquatur quadrato  $EF$ , & rectangulo  $DEG$ ; ergo quadrata  $EF$ ,  $LM$ , æquabuntur rectangulo  $DEG$ , & quadrato  $EF$ . Quo ablato hinc inde. Ergo rectangulum  $DEG$ , erit æquale quadrato  $LM$ . Eodem modo ostendetur rectangulum  $kLN$ , æquari quadrato  $EF$ . Quare patet propositum.

PRO.

## PROPOSITIO VI.

*Si quatuor magnitudinum proportionalium prima, & tertia proportionaliter secantur in puncto, sitque pars primæ ad partem secundæ, ut pars tertiæ similis parti primæ ad partem quartæ. Erit reliqua pars primæ ad reliquam partem secundæ, ut reliqua pars tertiæ ad reliquam partem quartæ.*



**S**int quatuor magnitudines proportionales, AB, prima, CD, secunda, EF, tertia, & GH, quarta, ut sit AB, ad CD, ut EF, ad GH; sintque AB, prima, & EF, tertia sectæ proportionaliter in k, & M, ut AB, sit ad BK, ut EF, ad FM; pariter CD, GH, sint sectæ in L, N,

$L, N$ , vt sit  $kB$ , ad  $LD$ , vt  $MF$ , ad  $NH$ . Dico  $Ak$ , esse ad  $CL$ , vt  $EM$ , ad  $GN$ . Quoniam ex hypothesi, est conuertendo,  $CD$ , ad  $A B$ , vt  $GH$ , ad  $EF$ ; &  $AB$ , ad  $BK$ , vt  $EE$ , ad  $FM$ ; &  $kB$ , ad  $LD$ , vt  $MF$ , ad  $NH$ . Ergo ex æquali, erit diuidendo,  $CL$ , ad  $LD$ , vt  $GN$ , ad  $NH$ .

Rursum quoniam ex hypothesi conuertendo, vt  $LD$ , ad  $kB$ , sic  $NH$ , ad  $MF$ ; & pariter ex hypothesi diuidendo, & conuertendo, est  $BK$ , ad  $kA$ , vt  $FM$ , ad  $ME$ . Ergo pariter ex æquali, erit  $CL$ , ad  $AK$ , vt  $GN$ , ad  $EM$ . Conuertendoque, erit  $Ak$ , ad  $CL$ , vt  $EM$ , ad  $GN$ . Quod, &c.


## PROPOSITIO VII.

*Excessus cylindri circumscripti conoidi parabolico quadrato supra ipsum, æquatur ipsi conoidi. Quodlibetue segmentum talis excessus rescit plano, vel planis basi parallelis, æquatur segmento eiusdem conoidis inuerse positi, ac contento inter eadem plana.*

**E**Sto conoides parabolicum  $BAC$ , cui sit circumscriptus cylindrus  $HC$ . Dico primo, excessum cylindri supra conoides æquari conoidi. Secta diametro  $DA$ , in quocumque partes æquales  $AE, EF, FG; GD$ , &c. per puncta  $E, F, G$ , transeant plana  $kL, MN, OP$ , ipsi  $BDC$ , parallela; super



super basi autem  $IEQ$ , intelligantur cylindri  $XQ$ ,  $QR$ ; item super basi  $RF S$ , cylindri  $SY$ ,  $S*$ ; pariterque super basi  $TGV$ , cylindri  $VZ$ ,  $T\clubsuit$ . Patet, in excessu cylindri supra conoides, inscriptos esse tubos, cylindricos sibi super impositos ortos ex reuolutione parallelogrammorum  $kX$ ,  $KR$ ,  $MT$ , circa  $AD$ : item in conoide, inscriptos esse cylindros  $QR$ ,  $S*$ ,  $T\clubsuit$ , vt in schemate, tot numero quot sunt tubi inscripti in excessu. Tunc, quoniam  $AE$ , æquatur  $DG$ ; ergo ex proposit. antec. rectangulum  $kIL$ , erit æquale quadrato  $TG$ . Ergo & armilla circularis, cuius latitudo  $kI$ , erit æqualis circulo, cuius semidiameter  $TG$ . Ergo tubus cylindricus  $kXL$ , inscriptus in excessu erit æqualis cylindro  $T\clubsuit$ , inscripto in conoide, quia & bases, & altitudines horum solidorum sunt æquales. Eodem modo ostendetur tubum  $MYN$ , æquari cylindro  $S*$ : itemque tubum  $OZP$ , æquari cylindro  $QR$ : & idem ostenderetur de omnibus alijs, quia sunt æquales numero, dummodo tubus, qui comparatur cum cylindro, æqualiter distet ab  $A$ , sicuti cylindrus à  $D$ . Ergo omnes tubi inscripti in excessu, erunt æquales omnibus cylindris inscriptis in conoide. Ergo & excessus erit æqualis conoidi. Nam cum per continuatam bisectionem, & subbisectionem  $AD$ , partiumque eiusdem, possint, more vsitato apud geometras, inscribi in excessu tot tubi cylindrici, in conoide vero tot cylindri, vt illi quidem ab excessu, hi vero à conoide, deficiant quantitate minori



minori quacumque data, facile probabitur absurdum si aliter dicatur quam nos dicimus. Excessus ergo prædictus, erit æqualis conoidi. Quare patet primum.

Dico secundo, quod si  $AE$ , sit æqualis  $GD$ , adeo ut si conoides inuerse poneretur, segmentum  $BTVC$ , contineretur inter plana  $H2, kL$ ; nihilominus excessum cylindri  $HL$ , supra conoides  $IAQ$ , æquari segmento conoidis  $BTVC$ . Nam diuidendo  $AE$ , in quotlibet partes, &  $GD$ , in tot ipsis in  $AE$ , numero æquales, & per puncta  $AE, GD$ , ductis planis  $BDC$ , parallelis; modo supra exposito, in excessu  $kAL$ , inscriberentur tu-

X x      bi

bi cylindrici, in segmento vero  $BTVC$ , cylindri; tubique cylindrici essent æquales numero cylindris; & omnes tubi cylindrici probarentur æquales omnibus cylindris, comparando semper tubum æqualiter distantem ab  $A$ , cum cylindro æqualiter distante à  $D$ . Vnde etiam, more vsitato apud geometras, per deductionem ad impossibile ostenderetur, excessum prædictum  $KAL$ , æquari segmento  $BTVC$ . Quare patet etiam secundum.


## COROLLARIUM.

Ergo totus cylindrus erit duplus conoidis. Ergo conoides erit sesquialterum coni qui est tertia pars cylindri sibi circumscripti. Ergo conoides erit sub-sesquitertium hemisphærij, seu hemisphæroidis inscripti in eodem cylindro  $HC$ . Quæ omnia concordant cum doctrinis Archimedis, & aliorum.

## SCHOLIUM.

Pâtet ergo ex dictis in hac, & superioribus propositis excessum prædictum cylindri supra conoides, ipsumque conoides, esse magnitudines proportionaliter analogas, iuxta sensum definitionis supra positæ.

Ad vberriorem autem doctrinam notetur, quod cum in schol. 2. proposit. 15. lib. 2. vniuersaliter assignata sit ratio, quam habet cylindrus v. g.  $OC$ , ad fru-



frustum BTVC, conoidis cuiuscumque parabolici à sè inclusi quæ in conoide quadratico, vt ex regula generali ibidem tradita elicitur, est eadem cum ea, quam habent duæ BD, cum duabus TG, nempe BC, cum TV, ad BD, TG, cum alijs duabus sequentibus in continua proportionē BD, ad TG; & cum (supponendo AE, GD, æquales esse) probatum sit, excessum cylindri HL, supra IAQ, æqualem esse segmento BTVC, & pariter cylindrus HL, sit æqualis cylindro OC: sequitur etiam, cylindrum HL, esse ad excessum ipsius supra conoides IAQ, vt BC, TV, ad BD, TG, cum illis duabus proportionalibus. Ex quibus patet

Xx 2 per

per conuersionem rationis, quænam sit ratio cylindri *HL*, ad conoides *IAQ*.

Sed etiam ad vberriorem scientiam, licet in conoide parabolico quadratico aliam rationem cylindri *OC*, ad frustum *BTVC*, colligere. Nimirum, quod sit vt dupla *DA*, ad *DA*, cum *AG*, seu vt duplum quadratum *BD*, ad quadrata *BD*, *TG*. Quod sic patebit. Cylindrus *HL*, ad cylindrum *XQ*, est vt quadratum *KE*, ad quadratum *EI*; nempe vt duplum quadratum *kE*, ad duplum quadratum *EI*. Cylindrus *XQ*, est ad conoides *IAQ*, vt duplum quadratum *IE*, ad quadratum *IE*. Ergo ex æquali, cylindrus *HL*, erit ad conoides *IAQ*, vt duplum quadratum *kE*, ad quadratum *IE*. Ergo & per conuersionem rationis, cylindrus *HL*, erit ad excessum ipsius supra conoides, vt duplum quadratum *kE*, ad excessum ipsius supra quadratum *IE*. Quare & cylindrus *OC*, æqualis *HL* (suppositis *AE*, *GD*, æqualibus) erit ad segmentum *BTVC*, æquale prædicto excessui, vt duo quadrata *kE*, seu *BD*, ad excessum ipsorum supra quadratum *IE*; nempe ad quadrata *BD*, *TG*; quia quadrata *IE*, *TG*, equalia sunt quadrato *BD*. Cum autem sit vt quadratum *BD*, ad quadratum *TG*, sic *DA*, ad *AG*. Ergo & vt duo quadrata *BD*, ad quadrata *BD*, *TG*, sic dupla *DA*, ad *DA*, *AG*. Patet ergo in omnibus, & per omnia, propositum.


## PROPOSITIO VIII.

*Parallelogrammum circumscriptum parabola quadratica, est ad ipsam, ut cylindrus circumscriptus sphaera, vel sphæroidi ad sphaeram, vel sphæroides, tam secundum totum, quam secundum partes proportionales; si diameter sphaerae vel sphæroidis, & basis parabola secentur in partes proportionales.*

**E**Sto parabola  $ABC$ , cum sibi circumscripto parallelogrammo  $DA$ , sitque eius basis  $CA$ ; item sit semicirculus, vel semiellipsis  $CFA$  (siue  $CA$ , diameter ipsius sit æqualis basi  $CA$ , parabola, siue non, nam ponitur eadem facilitatis gratia) cum sibi circumscripto reſtangolo  $GA$ ; & intelligamus ipsum cum semicirculo, vel semiellipsi rotari circa  $CA$ . Dico parallelogrammum  $DA$ , esse ad parabolam  $ABC$ , ut cylindrus ex  $GA$ , ad sphaeram, vel sphæroides, (quod semper debet intelligi) ex  $CFA$ . Pariter dico si  $CA$ , fecetur proportionaliter, & in parabola, & parallelogrammo ducantur lineæ  $BE$ , parallelæ, & in sphaera ducentur plana parallela circulo descripto à semidiametro  $EF$ ; semper parallelogrammum, & parabolam; itemque sphaeram, & cylindrum, secari in partes proportionales. Hoc ostendetur primo in semiparabola  $EBC$ , & in hemisphaerio ex  $CFE$ . Diuidantur  $CE$ , semibasis parabola, & semidiameter circuli proportionaliter in punctis

punctis  $H, k$ , &c. & in parabola ducantur  $HL, KI, BE$ , parallelæ, in semicirculo vero  $HP, kQ, EF$ , parallelæ: item ducentur  $MT, OV, RX, SZ, CA$ , parallelæ, vt apparet in schemate. Tunc. Quoniam in parabola est ex coroll. proposit. 22. p. rectangulum  $AEC$ , ad rectangulum  $AkC$ , vt  $BE$ , ad  $Ok$ , seu ad  $VE$ ; hoc est vt parallelogrammum  $Bk$ , ad parallelogrammum  $Vk$ ; estque vt rectangulum  $AEC$ , in parabola, ad rectangulum  $AkC$ , sic rectangulum  $AEC$ , in sphaera, vel sphaeroide, ad rectangulum  $AkC$ ; & vt rectangulum  $AEC$ , ad rectangulum  $AkC$ , sic ex Apollon. p. conic. proposit. 21. quadratum  $EF$ , ad quadratum  $kS$ , seu  $EZ$ ; & vt quadratum  $EF$ , ad quadratum  $EZ$ , sic cylindrus ex parallelogrammo  $EQ$ , circa  $CA$ , ad cylindrum ex  $ES$ , circa eandem. Ergo & vt parallelogrammum  $BK$ , ad parallelogrammum  $Vk$ , sic cylindrus ex  $EQ$ , ad cylindrum ex  $ES$ . Eodem modo ostendetur, esse parallelogrammum  $IH$ , ad parallelogrammum  $TH$ , vt cylindrus ex  $kP$ , ad cylindrum ex  $KR$ ; idemque ostenderetur de alijs, si adessent. Ergo ad modum superiorum facile concludemus, parallelogrammum  $DE$ , esse ad parallelogramma in semiparabola inscripta, vt cylindrus ex  $EG$ , ad omnes cylindros in hemisphaerio inscriptos. Quare etiam modo Archimedeo facile concludemus, esse  $DE$ , ad  $EB C$ , semiparabolam, vt cylindrus ex  $EG$ , ad ipsum hemisphaerium, seu hemisphaeroides. Possumus enim in semiparabola,

& in



& in hemisphærio inscribere figuras constantes ex parallelogrammis, & cylindris, deficientes ab ipsis defectu quacumque data magnitudine minori. Cum autem sit parallelogrammum DE, ad semiparabolam BCE, vt cylindrus ex CF, ad hemisphærium, seu hemisphæroides ex CFE; erit etiam vt parallelogrammum DA, ad parabolam ABC, sic cylindrus ex AG, ad sphæram, seu sphæroides ex CFA.


Probabimus secundo, parallelogrammum v. g. LE,



LE, esse ad FBMH, segmentum parabolæ ad diametrum, vt cylindrus ex HF, ad segmentum ex HRFE; (supponendo HE, esse partes proportionales CA, basis parabolæ, & diametri circuli, & ellipsis, quod semper debet intelligi.) Demonstratio autem non erit diuersa à supra posita; quia secundo HE, in punctis proportionaliter, & faciendo priorem constructionem: nihilominus probabimus parallelogrammum LE, esse ad omnia parallelogramma in segmento EBMH, inscripta, vt cylindrus ex HF, ad cylindros ex parallelogrammis in HRFE, inscriptis. Et tandem probabimus modo Archimedeo, LE, esse ad segmentum ipsum, vt cylindrus ex HF, ad segmentum sphaeræ ex segmento HRFE.

Non aliter demonstrabitur esse Lk, ad segmentum intermedium kOMH, vt cylindrus ex HQ, ad segmentum ex segmento HRSk. Quod etiam probari potest ex proposit. anteced. Quia cum sit vt LE, prima ad EBMH, secundam, sic tertia cylindrus ex HF, ad quartam segmentum ex segmento HRFE; & cum prima, LE, & tertia cylindrus ex HF, supponantur sectæ proportionaliter (nam debet supponi esse LE, ad Lk, vt cylindrus ex HF, ad cylindrum ex HQ) itemque sit LE, ad segmentum ad diametrum EBOk, vt cylindrus ex KF, ad segmentum ex segmento KSFE. Erit & LK, ad kOMH, vt cylindrus ex HQ, ad segmentum ex segmento HRSk.


Eodem



Eodem modo patebit, esse  $DH$ , ad  $HMC$ , ut cylindrus ex  $CP$ , ad portionem ex portione  $CRH$ . Nam  $DE$ , est ad  $EBC$ , ut cylindrus ex  $CF$ , ad hemisphaerium: item  $LE$ , est ad  $EBMH$ , ut cylindrus ex  $HF$ , ad segmentum ex segmento  $HRFE$  (supponi autem debet esse  $ED$ , ad  $DH$ , ut cylindrus ex  $EG$ , ad cylindrum ex  $CP$ .) Quare  $DH$ , erit ad  $HMC$ , ut cylindrus ex  $CP$ , ad portionem ex portione  $CRH$ .

Pariter, cum sit  $DA$ , ad parabolam, ut cylindrus  
 $Yy$  drus





logas iuxta sensum definitionis supra expositæ. Item cum eliciatur ex schol. pri. proposit. 4. huius, semiparabolam quadraticam esse magnitudinem proportionaliter analogam, cum excessu cylindri supra suum conum; unde ex dictis ibidem, facile possit elici, totam parabolam quadraticam, esse magnitudinem proportionaliter analogam cum excessu cylindri  $RC$ , in schemate illius proposit. pagina 336, supra duos conos  $RBZ$ ,  $ABC$ , & duo trilinea, nempe excessum parallelogrammi supra parabolam  $Yy$  2 qua-

quadraticam, esse magnitudinem proportionaliter analogam cum ipsis duobus conis  $R B Z$ ,  $A B C$ ; sequitur concludi posse, excessum prædictum cylindri supra duos conos, parabolam, sphaeram, & sphæroides, esse magnitudines proportionaliter analogas. Item duos conos prædictos, duo trilinea quadratica, & excessum cylindri circumscripti sphaeræ, vel sphæroidi, supra hæc solida, esse pariter magnitudines proportionaliter analogas.

Patet ergo ex dictis, qualiter habita ratione vnius ex prædictis magnitudinibus circumscriptis, ad magnitudinem, cui circumscribitur, detur ratio reliquarum magnitudinum circumscriptarum, ad magnitudines reliquas quibus circumscribuntur. V. g. si detur ratio cylindri circumscripti sphaeræ, ad ipsam sphaeram; statim patet haberi rationes, & cylindri ad excessum supra duos conos, & consequenter ad ipsos conos; & parallelogrammi, ad parabolam, &c.


Item patet qualiter ex vniuersalissima doctrina, probatum remaneat id, quod Lucas Valerius, & nonnulli alij particulariter probant. Nimirum, excessum cylindri supra conum, esse æqualem hemisphaerio, seu hemisphaeroidi in cylindro inscripto. Assertum autem hoc patebit vnicuique consideranti, eundem cylindrum circumscribere hæc solida, & ad ipsa eandem habere rationem. Hoc vero, patet ex dictis, verificari tam secundum totum, quam secundum partes proportionales.

SCHO-

## SCHOLIVM II.

Præter autem ea, quæ in præfenti proposit. probata sunt de proportionem parallelogrammi ad parabolam quadraticam, & cylindri ad sphæram, &c. etiam facile probari potest, quod si in schem. sequenti, CA, basis parabolæ, & diameter semicirculi, seu semiellipsos secantur proportionaliter in H, & per H, agantur HMP, HRQ, BE, EF, parallelæ, & per puncta M, R, item agantur kL, NO, parallelæ CA; probari inquam potest, parallelogrammum kH, esse ad portionem parabolæ MCH, ut cylindrus ex parallelogrammo HN, ad portionem ex portione CRH, reuolutis utrisque circa CA. Quod patet, quia facile patebit, esse HM, ad EB, seu ad HP; nempe parallelogrammum Hk, ad HD, ut quadratum HR, ad quadratum EF, seu ad quadratum HQ; nempe ut cylindrus ex parallelogrammo HN, ad cylindrum ex parallelogrammo HG. Ac supra probatum est, DH, esse ad MCH, ut cylindrus ex HG, ad portionem ex portione CRH. Ergo ex æquali, erit kH, ad MCH, ut cylindrus ex HN, ad portionem ex CRH. Eodem modo probabitur esse LH, ad portionem HMBA, ut cylindrus ex HO, ad portionem ex portione HRFA.

Item probari potest, quod si secta HE, proportiona-



tionaliter in  $B$ , agantur  $BS$ ,  $BT$ , parallelæ  $BE$ ,  $EF$ ; item  $SX$ ,  $TV$ , parallelæ  $CA$ : probari inquam potest,  $SH$ , esse ad segmentum intermedium  $BSMH$ ; ut cylindrus ex  $BV$ , ad segmentum ex segmento  $TRH$ . Quam verò fecunda sit doctrina supra exposita, & quot possint deduci ex his, & ex traditis in primo libro, patebit in propositione sequenti, in qua quamplurimæ explicabuntur circa partes sphaeræ, & sphæroidis. Ex quibus patebunt quamplurima, quæ traduntur sparsim ab Archi-

chimedè, à Luca Valerio, à Caualerio, à Riccardo Albio, & ab alijs authoribus.

## PROPOSITIO IX.

*Rationes cylindrorum ad varia segmenta spheræ,  
vel spheroidis assignare.*

**O**Mnia, quæ in hac propositione tradentur, potuissent utique proponi per modum theorematum, sed breuitatis gratia, statuimus ipsa sic exponere.

Esto hemisphærium, vel hemisphæroides BCF, cui sit circumscriptus cylindrus GF, qui cum hemisphærio, vel hemisphæroide sit sectus plano MQ, parallelo BF, plano, & fiat ut CE, ad EO, sic EO, ad R.

Dico primo, cylindrum GQ, esse ad portionem NCP, ut tripla CE, ad excessum ipsius supra CE, EO, & R. Intelligamus CFE, nobis representare semiparabolam quadraticam, cuius basis CE; diameter EF; vertex F; & parallelogrammum ipsi circumscriptum sit CF, quod cum semiparabola sit sectum linea OPQ, diametro EF, parallela. Ergo ex propo<sup>re</sup> anteced. erit parallelogrammum CQ, ad trapezium CLQP, ut cylindrus GQ, ad excessum ipsius supra portionem NCP. Sode. Item portionem NCP, ubi prim.




ad trapezium CLQP, vt tripla CE, ad CE, EO, & R. Ergo etiam cylindrus GQ, erit ad excessum ipsius supra portionem NCP, vt tripla CE, ad CE, EO, & R. Ergo & per conuersionem rationis, erit cylindrus GQ, ad ipsam portionem NCP, vt tripla CE, ad excessum ipsius supra CE, EO, & R. Quod &c.

Dico secundo, prædictum cylindrum esse ad prædictam portionem NCP, vt quadratum CE, ad rectangulum COE, cum duobus tertijs quadrati CO. Cum enim probatum sit GQ, esse ad excessum ipsius supra portionem NCP, vt tripla CE, ad CE, EO, & R. Ergo ducendo omnia in CE, erit GQ, ad prædictum excessum, vt triplum quadratum CE, ad quadratum CE, cum rectangulo CEO, & cum rectangulo CE, R (nempe cum quadrato EO.) Ergo per conuersionem rationis, erit GQ, ad portionem NCP, vt triplum quadratum CE, ad excessum ipsius supra quadrata CE, EO, & supra rectangulum CEO. Ergo & vt tertiæ partes horum planorum; nempe vt quadratum CE, ad tertiam partem prædicti excessus. Sed tertia pars excessus prædicti, est æqualis rectangulo COE, & duobus tertijs quadrati CO, vt statim probabitur. Quare &c. Quod &c.

Assumptum sic patebit. Nam triplum quadratum CE, excedit quadrata CE, EO, & rectangulum CEO, tribus rectangulis COE, & duplo quadrato CO. Quorum tertia pars est rectangulum  
COE,

COE, cum sublesquialtero quadrati CO.

Dico tertio, quod constructis ijsdem, quæ supra, erit cylindrus MF, ad segmentum BNPF, vel vt tripla CE, ad duplam CE, vna cum excessu CE, supra R; vel vt CE, ad CO, cum duabus tertijs partibus OE, & cum tertia parte excessus OE, supra R. Ratio est, quia ex schol. prim. proposit. 10. lib. prim. parallelogrammum EQ, est in parabola quadratica, ad segmentum EOPF, ad diametrum, in prædictis rationibus.




Dico quarto, eundem cylindrum MF, esse ad idem segmentum BNPF, vt triplum quadratum CE, ad duplum quadratum CF, vna cum rectangulis COE, ECO. Vel subtriplando terminos, vt quadratum CE, ad sublesquialterum quadrati

Zz      CE,

CE, cum tertia parte rectangulorum COE, ECO. Ratio est, quia ex schol. ter. cit. proposit. est parallelogrammum EQ, ad segmentum ad diametrum EOPF, vt tripla EF, ad duplam EF, cum OP. Sed ex schol. proposit. 22. lib. prim. huius. Est EF, ad OP, vt quadratum CE, ad rectangula COE, ECO; vnde est vt tripla EF, ad duplam EF, cum OP, sic triplum quadratum CE, ad duplum quadratum CE, cum rectangulis COE, ECO. Ergo etiam cylindrus MF, erit ad segmentum BNPF, vt triplum quadratum CE, ad duplum quadratum CE, vna cum rectangulis COE, ECO. Quod &c.

Dico quinto, segmentum BNPF, æquale esse tribus conis, circa diametrum OE, quorum duorum sit basis BEF, alterius vero circulus NOP. Patet, quia cum probatum sit, cylindrum esse ad segmentum vt triplum quadratum EC, ad duplum quadratum EC, vna cum rectangulis COE, ECO; nempe vt triplum quadratum BE, ad duplum quadratum BE, vna cum quadrato NO; & cum sit vt triplum quadratum BE, ad duplum quadratum BE, vna cum quadrato NO, sic triplus conus, cuius basis BEF, axis OE, nempe cylindrus MF, ad duplum conum prædictum, vna cum cono, cuius basis NOP, axis OE. Ergo NF, ad illos conos. & ad segmentum erit in eadem ratione. Ergo segmentum erit æquale prædictis conis.

Dico sexto, quod si cylindrus GF, secetur alio plano



plano SZ, BF, parallelo, & fiat vt CE, ad EO, sic EO, ad R; & pariter fiat vt OE, ad EV, sic R, ad H, & H, ad k. Erit cylindrus MZ, ad segmentum TNPX, vt tripla CE, ad excessum ipsius supra R, H, k. Ratio est quia ex schol. pri. proposit. 12. lib. pri. huius. parallelogrammum VQ, est ad segmentum parabolæ VOPX, in prædicta ratione.

Dico septimo, prædictum cylindrum, esse ad prædictum segmentum, vt quadratum CE, ad rectangula EOC, ECO, EVO, cum subsesquialtero quadrati VO. Patet, quia consideranti schol. sec. præcit. proposit. patebit parallelogrammum VQ, esse ad segmentum parabolæ OXPV, in prædicta ratione. Quare & cylindrus ad segmentum.


Zz 2 Dico

Dico octauo, quod si intelligatur cylindrus DX, circumscribens segmentum intermedium TNPX, & fiat vt CE, ad EV, sic hæc ad I; pariter fiat vt CE, ad EO, sic hæc ad R; & rursum fiat vt OE, ad EV, sic R, ad H, & H, ad k. Erit cylindrus DX, ad prædictum segmentum, vt triplus excessus CE, supra R, ad excessum triplæ CE, supra R, H, k. Ratio dependet ex schol. proposit. 18. lib. prim. in quo dicitur, parallelogrammum V\*, esse ad segmentum OPXV, in ratione assignata.

Dico nono, quod si hemisphærium, seu hemisphæroides BCF, intelligatur sectum plano NOP, ipsi BEF, parallelo, & fiat vt CE, ad EO, sic hæc ad R. Erit segmentum BNPF, ad diametrum, ad portionem NCP, vt duplum rectangulum CEO, vna cum rectangulo sub OE, in excessum CE, supra R, ad quadratum CO, vna cum rectangulo sub CO, & sub excessu CE, supra R; nimirum ad duplum quadratum CO, cum rectangulo sub CO, in excessum OE, supra R. Ex quibus, completa sphæra, & sphæroide, facile potest deduci ratio maioris portionis, ad minorem. Pro intelligentia asserti, inspiciatur schol. proposit. 20. lib. prim.

Dico decimo, quod si completa sphæra, &c. vt in schem. sequent. ratio AE, ad EO, continuetur ad duos alios terminos X, Z. Cylindrus MH, erit ad portionem maiorem NBAFP, vt tripla AO, ad

ad duplam A E, cum excessu trium E O, supra Z;  
nempe ad duplam A O, cum excessu E O, supra  
Z. Ratio petatur ex schol. proposit. 13. lib. prim.  
huius.



Dico vndecimo, - quod si cylindrus  $GH$ , cum sphaera, vel sphæroide secetur duobus planis  $MQ$ ,  $DT$ , ipsi  $BF$ , parallelis, ipsumque intercipientibus, & fiat ut  $OE$ , ad  $ER$ , sic  $CE$ , ad  $V$ ; item fiat ut  $CE$ , ad  $OE$ , sic hæc ad  $X$ ; pariter fiat ut  $AE$ , ad  $ER$ , sic hæc ad  $Z$ ; tandem fiat ut tripla  $AE$ , ad excessum ipsius supra  $Z$ , sic tripla  $V$ , ad  $\mathcal{B}$ . Dico utriusque esse cylindrum  $MT$ , ad segmentum  $IBNPFS$ .

VE

vt tres  $V$ , cum tribus  $CE$ , ad duas  $CE$ , hoc est ad  $AC$ , cum  $CO$ , & cum excessu  $OE$ , supra  $X$ , vna cum  $\&$ . Et subtriplando terminos, esse cylindrum prædictum, ad prædictum segmentum, vt  $V$ , cum  $CE$ , ad  $CO$ , cum duabus tertijs partibus  $OE$ , & cum tertia parte excessus ipsius supra  $X$ , vna cum tertia parte  $\&$ . Probat hoc schol. prop. 14. lib. prim. huius. in quo probatur parallelogrammum  $RQ$ , esse ad segmentum parabolæ quadraticæ  $OPFSR$ , in prædictis rationibus.

Dico duodecimo, quod si intelligatur cylindrus  $Y_2$ , secans sphæram, vel sphæroides. Cylindrus  $YP$ , erit ad portionem  $NCP$ , vt  $OA$ , ad dimidiam  $AO$ , cum sexta parte  $CO$ . Pariter cylindrus  $N_2$ , erit ad portionem maiorem  $NBAFP$ , vt  $CO$ , ad dimidiam  $CO$ , cum sexta parte  $OA$ . Hoc deducitur ex regula generali tradita in calce schol. proposit. 17. lib. prim. quia parallelogramma  $CP$ ,  $PA$ , sunt ad portiones parabolæ quadraticæ  $CPO$ ,  $OPA$ , in dictis rationibus.

## SCHOLIUM.

Ex superiori ergo proposit. licuit animaduvertere, quot notitiæ deducantur in sphæra, & sphæroide ex analogia, quæ reperitur inter hæc solida, interque parabolam quadraticam. Otenfiserenim in lib. pri. quampluribus veritatibus vniuersaliter in omnibus parabolis, & consequenter in quadratica, manifestatæ

statæ fuerẽ etiam eadem veritates in sphæra, vel sphæroide. At nunc antequam nòs expediamus ab hac analogia, opere prætium duximus notare; quod cum in nostro libello 60. Problematum geometricorum, soluta fuerint nonnulla problemata in sphæris, multa horum posse applicari & sphæroidi, & parabolæ quadraticæ. Imo cum, vt deducitur ex coroll. proposit. 4. huius. & ex schol. prim. proposit. 8. huius. etiam excessus cylindri supra duos conos inuersè positos sibi inscriptos, quorum communis vertex sit medium punctum diametri cylindri, sit magnitudo proportionaliter analoga cum prædictis; patet hæc applicari posse etiam prædicto excessui. Quæ autem hæc sint, facile cognoscetur ex eodem libello.


## PROPOSITIO X.

*Rectangulum circumscriptum semicirculo, est ad ipsum, vt rectangulum circumscriptum semiellipsi, ad ipsam, tam secundum totum, quam secundum partes sibi correspondentes, quarum diametri sint partes proportionales totarum diametrorum.*

**E**Sto semiellipsis ABC, cum sibi circumscripto parallelogrammo DA, & semicirculus AFC, cui pariter sit circumscriptum parallelogrammum AG, sitque diameter AC, eadem, siue sint diuersæ. Dico prim. DA, esse ad ABC, vt AG, ad AFC.



**AFC.** Si probetur hoc in quadrantibus, idem etiam verificabitur in totis. **EC**, ergo diuidantur proportionaliter in quocumque punctis **H, k, &c.** (ad euitandam autem confusionem secabuntur tantum in duobus) & per ipsa ducantur **HM, kO, HR, kS**, ipsis **BE, EF**, parallelæ: item ducantur **MT, OV, RX, SZ, CA** parallelæ. Quoniam ex Apoll. pri. coni. proposit. 2<sup>ta</sup> in ellipsi est quadratum **BE**, ad quadratum **Ok**, vt rectangulum **AEC**, ad rectangulum **AkC**; & vt rectangulum **AEC**, in ellipsi, ad rectangulum **AKC**, sic ex hypothesi, in circulo rectangulum **AEC**, ad rectangulum **AkC**; & pariter in circulo, vt rectangulum **AEC**, ad rectangulum **AkC**, sic quadratum **EF**, ad quadratum **kS**. Ergo vt quadratum **BE**, ad quadratum **Ok**, seu **VE**, sic quadratum **FE**, ad quadratum **kS**, seu **EZ**. Ergo & vt **BE**, ad **EV**, nempe vt parallelogrammum **Bk**, ad parallelogrammum **VK**, sic **FE**, ad **EZ**; nempe parallelogrammum **EQ**, ad parallelogrammum **ES**. Eodem modo probabitur, esse parallelogrammum **LK**, ad **Mk**, vt **KP**, ad **kR**; idemque probaretur de omnibus alijs, si semidiametri **CE**, supponerentur sectæ in pluribus punctis. Cum autem etiam parallelogramma **Bk, kL**, & alia si adessent, sint proportionalia parallelogrammis **EQ, QH, &c.** Patet ad modum superiorum, concludi posse, **LE**, & **DE**, esse ad omnia parallelogramma in ellipsis quadrante inscripta, vt **EP** ad **G**, ad omnia parallelogramma in quadrante circuli inscripti.



scripta. Ex quibus etiam facile viris Archimedeis patebit, esse DE, ad ellipsis quadrantem, ut EG, ad circuli quadrantem. Nam per continuatam bisectionem semidiametrorum CE, patet in illis quadrantibus posse inscribi figuras ex parallelogrammis sibi superimpositis constantes, deficientes ab ipsis quadrantibus magnitudine quacumque data minori.

Sed dico secundo, parallelogrammum v. g. DH, esse ad portionem semicirculi HMC, ut HG, ad

A a a CHR:

CHR: idemque intelligendum esse de omnibus partibus proportionalibus. Imò si portionibus MCH, CHR, intelligerentur circumscripta parallelogramma, hæc essent ad portiones in eadem ratione, tam secundum totum, quam secundum partes proportionales. Quod cum probandum sit supradicto modo, & cum in ijs similibus exempla sæpe repetita sint, ideo hæc omittuntur. Patet ergo propositum.


## SCHOLIUM.

Ex dictis ergo, & ex superioribus manifestè patet, circulum, & ellipsim, esse quantitates proportionaliter analogas iuxta sensum definitionis supra expositæ, quotiescumque diametri secantur à lineis ipsas iuxta exigentiam secantibus, proportionaliter. Hæc patent ex dictis.

## PROPOSITIO XI.

*Sectores circuli, & ellipsis, siuè maiores, siuè minores, quarum chordæ secant proportionaliter diametros, sunt magnitudines proportionaliter analogæ iuxta sensum explicatum.*

**S**int ABC, semiellipsis, & AFC, semicirculus, & semiellipsis sint semisectores minor D K C, maior DAK; semicirculi verò sit semisector minor CKE,



CkE, maior EAK; horum semichorde sint DG, GE, quæ secant proportionaliter diametros CA. Dico semisectores minores DkC, CkE, item semisectores maiores DAK, EAK, esse magnitudines proportionaliter analogas iuxta sensum supra explicatum.

Ostendetur prius de semifectoribus minoribus DkC, CkE, quibus circumscribantur parallelogramma IC, HC. Tales sectores, taliaque parallelogramma possunt tripliciter secari. Primo lineis DG, GE, secundo lineis LMN, NOP; tertio lineis QRS, STV. Si secentur primo modo.

A 32

Quo-

Quoniam est triangulum  $DkG$ , ad parallelogrammum  $kD$ , ut triangulum  $kEG$ , ad parallelogrammum  $kE$  (quia triacula sunt dimidia parallelogrammorum) parallelogrammum vero  $kD$ , est ex hypothesi, ad parallelogrammum  $DC$ , ut parallelogrammum  $KE$ , ad parallelogrammum  $EC$ ; & ex proposit. anteced.  $DC$ , est ad portionem  $DGC$ , ut  $EC$ , ad portionem  $GEC$ . Ergo ex æquali, erit triangulum  $DkG$ , ad portionem  $DGC$ , ut triangulum  $kGF$ , ad portionem  $GEC$ .

Si verò secentur lineis  $LMN$ ,  $PON$ . Quoniam triangulum  $DkG$ , est ad semiportionem  $DGC$ , ut  $kGE$ , ad  $GEC$ ;  $DGC$ , autem est ad  $MNC$ , ut  $GEC$ , ad  $NOC$ , ex proposit. anteced. Ergo ex æquali,  $kDG$ , est ad  $MNC$ , ut  $kGE$ , ad  $NOC$ . Cum autem ex superioribus, etiam  $MNC$ , sit ad  $DMNG$ , ut  $NCO$ , ad  $NOEG$ . Ergo rursus ex æquali, erit  $KDG$ , ad  $DMNG$ , ut  $kGE$ , ad  $GNOE$ . Et componendo,  $KDMN$ , erit ad  $DMNG$ , ut  $KNOE$ , ad  $GNOE$ . Sed  $DMNG$ , est ad  $MCN$ , ut  $GNOE$ , ad  $NCO$ . Ergo tandem ex æquali, erit  $KDMN$ , ad  $MCN$ , ut  $kNOE$ , ad  $NCO$ .

Si tandem secentur lineis  $QRS$ ,  $STV$ . Quoniam  $DGC$ , est ad triangulum  $DkG$ , ut  $CEG$ , ad triangulum  $GkE$ ; triangulum autem  $DkG$ , est ad trapezium  $DRSG$ , ut triangulum  $GkE$ , ad trapezium  $SGET$ . Ergo ex æquali, & componendo, erit  $CDRS$ , ad  $DRSG$ , ut  $CSTE$ , ad  $GSTE$ . Sed  $DRSG$ , est ad  $RKS$ , ut  $GSTE$ , ad  $SkT$ . Ergo rursus ex æquali,

quali, erit  $CDRS$ , ad  $RkS$ , vt  $CSTE$ , ad  $SkT$ .  
Quare probatum est, sectores minores esse magnitudines proportionaliter analogas.

Sed etiam semisectores maiores  $DAk$ ,  $EAK$ , possunt secari tribus modis. Possunt enim primo secari semidiametris  $BK$ ,  $KF$ . Quod autem tunc  $DBk$ , sit ad  $BAK$ , vt  $KEF$ , ad  $KAF$ , est manifestum. Quia cum  $DCG$ , sit ad totum segmentum  $DBKG$ , vt  $CGE$ , ad totum segmentum  $GkFE$ ; & pariter cum eadem  $DCG$ , sit ad triangulum  $DkG$ , vt  $CGE$ , ad triangulum  $GKE$ . Ergo &  $CDG$ , erit ad reliquum sectorem  $DBK$ , vt  $CGE$ , ad  $kEF$ . Sed etiam  $DCG$ , est ad  $BGk$ , seu ad  $BAK$ , vt  $CGE$ , ad  $KCF$ , seu ad  $KAF$ . Ergo conuertendo, & ex æquali, erit sector  $DBK$ , ad  $BAk$ , vt  $KEF$ , ad  $KAF$ .

Possunt secundo secari lineis  $QRS$ ,  $STV$ . Et tunc Quoniam probatum est, sectorem  $BDk$ , esse ad  $DGC$ , vt  $KEF$ , ad  $GEC$ ; & pariter cum probatum sit,  $DGC$ , esse ad  $QDGS$ , vt  $GCE$ , ad  $SGEV$ ; & vt  $DGC$ , ad  $DRSG$ , sic  $CGE$ , ad  $GSTE$ . Ergo concludetur etiam, esse  $CGD$ , ad  $QRD$ , vt  $CGE$ , ad  $TVE$ . Quare concludetur ex æquali, esse  $BDK$ , ad  $QRD$ , vt  $kFE$ , ad  $TVE$ . Vnde facile concludetur ex dictis, prius componendo,  $ADk$ , ad  $kBD$ , vt  $Aek$ , ad  $kFE$ ; postea ex æquali, & diuidendo, esse  $AQRk$ , ad  $QRD$ , vt  $AVTk$ , ad  $TVE$ .

Possunt tertio secari lineis  $XZ$ ,  $ZY$ . Et Tunc.

Quo-

Quoniam componendo, probatum est  $DAK$ , esse ad  $BAk$ , ut  $kAE$ , ad  $AkF$ ; &  $BAk$ , est ad  $XAZ$ , ut  $kAF$ , ad  $ZAY$ . Ergo ex æquali, & diuidendo, erit  $DXZk$ , ad  $XAZ$ , ut  $kEYZ$ , ad  $AYZ$ . Probatum est ergo prædictos sectores esse quantitates proportionaliter analogas. Quod &c.


## SCHOLIUM.

Quæ sint figuræ proportionaliter analogæ in magnitudine, explicatum fuit initio huius libri. In præfenti autem explicandæ sunt magnitudines proportionaliter analogæ in grauitate: pro quibus, fit.

## DEFINITIO II.

Plana, vel solida proportionaliter analogæ in grauitate dicuntur, in quibus ductis lineis, vel planis lineæ, vel plano pro regula inferuiente parallelis, & lineam quandam, quæ sit, vel altitudo, vel veluti altitudo proportionaliter secantibus, semper secabunt plana, vel solida proportionaliter in grauitate, seu in partes proportionaliter graues.

Verum, ut etiam hæc definitio clarius explicetur. Dentur duo plana, vel solida, vel vnum planum, alterum solidum  $ACB$ ,  $DFE$ , quorum altitudines, seu veluti altitudines  $AB$ ,  $DE$ , siue æquales, siue inæquales, secantur proportionaliter in quibuslibet punctis  $L, k, P, R$ , lineis, vel planis  $LM, PS; kN, RV$ ,



$RV$ , pàrallelis  $BC$ ,  $EF$ , adeo vt fit vt  $BA$ , ad  $AL$ , sic  $ED$ , ad  $DP$ , vel vt  $BA$ , ad  $Ak$ , sic  $ED$ , ad  $DR$ . Si quam proportionem habet grauitas segmenti  $LMCB$ , ad grauitatem segmenti  $AML$ , hanc eandem habeat grauitas segmenti  $PSFE$ , ad grauitatem segmenti  $DSP$ : vel grauitas segmenti  $kNCB$ , sit ad grauitatem segmenti  $ANK$ , vt grauitas segmenti  $REFV$ , ad grauitatem segmenti  $DVR$ , & sic semper vbicunque plana, vel solida ducta fuerint. Plana, vel solida  $ABC$ ,  $DEF$ , dicentur proportionaliter analoga in grauitate.

Sed antequam ad vltiora progrediamur, animaduertere debemus veritatem quandam, quæ ab aliquibus supponitur tamquam principium, ab aliquibus verò, præcipuè, quorum meminimus, à Mari-

no




no Ghetaldo in principio Archimedis promoti, in solidis, & à Caualerio in proposit. prim. exerc. 5. vniuersaliter demonstratur. Hæc autem est. Quod si duo graua sint eiusdem gradus grauitatis, erit vt moles vnius ad molem alterius, ita grauitas vnius ad grauitatem alterius, V. g. si moles ABC, DEF, sint eiusdem gradus grauitatis, erit vt magnitudo BAC, ad magnitudinem DEF, sic grauitas BAC, ad grauitatem EDF. His explicatis, sit.

## PROPOSITIO XII.

*Magnitudines proportionaliter analogæ secundum sensum definitionis primæ huius libri, sunt proportionaliter analogæ in grauitate.*

**S**int duæ magnitudines ABC, DEF, proportionaliter analogæ in magnitudine, &c. adeo vt fectæ v. g. KN, RV, modo explicato, sit magnitudo BKNC, ad magnitudinem KAN, vt magnitudo ERVF, ad magnitudinem RDV. Dico etiam grauitatem magnitudinis BKNC, esse ad grauitatem magnitudinis KAN, vt grauitas magnitudinis ERVF, ad grauitatem magnitudinis RDV. Quoniam enim ex supposito principio, est vt molis BKNC, ad molem KAN, sic grauitas antecedentis ad grauitatem consequentis; & ex hypothesi, est vt molis BKNC, ad molem KAN, sic molis ERVF, ad molem RDV; & vt molis KERV, ad molem RDV,



R D V, sic grauitas ad grauitatem. Ergo & vt gra-  
uitas molis B k N C, ad grauitatem molis k A N,  
sic grauitas molis E R V F, ad grauitatem molis  
D R V. Quod, &c.

SCHOLIVM.

Patet ergo, omnes magnitudines probatas supra proportionaliter analogas in magnitudine, esse etiam proportionaliter analogas in gravitate.

Verum vt ad vltiora progrediamur, est supponenda alia veritas, quæ à multis ostenditur, sed præcipuè à Caualerio proposit. 6. cit. exercit. nimirum momenta grauium appensorum componi ex ratione

B b b


magni-

magnitudinum, & distantiarum à fulcro. v. g. si I, sit fulcrum libræ AB, in qua in punctis L, k, sint appensæ magnitudines A I O, I B C O; momentum molis A I O, ad momentum molis I B C O, componetur ex ratione molis ad molem, & ex ratione L I, ad I k. Sit ergo.

### PROPOSITIO XIII.

*Si duo quæcumque graua fuerint proportionaliter analogæ in gravitate, eorum centra gravitatis aberunt proportionaliter ab homologis terminis ipsorum.*

**S**int duo quæcumque graua ABC, DFE, proportionaliter analogæ in gravitate iuxta sensum definitionis 2. sintque hæc vel ambo plana, vel ambo solida, vel vnum planum, alterum solidum (parum enim refert, cum propositio omnia comprehendat) & quodlibet illorum sit vel inter duas lineas, vel inter duo plana parallela, & horizonti perpendicularia, AD, BC; DG, EF; & horum gravium altitudines, seu veluti altitudines, sint AB, DE; puncta verò A, D, sint extremitates altitudinum homologæ. Dico in his centra gravitatis abesse proportionaliter à punctis A, D. Supponatur ABC, quantitas, cuiuscumque sit generis, appensa à puncto I, à quo descendat horizonti perpendicularis IO; QT, vero secet DE, in partes DQ, QE, proportionales ipsis AI, IB; sitque I, cen-



centrum æquilíbrij magnitudinis ABC. Dico quod Q, erit etiam centrum æquilíbrij magnitudinis EDF. Intelligantur enim segmenta AOI, IBCO, appensa æquilíbraliter à punctis L, K; sintque ipsis LI, IK, proportionales ipsæ PQ, QR. Partes etiam DTQ, TQEF, appensæ intelligantur à punctis P, R. Momentum magnitudinis COIB, ad momentum magnitudinis OAI, habet rationem compositam ex ratione grauitatis magnitudinis COIB, ad grauitatem magnitudinis OAI, & ex ratione distantie KI, ad distantiam IL, ex principio supposito. At vt grauitas magnitudinis IOCB, ad grauitatem magnitudinis OAI, sic grauitas molis FTQE, ad grauitatem molis TDQ, ex hypothesis: & pariter vt KI, ad IL, sic RQ, ad QP.

Bbb      Ergo


Ergo momentum molis BIOC, ad momentum molis IAO, componetur quoque ex rationibus grauitatis molis EQTF, ad grauitatem molis QDT, & RQ, ad QP. Sed ex eodem principio, etiam momentum magnitudinis TQEF, ad momentum magnitudinis DTQ, componitur ex iisdem proportionibus. Ergo ut momentum magnitudinis BIOC, ad momentum magnitudinis IAO, sic momentum molis EQTF, ad momentum molis QDT. Sed momenta molium BIOC, IAO, sunt æqualia. Ergo & momenta molium EQTF, QDT, æqualia erunt. Ergo Q, erit centrum æquilibrij molis DEF. Vnde tam in IO, quam in QT, erunt centra grauitatis ipsarum magnitudinum. Ergo ipsarum centra grauitatis aberunt proportionaliter à punctis A, D. Quod erat probandum.

Quam vero fecunda sit præsens propositio, ex inferioribus dicendis statim cõstabit. Quamplurium enim magnitudinum centra grauitatis, ex supra in alijs re-  
pertis, possunt adinueniri. Sit ergo.

## PROPOSITIO XIV.

*Centrum grauitatis cuiuslibet conoidis parabolici, cuius exponens sit numerus par, sic diuidit eius axim, ut pars ad verticem sit ad reliquam, ut dimidium numeri conoidis unitate auctum, ad dimidium numeri conoidis.*

**E**Sto conoides parabolicum quodcumque ABC, cuius exponens sit numerus par, sitque eius centrum



centrum grauitatis M. Dico BM, esse ad MD, vt dimidium numeri conoidis vnitae auctum, ad dimidium numeri conoidis. V. g. in conoide quadratico, vt 2. ad 1. In quadratoquadratico vt 3. ad 2. In quadratocubico vt 4. ad 3. Et sic in infinitum. Supponamus ABC, esse etiam parabolam, cuius exponens sit subduplus exponentis trilinei. Quoniam ex schol. 1. proposit. 3. huius, conoides & parabola sunt magnitudines proportionaliter analogæ. Ergo ex proposit. 12. erunt etiam proportionaliter analogæ in grauitate. Ergo ex proposit. anteced. eorum centra grauitatis aberunt proportionally à verticibus

bus B. Sed M, centrum grauitatis in parabola sic fecat BD, vt BM, sit ad MD, vt numerus parabolæ vnitate auctus ad numerum parabolæ ex schol. pri. proposit. 2. lib. 3. Ergo & in conoide. Sed numerus parabolæ est dimidium numeri conoidis. Ergo in conoide erit BM, ad MD, vt dimidium numeri conoidis vnitate auctum, ad dimidium numeri conoidis. Quod erat ostendendum.

## SCHOLIUM.

Patet ergo. proposit. 41. lib. 2. Lucae Valerij de cent. gra. & omnium illorum, qui probant in conoide parabolico quadratico, M, sic secare BD, vt BM, sit ad MD, vt 2. ad 1. esse nostræ collarium.

## PROPOSITIO XV.

*Centrum grauitatis excessus cylindri circumscripti conoidi antec. proposit. supra conoides, sic diuidit axim conoidis, vt pars ad verticem sit ad reliquam, vt dimidium numeri conoidis vnitate auctum, ad sesquialterum numeri conoidis vnitate auctum.*

**C**Onoidi ABC, antec. proposit. sit circumscriptus cylindrus EC, & F, sit centrum grauitatis excessus cylindri supra conoides. Dico BF, esse ad FD, vt dimidium numeri conoidis vnitate auctum

auctum ad sesquialterum numeri conoidis vnitatem auctum. V. g. in quadratice vt 2. ad 4. In quadrato quadratice vt 3. ad 7. In quadratocubico vt 4. ad 10. & sic in infinitum. Nam si supponamus, vt prius,  $ABC$ , esse parabolam, cuius exponens sit subduplus exponentis conoidis, &  $EC$ , esse parallelogrammum ei circumscriptum, patebit ex prop. 3. huius, & ex schol. prim. eiusd. excessum cylindri supra conoides, & excessum parallelogrammi supra parabolam, esse magnitudines proportionaliter analogas. Ergo & ex dictis in hoc libro, erunt magnitudines proportionaliter analogæ in gravitate. Ergo eorum centra gravitatis æqualiter aberunt à  $B$ . Sed ex schol. proposit. 8. lib. 3.  $F$ , centrum gravitatis excessus parallelogrammi supra parabolam, sic diuidit  $BD$ , vt  $BF$ , sit ad  $FD$ , vt numerus parabolæ vnitatem auctus, ad triplum numerum parabolæ vnitatem auctum. Ergo & in conoide. Sed quia numerus parabolæ est dimidium numeri conoidis, numerus parabolæ vnitatem auctus est dimidium numeri conoidis vnitatem auctum; sicuti triplus numerus parabolæ vnitatem auctus, est sesquialterum numeri conoidis vnitatem auctum. Quare patet propositum.

## SCHOLIUM.

sed ex doctrinis superius traditis, non modo habemus centra gravitatis prædicta, sed etiam centrum gravitatis frustorum conoideorum supra explicato-



catorum, contentorum inter duo plana basi parallela. V. g. si ducatur planum  $PMG$ , basi  $ADC$ , parallelum, habebimus centrum grauitatis frusti  $APGC$ . Ratio est, quia si supponamus  $ABC$ , esse etiam parabolam, cuius exponens sit subduplus numeri conoidis, segmentum  $APGC$ , parabola est, ex dictis, proportionaliter analogum in grauitate cum segmento  $APGC$ , conoidis. Cum ergo ex proposit. 10. lib. 3. assignatum sit centrum grauitatis segmenti  $APGC$ , parabola cuiuscumque, assignatum etiam erit centrum grauitatis segmenti  $APGC$ , conoidis cuiuscumque, cuius exponens sit numerus par.

Ex quibus patere potest proposit. 42. lib. 2. de cent. grau. Lucae Valerij, in qua probat  $H$ , centrum grauitatis segmenti  $APGC$ , conoidis parabolici quadratici, sic secare  $MD$ , ut  $MH$ , sit ad  $HD$ , ut duplum quadratum  $AD$ , cum quadrato  $PM$ , ad duplum quadratum  $PM$ , cum quadrato  $AD$ , esse veluti corollarium deductum ex nostra methodo vniuersali. Nam cum ductis  $AB$ ,  $BC$ , in parabola, segmentum  $APGC$ , sit magnitudo proportionaliter analogia in grauitate cum trapezio  $AkLC$ , ex superius dictis; cum  $H$ , centrum grauitatis trapezij sic diuidat  $MD$ , ut  $MH$ , sit ad  $HD$ , ut dupla  $AD$ , cum  $KM$ , ad duplam  $kM$ , cum  $AD$ , ut probatum est in schol. prim. præc. prop. 10. lib. 3. sequitur  $H$ , centrum grauitatis frusti conoidis quadratici sic secare  $MD$ . Sed cum ex genesi parabola,

læ, sit ut  $AD$ , ad  $kM$ , sic quadratum  $AD$ , ad quadratum  $PM$ ; unde est ut dupla  $AD$ , cum  $kM$ , ad duplam  $kM$ , cum  $AD$ , sic duplum quadratum  $AD$ , cum quadrato  $PM$ , ad duplum quadratum  $PM$ , cum quadrato  $AD$ . Ergo in frusto conoidis,  $MH$ , erit ad  $HD$ , ut duplum quadratum  $AD$ , cum quadrato  $PM$ , ad duplum quadratum  $PM$ , cum quadrato  $AD$ . Imò si  $MD$ , secetur in tres partes æquales  $MN$ ,  $NO$ ,  $OD$ , habebimus ex dictis in schol. citat.  $H$ , centrum frusti  $APGC$ , sic secare  $NO$ , mediam tertiam partem  $MD$ , ut  $NH$ , sit ad  $HO$ , ut quadratum  $AD$ , ad quadratum  $PM$ . Quod nō vidimus animaduertisse Lucam Valerium.


Sed centrum grauitatis, talis frusti cuiuscumque conoidis, cuius exponens sit numerus par, inuenitur alijs etiam duobus modis. Si enim conoides  $ABC$ , sit sectum plano  $HDk$ , plano  $AEC$ , parallelo, inueniemus priò sic eius centrum grauitatis.  $BE$ ,  $BD$ , secentur in  $Q$ , &  $S$ , ut tam  $BQ$ , sit ad  $QE$ , quam  $BS$ , ad  $SD$ , ut dimidium numeri conoidis vnitate auctum ad dimidium numeri conoidis. Ergo ex proposit. antec.  $S$ , &  $Q$ , erunt centra grauitatis conoideorum  $ABC$ ,  $HBk$ . Ratio  $AE$ , ad  $HD$ , continetur in tot terminos ut numerus eorum excedat ternario numerum conoidis, & sit vltimus minimus terminus  $L$ , fiatque ut excessus  $AE$ , supra  $L$ , ad  $L$ , sic  $SQ$ , ad  $QV$ . Dico  $V$ , esse centrum quaesitum. Cum enim, ex proposit. pri. lib. 2. sit conoides  $ABC$ , ad conoides  $HBk$ ,

vt potestas  $AE$ , duplo gradu altior potestate conoidis, ad similem potestatem  $HD$ , nempe vt  $AE$ , ad  $L$ . Ergo & diuidendo, erit  $AHKC$ , ad  $HBk$ , vt excessus  $AE$ , supra  $L$ , ad  $L$ ; nempe reciproce vt  $SQ$ , ad  $QV$ . Ergo  $V$ , erit centrum quæsitum.

Secundo. Reperiantur  $S$ , &  $Q$ , centra grauitatis conoideorum  $ABC$ ,  $HBK$ ; intellectoque conoide  $ADC$ , eiusdem generis cum prioribus, sic  $P$ , eius centrum grauitatis. Fiat vt  $BD$ , ad  $DE$ , sic  $PQ$ , ad  $QR$ . Ergo  $R$ , ubicunque cadat, erit centrum grauitatis  $ABCD$ , excessus conoidis  $ABC$ , supra conoides  $ADC$ . Quod patebit, quia supra factum est, vt  $BD$ , ad  $DE$ , sic  $PQ$ , ad  $QR$ .

Sed vt  $BD$ , ad  $DE$ , sic ex proposito. 3. lib. 2. huius, diuidendo,  $ABCD$ , ad conoides  $ADC$ . Ergo vt  $ABCD$ , ad  $ADC$ , sic reciproce  $PQ$ , ad  $QR$ . Ergo ex Archim.  $R$ , erit centrum grauitatis  $ABCD$ . Quod notetur, & seruetur.

Fiat vt rectangulum  $AOC$ , differentia inter quadrata  $AF$ ,  $HD$ , ad quadratum  $HD$ , sic  $SR$ , ad  $RT$ . Ergo  $T$ , erit centrum grauitatis excessus frusti  $AHKC$ , supra conoides  $ADC$ . Quod pariter sic patebit. Quoniam enim, vt patebit in sequenti proposito,  $ABCD$ , est ad  $HBk$ , vt quadratum  $AE$ , ad  $HD$ , quadratum. Ergo diuidendo, erit  $AHDkCD$ , ad  $HBk$ , vt rectangulum  $AOC$ , ad  $HD$ , quadratum; nempe ex constructione, vt  $SR$ , ad  $RT$ , reciproce. Sed  $R$ , est centrum totius  $ABCD$ ;  $S$ , est centrum conoidis  $HBK$ . Ergo  $T$ , erit



erit centrum solidi  $AHDkCD$ .

Tandem ratio  $AE$ , ad  $HD$ , continuetur in tot terminos, ut numerus eorum excedat numerum conoidis binario; &  $PT$ , sic dividatur in  $V$ ; ut  $PV$ , sit ad  $VT$ , ut duo ultimi minimi termini ad reliquos. Dico punctum  $V$ , esse centrum gravitatis queritum frustis  $AHkC$ . Quod sic patebit. Nam cum factum sit  $PV$ , ad  $VT$ , ut duo ultimi minimi termini inuenti ad reliquos; & cum ut tales duo minimi termini ad reliquos, sic ex corollar. proposit. 4. lib. 2.  $AHDkCD$ , ad  $ADC$ . Ergo erit reciproce, ut  $PV$ , ad  $VT$ , sic solidum  $AHDkCD$ , ad conoides

Ccc 2 ADC.

ADC. Ergo V, erit ex Archim. centrum quaesitum.


PROPOSITIO XVI.

*Siconoides quodcumque parabolicum secetur plano basi parallelo, & super eadem basi, circaque diametrum segmenti, constituatur aliud conoides eiusdem generis cum priori. Erit residuum totius conoidis, dempto ab eo secundo conoide, ad conoides ad verticem, ut basis conoidis, ad basim conoidis ad verticem.*

**E**Sto conoides parabolicum quodcumque ABC, quod sit sectum plano HDK, basi AEC, parallelo, sitque constitutum aliud conoides ADC, eiusdem generis cum prioribus. Dico solidum ABCD, esse ad conoides HBK, ut basis AEC, ad basim HDK, seu ut quadratum AE, ad quadratum HD. Ratio AE, ad HD, continetur in tot terminos, ut eorum numerus excedat numerum conoidis ternario, sitque ultimus minimus terminus M, L, verò sit ante penultimus, nempe excedens numerum conoidis unitate. Quoniam conoides ABC, est ad conoides ADC, ut BE, ad ED, ex proposit. 3. lib. 2. Ergo per conversionem rationis, & conuertendo, erit ABCD, ad ABC, ut DB, ad BE. Sed ut DB, ad BE, sic potestas HD, eiusdem grandis cum conoide, ad similem potestatem AE; & ut talis potestas ad talem potestatem, sic L, ad AE.

Ergo

FTVX 0 TB 209039




Ergo  $ABCD$ , erit ad  $ABC$ , vt  $L$ , ad  $AE$ . Verum conoides  $ABC$ , est ad conoides ad verticem  $HBk$ , ex proposit. prim. lib. 2. vt potestas  $AE$ , duplici gradu altior potestate conoidis, ad similem potestatem  $HD$ ; nempe vt  $AE$ , ad  $M$ . Ergo ex æquali, erit  $ABCD$ , ad  $HBk$ , vt  $L$ , ad  $M$ . Sed vt  $L$ , ad  $M$ , sic  $AE$ , ad tertiam proportionalem ipsarum  $AE$ ,  $HD$ ; & vt  $AE$ , ad talem tertiam, sic quadratum  $AE$ , ad quadratum  $HD$ . Ergo, & vt quadratum  $AE$ , ad quadratum  $HD$ ; nempe vt basis ad basim, sic  $ABCD$ , ad  $HBk$ . Quod &c.

PRO.

## PROPOSITIO XVII.

*Centrum gravitatis cuiuslibet conici, sic dividit eius axim, ut pars ad verticem sit ad reliquam, ut duplus numerus conici unitate auctus, ad unitatem.*



**S**it conicus quicumque  $ABC$ , sitque eius centrum gravitatis  $E$ . Dico  $BE$ , esse ad  $ED$ , ut duplus numerus conici unitate auctus, ad unitatem. Nempe in prim. conico, scilicet in cono, ut 3. ad 1. In sec. ut 5. ad 1. In tertio ut 7. ad 1. & sic in infinitum. Supponamus  $ABD$ , esse etiam trilineum, cuius exponens sit duplus numeri conici. Quoniam ex proposit. 4. huius, conicus  $ABC$ , & trilineum  $ABD$ ,

**A B D**, sunt magnitudines proportionaliter analogæ, & consequenter exproposit. 12. sunt proportionalkter analogæ in gravitate; ergo eorum centra secabunt **B D**, eodem modo. Sed ex schol. prim. proposit. 2. lib. 3. centrum **E**, trilinei **A B D**, sic diuidit **B D**, vt **B E**, sit ad **E D**, vt numerus trilinei vnitate auctus, ad vnitatem; qui numerus trilinei vnitate auctus, quoniam numerus trilinei duplus est numeri conici; est duplus numerus conici vnitate auctus. Ergo **E**, centrum gravitatis conici, sic diuidet **B D**, vt **B E**, sit ad **E D**, vt duplus numerus conici vnitate auctus ad vnitatem. Quod, &c.

## SCHOLIUM.

Patet ergo proposit. 39. Lucæ Valerij lib. pri. de cent. grauit. & omnium illorum, qui probant, centrum gravitatis conici sic secare axim, vt pars ad verticem sit ad reliquam vt 3. ad 1. esse nostræ corollarium.

## PROPOSITIO XVIII.

*Centrum gravitatis excessus cylindri circumscripti cuiilibet conitorum supra ipsam; sic diuidit axim conici; vt pars ad verticem sit ad reliquam; vt duplus numerus conici vnitate auctus, ad duplum numerum conici ternario auctum.*

Conico



**C**onico  $ABC$ , antec. proposit. sit circumscriptus cylindrus  $FG$ , &  $H$ , sit centrum gravitatis excessus cylindri  $FC$ , supra conicum  $ABC$ . Dico  $BH$ , esse ad  $HD$ , ut duplus numerus conici unitate auctus, ad duplum numerum conici ternario auctum. V. g. in pri. annulo ut 3. ad 5. In sec. ut 5. ad 7. In tert. ut 7. ad 9. Et sic in infinitum. Nam supponamus, ut prius,  $ABD$ , esse etiam trilineum, cuius exponens sit duplus numeri conici &  $FD$ , esse parallelogrammum sibi circumscriptum. Parebit ex schol. pri. proposit. 4. huius. Excessum cylindri supra conicum, & semiparabolam  $FBA$ , esse magnitudines proportionaliter analogas; & consequenter, ex dictis, esse etiam magnitudines proportionaliter analogas in gravitate. Ergo eorum centra gravitatis aberunt æqualiter à  $B$ . Sed ex schol. 2. proposit. 2. lib. 3. centrum æquilibrij semiparabolæ  $FBA$ , sic diuidit  $FA$ , v. g. in  $k$ , ut  $Fk$ , sit ad  $kA$ , ut numerus parabolæ unitate auctus, ad numerum parabolæ ternario auctum; qui numerus parabolæ unitate auctus, est duplus numerus annuli unitate auctus, quia numerus parabolæ supponitur duplus numeri annuli, sicuti propter eandem causam, numerus parabolæ ternario auctus, est duplus numerus annuli ternario auctus. Ergo  $H$ , centrum gravitatis prædicti annuli, sic secabit  $BD$ , ut  $BH$ , sit ad  $HD$ , ut duplus numerus annuli unitate auctus, ad duplum numerum annuli ternario auctum. Quod &c.

(C. 10.)


SCHO-

## SCHOLIUM

Sed etiam nunc, ex doctrinis supra traditis, non modo habemus centra grauitatis prædicta, sed etiam aliorum solidorum, quæ nunc explicabimus. Primo habebimus centrum grauitatis frusti cuiuscumque conici, resecti plano basi parallelo. V. g. si conicus  $ABC$ , secetur plano  $LHM$ , basi  $ADC$ , parallelo, habemus centrum grauitatis frusti  $ALMC$ . Hoc autem centrum tribus modis habetur. Primo, quia cum, ex superius dictis, pateat, frustum conicum  $ALMC$ , esse proportionaliter analogum in grauitate cum trapezio  $ALHD$ , cuius exponens sit duplus exponentis frusti, & cum trapeziji cuiuscumque inuentum sit centrum æquilibrj in diametro  $HD$ , in proposit. 12. lib. 3. inuentum erit consequenter centrum grauitatis frusti conici  $ALMC$ . Secundo inuenietur sic. Tam  $BD$ , quam  $BH$ , sic secentur in  $O$ ,  $N$ , ut  $BO$ , ad  $OH$ , &  $BN$ , ad  $ND$ , sint ut duplus numerus conici vnitatem auctus ad vnitatem. Ergo ex proposit. 17.  $O$ , &  $N$ , erunt centra grauitatis conicorum  $ABC$ ,  $LBM$ . Fiat autem, ut excessus potestatis  $DB$ , duplici gradu altioris potestate conici, supra similem potestatem  $BH$ , ad ipsam potestatem  $BH$ , sic  $ON$ , ad  $NE$ . Punctum  $E$ , erit centrum grauitatis frusti  $ALMC$ . Nam cum ex schol. proposit. 1. lib. 2. sit ut potestas  $DB$ , duplici gradu altiori potestate conici, ad simi-

Ddd      lem

lem potestatem  $BH$ , sic conicus  $ABC$ , ad conicum  $LB M$ . Ergo diuidendo, erit  $ALMC$ , ad  $LB M$ , vt excessus potestatis  $DB$ , gradus explicati, supra similem potestatem  $BH$ , ad similem potestatem  $BH$ ; nempe ex constructione, reciproce, vt  $ON$ , ad  $NE$ . Patet ergo, quod si supponamus  $ABC$ , conum esse; ex dictis  $HO$ , esse quartam. partem  $BH$ ; & esse  $ON$ , ad  $NE$ , vt excessus cubi  $DB$ , supra cubum  $BH$ , ad cubum  $BH$ . Componendoque, esse  $OE$ , ad  $EN$ , vt cubus  $DB$ , ad cubum  $BH$ . Vnde patet, proposit. 25. lib. 3. de cent. grau. Lucæ Valerij, in qua ait. *Omnis frustū conī, centrum grauitatis est punctum illud, in quo eius axis sic diuiditur, vt pars, quæ minorem basim attingit assumens quartam partem axis ablati conī, sit ad eam, quæ inter postremam sectionem, & quartæ partis abscissa ad basim axis totius conī terminum interijcitur, vt cubus, qui sit ab axe totius, ad cubum, qui sit ab axe ablati conī.* esse huius veluti corollarium. Tertio, sint  $O$ , &  $N$ , centra conicorum  $ABC$ ,  $LB M$ , vt prius; & intellecto conico  $AHC$ , eiusdem gradus cum prioribus, sit eius centrum grauitatis  $Q$ . Si ergo fiat vt  $BH$ , ad  $HD$ , sic  $QN$ , ad  $NR$ . Erit  $R$ , centrum grauitatis solidi  $ABCH$ . Nam ex proposit. 3. lib. 2. est diuidendo,  $ABCH$ , ad  $AHC$ , vt  $BH$ , ad  $HD$ ; nempe reciproce vt  $QN$ , ad  $NR$ . Fiat  $SD$ , æqualis  $LH$ , & fiat vt rectangulum  $ASC$ , ad quadratum  $LH$ , sic  $OR$ , ad  $RT$ . Ergo  $T$ , erit centrum grauitatis solidi  $ALMCH$ . Cum enim sit (vt probabitur in proposit. sequent.)  
foli-




solidum  $ABCH$ , ad conicum  $LBM$ , ad verticem, ut quadratum  $AD$ , ad quadratum  $LH$ . Erit diuidendo, solidum  $ALMCH$ , ad  $LBM$ , ut rectangulum  $ASC$ , ad quadratum  $LH$ ; nempe ex constructione, reciprocè, ut  $OR$ , ad  $RT$ . Tandem ratio  $DB$ , ad  $BH$ , continuetur in tot terminos, ut numerus eorum excedat duplum numerum conici unitate; &  $QT$ , sic secetur in  $V$ , ut fiat ut omnes hæc proportionales præter  $DB$ , ad  $DB$ , sic  $QV$ , ad  $VT$ . Dico punctum  $V$ , esse quæsitum centrum. Et enim, ex corollar. proposit. 5. lib. 2. patet esse omnes illas proportionales inuentas absque  $DB$ , ad  $DB$ , ut solidum  $ALMCH$ , ad conicum  $AHC$ . Ergo erit reciprocè, ut  $ALMCH$ , ad  $AHC$ , sic

Ddd 2       $QV$ ,

QV, ad VT. Quare patet propositum.

Secund. in figura sequenti, habemus centrum grauitatis annuli lati ex portione LPA, parabolæ cuiuscumque, reuoluta circa GD. Ratio est, quia talis annulus, est, ex dictis, magnitudo proportionaliter analogâ in grauitate cum portione simili parabolæ, cuius exponens sit duplex exponentis annuli.



Sed portiois LPA, parabolæ cuiuscumque, est in-  
uentum in proposit. 14. lib. 3. centrum grauitatis in  
basi

basi LA. Ergo consequenter erit inuentum centrum grauitatis annuli ex LPA, in GD.

Imò ex eadem proposit. est etiam inuentum centrum grauitatis annuli stricti ex segmento EBPL, ad diametrum reuoluto circa BG:

Ex proposit. 19. lib. 3. inuentum est centrum grauitatis annuli stricti ex RBPL, portione maiori cuiuscumque parabolæ, reuoluta circa SG.

Ex proposit. autem 21. eiusdem libri, inuentum est centrum grauitatis annuli stricti ex segmento ITBPL, reuoluto circa SD.

Tandem si mente concipiamus inter plana ITX, EBK, traicialiud planum ipsi EBK, parallelum; inuentum erit ex proposit. 17. lib. 3. centrum grauitatis partis annuli contentæ inter planum ductum, & planum ITX.

## PROPOSITIO XIX.

*Si conicus quicumque secetur plano basi parallelo, & super eadem basi, circaque diametrum segmenti constituatur alius conicus eiusdem generis cum priori. Erit residuum totius conici, dempto ab eo secundo conico, ad conicum ad verticem, ut basis conici, ad basim conici ad verticem.*

**E**Sto conicus ABC, in schem. posito pag. 395. qui sit sectus plano LHM, basi ADC, parallelo, & intelligamus alium conicum AHC, eiusdem ordi-

ordinis cum  $ABC$ . Dico solidum  $ABCH$ , esse ad conicum ad verticem  $LBM$ , vt basis  $ADC$ , ad basim  $LHM$ . Ratio  $DB$ , ad  $BH$ , continetur in tot terminos vt numerus eorum excedat duplum numerum conici binario, & sint duo vltimi minimi termini  $X$ ,  $Z$ . Quoniam enim exproposit. 3. lib. 2. conicus  $ABC$ , est ad conicum  $AHC$ , vt  $BD$ , ad  $DH$ . Ergo per conuersionem rationis, & conuertendo, erit  $ABCH$ , ad  $ABC$ , vt  $BH$ , ad  $BD$ . Sed quoniam, exproposit. 2. eiusdem lib. 2.  $ABC$ , est ad  $LBM$ , vt potestas  $DB$ , cuius numerus sit duplus vnitate ductus numeri conici, ad similem potestatem  $BH$ ; & vt talis potestas ad talem potestatem, sic  $DB$ , ad  $Z$ . Ergo  $ABC$ , erit ad  $LBM$ , vt  $DB$ , ad  $Z$ . Ergo ex aequali, erit  $ABCH$ , ad  $LBM$ , vt  $BH$ , ad  $Z$ . Sed vt  $BH$ , ad  $Z$ , sic  $DB$ , ad  $X$ , quia tot proportionales interijciuntur inter secundum terminum  $HB$ , & vltimum  $Z$ , ac inter primum  $DB$ , & penultimum  $X$ . Ergo  $ABCH$ , erit ad  $LBM$ , vt  $DB$ , ad  $X$ . Sed  $Z$ , est vltimus terminus terminorum excedentium duplum numerum conici binario. Ergo  $X$ , excedet duplum numerum conici vnitate. Ergo ratio  $DB$ , ad  $X$ , erit duplicata rationis  $DB$ , ad talem terminum prædictæ seriei, qui excedat numerum conici vnitate. Sed quoniam ex natura parabolarum, & trilineorum explicata, est  $AD$ , ad  $LH$ , vt potestas  $DB$ , eiusdem gradus cum parabola ad similem potestatem  $BH$ ; & vt talis potestas ad talem potestatem, sic  $DB$ , ad talem terminum prædictæ seriei, cuius

ius numerus excedat numerum conici vnitate. Ergo AD, ad LH, erit vt DB, ad illum terminum excedentem vnitate numerum conici. Ergo & quadratum AD, erit ad quadratum LH, vt DB, ad X, ad quam habet duplicatam rationem illius, quam habet ad illum terminum. Sed vt DB, ad X, ita probatum est esse ABCH, ad LBM; & vt quadratum AD, ad quadratum LH, ita basis ADC, ad basim LHM. Ergo vt basis ADC, ad LHM, sic ABCH, ad LBM. Quod erat ostendendum.

## PROPOSITIO XX.

*Variorum segmentorum sphaera, sphaeroidis, & excessus cylindri supra duos conos inuersed positos, quorum bases oppositae bases cylindri, vertex vero medium punctum axis cylindri, assignare centrum grauitatis.*

**P**Robauimus supra in proposit. 8. & in scholijs eiusdem, sphæram, sphæroides, & excessum cylindri supra duos conos, esse magnitudines proportionaliter analogas, & inter se, & cum parabola quadratica, tam secundum totum, quam secundum partes (si parabola secetur lineis diametro parallelis, secantibus proportionaliter basim parabolæ, & diametrum, seu axim prædictorum solidorum.) Ergo, ex superioribus, erunt etiam omnia hæc proportionaliter analogia in grauitate. Ergo habito centro grauitatis vnus illorum tam secundum totum, quam secun-




secundum partes, habebimus etiam centrum grauitatis aliorum, &c. Cum autem supra assignata sint centra æquilibrij parabolæ quadraticæ, variarumque eiusdem partium, appensarum secundum basim; ex ipsis centris inuentis, deducuntur centra talium solidorum. Explicabimus autem hæc tantum in sphæra, & quæ de ipsa dicentur, intelligenda etiam erunt & de sphæroide, & de illo excessu.

Esto ergo  $ABC$ , hemisphærium, &c. Dico primo, quod si  $BE$ , eius axis sic secetur in  $T$ , ut  $BT$ , sit ad  $TE$ , ut 5. ad 3.  $T$ , erit centrum grauitatis hemisphærij. Nam si supponamus  $ABE$ , esse semiparabolam quadraticam, cuius basis  $BE$ . Erit ex schol. 2. proposit. 2. lib. 3.  $T$ , centrum æquilibrij semiparabolæ.

Sed intelligamus hemisphærio circumscriptum cylindrum  $kC$ , & supponamus  $N$ , esse centrum grauitatis excessus cylindri supra hemisphærium, seu hemisphæroides  $ABC$ , & etiam coni, cuius basis  $kBM$ , axis  $BE$ . Dico  $EN$ , esse ad  $NB$ , ut 3. ad 1. Deducitur ex schol. 1. eiusdem prop. Quia centrum æquilibrij trilinei quadratici  $AkB$ , in prædicta ratione secat  $AK$ .

Item ex eodem scholio habemus, quod ducto plano  $G FH$ ,  $AC$ , parallelo; centrum grauitatis, excessus cylindri  $GC$ , supra segmentum  $AOPC$ , quod sit  $S$ , sic diuidit  $EF$ , ut  $ES$ , sit ad  $SF$ , ut 3. ad 1. Patet, quia talis excessus est proportionaliter analogus in grauitate cum trilineo  $AGO$ .

Si



Si autem supponamus  $N$ , &  $S$ , esse centra prædicta, & fiat  $SN$ , ad  $NQ$ , ut excessus cubi  $kA$ , seu  $BE$ , supra cubum  $EF$ , ad cubum  $EF$ .  $Q$ , erit centrum gravitatis excessus cylindri  $KH$ , supra portionem hemisphærij, seu hemisphæroidis  $OBP$ , & frusticoni, cuius basis  $KM$ , vertex  $E$ , quod frustum continetur inter plana  $kM$ ,  $GH$ . Hoc deducitur ex schol. 2. proposit. 12. 3. Quia centrum æquilibrij trapezij  $kGOB$ , parabolæ quadraticæ secat  $kG$ , in eadem proportionem.

Ex schol. 1. proposit. 14. lib. 3. elicietur, centrum gravitatis portionis  $OBP$ , esse in  $BF$ , prius secta bifariam in  $N$ ; deinde secta  $NB$ , in  $Q$ , secundum centrum gravitatis trapezij  $kGOB$ ; tandem in puncto  $R$ , in quo  $FN$ , dimidium axis portionis sic diuiditur, ut  $QN$ , sit ad  $NR$ , ut excessus triplæ  $BE$ , supra  $BE$ ,  $EF$ , & harum  
 E c c ter-

tertiam minorem proportionalem, ad has tres proportionales.

Ex schol. 1. proposit. 16. 3. centrum grauitatis segmenti  $AOPC$ , est in  $FE$ , prius secta bifariam in  $T$ ; postea sic in  $S$ , vt  $FS$ , sit quarta pars  $FE$ ; tandem secta  $TE$ , in tali puncto  $V$ , vt  $ST$ , quarta pars  $FE$ , sit ad  $TV$ , vt dupla  $BE$ , cum excessu  $BE$ , supra tertiam continuè minorem proportionalem ipsarum  $BE$ ,  $EF$ , ad hanc tertiam. Ratio est, quia  $V$ , est etià centrum æquilibrij suppositi segmenti parabolici ad diametrum  $AOF E$ . Imo cum in calce eiusdem scholij sit adnotatum ex schol. 2. & 3. proposit. 10. lib. 1. posse inueniri alio modo centrum grauitatis talis segmenti  $AOF E$ , parabola quadratice, eodem etià modo poterit reperiri  $V$ , centrum grauitatis segmenti hemisphærij, &c.

Sed supponamus, hemisphærium cum cylindro secari alio plano  $DQ$ , parallelo  $AC$ . Ratio autem  $BE$ , ad  $EZ$ , continuetur in  $I$ ; & fiat vt  $ZE$ , ad  $EF$ , sic  $I$ , ad  $R$ , &  $R$ , ad  $S$ . Centrum grauitatis segmenti intermediij  $OLNP$ , erit in  $ZF$ , prius secta bifariam in  $T$ ; postea in  $V$ , secundum centrum grauitatis trapezij parabolici  $DGOL$ , seu excessus cylindri  $DH$ , supra segmentum  $OLNP$ : tandem sic in  $X$ , tali puncto in dimidia  $TF$ , vt  $VT$ , sit ad  $TX$ , vt excessus triplæ  $EB$ , supra tres  $I, R, S$ , ad ipsas. Vel  $X$ , centrum grauitatis prædicti segmenti sic locatum erit, vt  $VT$ , sit ad  $TX$ , vt trian-

gula






triplex ipsarum SQ, RF; postea secta sic RS, in Y, (quod erit centrum grauitatis excessus cylindri VH, supra segmentum) vt RY, sit ad YS, vt cubus QE, ad cubum EF; tandem in T, puncto in FI, dimidia totius axis segmenti attingente minorem basim, in quo sic diuiditur, vt YI, sit ad IT, vt 3 \*, cum dupla BE, seu cum BD, & cum excessu BE, supra 4, ad \*\*, vna cum 4. Omnia dependent ex proposito. 21. lib. 3.

## PROPOSITIO XXI.

*Omnis portionis, & omnis sectoris Ellipsis, centrum grauitatis reperire.*

**S**It Ellipsis, cuius quælibet portio CAD, diameter AB; & huius portionis sit inueniendum centrum grauitatis (sufficit enim inuenire centrum grauitatis tantum vnus portionis, ex tali enim centro inuento, patebit modus inueniendi centrum cuiuscumque portionis, & etiam cuiuslibet sectoris). Super diametro AB, fiat circulus cadens intra, vel extra ellipsim, & secans CD, etiam productam si opus sit, in F, G. Portionis FAG, circuli, sit centrum grauitatis H. Dico H, esse centrum grauitatis etiam portionis ellipsis CAD. Patet ex superius dictis; illæ enim circuli, & ellipsis portiones, sunt magnitudines proportionaliter analogæ in grauitate. Qua-



Quare patet propositum. Cum ergo res sit de se euidens, in eius explicatione non est amplius immorandum.

## SCHOLIUM.

Hæc sunt, benigne lector, quæ pro hac vice, determinauimus tibi communicare. Statueramus ab initio, etiam conscribere librum quintum de infinitis spiralibus; ac quoniam nobis interest quam citius præsentem librum publicam lucem intueri, ideo determi-

terminauimus hunc pro sequenti anno referuare. Huic attamen affociabimus alium libellum, in quo agetur de centro grauitatis hyperbolæ, & nonnulla trademus, quæ tibi haud iniucunda fore arbitramur. Imò aliquam doctrinam in hoc libro traditam ampliabimus. Hæc potuissent conscribi simul cum his, & magis, magisque emicuissent superius tradita. Attamen etiam sequenti anno, fecunditas doctrinarum in hoc opere explicatarum, magis, magisque apparebit. An autem in præsentī libro à nobis elaborata tibi pergrata futura sint, ignoramus. Vnum autem nobis sufficiat, nimirum in hoc opere contenta, non displicuisse Excellentissimo Viro, condiscipuloque nostro amantissimo Petro Mengolo, Bononiæ publicè Mathesim profitente; cui ut in plurimis scientijs, ita in Mathematicis neminem quis rectè anteposuerit. Quam plurimos in hoc libro errores reperiēs, haud tamen considerationis multæ. De duobus vero cupimus te monitum esse. Primum est, quod pag. 92. schema ibi appositum non est proprium, sed debet conspici illud pag. 90. Hoc autem factum est thypographi incuria. Secundum est, quod in schema pag. 162. linea curua GC, debet transire per intersectionem linearum MB, HF, quod pariter à sculptore originem duxit. Reliquos quos adinuenies, partim sunt proprij, partim ab ipsa impressione inseparabiles. Pro proprijs vero arbitramur facile nos à tè posse veniam impetrare, si alicuius operis impressionem aliquando expertus fueris, præ-



præcipue mathematicæ, & subtilis speculationis. In  
correctione etenim, intellectus auctoris sic est ab-  
stractus, sicque incumbit substantiæ, ut impossibile  
propemodum sit vnica reuisione, qualis nostra fuit,  
omnia adnotare. Vale.

**FINIS.**